

3 1761 07974514 7

UNIVERSITY
OF
TORONTO
LIBRARY

LL
S9449Wo

C. SUETONII TRANQUILLI
O P E R A

TEXTU AD CODD. MSS. RECOGNITO

CUM

IO. AUG. ERNESTII
ANIMADVERSIONIBUS
NOVA CURA AUCTIS EMENDATISQUE

ET

ISAACI CASAUBONI
COMMENTARIO

EDIDIT

FRID. AUG. WOLFIUS.

INSUNT

RELIQUIAE
MONUMENTI ANCYRANI

ET

FASTORUM PRAENESTINORUM.

VOL. II.

LIPSIAE
IMPENSIS CASP. FRITSCH.
1892.

$$\begin{array}{r} 22450 \\ \hline 23 \overline{) 3692} \end{array}$$

S U E T O N I I
L I B E R Q U I N T U S .

TIB. CLAUD. DRUSUS CAESAR.

Patrem Claudii Caesaris Drusum, olim Decim-
um, mox Neronem praenomine, Liviā, quum
Augusto gravida nupsisset, intra mensem tertium
peperit; fuitque suspicio, ex vitrico per adul-
terii consuetudinem procreatum. Statim certe
vulgatus est versus:

Τοῖς εὐτυχοῦσι καὶ τρίμηνα παῖδιά.

Is Drusus in quaesturae praeturaeque honore
dux Raetici, deinde Germanici belli, Ocea-
num septemtrionalem primus Romanorum du-

Cap. 1. *Intra mensem ter-
tium*] Pontanus dubitationem
commovit contra hunc locum
ex Aug. c. 65., quod ibi infans
immaturus editus dicitur, in
quo valde hic aestuat Burman-
nus, quasi immaturus dicatur
partus Drusi, ratione Augusti,
qui eum e legibus non potuif-
set pro suo agnoscere, etsi fe-
cisset: immemor eorum, quae
iple ad locum in Augusto di-
xit, ubi verum vidit. Nempe
immaturus partus est ibi, an-

te maturitatem per abortum
editus, adeoque non vitalis.
ERN.

*Statim certe vulgatus est
versus*] Mf. Lyser. et Vindob.
sec. *statimque vulgatus est
versus*, quod non displicet,
etsi duplex *que* non suave est.
Contra mox *que* in *transque*
delevi, quod a melioribus Mff.
et edd. pr. abest. ERN. *Sta-
tim certe* habet Longol. quo-
que cum plerisque aliis, nec
ulla causa est, cur mutetur.

cum navigavit: trans Rhenum fossas novi et immensi operis effecit, quae nunc adhuc Drusinae vocantur: hostem etiam frequenter caesum, ac penitus in intimas solitudines actum, non prius desistit insequi, quam species barbarae mulieris, humana amplior, victorem tendere ultra, sermone Latino prohibuisset. Quas ob res ovandi ius et triumphalia ornamenta praecepit; ac post praeturam, confestim inito consulatu, atque expeditione repetita, supremum diem morbo obiit in aestivis castris, quae ex eo *scelerata* sunt appellata. Corpus eius per municipiorum coloniarumque primores, suscipientibus obviis scribarum decuriis, ad Urbem devectum, sepultumque est in campo Mar-

Etiam *transque* non temere reiciendum, et est in eodem Longol.

Drusinae] Putatur esse alveus Rheni, quo Isalae infunditur; atque ipsius Isalae alveus ampliatus, ut aquam e Rheno influentem capere posset; quod alioqui non posset *immersum opus* vocari. Vide Cellarium Geographi. Ant. T. I. p. 210. et Altingium Deser. Agr. Bat. et Fris. secundum Antiqu. p. 115. ERN.

Scelerata] Eo sensu, quo porta *scelerata* Romae, per quam Fabii exierant, h. e. calamitosa, et calamitate aliqua insigni accepta infamis. Vide Fabrenti Inscripitt. p. 237. ERN.

Scribarum decuriis] Ti-

rones videant Clav. Cic. in h. v. Conf. ad Aug. c. 57. ERN.

Ad Urbem] Casaubonus interpretatur, *in Urbem*, ut pro rostris landaretur ante, quam in Martio campo combureretur. Recte. Sed e Pedonis Consolatione ad Liviam v. 207. 208. licet colligere, ex Urbe in campum delatum esse ab equitibus. Nam post illatum Urbi Drusum inquit:

*Certat onus lecti generosa
subire iuventus,*

*Et findet officio sedula
colla dare.*

Eius rei auctor etiam Dio lib. 55. init., qui scribarum mentionem omisit, ut Suetonius Equitum. ERN. Conf. Perizon. ad Sanct. 4, 6, 1.

tio. Ceterum exercitus honorarium ei tumultum excitavit; circa quem deinceps statim die quotannis miles decurreret, Galliarumque civitates publice supplicarent. Praeterea Senatus inter alia complura, marmoreum arcum cum tropaeis via Appia decrevit, et Germanici cognomen ipsi posterisque eius. Fuisse autem creditur non minus gloriosi, quam civilis animi. Nam ex hoste super victorias opima quoque spolia captasse, summoque saepius discrimine duces Germanorum tota acie infectatus: nec dissimulasse unquam, pristinum se reipublicae statum, quandoque posset, restitutum. Unde existimo, nonnullos tradere aulos, suspectum eum Augustio, revocatumque ex provincia; et, quia cunctaretur, interceptum veneno. Quod equidem magis, ne praetermitterem, retuli, quam quia verum aut verisimile putem; quum Augustus tanto opere et vivum dilexerit, ut coheredem semper filiis instituerit, sicut quondam in Senatu professus est, et defunctum ita pro concione laudaverit, ut deos precatus sit, *similes ei Caesares suos facerent, sibi que tam honestum quandoque exitum darent, quam illi dedissent.* Nec contentus, elogium tumulo

Honorarium tumultum] Cuius hodie quoque vestigia superesse creduntur in nomine loci, qui vocatur *Drusiloch*, h. e. Drusi locus. ERN.

Quandoque posset, restitutum] Casauboni lectionem dedimus. *statum quandoque restitutum.* Alii scr. et edd. variant. Illud *si posset*, post

restitutum, notam glossatoris sapit. Ms. Lyser. delet: sed et *quandocunque* habet, ut alii, quod est e glossa pro *quandoque*. ERN. Quod nos edidimus, plures firman libri, atque inde corruptae erant vulgares scripturae. Alia vi *quandoque* dicitur mox et c. 3.

eius versibus a se compositis exsculpsisse, etiam vitae memoriam prosa oratione composuit. Ex Antonia minore complures quidem liberos tulit; verum tres omnino reliquit, Germanicum, Livillam, Claudium.

- 2 Claudius natus est, Iulo Antonio, Fabio Africano, Consulibus, Kalendis Augustis, Lugduni, eo ipso die, quo primum ara ibi Augusto dedicata est: appellatusque Tiberius Claudius Drusus. Mox, fratre maiore in Iuliam familiam adoptato, Germanici cognomen assumpsit. Infans autem relictus a patre, ac per omne fere pueritiae atque adolescentiae tempus variis et tenacibus morbis conflictatus est; adeo ut animo simul et corpore hebetato, ne progressa quidem aetate ulli publico privatove muneri habilis existimaretur. Diu, atque etiam post tutelam receptam, alieni arbitrii, et sub paed-

Exsculpsisse] Haec est lectio codd. et edd. plurimarum, posita pro *insculpsisse*, quod habent quaedam edd. Alia huius significationis exempla Lexica suppeditabunt. ERN.

Cap. 2. *Iulo Antonio]* De Torrentii et aliorum sententia scripsi *Iulo* pro *Iulio*, etli re-fragantibus Mss. omnibus. Est is Col. a. U. 744., cuius Horat. Carm. 4, 2. Tac. Ann. 1, 10. et alii meminerunt. Librariis tale vitium imputari potest, non veteri scriptori.

Quo primum ara ibi Augusto dedicata est] Haerent in hoc loco Viri docti, et Sue-

tonium facere dedicationem putant aerae duobus annis seriorum; quasi dicat, eodem die et aram illam dedicatam, et Claudium natum esse. Sic non addidisset *primum*. Intellige diem anniversarium illius dedicationis. ERN.

Privatoque] Sic e Mss. Lyser. dedi pro *privatoque*, quod et res posulat. ERN.

Post tutelam receptam] Posteaquam tutelam sui, quam alii adhuc sustinuerant, recepit, h. e. suae tutelae factus est: ut *legibus reddi* dicuntur, qui delinunt sub regio imperio vivere, et ad legum impe-

gogo fuit; quem *barbarum et olim superiumentarium, ex industria sibi appositum, ut se quibuscumque de causis quam saevissime coerceret*, ipse quodam libello conqueritur. Ob hanc eandem valetudinem et gladiatorio munere, quod simul cum fratre memoriae patris edebat, palliolatus novo more praeedit; et togae virilis die, circa mediam noctem, sine sollemni officio, lectica in Capitolium latus est.

Disciplinis tamen liberalibus ab aetate prima non mediocrem operam dedit, ac saepe experimenta cuiusque etiam publicavit. Verum ne sic quidem quidquam dignitatis assequi, aut spem de se commodiorem in posterum facere potuit. Mater Antonia *portentum eum hominis* dictitabat, *nec absolutum a natura, sed tantum inchoatum*; ac, si quem socordiae argueret, *stultiorem* aiebat *filio suo Claudio*. Avia Augusta pro despectissimo semper habuit: non affari, nisi rarissime; non monere, nisi acerbis et brevi scripto, aut per internuntios, soli-

rium veniunt. Numquam haesistem in hoc loquendi genere, quod Burmannus non concoquebat. Mf. Lyser. *delet atque*; post *et ante sub*. Bene. ERN. Erravit Burmannus. Vide Cic. de Or. 1, 59. Nepos Eum. 2. et ibi Bos. *Tutelam recipit*, qui sub aliena tutela esse desinit.

Eandem] Mf. Lyser. *tandem*. Non male, opinor. Sic et Vin-
dob. sec. ERN. Merum mendum.

Palliolatus] H. e. tectus

caput palliolo, quod facere solebant molles, meretrices, et, quod ad h. l. pertinet, aegroti. Vide Heinsum ad Ovid. Art. am. 1, 734. et Salmasium, iam laudatum ab aliis, ad Vopisci Aurelian. c. 45. ERN.

Cap. 3. *Publicavit*] Pro *in publicum edidit*, more aetatis argenteae dicitur. Melior aetas tantum dixit, pro *aerario addicere*, aut populo addicere, *publicum facere*, quod sciam. ERN.

ta. Soror Livilla quum audisset, ipsum quandoque imperaturum, tam iniquam et tam indignam sortem populi Romani palam et clare detestata est. Nam et avunculus maior Augustus, quid de eo in utramque partem opinatus sit, quo certius cognoscatur, capita ex ipsius epistolis posui.

4 Collocutus sum cum Tiberio, ut mandasti, mea Livia, quid nepoti tuo Tiberio faciendum esset ludis Martialibus. Consentit autem uterque nostrum, semel esse nobis statuendum, quod consilium in illo sequamur. Nam si est ἄρτιος, et, ut ita dicam, ὁλόκληρος, quid est, quod dubitemus, quin per eosdem articulos et gradus producendus sit, per quos frater eius productus fuit? Sin autem ἐλαττωσθαι sentimus eum, καὶ βεβλάσθαι, καὶ εἰς τὴν τοῦ σώματος, καὶ εἰς τὴν τῆς ψυχῆς ἀρτιότητα, praebeunda materia deridendi et illum

Ipsum quandoque imperaturum] Addidi ipsum e Mf. Lyser. Pronomen hic durius absit, praesertim apud Suetonium. ERN. Absit tamen a plurimis Mff., nec magnum eius usum video.

Detestata est] Detestatio talis fiebat formulis quibusdam raris: *Dii avertant, Dii faciant melius* etc. ERN.

Cap. 4. Ὀλόκληρος] Hoc verbum mihi semper suspectum fuit. Putem adpositum margini, ut esset interpretatio rarioris paullo verbi ἄρτιου, cuius mox etiam substantivo utitur: sunt enim plane synonyma,

nec ulla est vis in eorum coniunctione, quam debebat ea habere, si esset legitima. Videtur igitur e glossario aliquo adscripta ea vox esse. Hesychius quidem: ἄρτιον, ὕγιές, ὁλόκληρον. Indicat etiam omissio copulae, ERN. Hanc adieci cum Beroaldo, vitiose omissam ante ut. Vere enim Dorvillius monuit, S. addidisse *ut ita dicam*, quia ὁλόκληρος minus proprie de animo dicatur.

Sin autem ἐλαττωσθαι] Notabile de imbecillitate: mentem imminutam dicit Tac. Ann. 6, 46., scilicet ex Graeco.

et nos non est hominibus, τὰ τοιαῦτα σιώπτειν, καὶ μυκτηρίζειν εἰωθόσιν. Nam semper aestuabimus, si de singulis articulis temporum deliberabimus, μὴ προὔπκειμένου ἡμῶν, posse eum gerere honores arbitremur, nec ne. In praesentia tamen quibus de rebus consulis, curare eum ludis Martialibus triclinium sacerdotum, non displicet nobis, si est passurus, se ab Silani filio, homini sibi affini, admoneri, ne quid faciat, quod conspici et derideri possit. Spectare eum Circenses ex pulvinari, non placet nobis. Expositus enim in prima fronte spectaculorum conspicietur. In Albanum montem ire eum, non placet nobis, aut esse Romae Latinarum diebus. Cur enim non praescitur Urbi, si potest fratrem suum sequi in montem? Habes nostras, mea Livia, sententias, quibus placet semel de tota re aliquid consilui, ne semper inter spem et metum fluctuemus. Lice-

Quod conspici et derideri possit] H. e. quod habeat promptam et obviam omnium oculis deformitatem. Nihil opus emendatione Burmanni quo: nam et deformes res ipsae conspici dicantur; neque homines modo conspici et conspecti dicuntur, sed vitia etiam conspiciua et conspecta. Locus clarissimus est Nepotis 25. 13. *supellex modica, non multa, ut in neutram partem conspici posset*, h. e. nec magnificentia et copia, nec tenuitate et paucitate infra dignita-

tem. Iuvenal. 8, 140. *conspicuum crimen*. Ductum est e Graeco. Homerus Iliad. 7, 42. ἐπόψιος in malam partem dixit. ERN. Conf. Intpp. ad Liv. 4, 13. pr.

Praescitur Urbi] Non ut praefecturam Urbi gerat eam, quam Augustus, de Maecenas' sententia instituit, ne tiro-nes errent, sed antiquam, quae, feriarum Latinarum causa absentibus magistratibus, gerebatur, tumque fere mandabatur principura filiis et cognatis. Vide inprimis Ner. c. 7. ERN.

bit autem, si voles, Antoniae quoque nostrae des hanc partem epistolae huius legendam. Rursus alteris litteris: Tiberium adolescentem ego vero, dum tu aberis, quotidie invitabo ad coenam, ne solus coenet cum suo Sulpicio et Athenodoro; qui vellem diligentius et minus μετεώρως deligeret sibi aliquem, cuius motum et habitum et incessum imitaretur misellus:

Ἀτυχεῖ πάντα ἐν τοῖσι σπουδαίοις λίαν.

Ubi non aberravit eius animus, satis apparet ἡ τῆς ψυχῆς αὐτοῦ εὐγένεια. Idem tertiis litteris: Tiberium nepotem tuum placere mihi declamantem potuisse, peream, nisi, mea Livia, admiror. Nam qui tam ἀσαφῶς loquatur, qui possit, quum declamat, σαφῶς dicere, quae dicenda sunt, non video. Nec dubium est, quid post haec Augustus constituerit, et reliquerit eum nullo, praeter au-

Deligeret sibi aliquem] Primum dedi *deligerent* pro *deligeret* e Ms. Vindob.: nam pertinet ad magistros. Error natus est e *sibi*, quod ad Claudium trahebatur: sed id h. l. redundat, ut alibi. Ceterum non sane placet. ERN. Vulgatum teneo hoc sensu: Vellem, alium quendam (quam Sulpicium) sibi deligeret Athenodorus etc.

Placere mihi] Burmannus vidit, *mihi* esse alienum: corrigi volebat *tibi*. Sed Livia, opinor, non adsedit declamanti. Arbitror, esse a glossatore et delendum. ERN. Ipse mi-

ratur Augustus, qui placere sibi potuerit bardi hominis declamatio. Non enim semper causas asserre possumus, cur nobis aliquid placeat.

Quid] Facile relinquam in textu, quod codices plerique in hac lectione consentiunt; etsi τὸ *quin* meliorem sensum efficit, quod item aliquot codd. habent. Apparet, inquit, Augustum fecisse, quod suaserat Liviae: *placet semel aliquid de tota re constitui*: hoc est, constituuisse aliquid, quod semper ad extremum sequeretur. Ceterum quicquid eligas, ta-

guralis sacerdotii, honore impertitum, ac ne heredem quidem, nisi inter tertios ac paene extraneos, e parte sexta, nuncuparit, legato quoque non amplius, quam octingentorum sestertiorum profecutus.

Tiberius patruus petenti honores consularia ornamenta detulit. Sed instantius legitimos flagitanti, id solum codicillis rescripsit, *Quadráginta aureos in Saturnalia et Sigillaria misisse ei*. Tunc demum, abiecta spe dignita-

men post *constituerit* aliquid deest: nam *et reliquerit* cum sequentibus, neque a *quid*, neque a *quin*, quamquam ab hoc citius, pendere potest. Omisum est *quum*, cui tollendo mox sequens *quum* locum facere potuit, vel *qui*, quod habere video Stephani editionem, nescio unde. Suetonius argumenta et indicia afferre instituit, quae considerantibus non dubium sit, quid de ea re Augustus constituerit. ERN. Nondum displicet nobis vulgata lectio. Non nimis rarum est, mutata membrorum structura, subintelligi aliam coniunctionem, quam quae ad prius membrum posita erat; ut h. l. *quin* necessario sumendum est ad *reliquerit*, ad prius verbum non item. Simile est, si post *ne* subauditur *ut*. Ceterum ipsum verbum *constituere* pertinet ad testamentum, non ad superiora, ut Ernestius putat. Rem docent verba *post haec*.

Legatoque] Gronovius aut *que* tollendum, aut *fuert* addendum putat. Si alterutrum necessarium, malim addi *fuert*: nam copula *que* est in hoc contextu necessaria. Neque enim haec enuntiatio pendere potest a praecedente, de heredis nuncupatione: sunt enim diversi *heres* et *legatarius*, ut notum est. Sic c. c. similiter dirimuntur: *in heredibus tertiiis cum ex parte tertia nuncupatum, legato etiam circa HS. vicies profecutus*: unde mihi placet, aut addere *fit*; quod verbum facillime hic excidere potuisse, propter initialem sequentis verbi, uno iota temere deleto, aut omisso, omnes vident, qui antiquos libros tractarunt, aut librarium aberrandi modos tenent: aut potius *legato quoque — profecutus*. Saepe apud Suetonium *que* et *quoque* permixta a librariis, varietas lectionis docet. ERN.

tis, ad otium concessit, modo in hortis et suburbano, modo in Campaniae secessu delitescens; atque ex contubernio sordidissimorum hominum, super veterem segnitiae notam, ebrietatis quoque et aleae infamiam subiit: quum interim, quamquam hoc modo agenti, nunquam aut officium hominum, aut reverentia publica defuit.

- 6 Equester ordo bis patronum eum perferendae pro se legationis elegit: semel, quum deportandum Romam corpus Augusti humeris suis a Consulibus exposcerent; iterum, quum oppressum Seianum apud eosdem gratularentur. Quin et spectaculis adveniēti asurgere, et lacernas deponere solebant. Senatus quoque, ut

Cap. 5. *Et suburbano*] Sic partim e fecs, partim ex edd. quibusdam edidi pro *et suburbana domo*. *Horti et suburbana* coniunguntur etiam apud Cic. Rab. Post. c. 10. ERN.

Publica defuit] Mss. quidam *publice*; quod praetulerim. ERN. Usque ad haec verba caput superius continuavit Bremius, quem secutus sum.

Cap. 6. *Exposcerent* — — *gratularentur*] Haec est lectio Memmiani codicis et omnium vett. edd. usque ad Casaubonum, facilius ea, quae a Casaubono inducta est, *exposceretur* — — *gratularetur*. ERN.

Spectaculis] Illic possum est simpliciter, ut *ludis* alibi, h. e. quum spectacula ederentur, quod male negat Oudendorpius, accipiens de locis specta-

torum. ERN.

Lacernas deponere solebant] Lacernae iniiciebantur togae ad frigus pluviamve arcendam. Advenientibus autem principibus hic honos habitus est, ut lacernae exuerentur, quod ea vestis non esset solemnitas et forensis. Frustra aestuat hic Burmannus. Ridiculum esse putat, spectatores togas et lacernas una secum habuisse, et alternis exuisse et induisse. Credit potius, si scirent, Claudium venturum, togatos, non lacernatos fuisse. Atqui id repugnat verbis Suetonii. Sub lacerna est toga semper: unde Iuvenalis 9, 28. lacernam vocat *munimentum togae*. Lacernam penulamve secum habebant, ut, pluvia ingruente, iniicerent togae. Adveniente igitur, cui honos ha-

ad numerum sodalium Augustalium forte ductorum extra ordinem adiceretur, censuit: et mox, ut domus ei, quam incendio amiserat, publica impensa restitueretur, dicendaeque inter Consulares sententiae ius esset. Quod decretum abolitum est, exculante Tiberio imbecillitatem eius, ac damnum liberalitate sua refarturum pollicente. Qui tamen moriens, et in tertiis heredibus eum ex parte tertia nuncupatum, legato etiam circa sestertium vicies profecutus, commendavit insuper exercitibus, Senatui populoque Romano inter ceteras necessitudines nominatum.

Sub Caio demum, fratris filio, secundam 7
existinationem circa initia imperii omnibus lenociniis colligente, honores auspiciatus, consulatum gessit una per duos menses: evenitque, ut primitus ingredienti cum fascibus forum,

bendus esset, deponebant. Dio lib. 57. p. 610. de Tiberio: *ὅτε οὖν ἐν πανηγύρει τῷ γαμομένῳ Φαίῳ μανθόνῃ ἐπενέθῃ, ingruente ludis pluvia, pul- lam lacernam (sive penulam) iniiciebat.* Domitianus porro apud Xiphilinum, quum inter imbres ludos spectaret, saepe vestem mutat. P. 763. *Αὐτὸς μανθόνος ἀλλασσόμενος, ἐκεί- νους οὐδὲν εἶασε μεταβαλεῖν, quum ipse penulas sumeret, nemini permisit similiter sumere.* ERX.

Sorte ductorum] Torrentius opponit locum e Galba c. 8., ubi dicitur in sodales Augustales aliquis *cooptatus*. Sed hic

locus adeo clarus est, ut ille ad hunc sit accommodandus. Poquit autem dici *cooptari*, per *συζυγίζω*, quam vocant; *Quindecimviri* cooptati sunt. Uno verbo cupiens rem expedire, de omnibus *cooptari* dixit. Ceterum *nominationem* ante sortitionem factam crediderim eorum, e quibus ducerentur quidam, et hinc, quibus fors cecidisset ex voto, etiam cooptatos dictos esse. ERX.

Sestertii vicies] Sic recte I. F. Gronovius legit *HS.* Circa pertinet ad numerum *vicies*, non ad nomen *sestertii*: si tamen circa verum est, et non potius *circaiter*, ut M. Usini

praetervolans aquila dexteriore humero consideret. Sortitus est et de altero consulatu in quartum annum; praefeditque nonnunquam spectaculis in Caii vicem, acclamante populo, *Feliciter*, partim *patruo Imperatoris*, partim *Germanici fratri*.

8 Nec eo minus contumeliis obnoxius vixit. Nam et, si paullo serius ad praedictam coenae horam occurrisset, non nisi aegre, et circuito demum triclinio, recipiebatur: et quoties post cibum addormisceret, quod ei fere accidebat, olearum ac palmularum ossibus incescebatur; interdum ferula flagrove, velut per ludum, excitabatur a copreis. Solebant et manibus stertentis locci induci, ut repente expergefactus faciem sibi confricaret.

9 Sed ne discriminibus quidem caruit: primum, in ipso consulatu, quod Neronis et Drusi, fratrum Caesaris, statuas legnius locandas ponendasque curasset, paene honore summotus est; deinde, extraneo vel etiam domesticorum aliquo deferente, assidue varieque inquietatus. Quum vero detecta esset Lepidi et Gaetulici coniuratio, missus in Germaniam inter legatos ad gratulandum, etiam vitae periculum adiit; indignante ac fremente Caio, patruum potissimum ad se missum, quasi ad pue-

habuit. ERN. *Sestertiū*
edidi de Perizonii iudicio notissimam ob causam.

Cap. 7. *Sortitus est — annum*] Frustra hunc locum sollicitarunt Viri docti. Caius imitatur alterum C. Caesarem, Dictatorem, in plures annos

Consules nominavit, iussitque fortiri, quo quisque anno Consul foret. In his fuit et Claudius. Sors ei cecidit, ut quarto anno esset. Ita etiam Burmannus, qui miratur, Viros doctos hoc non vidisse. Sed ipse similiter, ut aliquoties

rum regendum: adeo, ut non defuerint, qui traderent, praecipitatum quoque in flumen, sicut vestitus advenerat. Atque ex eo nunquam non in Senatu novissimus Consularium sententiam dixit, ignominiae causa post omnes interrogatus. Etiam cognitio falsi testamenti recepta est, in quo et ipse signaverat. Postremo etiam festertium octogies pro introitu novi sacerdotii coactus impendere, ad eas rei familiaris angustias deci-

vidimus, in facilibus haesit. Nempe nemo omnibus horis satis videt. ERN.

Cap. 9. *Cognitio — recepta est*] Olim de criminibus delatis dicebatur *nomen recipere*, referebaturque ad eum, qui de crimine aliquo delatus, inter reos scriptus a Praetore esset, ut de causa ea cognosceretur. *Cognitio* autem dicebatur *constitui*, Cic. Verr. 2, 25. *fieri*. Nove ergo dictum est, *cognitio recepta est*. ERN. Nempe hac aetate Latinitatis *recipitur crimen*, de quo *fit cognitio*; etiam *recipitur* s. *suscipitur* ipsa cognitio. Sed cogitandum h. l. *in Senatu*.

Novi sacerdotii] Vide Calig. c. 22. ERN.

Impendere] Accipiunt de pecunia pro sacerdotio, aut, ut Plinius ait, Ep. 10, 113., pro introitu data, quem locum laudat Burmannus; sed ita deberet esse *pendere*. Nusquam enim, quod sciam, *impendere* dicitur pro *solvere*. Ergo aut

legendum *pendere*, aut, quod malim, intelligenda non solum pecunia pro sacerdotio data, sed etiam aditus causa, v. c. in coenam aditalem, impensa: non enim dubitem, etiam tales coenas in huius sacerdotii aditu infinitas, ut summis sacerdotiis etiam hoc nomine aequaretur. ERN. Conf. Gronov. ad Tac. Ann. 2, 65.

Decidit] Utilitius est *recidit ad angustias*, pro, redactus est, idque praeferebam, si codices addicerent; neque dubito, Suetonium sic scripsisse. *Decidere in laqueos*, dicimus, et similia, ubi motus e loco superiori indicatur, vel proprie, vel metaphorice, ut *decidere in fraudem* apud Cic. Verr. 4, 5. Illas autem voces saepe a librariis permutatas esse, satis constat. Sic in Caes. c. 17. *pro recidit rursus in discrimen aliud*, nonnulli habent *libri decidit*; ubi vide Burmannum. At eo loco tolerabilius erat *decidit*, quam hic. De verbo

dit, ut, quum obligatam aerario fidem liberare non posset, in vacuum lege praedia-

recidere hoc sensu et in talibus formulis vide Gronovium et Drakenborchium ad Liv. 43, 6. Adde Tac. Ann. 2, 38. Dubitatio Oudendorpii nihili est, putantis esse debere *ad*: nam in his formulis *ad* et *in* dicitur, ut apud Ciceronem *dela- bi in* et *ad*. ERN. Nihil mutandum censeo; multo etiam minus Caes. c. 17. Sed vide ipsum Ernest. ad Tac. Ann. 2, 38.

Obligatam etc.] Non quo deberet adhuc pecuniam, pro aditu sacerdotii dandam; dicendum enim fuisset *fisco*, non *aerario*: sed quod eam pecuniam ab aerario mutuum ad certum tempus summisset. ERN.

In vacuum lege praedictoria] Difficilis locus. *Lege praedictoria* est, lege de praediis obligatis aerario, ut ei caveretur. Philoxenus in Gloss. *praedictorius*: *περὶ χωρίου*. *Χωρίον* autem *praedium* dici Graecis, dudum docuere Viri docti, et sic interpretantur Glossae. De lege praedictoria agit Salmastius de modo usur. c. 16. p. 738. et Graevius iunior Dissertatione peculiari. in qua tamen nondum exhaustum est argumentum, ne locis quidem Ciceronianis, ad eam pertinentibus, satis diligenter collectis, v. c. ad Div. 5, 20. Verr. 1,

54. Ex ea lege vendita publice praedia obligata, si pecunia ad diem non soluta esset. Ex ea igitur lege *venalis pependit* Claudius: non, ut ipse in servitutem venderetur, ut placet Casanbono, defensorem nacto nuper Heineccium Opusc. Postum. p. 69. sqq.; dudum enim abrogata illa, si fuit umquam, consuetudo: sed ut praedia; quem esse sensum illorum verborum, *venalem pendere*, tum loca a Broukhusio et Burmano commemorata, e Cicerone et Plinio, demonstrant, tum ille Ciceronianus, ad ius praedictorum pertinens, locus in Verr. 1, 54. *ubi illa consuetudo, in bonis praediis praedictibusque vendendis, ut eius optima conditio sit, cuius res esset*. Praedia autem Claudii proscripta et venalia pependisse dicuntur *in vacuum*. Quorum verborum duplex est interpretatio: altera Torrentii, quae non displicebat Broukhusio, veluti bona illa essent vacantia, sine domino; altera Salmastii, et ante eum Alciati, Loensis etc., scilicet *frustra*, nemine se eantorem proficiente. Huic Latine loquendi consuetudo favet, quod Glossae habent, *εἰς μάτην*, *frustra*, *in vacuum*: illi neque res, neque Latinitas; nam neque praedia talia, ut

toria venalis pependerit sub edicto Praefectorum.

Per haec ac talia maxima aetatis parte 10
transacta, quinquagesimo anno imperium cepit, quantumvis mirabili casu. Exclusus inter ceteros ab insidiatoribus Caii, quum, quasi secretum eo desiderante, turbam luminoverent,

vacantia, venduntur, neque hoc Latine dicitur, *in vacuum venale esse*. Illi Casauboni sensui, *frustra*, non satis res convenit: nam licitatio sit, non venalibus proscriptis bonis, sed post illam proscriptionem, die certa, instituta venditione sub hasta. Ergo dicendum fuisset, *in vacuum subiectus voci praecoris*. Mihi videtur sensus hic esse: proscriptam esse praediorum Claudii auctionem, sed id factum esse tantum contumeliae et sollicitudinis incitiendae causa, non, ut auctio fieret, neque auctionem praediorum constituta die factam. Ita Latinam consuetudinem loquendi sequimur, et morem aerarii in talibus rebus, neque huic interpretationi contextus repugnat. Si quis tamen melius consentientem his tribus rebus interpretationem poterit proferre, libenter ei cedemus. ERN. Haec ratio vel maxime repugnat Latinitati; immo nihil est. An melius quid attulerit Vir doctus, qui olim sub Bachio scripsit de iure praedicatorio, me laetet. Interea

Salmasii placet explicatio, *nemine se emptorem profitente*, quam et res commendat. Vix enim siabilem possessionem sperare poterat emptor praediorum futuri principis.

Sub edicto praefectorum] Praefecti aerario indicantur: aerario autem tum praefuisse Praetores, aut saltem Praetorios, auctor est ipse Suetonius infra c. 24.; unde tanto minus necessaria emendatio Loenlis, Epiphyll. 9, 1. legentis *Praetorum*. Neque Praetores, quia Praetores, proscribunt bona debitorum publicorum, ut ille putabat, sed qua praelunt aerario: diciturque hoc minus *praefectura* apud Tacitum Ann. 13, 29. Hi igitur Praefecti edicto proposuerunt auctionem bonorum Claudii. Auctiones et dies auctionum proprie dicuntur *edici* et *prodici*. Cicero Verr. 1, 54. *nondum proscripta neque edicta die*. ERN.

Quantumvis] Hoc loco nove dicitur pro *valde*. Similiter Calig. c. 53. *eloquentiae plurimum attendit, quantumvis facundus et promptus*

in diaetam, cui nomen est Hermaeum, recesserat. Neque multo post, rumore caedis exteritus, prorepsit ad solarium proximum, interque praetenta foribus vela se abdidit: latentem discurrrens forte gregarius miles, animadversis pedibus, e studio sciscitandi, quisnam esset, agnovit, extractumque, et prae metu ad genua sibi accidentem, Imperatorem salutavit. Hinc ad alios commilitones fluctuantes, nec quidquam adhuc quam frementes, perduxit. Ab his lecticae impositus, et, quia sui diffugerant, vicissim succollantibus, in castra delatus est, tristis ac trepidus, miserante obvia turba, quasi

Mox Mf. Lyser. pro vulgato *submoverent, submovissent*, ut et Vindob. sec. recte. Postulat et verbum *recesserat*. ERN.

Diaetam, cui nomen est Hermaeum] Diaetis interdum a diis nomina imposita esse, ut tricliniis, ex hoc loco apparet. ERN.

Prorepsit — — abdidit] *Solarium* intelligo generis eius, quod voluptas primo spectandi ludos reperit, (*Maeniana* vocant,) mox utilitas apicandi comprobavit, denique species et opinio pulchritudinis ornatuque frequentavit, unde porticibus, (vide Gorium ad Donii Inscr. p. 595. Murator. T. III. Inscr. p. 1337.) diaetis denique tricliniisque adiuncta. Burmannus quidem malebat legere *scalarium*; sed vide Excursum ad hunc locum. ERN.

Gregarius miles] Non repu-

gnat, opinor, Iosephus Suetonio, quum ille praetorianum dicit fuisse, hic gregarium; quamquam Casaubono aliter videtur: nam de praetoriano milite sermonem esse Suetonio, sequentia planissime demonstrant. Perducit enim Claudium ad commilitones, hi in castra deferunt, quae sunt praetoriana. Praetoriani milites, qui nullos ordines ducunt, nec cohortibus praesunt, quin gregarii dici possint, non dubito. ERN.

In castra delatus est] Festinavit Vir magnus Casaubonus, quum Iosephum dixit tradere, statim in Palatium Claudium delatum fuisse. Qui Iosephum volet inspicere, consentire Iosephum cum Suetonio videbit. ERN. Paullo ante ex omnibus prope Mf. edidi sui pro *servi*, praecunte Oudendorpio.

ad poenam raperetur insons. Receptus intra vallum, inter excubias militum pernoctavit, aliquanto minore spe quam fiducia. Nam Consules cum Senatu et cohortibus urbanis forum Capitoliumque occuparant, asserturi communem libertatem: accitusque et ipse per Tribunos plebis in curiam ad suadenda, quae viderentur, *vi se et necessitate teneri*, respondit. Verum postero die, et Senatu segniore in exsequendis conatibus, per taedium ac disensionem diversa consentium, et multitudine, quae circumstabat, unum rectorem iam et nominatim expolcente, armatos pro concione iurare

Aliquanto minore spe quam fiducia] *Spe* refertur ad imperium; *fiducia* ad trepidationem et timorem, qui praecesserat. Ex quo oritur sensus hic: securus illè quidem et certus vitae pernoctavit, sed spes potiundi imperii, quod detulerant praetoriani, infirma erat. Quodsi *fiducia* quoque ad imperium referre velimus, legendum erit, *aliquanto maiore spe quam fiducia*, i. e. spem ille quidem magnam e militum praetorianorum consensu habebat, sed tamen non erat ea fiducia, ut auderet imperare, accipere imperium, et pati, ut in nomen suum iuraretur: idque fateor mihi magis placere. ERN. Sic etiam coniecit Perizon. Sed prior interpretatio haud dubie praefenda est.

Tribunos plebis] Recepti pro vulgato *Tribunum plebis*, quum contentiant Viri docti, ita legendum; postulante Iosepho et Dione, adstipulante autem codice Viterbiensi. Qui *Tribunum plebis* servare volent, debebunt dicere, principem legationis, qui verba fecerit, *Veranium*, unum nominari; quod sane non repugnat consuetudini scriptorum bonorum. Sic apud Iosephum Antt. Iudd. lib. 7. c. 7. §. 2. Ioabus dicitur misisse nuntios, eosque audisse David: mox tamen nuntius in singulari dicitur. ERN.

Suadenda] Inusitatum sane in tali contextu verbum: unde non improbem lectionem libri Cuiaciani, *consenda*. ERN. Quae vel ob consensum ceterorum librorum pro glossematè habenda est.

in nomen suum passus est; promisitque singulis quina dena sestertia, primus Caesarum fidem militis etiam praemio pigneratus.

II Imperio stabilito nihil antiquius duxit, quam id biduum, quo de mutando reipublicae statu haesitatum erat, memoriae eximere. Omnium itaque factorum dictorumque in eo veniam et oblivionem in perpetuum lauxit, ac praestitit: tribunis modo ac centurionibus paucis e coniuratorum in Caium numero interemptis, exempli simul causa, et quod suam quoque eadem depoposuisse cognoverat. Conversus hinc ad officia pietatis, iusiurandum neque sanctius sibi, neque crebrius instituit, quam PER AUGUSTUM. Aviae Liviae divinos honores, et Circensi pompa currum elephantorum Augustino similem decernenda curavit. Parentibus inferias publicas, et hoc amplius, patri Circenses annuos natali die; matri carpentum, quo per Circum duceretur; et cognomen Augustae, ab viva recusatum. Ad fratris memoriam, per

[*Quina dena*] Iosephus habet quina millia drachmarum, quae efficiunt *vicena HS.* Quoniam in Iosepho non potest esse peccatum scribae, idemque potuit e rationibus publicis plumbis, uti Suetonius, veram summam cognoscere: putem numeros in Suetonio corruptos, et e XX HS. facta XV. Satis autem constat, X et V saepe a librariis permutata, ut saepe Viri docti docuere. Vide v. c. Drakenberchium ad Liv. 39, 29. EAN.

[*Cap. 11. Carpentum, quod*] Burmannus e cod. Copesiano et coniectura Lipsii et Broukhuisii recepit *quo*, ut intelligatur *simulacrum eius*; quod, quia Lyserianus et alii codd. consentiunt, et ipse recepi, ut Oudendorpius. EAN. Quo etiam Longol. Conf. Calig. c. 15.

[*Ab avia recusatum*] Probo emendationem Lipsii ad Tac. Ann. 1, 3. *ab riva*, scil. Antonia; quam contextus desiderat alique Viri docti probaverunt. EAN. Insignis super-

omnem occasionem celebratam, comoediam quoque Graecam Neapolitano certamine docuit, ac de sententia iudicum coronavit. Ne Marcum quidem Antonium inhonoratum ac sine grata mentione transmisit; testatus quondam per edictum, *Tanto impensius petere se, ut natalem patris Drusi celebrarent, quod idem esset et avi sui Antonii.* Tiberio marmoreum arcum iuxta Pompeii Theatrum, decretum quidem olim a Senatu, verum omissum, peregit.

stitio foret, talem coniecturam, tantis veritatis notis conspiciam, non in contextu ponere. Flagitat eam historia; confirmant nummi, qui titulum illum non habent nisi post Antoniae mortem proculsi. Frustra obloquitur Torrent.

Comoediam quoque Graecam — docuit] *Docere fabulas* dicuntur auctores earum. Atque sic etiam hic accipiunt Viri docti. Enimvero scrupulum iniicit primum hoc, quod Suetonius in commemorandis Claudii studiis nullam mentionem facit poeticae omnino, nedum Graecae: quod facturus erat, ut in aliis fecit, si comoediam scripssisset Claudius. Accedit, quod, si hoc dicere voluit Suetonius, eius argumentum debuit esse frater; quod est absurdum: nam comicum argumentum non potest esse res talis. Restat igitur, ut comoediam tantum ediderit suo sumtu in memoriam et hono-

rem fratris, quod usitatissimum fuit; non ipse comoediam fecerit. Ex quo fit, ut aut *comoediam docuit* positum sit pro *edidit*; aut, si hoc repugnat consuetudini Latinae, legendum sit, *edidit*, vel *dedit*, ut voluit Beroaldus. Sed quia omnes codd. MSS. in vulgata consentiunt. neque credibile est, librarios usitatissimum in tali re verbum in *docuit* mutasse, illud sequemur, etsi adhuc desidero exemplum ita a quoquam usurpati verbi. ERN. Mihi quoque verum videtur *docuit*. Quisquis eam fabulam fecerat, Claudius sese auctorem eius venditare populo potuit. Ruhen. tamen praeferebat quarundam editt. lectionem *dedit*.

Coronavit] Frustra, ut opinor, aestuant Viri docti in hoc verbo explicando, quod simpliciter positum pro *coronavit se* putant. Refer ad *comoediam*: *coronavit comoediam*, hoc est, *comoediae illi*, quam ipse, scri-

Caii quoque et si acta omnia rescidit, diem tamen necis, quamvis exordium principatus sui, vetuit inter festos referri.

- 12 At in senet augendo parcus atque civilis, prænominē Imperatoris abstinuit, nimios honores recusavit, sponsalia filiae, natalemque geniti nepotis silentio, ac tantum domestica religione, transegit. Neminem exulum, nisi ex Senatus auctoritate, restituit: ut sibi in curiam præelectum Praetorii, tribunosque militum secum inducere liceret, utque rata essent, quae procuratores sui in iudicando statuerent, pre-

ptam suo iussu, edidit, victoriam atque adeo coronam dedit. ERN.

Festos referri] Sic legendum; non *fastos*, ut plures codd. et edd. habent, ut etiam alii dixerē. Ego causam addam. Si *fastos* legeretur, sensus nullus esset, nisi statueremus, eum diem *nefastum* fuisse; quod nec doceri potest, nec credibile est. Neque ullum exemplum existat, quod sciam, diei e nefastis exempti, honoris habendi causa, et in fastos relati. Illud autem usitatum, diem aliquem inter festos referre, ut honos habeatur principi, et inter nefastos, contumeliae causa. Vide Tib. c. 53. ERN.

Cap. 12. *Silentio*] Beroaldus: sine publica festivitate. Bynaeus mavult: sine edicto, quo soliti fuerint principes populum de talibus diebus monere. At edictum in publica

festivitate tali per se intelligitur, nec a Beroaldo, ut opinor, excluditur. Tum, si sola per edictum admonitio intelligeretur, dicendum fuisset, *silentio transmissit*. Calig. c. 11. *disimulatione transmittens*. Claud. c. 11. *sine honore ac mentione transmittere*. *Silentium* opponitur etiam turbæ et confluxui hominum ad salutationis, nuptiarum, natalis officium, aut aliis de causis. Tac. Agric. c. 6. *idem praeturae tenor et silentium: nec enim iurisdictio evenerat*. Ad hoc quoque respici putem; sed tamen etiam ad solemnia et sacra publica, quia opponitur *domestica religio*. *Nepos* autem qui sit, ignoramus. ERN.

Procuratores sui in iudicando] Intelliguntur *procuratores fisci*, qui in causis fiscalibus iudicabant, non procuratores provinciales tales, qualis

cario exegit. Ius nundinarum in privata praedia a Consulibus petiit: cognitionibus magistratum, ut unus e consiliariis, frequenter interfuit. Eosdem, spectacula edentes, surgens et ipse cum cetera turba, voce ac manu veneratus est. Tribunis plebis adeuntibus se pro tribunali excusavit, quod propter angustias non posset audire eos, nisi stantes. Quare in brevi spatio tantum amoris favorisque collegit, ut,

Pilatus, qui provinciae ipsi praesunt, ut Liplio placuit ad Tac. Ann. 12, 60. Plinius Paneg. c. 36. *Eos procuratores habes, ut plerumque cives tui non alios indices malint.* Neque solum urbani intelligendi, quamquam inprimis, sed etiam provinciales ii, qui negotia principis administrarent, ut loquitur Tacitus Ann. 16. 17., hoc est, filci procuratores. Atque de hoc genere etiam ceperim locum Taciti Ann. 12. 60. ERN.

Cognitionibus magistratum] Consules et Praetores intelligi, e Dione constat lib. 60. p. 667. Inde fit, ut de ordinariis cognitionibus et iurisdictione ordinaria sermo sit. Ex quo statim apparet, falsum esse, quod Salmalius de modo usur. c. 3. contendit, *cognitionem* semper de extraordinaria dici; quod iam convicimus in Clave Cic. in h. v. *Conf.* etiam Tib. c. 33. Porro de iurisdictione capiendum declarat *consiliario- rum* mentio: nam ius dicenti

qui adsident, ita vocantur; iudices, qui quaestori, nunquam. Tales autem consiliarios habuisse, qui ius dicerent, plura Ciceronis loca declarant, pro Quinctio c. 10. 15. etc. *Cognoscendi* verbum Suetonio de iurisdictione ordinaria dici, etiam ad Tib. c. 33. vidimus: nisi quis forte malit referre ad cognitiones magistratibus delegatas, in quibus et ipsis consiliariis. Vide ad c. 15. ERN.

Voce ac manu veneratus est] i. e. acclamando et manum osculando et protendendo, quod est adorare. De hoc videndus Liplius Electr. 2. 6.; de illo Ferrar. de Acclamat. Vett. ERN.

Audire eos, nisi stantes] Nempe, cui honorem quis habere debebat vel volebat, eum vel stantem sive audire debebat: vide Caes. c. 78.: vel sedens sedentem. Quia pro tribunali sedere mos est eum, qui agat negotium publicum, posterior modus honoris habendi usurpandus erat; qui quum

quum profectum eum Ostiam perisse ex insidiis nuntiatum esse, magna consternatione populus, et militem, quasi proditorem, et Senatum, quasi parricidam, diris execrationibus incessere non ante destiterit, quam unus atque alter, et mox plures, a magistratibus in rostra producti, saluum et appropinquare confirmarent.

- 13 Nec tamen expers insidiarum usquequaque permansit, sed et a singulis, et per factionem, et denique civili bello infestatus est. E plebe homo nocte media iuxta cubiculum eius cum pugione deprehensus est: reperti et equestris ordinis duo in publico cum dolone ac venatorio cultro praestolantes, alter ut egressum Theatro, alter ut sacrificantem apud Martis aedem adoriretur. Conspiraverunt autem ad res novas Gallus Asinius et Statilius Corvinus, Pollionis ac Messallae oratorum nepotes, assumptis compluribus libertis ipsius atque servis. Bellum civile movit Furius Camillus Scribonianus, Dahmatiae legatus; verum intra quintum diem oppressus est, legionibus, quae sacramentum mutaverant, in poenitentiam religione conversis, postquam, denuntiato ad novum Imperatorem itinere, casu quodam an divinitus,

locum non haberet, excusavit rem. ERN.

Profectum cum Ostiam] De hoc itinere vide Lipsium ad Tac. Ann. II, 26. extr. ERN.

Confirmarent] Ms. Lyser, Vindob. sec. *affirmarent*. Melius. ERN.

Cap. 13. *Casu quodam an*

divinitus] Minime revocanda est quamvis plerorumque omnium Mss. scriptura *ac divinitus*. Semper *casus* distinguitur a *providentia*. Etiam Liv. I, 4. dormitabat optimus Gronovius, ubi de Gruteri sententia scribendum, *Forte quodam an divinitus*.

neque aquila ornari, neque signa convelli moverique potuerunt.

Consulatus super pristinum quatuor gessit: 14 ex quibus duos primos iunctim, sequentes per intervallum, quarto quemque anno, semestrem novissimum, biannales ceteros, tertium autem, novo circa principem exemplo, in locum demortui suffectus. Ius et Consul et extra honorem laboriosissime dixit, etiam suis suorumque diebus sollemnibus, nonnumquam festis quoque antiquitus et religiosis. Nec semper praecripta legum secutus, duritiam lenitatemve multarum, ex bono et aequo, perinde ut afficeretur, moderatus est. Nam et iis, qui apud privatos iu-

Neque aquila ornari] De unctione, quam festis diebus adhibitam esse pulverulentis aquilis, tradit Plinius Hist. Nat. 13, 3., accipit Terrentius. Nilil amplius ceteri. Atque ego non ignoro, signa militaria, festis diebus etiam floribus ornata, ut patet e loco Claudiani, quem iam laudavit Lipsius de Milit. Rom. 4. 5.; quod esset huic loco aptius, quam τὸ *ungere* proprie non sit in ornatu. Sed festis diebus utrumque factitatum: tum, quum exercitus moveretur, numquam legi, nec quisquam docuit. Atque etiam ex eo, quod signa non in aedacula aliqua reposita, sed in terra tum defixa stabant, patet, aquilam similiter defixam fuisse. Ista porro ornandi actio est eius-

modi, ut nec casu, nec divinitus, impediri possit. Itaque mihi hic locus semper corruptus visus est in verbo *ornari*. Sed verbum, quod huic loco aptum sit, et e quo corrupta lectio nasci potuerit, nondum succurrit. Apud Florum 2, 6, 14, sunt *aquilae prodire nolentes*. Lucr. Omnem suspicionem ab h. l. recte remonent Oudend. et Ruhnk.

Cap. 14. *In locum demortui suffectus*] Dubitationem hic movent Viri docti ex eo, quod ut ordinarius Consul hoc anno cum Vitellio iungitur in Fallis et alibi. Putat igitur Oudendorpius, id sic intelligendum, ut mortuo ante Kalendas Ian. Consule designato, ipse in locum eius designatus sit. Sed id non placet satis. Ern.

dices plus petendo formula excidissent, restituit actiones; et in maiore fraude convictos, legitimam poenam supergressus, ad bestias condemnavit.

- 15 In cognoscendo autem ac decernendo mira varietate animi fuit, modo circumspectus et sagax, modo inconfultus ac praeceps; nonnumquam frivolus amentique similis. Quum decuriis rerum actu expungeret, eum, qui distimulata vacatione quam beneficio liberorum habe-

Formula excidissent] Usitatus est *cadere formula*, ut possit aliquis conicere, legendum *cecidissent*. Sed tamen *excidere* probum est. Dicitur autem, ut *excidere spe, sine* etc., pro *perdere litem*. ERN.

In maiore fraude convictos] Non modo Suetonius sic dixit, etiam in Tito c. 9.; sed et Cicero pro Sulla c. 30. ERN.

Cap. 15. *In cognoscendo*] Quia ante de iurisdictione dixit, apparet, hic agi de cognitionibus iuris extraordinarii. sive cognitionibus extraordinariis. ERN.

Decurias rerum actu expungeret] I. e. recenseret, ut tolleret ex iis, quum mortuos, tum eos, qui commississent, ut de numero iudicum tollerentur, loca autem vacua suppleret, novis iudicibus legendis. Confer, quae diximus ad Tib. c. 41. *Actu rerum* est idem, quod Cicero in Philippica secunda dicit, de Antonio, magistro

equitum, pro tribunali sedente: *negotium publicum gerens*. Est formula generalis, quae de singulis fere negotiorum publicorum, sive, administrandae domi reipublicae, partibus dicitur: h. l. de *decuriarum* lectione sive recensione. Laudatur hic locus a Torrentio ad Aug. c. 32, : tamquam de iurisdictione intelligendus esset h. l. rerum actus; quod non est satis accurate factum: nam etsi quondam Praetoris urbani, cuius iurisdictio erat, fuit, ut decurias iudicum scriberet; tamen non est proprie pars iurisdictionis. Ceterum *expungeret* suspectum esse possit: non expunguntur decuriae, sed *dispunguntur*, quod par est recensendi verbo; sed tamen et in rationibus adhibetur simili sensu. ERN.

Beneficio liberorum] E lege Papia Poppaea, quae vacatione a iudicandi molestia concedenda iis, qui certum libero-

bat, responderat, ut cupidum iudicandi dimisit: alium interpellatum ab adversariis de propria lite, negantemque, cognitionis rem, sed

rum numerum haberent, alligere Equites ad matrimonia debebat. Nihil de hac parte legis Heineccius dixit in Commentario ad illam legem. ERN.

Responderat] Ex hoc loco patet, in recensendis decuriis iudicum nomina per praecorem pronuntiata, et, qui in iudiciis essent, professos esse nomina sua, quod est *respondere*, et, vel recepisse iudicandi munus, vel excusationes attulisse, de quibus cognosceretur. ERN.

Interpellatum ab adversariis de propria lite] Hunc locum ita interpretatur Salmasius de modo usur. c. 3., ut eam rem accidisse dicat illo ipso tempore, quo decurias expungeret, et iudicem, de quo ante, dimitteret: idque sequuntur ceteri; saltem Burmannus, eo loco Salmasii prolato, nihil addit. Sed mihi Latinitas id pati non videtur. Primo *appellatum* dixisset Suetonius, non *interpellatum*; quamquam scio, in iure etiam *interpellare*, pro appellare, dici de creditoribus: vide Brillonium in h. v. Tib. c. 75.: neque enim e Latinitate antiquiori et Suetoniana *interpellantur* homines de lite, sed *appellantur*, nisi si id fiat, quum negotium aliquod, vel

publicum, vel privatum, gerant. Tum, dixisset tantum *de lite*, non *de lite propria*. Igitur ista a superioribus maiori distinctione divellenda, ut nos fecimus. Sensus ergo est hic: Iudex aliquis, sedens in *iudicio alienae litis*, praesente Caesare, interpellatur ab adversariis *de propria lite*, ut ea coram Caesare extra ordinem agatur. Excipiente iudice, causam esse iuris ordinarii, Caesar eum cogit, statim, intermisso iudicio, quod agebatur, causam agere apud se, ut *propria lite* doceret, quam aequus iudex foret in *aliena lite*. *Iudices interpellati* dicuntur ab ipso Suetonio de Grammat. c. 22., hoc sensu, ut interrumpatur iudicium, et differatur: *Cassius Severus, interpellatis iudicibus, dilationem petit*, etc. Mox manifeste, *ut in negotio proprio documentum daret, quam aequus iudex in alieno negotio (non, in alienis negotiis) futurus esset*. Decepit Viros doctos minor distinctio in vulgatis; quae fecit, ut putarent, haec cum superioribus coniuncta esse. Haec quum scripsssem, reperi, Noordkerkium Olss. p. 61. iam monuisse, rem in iudicio apud Praetorem actam esse. ERN.

ordinarii iuris esse, agere causam confestim apud se coegit, proprio negotio documentum daturum, quam aequus iudex in alieno negotio futurus esset. Feminam, non agnoscentem filium suum, dubia utrinque argumentorum fide, ad confessionem compulit, indicto matrimonio iuvenis. Absentibus, secundum praesentes facillime dabat, nullo delectu, culpane quis, an aliqua necessitate cessasset. Proclamante quodam, praecidendas fassario manus, carnificem statim acciri cum machaera mensaque lanio-
nia, flagitavit. Peregrinitatis reum, orta inter

Ordinarii iuris esse] Hoc ius pertinet ad causas eas, quae a magistratu ordinario dirimuntur modo ordinario, h. e. ex edicto, iudicibusque dandis. Eius autem iuris non sunt, sed cognitionis (extraordinariae), de quibus vel a principe ipso, vel a magistratibus, decernendo, siue iudicibus, constituitur, adhibitis tamen consiliariis. Spartianus Hadrian. c. 3. Conf. supra c. 12., ubi Claudius cognitionibus magistratum, ut unus e consiliariis, interfuisse dicitur. De magistratibus, quod possint cognoscere, non iure ordinario, vide Noodt. de iurisdic. 1, 7., ubi hoc ipso loco utitur. ERN.

Absentibus] Recte viderunt, qui hoc ita acceperant, ut dictum esset pro, *quam altera pars litigantium absens esset*; idque nove dictum esse aiunt. Sed nemo exemplis similibus

illustravit: nam Cannegieteriana ad Avian. Fab. c. 32. *iudis, solibus*, non satis sunt similia. Magis conveniunt loca, ubi ablativus participii passivi simpliciter ponitur, ut *audito, cognito, imperato* etc., cuius generis multa exempla collegerunt Viri docti ad Livium 1, 41., inprimisque saepe ea ratione utuntur Livius et Plinius maior in Historia naturali. Simillimum est exemplum apud nostrum in Tiberio c. 31., ubi sic accipiendum esse, ut hic absentibus, *tò consente*, si vulgata lectio reliqua servetur, ibi monuimus. ERN. Hoc quidem exemplum non quadrare, subscriptio nostra docebit; sed tamen nulla dubitatio esse debet de hoc elliptico usu ablativi absoluti.

Acciri — flagitavit] Verbum *flagitare* in tali sententia aut sine verbo poni solet, aut

advocatos levi contentione, togatumne an palliatum dicere causam oporteret, quasi aequitatem integram ostentans, mutare habitum saepius, et prout accusaretur defendereturve, insit. De quodam etiam negotio ita ex tabella pronuntiasse creditur, SECUNDUM EOS SE SENTIRE, QUI VERA PROPOSUISSENT. Propter quae usque eo evituit, ut passim ac propalam contemptui esset. Excusans quidam testem, e provincia ab eo vocatum, negavit praesto esse posse, dissimulata diu causa, ac post longas demum interrogationes, *mortuus est*, inquit; *puto, licuit*. Alius gratias agens, quod reum defendi pateretur, adiecit: *Et tamen fieri solet*. Illud quoque a maioribus natu audiebam, adeo causidicos patientia eius solitos abuti, ut descendentem e tribunali non solum voce revocarent, sed et lacinia togae retenta, interdum pede apprehenso, detinerent. Ac ne cui haec mira sint, litigatori Graeculo vox in altercatione excidit, *Καὶ τὸ γέρον εἶ, καὶ μωρός*. Equi-

cum verbo iungitur per *ut*. Vide tamen simile exemplum infra c. 29. *imminere portenderetur*. Alia exempla addidit Oudendorpius. ERN. Et meliora, ut Plin. 35, 10.

Ex tabella] H. e. de scripto, ut insignior stupor sit. Male Urfinus de tabella iudicis, sententiam ferentis, accipit: non enim iudicat Caesar, sed decernit sine iudicibus; est enim sermo de cognitione extraordinaria. ERN.

Licuit] Similis locus est ap.

Ciceronem Phil. 5, 5. extr. ERN.

Et tamen fieri solet] Male Burmannus excusandi formulam facit, et stuporem tribuit defensori, quod in tali re deprecetur: non enim stupidum defensorem facere voluit Suetonius, sed irrisorem Claudii, cui postquam gratias egit de more, addidit, irridendi causa, *fieri tamen solere*: hoc est, non esse, quare gratiae agantur; fieri enim non beneficii causa, sed de more et iure. ERN.

tem quidem Romanum, obscœnitatis in feminas reum, sed falso, et ab impotentibus inimicis conficto crimine, satis constat, quum scortâ meritoria citari adversus se, et audiri pro testimonio videret, graphium et libellos, quos tenebat in manu, ita cum magna stultitiæ et sævitiae exprobratione iecisse in faciem eius, ut genam non leviter perstrinxerit.

16 Gessit et censuram, intermissam diu post Plancium Paullumque Censores: sed hanc quoque inaequaliter, varioque et animo et eventu. Recognitione Equitum iuvenem probri plenum, sed quem pater probatissimum sibi affirmabat, sine ignominia dimisit, *habere*, dicens, *Censorem suum*. Alium, corruptelis adulteriisque famosum, nihil amplius quam monuit, *ut aut parcius aetatulæ indulgeret, aut certe cautius*: addiditque, *Quare enim ego scio, quam amicam habeas?* Et quum, orantibus

Cap. 16. *Gessit et censuram*] Nempe ita, ut et nomen Censoris haberet: nam sine eo nomine sæpe gessâ erat. Nam Paullus et Plancus Censores fuere a. U. DCCXXXI, Augustus autem a. U. DCCXXXV. magistrum morum in quinquennium recepit, auctore Dion. p. 527., etsi nulla eius rei mentio in numis et lapidibus: vide Spanhemium de usu et præst. num. T. II. p. 474.: et anno post lectionem Senatus habuit, Dio p. 529., item a. U. DCCXLI, Dio p. 540. Magister morum iterum in quinquen-

nium factus a. U. DCCXLII. Dio p. 542. Cum eo porro censuram simul egit e lege Tiberius, auctore Suetonio in Tib. c. 21. Lustrum item aliquoties condidit, Aug. c. 97. EAX.

Inaequaliter] E Salmastii codice Graevius recepit *inaequabiliter*, ut est Galba c. 9., idemque habent tres alii codd., videturque sic legisse Berneggerus, quia hunc locum laudat in indice in h. v. Recepit et Oudendorpius. Sed quia tamen plures edd. et codd. vulgatum habent, nolim quicquam mutare, quum *inaequabiliter* idem

familiaribus, dempsisset cuidam appositam notam, *Litura tamen*, inquit, *exstet*. Splendidum virum, Graeciaeque provinciae principem, verum Latini sermonis ignarum, non modo albo iudicum erasit, sed etiam in peregrinitatem redegit. Nec quemquam, nisi sua voce, utcumque quis posset, ac sine patrono, rationem vitae passus est reddere. Notavitque multos, et quosdam inopinantes, et ex causa novi generis, quod se inscio ac sine commeatu Italia excessissent; quendam vero et, quod comes regis in provincia fuisset: referens, maiorum tempo-

lit, quod *inaequabiliter*. Cicerō Or. c. 58. de oratione: *aequaliter ingrediens, et constanter*; et sic alii quoque. ERN.

Graeciaeque provinciae] Intellige Achaiae, ut Tib. c. 49. Dio quoque Cassius in provinciis populo et Senatui relictis ab Augusto, lib. 53. p. 503. commemorat Ἑλλάδα μετὰ τῆς Ἠπείρου, *Graeciam cum Epiro*. Per *Graeciam* cave intelligas *Illyricum*, quia Strabo c. 17. extr. nominat in hoc genere provinciarum *Illyricum cum Epiro*, e versione vulgaris: nam in Graeco est *Illyricum finitimum Epiro*. Graecia est apud Dionem *Achaia*, quae a Strabone in popularibus provinciis ponitur: nam ea est Graecia proprie sic dicta. Atque ea h. l. intelligenda: quae alias ab ipso Suetonio, ulsationi tum nomine,

Achaia vocatur. ERN.

Comes regis in provincia]

Hoc non intelligo. praeteritum, ut facile, ab Interpretibus. Tō in provincia quid sibi velit, non video, nisi sic capias, ut regi cuidam, in provincia aliqua Romana iter facienti, comes fuerit; quod tamen, ut opinor, non sic dixisset Suetonius. Mihi videntur verba, in provincia, a male sedulo addita esse. Nempe, quia, quum de Romanis Imperatoribus aut magistratibus in provinciam euntibus sermo est, commemorantur *comites in provincia*, ut apud ipsum Suetonium in Grammat. c. 10. *Claudiis fratribus, quorum etiam comes in provincia fuerit*, etc.; aut cum alio tali additamento, ut *peregrinationis, expeditionis* etc., id hoc loco addendum putavit aliquis, quod hic, ubi de rege externo sermo est, lo-

ribus, Rabirio Postumo, Ptolemaeum Alexandriam, crediti servandi causa, secuto, maiestatis crimen apud iudices motum. Plures notare conatus, magna inquisitorum negligentia, sed suo maiore dedecore, innoxios fere reperit, quibuscumque coelibatum, aut orbitatem, aut egestatem obiiceret, maritos, patres, opulentos se probantibus: eo quidem, qui sibimet vim ferro intulisse arguebatur, illaesum corpus vestie deposita ostentante. Fuerunt et illa in censura eius notabilia, quod essedum argenteum, sumptuose fabricatum, ac venale ad Siggillaria, redimi concidique coram, imperavit: quodque uno die viginti edicta proposuit; inter quae duo, quorum altero admonebat, *ut uberi vinearum proventu bene dolia picarentur; altero, nihil aeque facere ad viperarum morsum, quam taxi arboris succum.*

17

Expeditionem unam omnino suscepit, eamque modicam. Quum, decretis sibi a Senatu ornamentis triumphalibus, leviolem maiestate

cum omnino non habet. Videtur autem ille, quisquis fuit, apud regem aliquem versatus diu et in eius comitibus fuisse, velut ille Rabirius; qui tamen etiam dioecetes regius fuerat, quamquam ministri regum vel maxime eorum sunt comites, si eorum consuetudine libenter et crebro utuntur. ERN. In provincia aliqua Romana peregrinanti regi comitem se obtulerat, quod indignum cive Rom. Sic et Oudendorp.

[Im ferro intulisse] Nota-

bilis locus, ex quo patet, *αὐτοχειρίαν*, etsi nulla lege prohibita fuerit, tamen probatam non fuisse, censoriumque probrium habitum eius etiam conatum. ERN. Pro eo quidem suspicor legendum et quodam.

Cap. 17. *Eamque modicam*] Maiorem interpunctionem posui. quod alioqui contextus non satis constat. ERN.

Leviolem maiestate principali] Dedi maiestate pro maiestati, ut iam quidam alii se-

principali titulum arbitraretur, velletque iusti triumphi decus, unde acquireret, Britanniam potissimum elegit; neque tentatam ulli post Divum Iulium, et tunc tumultuantem ob non redditos transfugas. Hoc quum ab Ostia navigaret, vehementi Circio bis paene demersus est, prope Liguriam, iuxtaque Stoechadas insulas. Quare a Massilia Gesoriacum usque pedesiri itinere confecto, inde transmisit: ac sine ullo proelio aut sanguine intra paucissimos dies parte insulae in deditionem recepta, sexto quam profectus erat mense Romam rediit, triumphavitque maximo apparatu. Ad cuius spectaculum commeare in Urbem non solum praesidibus provinciarum permisit, verum etiam exulibus quibusdam; atque inter hostilia spolia, navalem coronam fastigio Palatinae domus iuxta civicam fixit, traieci et quasi domiti Oceani insigne. Currum eius Messallina uxor carpento secuta est. Secuti et triumphalia ornamenta eodem bello adepti, sed ceteri pedibus

cere, quod ipsa Latinitas possidebat. ERN. Certe fert: nam *leviorem principi* nemo propter Latinitatem reprehenderit. Mox egregie Gronovius pater con. *undeunde acquirere*. Nunc durum est *velle decus*.

Fastigio Palatinae domus] Atqui constanter alii scriptores, Ovidius, Plinius, atque etiam noster, tradunt, civicam in foribus Palatii vestibuloque suspensam fuisse, non autem fastigio. Legendum ergo arbi-

tror, *in vestibulo Palatinae domus*. Noster in Tib. c. 26. *civicam in vestibulo coronans recusavit*. Vulgatum defendit Oudendorpius. Non bene, aut idoneis locis. ERN. Sed ad Claudium non pertinet illud, quod de Tiberio narratur.

Carpento] Perestite ei et Senatu, honoris causa, facta, ut diebus festis et solemnibus carpento veheretur, ut constat e Dione lib. 60. p. 679. ERN.

et in praetexta; Crassus Frugi equo phalerato, et in veste palmata, quod eum honorem iteraverat.

- 18 Urbis annonaeque curam sollicitissime semper egit. Quin Aemiliana pertinacius arderent, in diribitorio duabus noctibus mansit: ac deficiente militum ac familiarum turba, auxilio plebem per magistratus ex omnibus vicis convocavit; ac, positis ante se cum pecunia fideis, ad subveniendum hortatus est, repraesentans pro opera dignam cuique mercedem. Artiore autem annona ob assiduas sterilitates detentus quondam medio foro a turba, conviciisque ac simul fragminibus panis ita infestatus, ut aegre, nec nisi

Crassus Frugi] Vide Ruper-
ti Epist. 43. p. 428. 450. ERN.

Cap. 18. *Diribitorium* domus ampla, ab Agrippa instituta, eo mortuo perfecta et dedicata prope Septa, in Campo Martio, regione Circi Flaminii: destinata usibus comitiorum, ut in eo tabellae suffragiorum diriberentur, mox etiam aliis usibus serviens. Vide Dionem lib. 55. p. 555. In eius vicinia Aemiliana fuisse, res ipsa declarat. Paulo post pro *familiarum*, i. e. *servorum*, in edd. aliquot superiores irrepsit *familiartum*, quoniam turba non potuit ad incendium retingiendum adhiberi: item post libri quidam *repraesentans*, pro *repraesentaturus*, quod cum Burmanno recepit Goudendorpius. *Di-*

gnam cuique mercedem vulgato faver. ERN. Non apparet ratio: crediderim potius, verbo *ostendendi* s. *promittendi* usurum fuisse Scriptorem. si voluisset, quod eum coegit sensus corrector. Nam participium praesentis in plerisque bonis codd. est, ut in Longol.

Per magistratus] P. Faber corr. *magistros*, scil. *vicorum*, commoda coniectura, et quae placebat Ruhnkenio.

Fragminibus panis ita infestatus] Non sine causa miratur Guetus, in caritate annonae a famelicis hominibus panis fragminibus petitem Claudium. Nempe non est mirum, ea re petitem, in qua diligentiam eius desiderabant, ut Vespasianus iussus est *oppleri* luto, Vesp. c. 26., quod in pur-

postico, evadere in Palatium valuerit; nihil non excogitavit ad invehendos etiam in tempore hierno commeatus. Nam et negotiatoribus certa lucra proposuit, suscepto in se damno, si cui quid per tempestates accidisset, et naves mercaturae caussa fabricantibus magna commoda constituit, pro conditione cuiusque: civi, 19 vacationem legis Papiae Poppaeae; Latino, ius Quiritium; seminis, ius quatuor liberorum: quae constituta hodieque servantur.

Opera magna potiusque necessaria, quam 20 multa perfecit; sed vel praecipua, aquarum ductum, a Caio inchoatum; item emissarium

gandis viis curam suam desiderari passus esset: sed lutum statim ad manus, neque in eo fit iactura; panis autem tum rarus et carus. Ceterum verbum et res ita apta est, ut a librariis proficisci non potuerit. *Instratus* autem etsi defendit Burmannus, tamen exempla, ab eo prolata, non satis similia sunt, praeter unum e Virgilii Ciri v. 53., sed id nimis poeticum est. Quare, quum plures codd., etiam Memmianus et M. Lyser., habeant *insestus*, quod *instratus* et *convictis* aptius, hoc praetulerim: praesertim quum etiam melius respondeat verbis, *ut aegre evadere valuerit*, intell. quo minus istis fragminibus obrueretur. Ergo nondum *instratus* *is*, h. e. obrutus fuerat. Dixisset etiam, ut opinor, *constratus*, non *instratus*. ERN.

Excogitavit] Hoc praetuli alteri, *ex eo cogitavit*, quod pauciores codd. priscaeque edd. habent; quum *excogitavit* in pluribus et melioribus codd. sit. *Ex eo* autem plane redundat, quum iam lateat in verbis *detentus* et *insestus*, neque in hac forma loquendi, quae saepissime apud Suetonium occurrit, adhibetur: tum qui modus loquendi *cogitavit ad*? ERN.

Cap. 19. *Hodieque*] Sic optimus Memmianus alique, pluresque edd., neque id ortum ex *hodie quoque*: nam id ipsum *hodieque* est. ERN.

Cap. 20. *Potiusque necessaria*] Sic ex ed. Rom. cum Burmanno rescripti. Sic et M. Lyser. habet, nisi fallit collatio. Post *aquarum ductum* e Mss. recepi pluribus, etiam Lyser., ut Oudendorpius. ERN.

Fucini lacus, portumque Ostiensem: quamquam sciret, ex his alterum ab Augusto precantibus assidue Marfis negatum, a D. Iulio saepius destinatum, ac propter difficultatem omissum: Claudiae aquae gelidos et uberes fontes, quorum alteri Caeruleo, alteri Curtio et Albulino nomen est; simulque rivum Anienis novi lapideo opere in Urbem perduxit, divisitque in plurimos et ornatissimos lacus. Fucinum aggreffus est, non minus compendii spe, quam gloriae; quum quidam privato sumptu emissuros se repromitterent, si sibi siccati agri concederentur. Per tria autem passuum millia, partim effosso monte, partim exciso, canalem absolvit aegre, et post undecim annos, quamvis continuis triginta hominum millibus sine inter-

Negatum] In vulgatis omnibus post *negatum* repetitur *alterum*. Sed hoc posterius *alterum* haud dubie vitiosum atque tollendum est; quod miror neminem Interpretum vidisse: nam utrumque ad lacum Fucinum pertinet. Quod de Iulio dicit, esse ad lacum referendum, docet ipse Suetonius in Caes. c. 44.: de Augusto autem, situs locorum declarat. Quid enim Marfis cum portu Ostiensi? Sed in eorum finibus est lacus Fucinus. Stulti librarii putarunt, prius *alterum* desiderare aliud *alterum*. In tanta evidentia non dubitavi de contextu tollere: neque probandam putavi puerilem religionem eorum, qui certissima

librariorum peccata in contextu relinquunt. Neque contra est, ut Oudendorpio visum, locus Plutarchi, qui inter opera Caesari destinata repurgationem portus Ostiensis ponit: nam ei cetera h. l. non conveniunt. Fucini lacus emissionem saepe destinavit atque omisit, non portus Ostiensis. De re ipsa vide Excursum. ERX. De evidentia interpolationis dubitari potest, etsi ambiguus est locus Plutarchi. Etiam historici habent *σιωπῶμενοι* sua, et ipse verborum ambitus favet vulgatae omnium Mss. scripturae. Perizon. tamen in Lectt. eandem coniecturam fecerat.

Continuis] Burmannus hoc verbum a glossatore ortum pu-

missione operantibus. Portum Ostiae exstruxit, circumducto dextra sinistraque brachio, et ad introitum profundo iam solo mole obiecta: quam quo stabilius fundaret, navem ante demersit, qua magnus obeliscus ex Aegypto fuerat advectus, congestisque pilis superposuit altissimam turrim in exemplum Alexandrini Phari, ut ad nocturnos ignes cursum navigia dirigerent.

Congiaria populo saepius distribuit. Spectacula quoque complura et magnifica edidit, non usitata modo ac solitis locis, sed et commentitia et ex antiquitate repetita, et ubi praeterea nemo ante eum. Ludos dedicationis Pompeiani Theatri, quod ambustum restituerat, e tribunali posito in orchestra commisit; quum prius apud superiores aedes supplicasset, perque mediam caveam, sedentibus ac silentibus cun-

tat. quod mox est, *sine intermissione*, unde nascatur tautologia; quare aut eliciendum, aut legendum, *post undecim annos continuos*. Glossam quidem non dixerim. Cuius enim verbi interpretandi causa adiectum putemus? Quare potius probarem, si res pateretur. Sed nulla ratio est, quare anni undecim continui dicantur, ubi simpliciter longitudo temporis indicanda est, ut hoc loco. Alia res esset, si dixisset, triginta millia hominum sine intermissione per annos undecim continuos operatos esse. *Continua XXX millia* dixit, tum, quia non per vices et partes, ut sit in opere militari, sed

simul omnia operabantur; tum, quia numerus idem per totos undecim annos fuit, successis in mortuorum aut aegrotorum etc. locum semper novis. ERN. *Continuas operas* intell. una et continua serie collocatas.

Alexandrini Phari] *Alexandrinae* bene corrigunt Viri docti propter constantem usum Latinitatis.

Cap. 21. *Complura et magnifica*] Sic e Mf. Lyser. pro *magnificaque*, quod male sonat, edidi, cui et plures alii libri scr. consentiunt. ERN.

Apud superiores aedes supplicasset] De aede Veneris, Theatro Pompeiano ita imposta, ut Theatrum pro gradibus

ctis, descendisset. Fecit et seculares, quasi anticipatos ab Augusto, nec legitimo tempori reservatos: quamvis ipse in historiis suis prodat, *intermissos eos Augustum multo post, diligentissime annorum ratione subducta, in ordinem redelegisse*. Quare vox praeconis irrisa est, invitantis more sollemni ad ludos, *quos nec spectasset quisquam, nec spectaturus esset*; quum superessent adhuc, qui spectaverant, et quidam histrionum, producti olim, tunc quoque producerentur. Circenses frequenter etiam in Vaticano commisit, nonnumquam interiecta per quinos missus venatione. Circo vero maximo marmoreis carceribus, auratisque metis, quae utraque et tophina ac lignea antea fuerant, exculto, propria Senatoribus constituit loca, promiscue spectare solitis. Ac super quadrigarum certamina, Troiae lusum exhi-

aedis esset, explicavit recte Lipsius Elect. 1. 11. De aede Veneris testis Tertullianus (laudatus Lipsio) de spectaculis c. 10. Hanc interpretationem adiuvant verba, *quum prius supplicasset*. Sed difficultas oritur e numero plurali. Eam tolli posse Lipsius putabat, legendo, *aedem superiorem*. Iac. Gronovius autem non modo Veneris, sed etiam Victoriae templum super Pompeiano Theatro fuisse existimat, e loco Tironis apud Gellium 10, 1. *Quum Pompeius aedem Victoriae dedicaturus foret, cuius gradus vicem Theatri essent*. Verum, nisi me omnia fallunt, ibi le-

gendum *Veneris*, quod tamen templum diversum a *Veneris Victricis* templo, a Pompeio secundo consulatu dedicato, ut tradit Plinius Hist. Nat. 8, 6., quod miror non animadvertisse doctos Gellii Editores. EAN.

Promiscue] Non immixti plebi; nam separatim et ante spectaverant: non reverentia plebis, ut placet Torrentio ad Ner. c. 11., sed constitutione Augusti, auctore Dione lib. 55. p. 563., sed locis incertis, et quae fors tulerat, auctore eodem Dione lib. 60. p. 669., nunc autem etiam certus locus assignatus est. Vide Lipsium ad Tac. Ann. 15, 23. EAN.

buit, et Africanas, conficiente turma equitum praetorianorum, ducibus tribunis, ipsoque praefecto: praeterea Thessalos equites, qui ferros tauros per spatia Circi agunt, insiliuntque defessos, et ad terram cornibus detrahunt. Gladiatoria munera plurifariam ac multiplicia exhibuit. Anniversarium in castris praetorianis, sine venatione apparatuque, iustum atque legitimum in Septis, ibidem extraordinariam et breve, dierumque paucorum, quodque appellare coepit *sportulam*: quia primum daturus edixerat, *velut ad subitam condictamque coenulam invitare se populum*. Nec ullo spectaculi genere communior aut remissior erat, adeo ut oblatos victoribus aureos, prolata sinistra pariter cum vulgo, voce digitisque numeraret; ac saepe hortando rogandoque ad hilaritatem homines provocaret, *dominos* identidem appellans, immixtis interdum frigidis et arcessitis iocis: qualis est, ut quum Palumbum postulantibus, *daturum se*, promisit, *si ca-*

Appellare coepit] Puto dictum pro *appellavit*. ERN. - Intell. prius induxit hunc usum.

Prolata sinistra] Numerandi per digitos causa. Sinistram autem extra togam proferre deformitatis aliquid habebat. ERN.

Qualis est, ut quum etc.] Manifesta est; et non ferenda tautologia. Quidam libri, et scripti et editi, non habent *ut*; quod deleri placet Casaubono et Burmanno. Per me quoque licebit. Sed quando

alterum alteri pro interpretatione adiectum debet fuisse, magis placet, *qualis est* glossam esse *τοῦ* *ut*, quam hoc illius; praesertim quum contextus non tam *qualis est* desideret, quam *qualis fuit*. Itaque potius *qualis est* tollendum puto, praesertim quum etiam mox sit, non *ille quoque*, sed *illud quoque*. Probat Oudendorpius. In hac ambiguitate utrumque in contextu reliqui, et liberum cuique arbitrium. ERN.

ptus esset. Illud plane, quantumvis salubriter et in tempore: quum essedario, pro quo quatuor filii deprecabantur, magno omnium favore indulisset rudem, tabulam illico misit, admonens populum, *quanto opere liberos suscipere deberet, quos videret et gladiatorum praesidio gratiaeque esse.* Edidit et in Martio campo expugnationem direptionemque oppidi ad imaginem bellicam, et deditionem Britanniae regum, praeseditque paludatus. Quin et, emissurus Fucinum lacum, naumachiam ante commisit. Sed quum, proclamantibus naumachiariis, *Ave, Imperator, morituri te salutant,* respondisset, *Avete vos;* neque post hanc vocem, quasi venia data, quisquam dimicare vellet; diu cunctatus, an omnes igni ferroque absumeret, tandem e sede sua profiliuit, ac per ambitum lacus, non sine foeda vacillatione, discurrens, partim minando, partim adhortando, ad pugnam compulit. Hoc spectaculo classis Sicula et Rhodia concurrerunt, duodenarum triremium singulae, excien-

Illud quoque plane] Intell. frigidum est, ex *frigidis iocis.* Ceterum delevi *quoque*, quod a Mss. pluribus bonis abest et hic friget. ERN. Mihi quoque aliquid depravatum videtur. Durum est *plane*, etiam si *arcessitum* suppleas.

Avete vos] Haerent Viri docti in his verbis, nempe quomodo naumachiarii ea sic poterint capere, ut se missos putarent, veniamque datam sibi. Ego rem sic concipio. *Ave et*

salve sunt verba iubentis vivere incolumem, et optantis. Itaque, quum naumachiarii dixissent: Te quidem, Imperator, iubemus salvere, vivere, nos autem iam morituri sumus, responsum Caesaris, *Avete vos,* poterant ita accipere, quasi diceret, immo vero salvete et vivite, et hinc sibi veniam pugnandi datam existimare. ERN.

Classis Sicula et Rhodia] Vide Caes. c. 39. ERN.

Duodenar. triremium] Na-

te buccina Tritone argenteo, qui e medio lacu per machinam emerſerat.

Quaedam circa cerimonias, civilemque et 22
militarem morem, item circa omnium ordinum
ſtatum, domi ſoriſque, aut correxit, aut exole-
ta revocavit, aut etiam nova inſtituit. In co-
optandis per collegia ſacerdotibus, neminem
nili iuratus nominavit; obſervavitque ſedulo,
ut quoties terra in Urbe moviſſet, ſerías advo-
cata concione Praetor indiceret; utque, dira
avi in Urbe aut in Capitolio viſa, obſecratio
haberetur, eamque ipſe iure Maximi Pontificis
commonito pro roſtris populo praeiret, ſummo-
taque operariorum ſervorumque turba.

Rerum actum, divilium antea in hibernos 23
aeſtivosque meſes, coniunxit. Iurisdictionem

merum hunc ſuſpectum facit
primum Dio, qui quinquaginta
habet: tum numerus eo-
rum, qui in illis claſſibus pu-
gnarunt; nam Tacitus Ann. 12,
56. undeviginti millia fuiſſe di-
cit. Quem numerum ſane vi-
ginti et quatuor naves capere
non potuerunt: quamquam
etiam ſupra ſidem eſt, tantum
numerum hominum, qui capita-
lium criminum damnati eſſent,
cogi potuiſſe. Sed coniectura
hic nihil aſſequi licet. ERN.

Cap. 22. *Nominavit*] Pro-
prium in hac re verbum. Vi-
de Cic. Phil. 2, 2. Tac. Ann.
4, 16. ERN.

Obſecratio — *praeiret*] H.
I. dupliciter capienda: primum
pro die ſolemni; deinde pro

carmine, quod in die illa,
deorum placandorum cauſſa,
recitaretur. ERN.

Commonito] Intell. per edic-
tum, ut frequentaret obſeca-
tionis ſolemnia. *Pro roſtris*
refer ad *praeiret*. ERN.

Operariorum] Hoc pro *ope-
rarum* e Mſſ. repoſui; nam
hoc alienum eſt. *Operarii* di-
cuntur ſane *operae*, ſed tum,
quum de aliquo opere ſermo
eſt. Genus hominum ipſum,
quod in operibus faciendis ad-
hibetur, non *operae*, ſed *ope-
rarii*. Ex uno codice *opera-
rum* inductum eſt. ERN. Be-
ne. At illud diſcrimen voca-
bulorum commentitium eſt.

Cap. 23. *Rerum actum* —
coniunxit] *Actus rerum* h. l.

de fidei commissis quotannis, et tantum in Urbe delegari magistratibus solitam, in perpetuum, atque etiam per provincias potestatibus demandavit. Capiti Papiae Poppaeae legis, a Tiberio Caesare, quasi sexagenarii generare non possent, addito, obrogavit. Sanxit, ut pupil-

significat solam iudiciorum administrationem, ut patet e Galba c. 14. Conf. Aug. c. 52., ubi similiter sic dicitur, ut vidit Casaubonus. Res autem, ut opinor, sic se habet. Mos erat, ut aliae decuriae iudicum aestivis mensibus, h. e. ab Aprile ad Septembrem, aliae hibernis, ab Octobře ad Martium, iudicia exercerent, una annuam vacationem haberet, idque ex instituto Augusti l. c., ubi vide Casaubonum. Claudius autem illam partitionem anni sustulit, et uno tenore, per totum annum, iudicia exerceri iussit; id enim est apud Suet. *coniungere*. Sic *consulatus coniungi* dicuntur Calig. c. 17., qui alias, apud Ciceronem et Livium, *continuari* dicuntur. Ea continuatio iudicibus molestiam muneris levabat, ut intelligitur e Galba l. c., quod nullo alio modo factum videtur, quam quia sic diuturnior vacatio decuriis data. Male Torrentius, non animadversa verbi *coniunxit*, et *actus rerum*, significatione, de causis diversis, olim certis mensibus assignatis, nunc per totum annum actis, acci-

pit: nec melius alii de iudiciis ipsis, in quibus talis distributio intelligi non potest, aut coniunctio. ERN.

Quotannis — in perpetuum — demandavit] Nec hunc locum recte ceperunt Interpretes. Sensus autem hic est: Iurisdictio de fidei commissis ante erat extraordinaria, quod quotannis peculiari decreto magistratibus mandaretur, cui placeret, nulum certum magistratum haberet: veluti quaestiones rerum capitalium olim erant omnes extraordinariae, quum lege aut SCto mandarentur, cui videretur. Claudius autem fecit, ut esset ordinaria, constitutis Praetoribus duobus perpetuis et ordinariis, qui de fidei commissis cognoscerent, ut patet e Pomponio de Orig. Iuris. Atque hoc significant verba, *in perpetuum demandavit*. Sic, posteaquam quaestionibus praefecti sunt certi et ordinarii, annique magistratus, dictae sunt *quaestiones perpetuae*, scilicet, magistratibus quibusdam in perpetuum demandatae. ERN.

Obrogavit] Senatus consulto, per quod sexagenariorum

lis extra ordinem tutores a Consulibus darentur, utque hi, quibus a magistratibus provinciae interdicerentur, Urbe quoque et Italia summoventur. Ipse quosdam novo exemplo relegavit, ut ultra lapidem tertium vetaret egredi ab Urbe. De maiore negotio acturus in curia, medius inter Consulum sellas, tribunicio subsellio sedebat. Commeatus, a Senatu peti solitos, beneficii sui fecit.

nuptiae probatae. Lectionem huius loci, quam nos secuti sumus, pro vulgatori *abrogavit*, late, contra Cuiacium, Gothofredum et alios defendit Perizonius *Disl. II. p. 153. seqq. ERN.*

Extra ordinem tutores etc.] *Extra ordinem* a Consulibus tutores dati dicuntur, quia, e legibus et more maiorum, dabantur antea tutores a Praetore urbano, ut notum est e Ciceronis Verrina prima. Nunc, quum peculiari Scto id munus iniungitur Consulibus, quum proprie non sit pars muneris consularis, extra ordinem iis datum dicitur. *ERN.*

Tribunicio subsellio] Verba per se satis clara. Sed causam istius institui, si quis desideret, hanc dicam fuisse. Tribuniciae potestatis nomine Caesares summum in Urbe imperium tenebant: et iam libera republica Tribuni, etsi non honore, tamen potestate omnibus maiores erant. Itaque id ge-

nus subsellii, quo Tribuni uterentur, honestum in primis visum: quippe etiam Caesari, Dictatori, qui sella curuli uteretur, tamen honoris causa decretum a Senatu, ut tali subsellio uti posset, auctore Dione lib. 42. p. 194. Idque repetitum in Augusto ceterisque videtur, praesertim quum tribunicia potestate uterentur. Haec ergo de causa videtur Claudius, relicta propria Caesariibus sede, in curia consedissee in subsellio tribunicio, ut indicaret, se iam pro potestate tribunicia aliquid maius acturum. Aliter Lipsius ad Tac. Ann. 4. 8.: nempe quasi modestiae causa factum sit, quod non convenit rei. Maius negotium acturus, profecto non sede desprimebat se. *ERN.*

Commeatus etc.] Hoc pertinet, primum, tantum ad Senatores, quibus non licuisse exire Italia, nisi consentiente ac permittente Senatu, inde ab Augusti temporibus, trala-

24

Ornamenta consularia etiam procuratoribus ducenariis indulgit. Senatoriam dignitatem recusantibus, equestrem quoque ademit. Latum clavum, quamvis initio affirmasset, non lecturum se Senatorem, nisi civis Romani abnepotem, etiam libertini filio tribuit; sed sub conditione, si prius ab Equite Romano adoptatus esset. Ac sic quoque reprehensionem verens, et Appium Caecum Censorem, generis sui proavctorem, libertinorum filios in Senatum allegisse docuit; ignarus, temporibus Appii et deinceps aliquamdiu *libertinos* dictos, non ipsos, qui manu emitterentur, sed ingenuos ex his procrea-

titium est. Tota res explicata a Lipsio est ad Tac. Ann. 12, 23. Sed dubitatio contra hunc Suetonii locum existere potest e Calig. c. 29., ubi commeatus prorogationem saepius desiderantem interfici iubet Caligula. Ex quo colligas, iam tum commeatum datum et petitum a Caesare. Verum res sic concipienda, ut Caesar quidem dare potuerit, sed interposito SCto: ut ita res tamen semper in Senatu ageretur, per eumque vel daretur, vel negaretur commeatus. Conf. Tib. c. 31., ubi Praetor designatus, etiam improbante Caesare, non modo commeatum, sed etiam legationem liberam accipit. ERN.

Cap. 24. *Ducenariis*] Vide ad Aug. c. 32. ERN.

Recusantibus] Quod aut

molestiam laboris fugerent, aut, ut olim Atticus, delectarentur re familiari et quaestu, quem subsistentes in ordine equestri, negotiando aliove modo, facerent. ERN. Aut, quod parum grata dignitas erat sub tali principe.

Lecturum se] Sic etiam Mf. Lyser. et alii ab Oudendorpio inspecti, item edd. pr. ERN. Pronomen habet etiam Longol. eiusque omissio h. l. ambigua fuisset.

Libertinorum filios — — *ingenuos* etc.] Hoc loco monendi sunt tiroes, ut sibi caveant ab errore, nato ex hoc loco, qui etiam nunc multos doctorum hominum libros obfedit. (vide v. c. Harduinum ad Plinii Hist. Nat. 33, 1.) quasi libertorum filii sint libertini; quod est falsissimum et

tos. Collegio Quaestorum pro firatura viarum gladiatorium munus iniunxit; detractaque Osti-

ab hoc loco alienissimum. Suetonius nihil aliud dicit, quam, Appii Caeci temporibus nomen libertinorum mansisse etiam, et vulgo tributum esse eorum posteris, quamvis iam ingenuis, quia proprie libertini dicantur, qui sunt manumissione libertatem nacti, iidemque cum libertis. ERN. Numquam intelligere potui, quid Ernestium et tot alios eruditos Viros in istam opinionem et perverfam interpretationem adduxerit, quae iam in libris Antiquitatum plerisque pro certissima venditur, praecunte Clav. Cic. v. *Liberti*. Sed fortasse in fraudem inducti sunt eo, quod dixit Suet. *ingenuos ex his procreatos* ex sua aetatis, non ex priscae, qua Appius vixit, consuetudine loquendi. Appii enim temporibus (a. U. 443.) non filii manu missorum, sed demum nepotes eorum, *ingenuitate* fruebantur. Postea labentibus reipubl. moribus invaluit, ut *ingenui* statim essent ex manu missis procreati, ipsique manu missi haberent *libertinitatem*; siquidem *libertinus* vulgo respectu conditionis, *libertus* respectu patroni dicebatur. Quod satis notum est omnibus ex Cicerone et Livio, quorum auctoritate observationem Suetonii elevare non de-

bebat Sigon. de I. C. R. 1. 6. Nam hoc ipsum notandum putavit doctus Grammaticus, aliam seculo quinto, aliam posterioribus obtinuisse *libertini* significationem: scripsit enim *non ipsos qui manu emitt.* Eaque observatio, de cuius veritate ambigi vix licet, necessaria videri potuit propter errorem aliorum historicorum de invidiosa Appii censura referentium, ut Liv. 9. 29. et 46. f. f. Tac. Ann. 11. 24. et aliorum. An vero argentea Latinitatis aetate *libertus* rursus de conditione et statu usurpatum sit, alias videbimus ad Tac. Germ. c. 25.

Pro firatura viarum] Ea imposita ab Augusta videtur, quum Quaestoribus aerarium ademisset. ERN.

Gladiatorum munus] Conf. Tac. Ann. 11. 22., ubi *spectaculum gladiatorum* dicitur; unde *quaestoria munera* dicuntur Domit. c. 4. Ea omissa revocavit Domitianus l. c. Ceterum Oudendorp. e libris quibusdam edidit *gladiatorium*, quod vulgatum significaret operam gladiatoriam; quae ratio inanis est. *Munus* non dicitur de gladiatoribus ipsis, sed opera. *Munus* est spectaculi genus, in quo vel gladiatores vel ferae exhibentur. Illud

ensi et Gallica provincia, curam aerarii Saturni reddidit, quam medio tempore Praetores, aut, uti nunc, praetura functi sustinuerant. Triumphalia ornamenta Silano, filiae suae sponso, nondum puberi dedit. Maioribus vero natu, tam multis, tamque facile, ut epistola communi legionum nonine existerit, petentium, *ut legatis consularibus simul cum exercitu et*

commodè dicitur *munus gladiatorum*. Tum M. Lyser. habet *indulsi* pro *iniunxit*, ut et Vinlob. sec., ut in eo sit beneficium, sicut in sequente. ERN.

Gallica provincia] Alia provincia Gallica est consularis, alia quaestoria. Haec quoque *Gallia* simpliciter dicitur, unde nec absurda lectio altera, *Gallia provincin*. Est autem cis Ariminum, ultra Picenum, ut docet Varro R. R. 1, 2., circa Padum. Plutarchus in Sertorio p. 569. Vide Clavem Cic. in Indice geograph., ubi docui, sic dici *Galliam*, ubi Piceno iungatur, nominatim apud Caesarem B. G. 1, 29., et de hac regione intelligendum *agrum Gallicum*, qui saepe nominetur apud Veteres, nominatim Ciceronem. Ei ergo Galliae, sive agro Gallico, praefuit Quaestor, cuius Arimini sedes esset, isque, ut docuit Lipsius ad Tac. Ann. 4, 27., apud Plutarchum l. c. dicitur *ὁ ταύτας τῆς περὶ Πάδον Γαλατίας*. Sic cepit etiam Pi-

ghius Annal. T. I. p. 468. Ceterum ipsum *Galliae* verbum ita, ut nos fecimus, illustrandum erat. Ita omnis difficultas sublata. ERN.

Praetores — functi] Ex instituto Augusti, ut clare Suetonius Aug. c. 37. Tacitus Ann. 13, 29. Burmannus ait, Gronovium de Sestert. 4, 3. p. 275. docere, Tiberii id institutum fuisse. Sed hoc non docet Gronovius. Verba Gronovii, *Id contigit sub Tiberio, non Augusto, ut perperam Torrentius ad Suetonium Claud. 24.*, aut referenda tantum ad locum Taciti ex Ann. 1, 75., quem Torrentius ad h. l. laudat, et sic iniuriam Torrentio fecit Gronovius, aut falsus est Gronovius. *Uti nunc* revocavi e Mss. pro *utque*, sic et Oudendorpius. Consentit historia. ERN.

Exstiterit] Sollicitor, legere *exierit*; quod est verbum proprium de scriptis, dictis, in vulgus emanantibus: nam *exflare* et *existere* quidem etiam

triumphalia darentur, ne caussam belli quoquo modo quaererent. A. Plautio etiam ovationem decrevit: ingressoque Urbem obviam progressus, et in Capitolium eunti, et inde rursus revertenti latus texit. Gabinio Secundo, Chaucis, gente Germanica, superatis, cognomen Chaucius usurpare concessit.

Eques tres militias ita ordinavit, ut post cohortem, alam; post alam, tribunatum legionis daret: stipendiaque instituit, et imaginariae militiae genus, quod vocatur *Supra numerum*, quo absentes, et titulo tenus, fungerentur. Milites domos senatorias salutandi causa ingredi,

dicuntur pro oriri, emergere, nasci, sed de libello, epistola edita dici, nondum reperi, imprimis sic, ut hic est, de scripto clam emissio aut sparsio; de quo genere proprium est verbum exeundi, ut de fama, sermone etc. ERN. Temeraria est coniectura: conf. Octav. c. 1. 85. etc. Etsi *exire* liber vel epistola dicitur, quae venit in manus vulgi.

Chaucius cognomen] Hunc modum loquendi, praeter alios, egregie asserit Burmannus ad b. l. ERN.

Cap. 25. *Eques tres militias*] Esse eos militiae gradus, qui Equitibus Romanis dari sint, hodie liquido constat, pluribusque docuit imprimis is, qui ad hunc locum iam a Graevio laudatus est, Schelius ad Hyginum p. 69. 70., nempe praefec-

cturae et tribunatus. *Praefecturae* sunt cohortium et alarum, *tribunatus* legionum. *Cohortes* autem intelligendae auxiliae sociorum, ut iam vidimus Aug. c. 38. Ceterum, quod Schelius id sub Caesaribus obtinuisse dicit, non omnino est verum. Iam extremis liberae reipublicae temporibus sic mos ferebat, aucta Equitum Romanorum dignitate. Eques Romanus Scaptius, negotiator in provincia Cilicia, ab Appio praefecturam obtinuerat; frustra petiit a Cicerone, ad Att. 5, 21. Aliis equitibus a Bruto commendatis dederat Cicero, ad Att. 6, 1. Porro Trebatium Caesari commendans ad Div. 7, 5. scribit: *Huic ego neque tribunatum, neque praefecturam, neque ullius beneficii certum nomen peto.* ERN.

etiam Patrum decreto prohibuit. Libertinos, qui se pro Equitibus Romanis agerent, publicavit. Ingratos, et de quibus patroni quererentur, revocavit in servitutem; advocatisque eorum negavit, se adversus liberos ipsorum ius dicturum. Quum quidam aegra et affecta mancipia in insulam Aesculapii taedio medendi exponerent, omnes, qui exponerentur, liberos esse sanxit, nec redire in ditionem domini, si convalescent: quod si quis necare quem mallet, quam

Qui se pro Equitibus Romanis agerent] Eadem forma mox c. 29., ubi tamen Graevius *se* delevit, velut ortum e voce sequente *sed*. Alia loca Suetonii, quae ad haec duo loca laudantur, huic non sunt similia: nam in iis iungitur accusativo rei, ut Coelius dixit apud Ciceronem ad Div. 3, 2. *nobilem agere*. Sed hic ponitur pro *gerere se*. Cuius formae tamen exempla etiam Gesneri Thesaurus habet, quamquam non ex optimae aetatis scriptoribus. Itaque inclino in Graevii rationem l. c., ut hic quoque *se* deleatur, insitum a confusione formae *bu*ius cum altera, *gerere se pro* etc. ERN. Refutavit haec Ruhken. ad Rutil. Lup. p. 86. idoneorum auctorum exemplis, qui sic dixerunt *agere*, ubi alii *gerere*.

Revocavit in servitutem] Disputatur, utrum generalis illa constitutio, an particularis fuerit: item, an omnino consti-

ratio Claudii, et non potius decretum in causis quibusdam interpositum; de quo adeundi Icti. Mihi posterius cum Lippio et Raevardo placet: nam multa talia Imperatorum facta narrantur, quae non statim omnia pro publicis constitutionibus habenda. Et solet Suetonius peculiari aliquo verbo, ut *sancienti*, *edicendi* etc., indicare, si decretum generale fuit, uti mox. Conf. inprimis c. 14. et ad Tac. Ann. 13, 27. Similiter Claudius liberum ingratum occidi iussit apud Dionem lib. 60., et sic cape locum l. 5. ff. de iure patronatus, ubi est verbum *iussit*, quod est decernentis. ERN.

Adversus liberos ipsorum] H. e. si ipsis accideret, ut de libertis suis querendum esset, non se ius dicturum esse ita, ut condemnaret liberos, sed indicta causa dimissurum. ERN.

Qui exponerentur — — necare quem mallet] Sentio cum Viris doctis, qui verba,

exponere, caedis crimine teneri. Viatores ne per Italiae oppida, nisi aut pedibus, aut sella, aut lectica transirent, monuit edicto. Puteolis et Ostiae singulas cohortes ad arcendos incendi-
orum casus collocavit. Peregrinae conditionis homines vetuit usurpare Romana nomina, dumtaxat gentilitia. Civitatem Romanam usurpantes in campo Esquilino securi percussit. Provincias Achaïam et Macedoniam, quas Tiberius ad curam suam transtulerat, Senatui reddidit. Lyciis, ob exitiabiles inter se discordias, libertatem ademit: Rhodiis, ob poenitentiam veterum delictorum, reddidit. Ilienſibus, quasi Romanae gentis auctoribus, tributa in perpetuum remisit; recitata vetere epistola Graeca Senatus populique Romani, Seleuco regi amicitiam et societatem ita demum pollicentis, si consanguineos suos Ilienſes ab omni onere im-

qui exponerentur, et τὸ quem ciici e contextu volunt, quum et absint a libris pluribus. Ceterum ad hunc locum, videndus etiam Noordkerkius de lege Petron. p. 106. ERN.

Dumtaxat gentilitia] Burmanno haec verba suspecta sunt; quod omnia nomina Romana gentilitia sint. Id fallum esse arbitror. *Tullii, Corneli*, v. c. nomen gentilitium est; *Ciceronis* autem, *Sullae*, non. Ergo talia nomina, quibus familiae tantum distinguuntur, hoc est, cognomina, permisit usurpare, non autem gentilitia. Ergo nec suspecta de-

bent esse illa verba. ERN.

Seleuco regi] Syriae regem intelligi in promptu est; quem autem, nemo Interpretum, quod sciam, docuit. Neque ego adhuc pro certo dicere possum, quis intelligatur. Ceterum primum aut secundum Seleucum indicari, certum est: nam tertio brevissimum imperium fuit; sequentes autem Asiam minorem in ditione sua non habuerunt. Quodsi iam primus Ptolemaeus, Aegypti rex, foedus cum Romanis fecit, ut auctor est Eutropius, non abhorret, etiam primum Seleucum id fecisse, aut secundum. Hunc

munes praestitisset. Iudaeos, impulsore Chresto assidue tumultuantes, Roma expulit. Germanorum legatis in orchestra sedere permisit; simplicitate eorum et fiducia commotus, quod in popularia deducti, quum animadvertissent Parthos et Armenios sedentes in Senatu, ad eadem loca sponte transierant, nihilo deteriorem virtutem aut conditionem suam praedicantes. Druidarum religionem apud Gallos dirae immanitatis, et tantum civibus sub Augusto interdictam, penitus abolevit. Contra, sacra Eleusinia etiam

intelligit Ondendorpius. ERN. Et probabiliter quidem ob rationem temporum.

Impulsore Chresto] Homine Graeculo, sive peregrino, sive libertino, Iudaica sacra, ut opinor, professio. In inscriptionibus antiquis non raro occurrunt libertini eo nomine. De Christo accipi, nec nomen paritur, nec additum, *impulsore*, quod de praesente, scribendo certe impellente, dicitur; quod in Christum, in caelos dudum tum sublatum, non convenit. Quae alias super hoc loco ab aliis dicta et scripta sunt, non refert commemorare. Iudaei se faciles in tumultus iam in Caesaris morte probarant. Caes. c. 84. extr. ERN. His assentendum putamus potius quam Lipsio ad Tac. Ann. 15, 44. et aliis, qui S. in aetate Christi errasse suspicantur.

Fiducia motus] Mss. plures

habent *commotus*. Nihil interest. ERN. Sed id praefendum erat propter Mss. auctoritatem.

Sponte transierant] Vide Tac. Ann. 15, 54. et ibi Lipsium. ERN.

Abolevit] H. e. constitutione publica omnino exerceri vetuit, abolenda sanxit; quo sensu hoc, et alia similia verba, saepe apud Suetonium dicuntur, etsi effectus iussa caruerunt; quod et Claudiano edicto accidit: nam post Claudii tempora, superstitem Druidarum superstitionem fuisse, satis constat. Ceterum Plinius hic dissentire videtur a Suetonio, quum 50, 1. *Tiberio Caesari* tribuit, quod Suetonius hic *Claudio*. In quo accedo Rezzonici sententiae, qui etiam ex indicis librorum indicat, Plinii locum esse corruptum, et pro *Tiberii Caesaris* aut *Tiberii Claudii*, aut potius *Tib. Clau-*

transferre ex Attica Romam conatus est. Templumque in Sicilia Veneris Erycinae, vetustate collapsum, ut ex aerario populi Romani reficeretur, auctor fuit. Cum regibus foedus in foro icit, porca caesa, ac vetere Fetialium praefatione adhibita. Sed et haec, et cetera, totumque adeo ex parte magna principatum, non tam suo, quam uxorum libertorumque arbitrio, administravit; talis ubique plerumque, qualem esse eum aut expediret illis, aut liberet.

Sponsas admodum adolescens duas habuit: 26
Aemiliam Lepidam, Augusti proneptem; item Liviam Medullinam, cui et cognomen Camillae erat, e genere antiquo Dictatoris Camilli: priorem, quod parentes eius Augustum offenderant, virginem adhuc repudiavit; posteriorem, ipso die, qui erat nuptiis destinatus, ex valetudine amittit. Uxores deinde duxit Plautiam Urgulanillam, triumphali, et mox Aeliam Petinam, consulari patre. Cum utraque divor-

dii Caesaris legendum esse, in Disquisitione. Plinianis T. I. p. 139. Suetonio et alii scriptores consentiunt. ERN.

Templumque] Hanc lectionem codicis Memmiani, quia et melior est altera, *templum quoque*, recepi. Vide ad Ner. c. 38. Imitatus est Oudendorpius. ERN.

Fetialium praefatione] Est carmen, quod fecialibus perscriptum fuit, ut in foedere recitarent, reperiturque apud Livium I, 32. Idem Livius 39, 15. *sollemne carmen praeca-*

tionis, quod praefari magistratus solent, ubi vide Drakenborchium. ERN.

Talis ubique plerumque] Edidi utique pro *ubique* cum Burmanno: nam *ubique* τῷ plerumque non consentit. Uti-que est certe Graecorum δὲ. Sic haec particula passim utitur Suetonius, omnibus in locis, quae Oudendorpius attulit, in quibus ille accipit pro *inprimis*. Tib. c. 47. Calig. c. 53. etc. ERN. Et codd. fides et linguae usus magis favet vulgato *ubique*.

tium fecit: sed cum Petina, ex levibus offensis; cum Urgulanilla, ob libidinum probra et homicidii suspicionem. Post has Valeriam Messalinam, Barbati Messalae consobriini sui filiam, in matrimonium accepit. Quam quum comperisset, super cetera flagitia atque dedecora, C. Silio etiam nupsisse, dote inter auspices consignata, supplicio affecit; confirmavitque pro concione apud praetorianos, *Quatenus sibi matrimonia male cederent, permanfurum se in coelibatu: ac nisi permanfisset, non recusaturum confodi manibus ipsorum.* Nec durare valuit, quin de conditionibus continuo tractaret, etiam de Petinae, quam olim exegerat, deque Lolliae Paullinae, quae C. Caesari nupta fuerat. Verum illecebris Agrippinae, Germanici fratris sui filiae, per ius osculi et blanditiarum occasiones pellectus in amorem, subornavit, proximo Senatu, qui censerent, cogendum se ad ducendum eam uxorem; quasi reipublicae maxime interesset; dandamque ceteris veniam talium coniugiorum,

Cap. 26. *Consobriini sui*] Non Messalam consobrinum Claudii fuisse, sed eius uxorem Lepidam consobrinam, docuit Lipsius ad Tac. Ann. II, 37., unde ille mavult *consobrinae suae*. Eadem de causa videntur nonnulli haec verba pro spuris delevisse; nam a quibusdam codd. absunt. Contra Perizonius ep. ad Nic. Heinsum (T. IV. Coll. Burm. p. 801. 802.) errare Lipsium putat. Barbatum docet fuisse Clau-

dii consobrinum per alteram Marcellarum, quae fuere sorores uterinae Antoniae, matris Claudii: et hinc apud Senecam de morte Claudii, Augustum dici avunculum maiorem Messalinae aequae ac Claudii. ERN.

Qui censerent] Sic Mss. plures, etiam Lyser., et ed. Rom., bene, pro *censeret*. Non est credibile, uni hoc mandatum fuisse. Recepit et Oudendorpius. ERN.

quae ad id tempus incesta habebantur. Ac vix uno interposito die confecit nuptias; non re-
pertis, qui sequerentur exemplum, excepto li-
bertino quodam, et altero primipilari, cuius of-
ficiū nuptiarum et ipse cum Agrippina cele-
bravit.

Liberos ex tribus uxoribus tulit: ex Uргу- 27
lanilla, Drusum et Claudiam; ex Petina, An-
toniam; ex Messalina, Octaviam, et quem pri-
mo Germanicum, mox Britannicum cognomi-
navit. Drusum Pompeiis impuberem amisit,
piro per lusu in sublime iactato, et hiatu oris
excepto, strangulatum; cui et ante paucos dies
filiam Seiani despondisset. Quo magis miror,
fuisse, qui traderent; fraude a Seiano necatum.
Claudiam, ex liberto suo Botere conceptam,
quāvis ante quintum mensem divortii natam,
alique coeptam, exponi tamen ad matris ia-
nuam, et nudam iussit abiici. Antoniam Cn.
Pompeio Magno, deinde Fausto Sullae, nobi-
lissimis iuvenibus, Octaviam Neroni privigno
suo collocavit, Silano ante desponsatam. Bri-
tannicum, vicesimo imperii die, inque secun-

Quae ad id tempus incesta habebantur] Notabilis locus et utilis in disputatione theologia de matrimoniis illicitis. ERN.

Cap. 27. *Pompeiis*] Ita legitur ex emendatione Lipsii ad Tac. Ann. 3, 29. auctore Casaubono. Vulgo legebatur, *Pompeium puberem*. ERN.

Cui — despondisset] Probo emendationem Lipsii et Gronovii, *quum ei*: „unde enim

coniunctivus pendet, si legimus *cui*? Sic etiam censebat Graevius. ERN.

Cn. Pompeio Magno etc.] De his vide Rupertii et Reinesii Epist. 48, 49., de Pompeio etiam Spanhemium de usu et praest. Numism. T. II. p. 66. Norisii Epist. ad Pagium T. IV. p. 755. ERN.

Vicesimo imperii die] Sic etiam Dio Cassius tradit. Sed Petavius Doctr. Temp. lib. 11.

do consulatu natum sibi, parvulum etiam tum, et militi pro concione manibus suis gestans, et plebi per spectacula gremio aut ante se retinens, assidue commendabat, faustisque omnibus cum acclamantium turba prosequabatur. E generis Neronem adoptavit: Pompeium atque Silanum non recusavit modo, sed et interemit.

- 28 Libertorum praecipue suspexit Posiden spadonem, quem etiam Britannico triumpho inter militares viros hastia pura donavit: nec minus Felicem, quem cohortibus et alis provinciaeque Iudaeae praeposuit, trium reginarum maritum: et Arpocran, cui lectica per Urbem ve-

c. 9. negat, utrumque verum esse posse, et aut emendandum, aut non audiendum esse Suetonium: nam vicissimum imperii Claudiani diem cadere in Februarium A. C. 41., consulatum secundum in A. C. 42. Ab Suetonio etiam dissentit Tacitus Ann. 13, 15. ut in aliis. Pagius occurrebat rei sic, ut diceret, intelligendum designatum consulatum alterum: sed Dodwellus Praelect. Cambilen. p. 252. rationibus eius satisfacere instituit sic, ut dicat, *vicissimum diem imperii* esse vicissimum a die suscepti imperii, id est Kalendario, a die natali imperii, qui singulis annis redit, non illo ipso anno, quo suscepit imperium, sed altero. Verum haec ratio contorta est et contra Latinitatem. Neque

enim *consulatus designatos* dixere veteres, etsi per eos tempora interdum indicarunt, ut Domit. c. 1. Itaque maneamus in Petavii sententia, dum meliora quis doceat. ERN. Error, subesse videtur ipsius Scriptoris.

Militi] Vulgo *militibus*. Illud plures Mss. boni habent. Recepti, quia exquisitius est et melius respondet *plebi*. Sic et Oudendorpius fecit. ERN.

Cap. 28. *Felicem*] De quo Lucas Act. 24. ERN.

Trium reginarum maritum] Duas novimus: unam Drusillam, Antonii Triumviri neptem, e Cleopatra Aegyptiaca; filiani Iubae e Cleopatra Selene, Antonii filia, sororem Ptolemaei; alteram itidem Drusillam, Agrippae, Iudaeorum regis, filiam:

hendi, spectaculaque publice edendi ius tribuit: ac super hos, Polybium a studiis, qui saepe inter duos Consules ambulabat: sed ante omnes, Narcissum ab epistolis, et Pallantem a rationibus; quos decreto quoque Senatus, non praemiis modo ingentibus, sed et quaestoriis praetoriisque ornamentis ornari libenter passus est: tantum praeterea acquirere et rapere, ut, querente eo quondam de filci exiguitate, non absurde sit dictum, *abundaturum, si a duobus libertis in consortium reciperetur.*

His, ut dixi, uxoribusque addictus, non 29
principem se, sed ministrum egit. Compendio cuiusque horum, vel etiam studio ac libidine; honores, exercitus, impunitates, supplicia lar-

tertia ignoratur. Unde emendandum Pontanus Suetonium sic putabat, *etiam reginarum maritum.* Alii aliter. ERN.

Spectaculaque publice edendi ius] Vide Lipsium ad Tac. Ann. 4, 62. *Publice* redundat, glossamque sapit. ERN. Fal-litur Vir Cl.

Ornamentis ornari] Pro *ornari* libri plures *honorari*, quod et recepit Oudendorpius. Offenditur et vulgato Rezzonicus Disquiss. Plin. T. I. p. 144., qui et excidisse aliquid putat. Ceterum tamen haec forma *ornamentis ornari* passim occurrit in inscriptionibus antiquis apud Muratorium et alios, ut demonstrat Hagenbuchius de Diptych. Brix. p. 115. Ego reliqui *ornari*, quia id verbum

decreto Senatus melius convenit, quo dicuntur homines *ornari*, centies. ERN. Posterius verbum in hoc genere potius respicitur; et quum liberam optionem dent codd., merito praefertur *honorari*.

Cap. 29. *Principem se, sed ministrum egit*] Hic quidem, *se* non dubitavi delere, ut voluit Graevius probatque Oudendorpius. Ortum e sequente verbo *sed*. Vide et supra ad c. 25. ERN.

Exercitus, immunitates] Non dubitavi, sic edere pro *impunitates*: nam illae in talibus largitionibus frequentes, hae in *supplicia largitus est* insunt; quamquam hoc et latius patet, et ad supplicia pertinet, quibus affecit innocentes a libi-

gitus est: et quidem insciens plerumque et ignarus. Ac ne singillatim minima quaeque enumerem, revocatas liberalitates eius, iudicia rescissae, suppositos aut etiam palam immutatos datorum officiorum codicillos; Appium Silanum consocerum suum, Iuliasque, alteram Drusi, alteram Germanici filiam, crimine incerto, nec defensione ulla data, occidit: item Cn. Pompeium, maioris filiae virum, et L. Silanum, minoris sponsum. Ex quibus Pompeius in concubitu dilecti adolescentuli confossus est: Silanus abdicare se praetura ante quartum Kalendas Ianuarias, morique initio anni coactus, die ipso Claudii et Agrippinae nuptiarum. In quinque et triginta Senatores, trecentosque amplius Equites Romanos, tanta facilitate animadvertit, ut, de nece consularis viri renuntiante centurio-

line aliorum. ERN. Recte hanc Lipsii coniecturam impro-
bavit Burm. Contraria sunt im-
punitates et supplicia s. poe-
nae. Conf. Galb. c. 15. Do-
nari gratia passus est vecti-
galia, immunitates, poenas
innocentium, impunitates no-
xiorum.

Largitus est] Το est elegan-
tius abesset, ut oratio conte-
xeretur sic: *ministerium egit*:
compendio — — *largitus*. Mox
alii libri *minora*, quod Oudendorpius retinuit. Male:
nam quaeque non finit. Si
esset quoque, secus esset. ERN.
Et haec videtur vera lectio, *mi-
nora quoque*, quam exhibuit
Memm. et alii quidam Mss.

*Datorum officiorum codi-
cillos*] Graevius haeret non
sine caussa in forma loquendi
dare officium; proprie enim
dicere debebat *datos officio-
rum codicillos*. Sed ~~xxxo~~ *ω-
vix* vitare voluit Suetonius,
quod iam praecedit *immuta-
tos*, eamque ob causam retu-
lit ad *officiorum*. Talia exem-
pla et alibi meminisse me obser-
vare. Vide ad Tib. c. 17. in-
fra c. 29. Sed fortasse *dato-
rum* est a glossatore; nam
commode abesse potest. ERN.
At dicitur *dare honores*,
provincias, *imperia* etc., ut
bene obiecit Oudendorp.

Ut, de nece etc.] Ouden-
dorp. e Mss. edidit, ut, *quum*

ne, *Factum esse, quod imperasset*, negaret quidquam se imperasse, nihilo minus rem comprobaret: affirmantibus libertis, officio milites functos, quod ad ultionem Imperatoris ultro procucurrissent. Nam illud omnem fidem excoheret, quod nuptiis, quas Messalina cum adultero Silio fecerat, tabellas dotis et ipse consignaverit; inductus, quasi de industria simularentur, ad avertendum transferendumque periculum, quod imminere ipsi per quaedam ostenta portenderetur.

Auctoritas dignitasque formae non defuit 50
vel stanti, vel sedenti, ac praecipue quiescenti. Nam et prolixo, nec exili, corpore erat; et specie canitiaeque pulcra, opimis cervicibus. Ceterum et ingredientem delituebant poplites minus firmi, et remisse quid vel serio agen-

de nocte etc., quod alias post *imperasse* deberet addi et. Non bene. Si *quum* esset a Suetonio, post esset et *negasset*. Copula post *imperasse* omissa est. ERN. Et Longol. et plures codd. ex meis habent *quum*, quod minime displicet. *Quum negaret* est pro *quavis neg.*, nec falsa est temporis ratio.

Transferendum periculum] Fabula sic acta. Interpres portenti conficti subornatus est, qui diceret, periculum imminere marito Messalinae. Id transferri posse in eum, cui Messalina nuberet. Dicis causa et eius maritus diceretur; nam ad eius maritum pertinere portentum. ERN.

Imminere ipsi etc.] Verbum *imminere* ab optimis Latinitatis auctoribus in hac formula loquendi omittitur: nec ullum tale exemplum animadverti. Vide ad c. 15. extr. ERN. Etsi nullum aliud exemplum esset talis infinitivi, hoc facile ferendum esset, quum omnis hinc absit suspicio alienae manus. Cavendum est, ne per nos pauperior fiat sermo Latinus.

Cap. 30. *Specie canitiaeque pulcra*] *Canitiaeque* sic positum me offendit: nam non bene convenit cum *specie*. Sed *species* iam est ante in forma. An Suetonius scripsit, *et canitiae pulcra, opimis cervicibus*? ERN. *Species* ad

tem multa dehonestabant: risus indecens; ira turpior, spumante rictu, humentibus naribus; praeterea linguae titubantia, caputque, quum semper, tum in quantulocumque actu, vel maxime tremulum.

31 Valetudine sicut olim gravi, ita princeps perprospera usus est, excepto stomachi dolore: quo se correptum etiam de consciscenda morte cogitasse dixit.

32 Convivia agitavit et ampla et assidua, ac fere patentissimis locis, ut plerumque sexcenteni simul discumberent. Convivatus est et super emissarium Fucini lacus, ac paene submersus, quum emissa impetu aqua redundasset. Adhibebat omni coenae et liberos suos, cum pueris puellisque nobilibus, qui more veteri ad fulcra lectorum sedentes vescerentur. Convivae, qui pridie scyphum aureum surripuisse existimabatur, revocato in diem posterum, calicem fictilem apposuit. Dicitur etiam meditatus edictum, *quo veniam daret, flatum crepitumque ventris in convivio emittendi*; quum periclitatum

genus pertinet, ad partem dignitatis *canities*. Nihil repertas, quod offendat.

Humentibus naribus] *Humor narium* respondet *Spumae oris*: itaque nil mutandum. Senibus in ira a calore capitis humert nares. ERN.

Cap. 32. *Convivatus est*] Abest a libris pluribus scriptis et edd. vet. *est*. Bene, si transponas post *submersus*, et deleas *ac*. ERN. Si de *epu-*

lo publico esset sermo, numerus *sexcentenorum* mirationem non faceret: in *convivio* facit. Sed incerta divinatio est. Vide Intpp. ad Tac. Ann. 6, 19.

Vescerentur] Elegantius hoc, quam *vescebantur*: sed tamen Mss. plures habent *vescenti*; unde Oudendorpius locum sic corrigit, ut deleat *qui*. Mox *pridie* mihi olet glossam. ERN. Sine causa.

quendam prae pudore ex continentia, reperisset.

Cibi vinique quocumque et tempore et loco appetentissimus. Cognoscens quondam in Augusti foro, ictusque nidore prandii, quod in proxima Martis aede Saliis apparabatur, deserto tribunali, ascendit ad sacerdotes, unaque decubuit. Nec temere unquam triclinio accessit, nisi distentus ac madens, et ut statim supino ac per somnum hianti, pinna in os inderetur, ad exonerandum stomachum. Somni brevissimi erat: (nam ante mediam noctem plerumque evigilabat:) ut tamen interdum nonnumquam in iure dicendo obdormisceret, vixque ab advocatis, de industria vocem agentibus, excitaretur. Libidinis in feminas profusissimae, marium omnino expers. Aleam studiosissime lusit: de cuius arte librum quoque emisit: solitus etiam in gestatione ludere, ita essedo alveoque adaptatis, ne lusus confunderetur.

Saevum et sanguinarium natura fuisse, magnis minimisque apparuit rebus. Tormenta quaestionum poenasque parricidarum repraesentabat, exigebatque coram. Quum et spectare antiqui moris supplicium Tiburi concupis-

Prae pudore ex continentia] Dura haec sunt meo sensu, *prae pudore*, aut spurium arbitror, aut, quod malim, post *ex continentia* ponendum, quod probavit Oudendorpius. ERN.

Cap. 53. *Nam — evigilabat*] Haec in parenthesi dicta: nam sequentia pertinent

ad illa, *Somni brevissimi erat.* ERN.

In gestatione ludere etc.] Quod est, quum essedo veheretur, sive iter essedo faceret, gestiandi causa tantum, non, ut peregre abiret. ERN.

Cap. 54. *Antiqui moris supplicium*] Ut virgis caederetur, qui supplicio afficien-

set, et, deligatis ad palum noxiis, carnifex deesset, accitum ab Urbe vesperam usque opperiri perseveravit. Quocumque gladiatorio munere, vel suo, vel alieno, etiam forte prolapsos iugulari iubebat, maximè retiarios, ut expirantium facies videret. Quum par quoddam mutuis ictibus concidisset, cultellos sibi parvulos ex utroque ferro in usum fieri sine mora iussit. Bestiariis meridianisque adeo delectabatur, ut et prima luce ad spectaculum descenderet; et meridie, dimisso ad prandium populo, perfederet; praeterque destinatos, etiam levi subitaque de causa, quosdam committeret, de fabrorum quoque ac ministrorum, atque id genus numero, si automatum, vel pagma, vel quid tale aliud parum cessisset. Induxit et unum ex nomenclatoribus suis, sicut erat togatus.

35 Sed nihil aequè quam timidus ac diffidens fuit. Primis imperii diebus, quamquam, ut diximus, iactor civilitatis, neque convivia inire ausus est, nisi ut speculatores cum lanceis circumstarent, militesque vice ministrorum fungerentur; neque aegrum quemquam visitavit,

idus erat. Conf. Ner. c. 49. et Domit. c. 11.

Bestiariis meridianisque] Meridiani sunt gladiatores, qui post *bestiarios*, mane pugnantes, committebantur. Conf. Lips. Saturn. 2, 15. et ad Senec. Ep. 7.

Sicut erat togatus] Cave Casanbono credas. Utraque enim constructio usitata est

Suetonio. Vide supra c. 9. Calig. c. 45.

Cap. 35. *Spiculatores* etc.] Quod fuit ita, uti cetera, quae mox sequuntur, parum civile, sed regium et tyrannicum. Nil plures et meliores habent *speculatores*; quod bene recepit Oudendorpius, qui vulgatum nec Latinum putat. Eum nos imitati sumus. ERR.

nisi explorato prius cubiculo; culcitisque et siragulis praetentatis et excussis: reliquo autem tempore salutatoribus scrutatores semper apposuit, et quidem omnibus, et acerbissimos. Sero enim ac vix remisit, ne feminae praetextatique pueri et puellae contrectarentur, et ne cuius comiti aut librario calamariae aut graphariae thecae adimerentur. Motu civili, quum eum Camillus, non dubitans etiam citra bellum posse terreri, contumeliola et minaci et contumaci epistola cedere imperio iuberet, vitamque otiosam in privata re agere: dubitavit, adhibitis principibus viris, an obtemperaret.

Quasdam infidias temere delatas adeo expavit, ut deponere imperium tentaverit. Quodam, ut supra retuli, cum ferro circa sacrificantem se deprehensio, Senatum per praecones propere convocavit; lacrimisque et vociferatione miseratus est conditionem suam, cui nihil tuti usquam esset; ac diu publico abstinuit. Messalinae quoque amorem flagrantissimum, non tam indignitate contumeliarum, quam periculi metu, abiecit, quum adultero Silio acquiri imperium credidisset: quo tempore foedum in modum trepidus ad castra confugit, nihil tota via, quam, essetne sibi salvum imperium, requirens.

Nulla adeo suspicio, nullus auctor tam levis exstitit, a quo non, mediocri scrupulo iniectione, ad cavendum ulciscendumque compelleretur. Unus ex litigatoribus seducto in saluta-

Dubitavit — an obtemperaret] Intell. cogitavit, secum perpendit. Ut saepe hoc vocabulum usurpatur a Cicerone.

Cap. 37. *Nullus auctor tam levis*] H. e. rumigerulus, quamvis famam levissime capiens.

tione affirmavit, vidisse se per quietem, occidi eum a quodam: dein paullo post, quasi percussorem agnosceret, libellum tradentem adversarium suum demonstravit; confestimque is pro deprehenso ad poenam raptus est. Pari modo oppressum ferunt Appium Silanum: quem quum Messalina et Narcissus conspirassent perdere, divisis partibus, alter ante lucem similis attonito, patroni cubiculum irrupit, affirmans somniasse se, vim ei ab Appio illatam: altera, in admirationem formata, sibi quoque eandem speciem aliquot iam noctibus obversari retulit. Nec multo post ex composito irrumpere Appius nuntiatus, cui pridie, ad id temporis ut adesset, praeceptum erat, quasi plane repraesentaretur somnii fides, arcessi statim ac mori iussus est. Nec dubitavit postero die Claudius, ordinem rei gestae perferre ad Senatum, ac liberto gratias agere, quod pro salute sua etiam dormiens excubaret.

38 Irae atque iracundiae conscius sibi, utrumque excusavit edicto, distinxitque, pollicitus

Pro deprehenso] I. e. tamquam deprehensus. Ut Octav. c. 24. *pro libero*. Vulgo hodie in tali loco ponunt *qua*, ex usu cadentis Latinitatis.

In admirationem formata] Vultu composito ad admirationem. In verbo *formari* h. l. latet significatio affectationis s. simulationis. Minus recte Burmannus exposuit, *ante instructa*.

Arcessi statim ac mori] Explicant, *arcessi crimine, ac-*

cusari. Sed ita non loquitur S. nec res patitur: immo eleganter emendavit Lips. ad Tac. Ann. 11, 29. *arceri*, h. e. excludi a militibus, quum nuntiaretur irrumpere. Transponit ille etiam, *ac statim mori*.

Ordinem rei gestae perferre] Non usitatum in ea re verbum, ut opinor, sed *deferre*. ERN. Certe non proprium, sed quasi de nuntio.

Cap. 38. *Utrumque excusavit*] Tirones notent neutrum

alteram quidem brevem et innoxiam, alteram non iniustam fore. Ostiensibus, quia sibi subeunti Tiberim scaphas obviam non miserint, graviter correptis, eaque cum invidia, *ut in ordinem se coactum* conscriberet, re-

duobus femininis subiectum, videantque Drakenb. ad Liv. 44, 36. De Claudiana distinctione irae et iracundiae satis fuerit monere, hanc breviorē, illam diuturniorē videri. Id arguunt leqq.

[*In ordinem se coactum*] H. e. contemptum, despiciatui habitum. Locutio ducta ex militia, ubi milites extra ordinem suum in agmine egressi a ductoribus in ordinem cogi dicuntur. Vide ad Liv. 35, 4. et Vesp. c. 15.

[*Conscriberet*] Burmanno suspectum verbum: primum, quia coram corripuisse Ostienses videatur Claudius; deinde, quia verbo *conscribendi* sic non utantur veteres, si vel maxime de epistola accipiendus locus esset. Ego vero existimem, si ostendi possit, *τὸ conscriberet* hic commodum et a Latina ratione non abhorrentem sensum habere, non dubitandum esse, quin per litteras, non coram, correpti sint Ostienses. *Conscriberet* autem dici posse, pro, simul, una scriberet, adiceret, aut adeo *pro scriberet*, sic demonstrō. Cicero Verr. 5, 4.

nihil, quod iste Romam publice conscripserit; quod nihil aliud est, quam *scripserit*, ubi similiter Graevius e codice regio legi vult *scripserit*. Sic et alia talia verba dicuntur. Apud eundem Ciceronem ad Div. 5, 9. de uno, *ut terra marique conquireretur*, pro quaereretur; est enim sermo de uno servo fugitivo. Similiterque Verr. 4, 48. Ceres dicitur Proserpinam *conquisivisse*. Porro Virgilius Aen. 9, 375. *conclamat ab agmine Volscens*, pro clamat, exclamat, ubi similem locum e Statio attulit Burmannus. Livius 10, 18. *Tusci fere omnes confecerant bellum*, i. e. sciverant, decreverant. Idem 40, 45. *tempestas aliquot signa constravit*, quod est aut *stravit* simpliciter, aut simul, una stravit; neque erat, quare in eo haereret Drakenborchius et rescribi vellet *prostravit*: nam talia verba saepe dicuntur sic, ut adiunctionem et coniunctionem significant. Sic idem illud *conscribere* apud Ciceronem ad Att. 12, 19. dicitur pro una, simul scribere, *Balbus ad me cum Oppio conscripsit*; ubi nihil impedit

penite, tantum non satisfaciens modo, veniam dedit. Quosdam in publico parum tempestive adeuntes manu sua repulit. Item scribam quaestorium, itemque praetura functum Senatorem, inauditos et innoxios, relegavit: quod ille adversus privatum se intemperantius affuisset; hic, in aedilitate inquilinos praediorum suorum contra vetitum cocta vendentes multasset, villicumque intervenientem flagellasset. Qua de causa etiam coercionem popinarum Aedilibus ademit. Ac ne stultitiam quidem suam reticuit, simulatamque a se ex industria sub Caio, quod

quominus etiam interpretere scripsit. Livius 4, 4. *Cur enim non confertis?* i. e. cur non in rogatione vestra additis, simul fertis? Habent tamen quidam libri scripti et editi *adferiberet*. ERN.

Satisfaciens modo] Tali oratione vultuque, ut deprecari potius iniuriam, Ostiensibus factam obiurgatione illa, videretur. ERN. Fieri etiam hoc potuit per litteras, ut bene observavit Bremius.

Intemper. affuisset] Causam contra se ita egisset, ut in Claudium quaedam vehementius et contumeliosius diceret. ERN.

Praediorum] Intellige urbanorum. Sed quoniam *praedia urbana* non modo aedificia in Urbe dicuntur, sed etiam pars villae ea, quae non rusticae rei servit, sed usibus dominorum et urbanorum aedificiorum mo-

do exstructa et ornata, ut ICti docent L. 189. de verb. signif., Iustinianus Institt. 2, 3., conf. Christum Villatic. p. 89., dubitatio exsistere potest, utrum domus in Urbe, an villa intelligenda, praesertim quum villici mentio fiat. Sed de priori capiendum laud dubie, propter inquilinos, et quidem cocta vendentes, et Aedilem. *Villicum* autem de oeconomio, procuratore, generatim dici, satis notum est. ERN.

Contra vetitum] Atqui in Ner. c. 14. dicit, ante Neronem nullum non obsonii genus in popinis propositum fuisse, primumque id prohibuisse Neronem. Et Claudius ipse favebat popinis, c. 40., et, se iuvene, abundasse obsoniis et vino praedicabat. Unde colligo, eo tempore, de quo hic sermo, non edicto aliquo principis ac lege, sed Aedilium, qui tum

aliter evasurus perventurusque ad susceptam stationem non fuerit, quibusdam oratiunculis testatus est. Nec tamen persuasit: quum intra breve tempus liber editus sit, cui index erat *μωρῶν ἀνάστασις*; argumentum autem, *stultitiam neminem fingere*.

Inter cetera in eo mirati sunt homines et 59
oblivionem et inconsiderantiam; vel, ut Graece dicam, *μετεωρίαν* et *ἀβλεψίαν*. Occisa Messalina, paullo post quam in triclinio decubuit, *cur domina non veniret*, requiivit. Multos ex iis, quos capite damnaverat, postero statim die et in convivium et ad aleae lusum ad-moveri iussit; et, quasi morarentur, ut somni-

orant, edicto prohibitam rem fuisse, aliumque alio in ea re severiorem fuisse. ERN.

Perventurusque ad susceptam stationem] Similiter *stationem*, pro imperii munere, dixerat Plinius, et *capefere stationem*, Paneg. c. 7., ultra quam aetatem ista ratio non asurgit, scil. in narratione historica, et velut proprium verbum, ut hic, et cum verbo, cui proprie *statio* non convenit. ERN.

Nec tamen persuasit] Sic edidimus, secuti Gronovium et Burmannum, etli codd. et edd. fere habeant, *nec ante persuasit, quam*, vel, *nec tamen ante persuasit*: nam illa lectio Latina est, et intelligi potest. Marklandus Epist. crit. p. 22. legendum putat, *nec ante destitit, quam* etc. Sed hoc est

vim facere; praeterquam quod verba, *intra breve tempus*, et conjunctivus *editus sit*, hanc lectionem non patiuntur. ERN.

Ἀνάστασις] Codd. et edd. *ἐπανόστασις*, quod et revocavit Oudendorpius. Utrum verius sit, intelligi, ut opinor, non potest, amisso libro: nam utrumque explicari potest. ERN. Conf. Tonpii Ep. crit. p. 21. (ed. Lips. 17.)

Cap. 39. *Oblivionem* — *μετεωρίαν*] Est genus stuporis, quum aliquis non meminit eorum, quae vix videtur oblivisci posse: cuius exemplum est, quod in Messalina occisa Claudio accidit. Dicitur sic *μετεωρία* ab eo, quod *μετέωροι* sunt fluctuantes, instabiles, incerti. ERN.

Admoveri] Hanc lectionem edd. vet. et plurimorum codd.

culosos per nuntium increpuit. Ducturus contra fas Agrippinam uxorem, non cessavit omni oratione *filiam, et alumnā, et in gremio suo natam, atque educatam*, praedicare. Adsciturus in nomen familiae suae Neronem, quasi parum reprehenderetur, quod adulto iam filio privignum adoptaret, identidem divulgavit, *neminem umquam per adoptionem familiae Claudiaē insertum*.

40 Sermonis vero rerumque tantam saepe negligentiam ostendit, ut nec quis, nec inter quos, quove tempore ac loco verba faceret, scire aut cogitare existimaretur. Quum de laniis ac vi-nariis ageretur, exclamavit in curia: *Rogo vos*,

lervavi, repudiata altera *admoneri*, quam Pulmannus, Torrentius, Graevius, Burmannus et Oudendorpius recipere: nam quod Burmannus putat, *in convivium admoveri* non dici, id nihil est. Primo, nemo hodie ignorat, verba saepe poni ea, quae proximo tantum verbo respondeant, non etiam accurate ceteris. Cicero de Nat. deor. 1, 64. *Nec vero supra terram, sed etiam in intimis eius tenebris plurimarum rerum latet utilitas*. Cuius generis exempla e Graecis et Latinis permulta afferri possent, nisi iam ab aliis Viris doctis passim factum sciremus. Et tamen etiam Curtius 9, 2. dixit, *in propriorem amicitiae locum admoveri*. Deinde, quis, quaelo, dixit, *in convivium ad-*

moneri? Porro stupor non est in eo, quod mortuos iussit *admoneri*, circa tempus convivii, aut lusus, ut, invitati antea, venirent, sed, quod invitari iussit: de admonitione mox separatim dicit. Tum *admove-re* est verbum proprium in tali re, ut *adhibere*: eaque verba de multis communiter dicuntur, ut Lexica docent. ERN. Haec satis speciosa sunt: displicent tamen Oudendorpio et Ruhnck. Solebant veteres etiam prius invitatos, instante coenae hora, misso servo *admonere* ad properandum. Vide H. Grot. ad Matth. 22, 4.

Cap. 40. *Scire aut cogitare*] *Aut pro ac edidi nunc e* Ms. Lyser. et pluribus aliis, cum Oudendorpio; est enim sine dubio melius. ERN.

quis potest sine offula vivere? descripsitque abundantiam veterum tabernarum, unde solitus esset vinum olim et ipse petere. De Quaestore quodam candidato inter caussas suffragationis suae posuit, *quod pater eius frigidam aegro sibi tempestive dedisset.* Inducta testis in Senatu, *Haec,* inquit, *matris meae liberta et ornatrix fuit: sed me patronum semper existimavit. Hoc ideo dixi, quod quidam sunt adhuc in domo mea, qui me patronum non putant.* Sed et pro tribunali, Ostiensibus quiddam publice orantibus, quum excanduisset,

Veterum tabernarum] Malim, *veterem abundantiam tabernarum*, quae se adolescente fuerit. Sed vide ad c. 29. ERN. Intell. *tabernarum* prioris temporis. Vulgata vel locus vocabuli defendit.

Quaesturae candidato] Necessariam emendationem Beroaldi, quam Bonon. et Paris. edd. receperunt, et ipse recepi necessario, quum vulgata lectio, *Quaestore*, absurda sit, absurdeque explicetur et defendatur. *Quaestores*, aiunt, hac aetate, *candidati* dicti, scil. Caesaris. Nemo nescit. Quid inde pro loco hoc? Nihil. Primo, *Quaestores candidati* Caesaris dicuntur, ubi iam *Quaestores* creati sunt: hoc loco autem est de petente quaesturam, quem Caesar commendat. Deinde, si *candidatum* Caesaris capiamus de eo, quem Caesar commendat, debet esse, *cand-*

didato suo, nec ille appellaretur iam *Quaestor*. Sermo- nem autem esse de petente quaesturam, docet verbum *suffragationis*. Ceterum hanc emendationem probat etiam Graevius. ERN. Et nostri codd. exhibent *Quaestore*, qui *candidatus* intelligi potest vel praeturae vel alius muneris: *quum Quaestor quidam nomen inter candidatos professus esset.* Ita si peccamus, servanda hac scriptura, in partem tutiorem peccare decet.

Sunt — qui me patronum non putant] E Latinitate meliori scribendum, *non putent*, ut Tib. c. 73., ubi pariter libri plures *putant*, male. ERN. Ibi est, *Sunt, qui putent*, ut Caes. c. 86., ubi inde a Ciceronis temporibus in usu fuit coniunctivus. Sed additum *quidam* mutat rationem, ni fallor.

Nilil habere se, vociferatus est, quare eos demereatur; si quem alium, et se liberum esse. Nam illa eius quotidiana, et plane omnium horarum et momentorum erant, *Quid, ego tibi Theogonius videor?* et, *λάλει, καὶ μὴ θίγγανε.* Multaque talia, etiam privatis deformia, nedum principi, neque infacundo, neque indocto, imo etiam pertinaciter liberalibus studiis dedito.

41 Historiam in adolescentia, hortante T. Livio, Sulpicio vero Flavo etiam adjuvante, scribere aggressus est. Et quum primum frequenti auditorio commisisset, aegre perlegit, refrigeratus saepe a semet ipso. Nam, quum initio recitationis defractis compluribus subfelliis obesitate cuiusdam, risus exortus esset, ne sedato quidem tumultu temperare potuit, quin ex intervallo subinde facti reminisceretur, cachinnosque revocaret. In principatu quoque et scripsit plurimum, et assidue recitavit per lectorem. Initium autem sumpsit historiae post caedem Caesaris Dictatoris. Sed et transiit ad inferiora tempora, coepitque a pace civili; quum sentiret, neque libere, neque vere, sibi de superioribus tradendi potestatem relictam, cor-

Et se liberum esse] Stultitia est in eo, quod loquitur tamquam privatus pro tribunali. Insensus erat Ostiensibus. *Se liberum esse,* dicit, in negando ulciscendoque. Cicero Act. 1. in Verr. c. 9. *Siculos in eo liberos fuisse, et non venisse.* Ad Div. 12. 28. *liber in ulciscendo.* ERN.

Theogonius] Alii aliter.

Non est tanti. Est nomen infamis et vilis hominis. Mox *λάλει* etc. est, *loquere, et verberibus abstine.* ERN.

Cap. 41. *Refrigeratus]* Favore privatus, quem tulisset, omisso illo risu, et frigide adeo, sua culpa, auditus. Vide Lipsium ad Vellei. 2, 83. ERN. Ibidemque Ruhnck. et infra Vit. Lucan.

reptus saepe et a matre et ab avia. Prioris materiae duo volumina, posterioris unum et quadraginta reliquit. Composuit et *De vita sua* octo volumina, magis inepte, quam ineleganter: item *Ciceronis defensionem adversus Asinii Galli libros*, satis eruditam. Novas etiam commentus est litteras tres, ac numero veterum, quasi maxime necessarias, addidit: de quarum ratione quum privatus adhuc volumen edidisset, mox princeps non difficulter obtinuit, ut in usu quoque promiscuo essent. Exstat talis scriptura in plerisque libris, ac diurnis titulisque operum.

Nec minore cura Graeca studia secutus 42 est, amorem praestantiamque linguae occasione omni professus. Cuidam barbaro, Graece et Latine disferenti, *quum utroque*, inquit, ser-

Litteras tres] Lipsius ad Tac. Ann. 11, 14. duas reperit, digamma F, quod scil. pro V scriberetur, ut AMPLI^{FI}IT, et antisigma OC, quamquam in eo discrepat Burmannus, quod, quum Lipsius antisigma positum pro Graeco ψ putet, ipse potius pro ξ scriptum existimat, ut SA^{OC}CA pro SAXA; quod probo. Restat igitur, ut quaeratur, quid pro ps seu bs scribi Claudius voluerit, s. quae tertia illa littera fuerit. ERN. Nihil est Burmanni opinio de antisigmate. Nam cs vel ks multo ante Claudium per singularem litteram scribebatur: similem ergo optavit pro bs vel ps; antisigna dictum a forma

duplicis C, ita scripta olim pro Σ. De tertia littera, quae fuerit et qualis, probabiliter disputavit Taylor ad Marmor Sandvic. p. 47.

Diurnis titulisque operum] *Diurna*, intellige, acta. Torrentius coniecit, *libris actorum diurnorum*, mutationemque ortam e compendiarie scriptura *act. diur.* Sed *τὸ πλε- risque* non convenit. Malim. *diurnis actis*, aut, *actis diurnis* cum Burmanno. *Titulos*, in quibus digamma Aeolicum occurrit, attulerunt Viri docti ad h. l. Conf. tamen etiam Fabretti Inscriptt. p. 475. ERN. Offendit ipsam *ac*: igitur nihil melius quam *Actis diurnis*.

mone nostro sis paratus. Et in commendanda Patribus conscriptis Achaia, *gratam sibi provinciam*, ait, *communium studiorum commercio.* Ac saepe in Senatu legatis perpetua oratione respondit. Multum vero pro tribunali etiam Homericis locutus est versibus. Quoties quidem hostem vel insidiatorem ultus esset, excubitori tribuno, signum de more poscenti, non temere aliud dedit, quam

"Ανδρ' ἐπαμύνασθαι, ὅτε τις πρότερος χαλεπαίῃη.

Denique et Graecas scripsit historias, *Τυρρηνικῶν* XX, *Καρχηδονιακῶν* VIII. Quarum causa veteri Alexandriae Muleo alterum additum ex ipsius nomine; institutumque, ut quotannis in altero *Τυρρηνικῶν* libri, in altero *Καρχηδονιακῶν*, diebus statutis, velut in auditorio, recitarentur toti a singulis per vices.

- 43 Sub exitu vitae, signa quaedam, nec obscura, poenitentis et de matrimonio Agrippinae, deque Neronis adoptione, dederat. Siquidem, commemorantibus libertis, ac laudantibus cognitionem, qua pridie quandam adulterii ream condemnaverat, *sibi quoque in fatis esse*, iactavit, *omnia impudica, sed non impunita matrimonia.* Et subinde obvium sibi Britannicum artius complexus, hortatus est, *ut crederet, rationemque a se omnium factorum acciperet*, Graeca insuper voce profecutus: *ὁ τρώσας καὶ ἰάσεται.* Quumque impubi, tene-

Cap. 42. *Alterum additum*] Musæum s. Musium *Clandium*. Vox *alterum* ex uno et incerto cod. addita est; a plerisque omnibus abest. Nec necessa-

rium videtur, si constructio referatur ad id genus, quod explicui ad Caes. c. 80. p. 101.

Cap. 43. *Ὁ τρώσας καὶ ἰάσεται*] Recepi, quod e vestigi-

roque adhuc, quando statura permetteret; togam dare destinasset, adiecit: *ut tandem populus Romanus verum Caesarem habeat.*

Non multoque post testamentum etiam con- 44
scripsit, ac signis omnium magistratuum ob-
signavit. Prius igitur, quam ultra progredetur,
praeventus est ab Agrippina, quam praeter
haec, conscientia quoque, nec minus delato-
res multorum criminum arguebant. Et veneno
quidem occisum convenit: ubi autem, et per
quem dato, discrepat. Quidam tradunt, epu-
lanti in arce cum sacerdotibus, per Halotum
spadonem praegustatorem: alii, domestico con-
vivio, per ipsam Agrippinam, quae boletum
medicatum avidissimo ciborum talium obtulerat.
Etiam de subsequenteribus diversa fama est. Mul-
ti statim, hausto veneno, obmutuisse aiunt, ex-
cruciatumque doloribus nocte tota, defecisse
prope lucem. Nonnulli inter initia consopi-
tum, deinde cibo affluente evomuisse omnia,
repetitumque toxico, incertum, pulvine addi-
to, quum velut exhaustum refici cibo oportet-
ret, an immisso per clysterem; ut quasi abun-
dantia laboranti etiam hoc genere egestionis
subveniretur.

giis codd., probantibus do-
ctissimis hominibus, reperit Pe-
trus Victorius Variar. Lecit.
24, 14. Est oraculum Telepho
olim datum, quod in prover-
bium abiit. Vulgatum, ὁ ἔρως
δ' ἐπείγεται, sensum quidem
non absurdum habet, sed lan-
guentem tamen, et nihil ad
eum, qui e recepto oritur; de
quo vide copiose disserentem

Hemsterhusium ad Luciani Ni-
grinum T. I. p. 82. ERN.

Cap. 44. *Convenit — dis-
crepat*] Scil. inter auctores re-
rum. Ita enim absolute dici-
tur utrumque pro *conveniunt*,
discrepant scriptores. Conf.
Drakenb. ad Liv. 3, 31.

Boletum medicatum] I. e.
veneno infectum, ut ap. Plin.
25. 7. *medicatae ficus*.

45 Mors eius celata est, donec circa successorem omnia ordinarentur. Itaque et quasi pro aegro adhuc vota suscepta sunt, et inducti per simulationem comoedi, qui velut desiderantem oblectarent. Excessit tertio Idus Octobris, Asinio Marcello, Acilio Aviola, Consulibus, quarto et sexagesimo aetatis, imperii quartodecimo anno; funeratus est sollemni principum pompa, et in numerum deorum relatus. Quem honorem, a Nerone destitutum abolitumque, recepit mox per Vespasianum.

46 Praefagia mortis eius praecipua fuerunt, exortus crinitae stellae, quam cometen vocant: tactumque caelo monumentum Drusi patris: et quod eodem anno ex omnium magistratuum genere plerique mortem obierant. Sed nec ipse ignorasse, aut dissimulasse ultima vitae suae tempora videtur, aliquot quidem argumentis. Nam et quum Consules designaret, neminem ultra mentem, quo obiit, designavit: et in Senatu, cui novissime interfuit, multum ad concordiam liberos suos cohortatus, utriusque aetatem suppliciter Patribus commendavit. Et in ultima cognitione pro tribunali, *accessisse se ad finem mortalitatis*, quamquam abominantibus, qui audiebant, semel atque iterum pronuntiavit.

Cap. 45. *Circa successorem*] Genus loquendi nuper demum receptum in Latinitatem. Aurea aetas hoc circa variis modis circumloquitur.

Cap. 45. *Sed nec ipse*] Sic

Longol. et multi alii MSS. Vulgo *ipse nec*, invito usu loquendi.

Ad finem mortalitatis] I. e. fortis humanae. Vide Schulting. ad Quintil. Declamm. 1, 6.

SUETONII

LIBER SEXTUS.

NERO CLAUDIUS CAESAR.

EX gente DOMITIA duae familiae claruerunt, CALVINORUM et AËNOBARBORUM. Aënoharbi auctorem originis, itemque cognominis habent L. Domitium: cui rure quondam revertenti iuvenes gemini augustiore forma ex occurſu imperaſſe traduntur, nuntiaret Senatui ac populo victoriam, de qua incertum adhuc erat: atque in ſidem maiestatis, adeo permulſiſſe malas, ut e nigro rutilum aerique aſſimilem capillum redderent. Quod inſigne manſit et in poſteris

Cap. 1. *Maiestatis*] Divinitatem indicari contextus docet. Gloſſ. Philox. *Maiestas*, *Δειότης*. Vide Graevium ad Cic. Or. pro Milon. c. 30. et Salmaſium ad Trebell. Gallienos c. 14. EBN.

Capillum] Burmannus legendum cenſet *pilum*; quod *capillus* de barba apud profanos ſcriptores non dicatur. Atqui etiam Cicero Offic. 2, 7. de Dionyſio: *Cultros metuens conforios, candente carbone ſibi adurebat capillum*,

quae eſt omnium librorum lectio: quamquam idem Cicero Tuſc. 5, 20. habet *barbam et capillum*, atque inde Valer. Maxim. 9, 13. extr., ut in prior loco *barba* poſſit videri omiſſa. Sed tamen in poſteriori loco Ciceroniſ per *capillum* intelligam pilos barbae: nam capillus capitis neque cultis tondetur, neque putaminibus ardentibus iuglandium aduſtus eſt, ut opinor. EBN. Proprie *capillus* eſt capitiſ ſimul et barbae, eodem ille plerum-

eius, ac magna pars rutila barba fuerunt. Functi autem consulatibus septem, triumpho censuraque duplici, et inter patricios allecti, perseverarunt omnes in eodem cognomine. Ac ne prænomena quidem ulla, præterquam Cnaei et Lucii, usurparunt; eaque ipsa notabili varietate, modo continuantes unumquodque per trinas personas, modo alternantes per singulas. Nam primum secundumque ac tertium Aëno-barborum Lucios: sequentes rursus tres ex ordine Cnaeos accepimus: reliquos nonnisi vicissim, tum Lucios, tum Cnaeos. Plures e familia cognosci referre arbitror: quo facilius appareat ita degenerasse a suorum virtutibus Nero, ut tamen vitia cuiusque, quasi tradita et ingenuita, retulerit.

- 2 Ut igitur paullo altius repetam, atavus eius Cn. Domitius in tribunatu Pontificibus offensior, quod alium quam se in patris sui locum co-

que colore: deinde, ut res est, modo capitis, modo barbae, ut h. l.

Triumpho — duplici] Cn. Aëno-barbi de Allobrogibus, et Calvini de Hispanis. Recte hinc adulationis erga Tiberium coarguerunt Viri docti Velleium 2, 10., qui, omnes Domitios ad triumphi insignia venisse, ait. ERN.

Censura duplici] Cn. Aëno-barborum, patris et filii, quorum ille cum L. Metello a. U. DCXXXVIII., hic cum Crasso fuit a. U. DCLXI. ERN.

Cnaei et Lucii] Torrentius

male opponit Tib. c. 1., ubi prænomen Lucii repudiatum dicatur: nam locus ille ad Claudios, non ad Domitios pertinet. ERN.

Per trinas personas] Sic plures Mff., etiam Lyser., et edd. veit. Recte. Alii *ternas*. *Personas* accipe sensu morali, de capitibus familiarum et gentis. ERN.

Vicissim] Pro alternis, et quasi per vices. ERN.

Appareat ita — Nero] Sic, non *appareat, ita — Nero-nem*, Mff., etiam Lyser., et edd. veit. ERN.

optassent, ius sacerdotum subrogandorum a collegiis ad populum transtulit: at in consulatu, Allobrogibus Arvernisque superatis, elephanto per provinciam vectus est; turba militum, quasi inter sollemnia triumphi, prosequente. In hunc dixit Licinius Crassus orator, *Non esse mirandum, quod aeneam barbam haberet, cui os ferreum, cor plumbeum esset.* Huius filius Praetor C. Caesarem abeuntem consulatu, quem adversus auspicia legesque gessisse existimabatur, ad disquisitionem Senatus vocavit: mox Consul Imperatorem ab exercitibus Gallicis retrahere tentavit: successorque ei per factionem nominatus, principio civilis belli ad Corfinium captus est. Unde dimissus, Massilienses obsidione laborantes quum adventu suo confirmasset, repente destituit, acieque demum Pharsalica occubuit: vir, neque satis constans, et ingenio truci: in desperatione rerum, mortem timore appetitam ita expavit, ut haustum venenum poenitentia evomuerit, medicumque manumiserit, quod sibi prudens ac sciens minus no-

Cap. 2. *Transtulit*] Vide Cic. Agr. 2, 7. et nos in Clave Cic. in lege Domitia. ERN.

Superatis] Filio tribuit, quod est patris, ut dudum monuere Viri docti. ERN.

Vectus est] Alii libri *invectus est*; quod et ipsum Latinum esse docuit ad h. l. Burmannus, ut dubium sit, utrum a Suetonio profectum sit. Burmanno *invectus* probabilius videtur, quod triumphi mentio sequitur: sed *per provinciam*

est pro altero, *vectus*. ERN.

In hunc] Nempe auctorem legis Domitiae, non Allobrogicum: nam cum illo Censor fuit, et in perpetua similitudine vixit, censuramque egit L. Crassus orator. ERN.

Huius] De eodem capite. Filius est L. Domitius. Vide Suetonium ipsum Caes. c. 23. ERN.

Quod sibi etc.] Sic MSS. plures, et Lysr., pro *qui id*. Recte. ERN.

xium temperasset. Consultaute autem Cn. Pompeio de mediis ac neutram partem sequentibus, solus censuit hostium numero habendos.

3 Reliquit filium, omnibus gentis suae procul dubio praeferendum. Is inter conscios Caesarianae necis, quamquam insons, damnatus lege Pedia, quum ad Cassium Brutumque se, propinqua sibi cognatione iunctos, contulisset, post utriusque interitum classem olim commissam retinuit: auxit etiam: nec, nisi partibus ubique profligatis, M. Antonio sponte, et ingentis meriti loco, tradidit; solusque omnium ex iis, qui pari lege damnati erant, restitutus in patriam, amplissimos honores percucurrit: ac subinde redintegrata disensione civili, eidem Antonio legatus, delatam sibi summam imperii ab iis, quos Cleopatrae pudebat, neque suscipere, neque recusare fidenter, propter subitam valetudinem, ausus, transiit ad Augustum: et in diebus paucis obiit, nonnulla et ipse infamia adpersus. Nam Antonius eum desiderio amicae Serviliae Naidis transfugisse iactavit.

4 Ex hoc Domitius nascitur, quem emptorem familiae pecuniaeque in testamento Augu-

Cap. 3. *Quamquam insons*] Atqui Cicero Phil. 2, 411. inter conscios diserte nominat. Ad eum est epistola Ciceronis 6, 22. ERN.

In diebus paucis] Intra paucos dies, ut infra c. 30. Tib. c. Co. ERN.

Cap. 4. *Emptorem familiae*] Quia vulgo simpliciter dicitur emptor familiae, v. c. apud Ulpianum tit. 20. de te-

stam. in Schultingii Iurispr. Ante-Iustin., ubi crebra eius mentio; propterea Viri quidam docti malint deleri *pecuniaeque*. Sed defenditur haec vox a Burmanno. Recte. In XII Tabulis etiam fuit: *ut quisque super familia pecuniaque legasset*. Et familiam pecuniamque coniungi in vetere iure, dudum docuit Salmasius ad Solin. p. 892. Conf. Burmannum

si fuisse, mox vulgo notatum est; non minus aurigandi arte in adolescentia clarus, quam deinde ornamentis triumphalibus ex Germanico bello. Verum arrogans, profusus, immitis, Censorem L. Plancum via sibi decedere Aedilis coegit: praeturae consulatusque honore Equites Romanos matronasque ad agendum minimum produxit in scenam. Venationes et in Circo et in omnibus Urbis regionibus dedit: munus etiam gladiatorium; sed tanta saevitia, ut necesse fuerit Augusto clam frustra monitum edicto coercere.

Ex Antonia maiore patrem Neronis pro- 5
creavit, omni parte vitae detestabilem. Siquidem comes ad Orientem C. Caesaris iuvenis, occiso liberto suo, quod potare, quantum iuebatur, recusarat, dimissus e cohorte amicorum,

ad Petron. 141. *Emptorem* autem *familiae* diversum esse ab herede, et tantum dicis causa adhiberi in testamento per aes et libram, dudum docuere Iurisconsulti et Schultingius l. c.: alii tamen eundem cum herede putant. Vide Relatt. Goettingg. Vol. I. p. 319. Ceterum ex h. l. videtur honori ductum fuisse, si quis a principe familiae emptor adhiberetur. ERN.

Censorem L. Plancum via sibi decedere Aedilis etc.] Quaerunt, quomodo Aedilis summovere Censorem potuerit, leguntque *Censorium*. Male. Aedilis habet lictores et summotionem, Censor non item. Auctor Zonaras T. II. p. m. 29. Hinc, si summum ius quaeras,

cedere Aedili debebat. Verum, quum Censores paullatim ad summam dignitatem pervenissent, arrogans erat, ab Aedile summoveri Censorem. Censorium, h. e. privatum, summoveri ab Aedile, nihil arrogantiae habet. ERN.

Saevitia] Vide Claud. c. 34. ERN. Satis *saevitiae* inest in eo, si quis gladiatores edit sine missione. Lips. Saturn. 2, 21.

Cap. 5. *Iuvenis*] Suspectum est Viris doctis merito, et abest a libris nonnullis. Burmannus putat addi, ut distinguatur a C. Caesare Imperatore; quod mihi non placet. Et enim et alibi simpliciter Caius dicitur, et addita verba, co-

nihilo modestius vixit. Sed et in viae Appiae vico repente puerum, citatis iumentis, haud ignarus obtrivit: et Romae, medio foro cui-dam Equiti Romano liberius iurganti oculum eruit: perfidiae vero tantae, ut non modo argentarios pretiis rerum coemptarum, sed et in praectura mercede palmarum aurigarios fraudaverit. Notatus ob haec et sororis ioco, querentibus dominis factionum, *repraesentanda praemia in posterum*, sanxit. Maiestatis quoque, et adulteriorum, incestique cum sorore Lepida, sub excessu Tiberii reus, mutatione temporum evasit: decessitque Pyrgis morbo

mes ad Orientem, non ignaro historiae sufficiunt, ut possit a Caligula discernere: nam etsi et hic in Oriente fuit, tamen puer patris comes fuit. Non tales comites habuit Imperator Caesar. ERN. Burmanno accessit Oudendorpins, me plane probante. Nam tempora post Caligulam tradita legentibus in *Caii Caesaris* romine cuique succurrit hic ipse princeps, ita ut ab eo prior *Caius*, frater *Lucii*, (Aug. c. 64.) addito epitheto *iuvenis* distingui debuerit. Conf. verbi causa c. 6. nam *C. Caesar*, de Caligula.

Repente — obtrivit] Elegans coniectura Calauboni est *repentem*, quae et Guieto et Periz. placuit. Turbatum ordinem verborum nullae virgulae restituere possunt.

Coemptarum] In auctionibus privatis, quarum magistri

esse solebant argentarii. Quintil. 11, 2, 24. ERN.

Sauxit] Valde hic locus tortis Interpretes. Alii legendum censuerunt, *sororis ioco, quae querentibus* etc.; alii, *Caesaris ioco, qui querentibus* etc.: sed neutra coniectura probari potest. Primo *sauxit* non potest neque ad *Caesaris*, neque ad *sororis* verbum referri, neque aptum est τὸ *ioco*, si vel maxime *qui* addatur, ut Caesar *sauxisse* dicatur: nam quis iocus est, sancire tale quid? Sed et legendum foret, de Graevii Burmannique sententia, *dixit*, vel *ait*; quod est vim facere. Et nec sic placet oratio: neque enim iocus in verbis est, *repraesentanda esse praemia*. Ego sic interpretor: notatus per iocum a sorore, querimonias dominorum audiente, irridendi causa etiam edixit, ut in posterum reprae-

aquae intercutis, sublato filio Nerone ex Agrippina, Germanico genita.

Nero natus est Antii, post novem menses, 6 quam Tiberius excessit, duodevicesimo Kalendas Ianuarias: tantum quod exoriente sole, pae- ne ut radiis prius quam terra contingeretur. De genitura eius statim multa et formidolosa multis coniectantibus, praeflagio fuit etiam Domitii patris vox, inter gratulationes amicorum negantis, quidquam ex se et Agrippina, nisi detestabile et malo publico, nasci potuisse. Eiusdem futurae infelicitatis signum evidens die Iustrico exstitit: nam C. Caesar, rogante sorore, ut infanti quod vellet, nomen daret, intuens Claudium patrum suum, a quo, mox principe, Nero adoptatus est, eius se dixit dare: neque ipse serio, sed per iocum, et aspernante

sentarentur praemia, quasi alii potius, quam ipse, perire in eo genere egissent. Quod si displiceret, lege, *quae quercutibus* etc., et *sanzit* intellige, sciendum dixit; quamquam, ut dixi, sic iocus non satis apparet. ERN. Ex vestigiis codicum Oudendorp. correxit *Neronis Caesaris ioco*, ut intelligatur Nero, Germanici filius, petulantis linguae iuvenis. Quam coniecturam probat Ruhnken.

Cap. 6. *Menses*] Non vacat, nec instituti nostri est, retere omnes de hoc loco sententias. Satis habebimus, apponere lectionem codd. nonnullorum et edd. vet., prae-

ter paucissimas, omnium, *natus est ante novem menses, quam* etc.; quae lectio plane convenit sensu cum coniectura Lipsii, *natus est Antii nono mense*. Oudendorpius dedit, *post nonum mensem*. Tiberius mortuus est mense Martio. ERN.

Infelicitatis] Necessariam arbitror emendationem Lipsii, *felicitatis*, quam lectionem etiam in codice Mf. se reperisse ait Ursinus. Nam quae sequuntur, non infelicitatis omnia sunt, sed adoptionis in nomen Claudii et imperii. Quia praecedit de formidolosis e genitura praedictis, putarunt librarii, hic de infelicitate Neronis

Agrippina, quod tum Claudius inter ludibria anlae erat. Trimulus patrem amisit: cuius ex parte tertia heres, ne hanc quidem integram cepit, correptis per coheredem Caium universis bonis; et subinde matre etiam relegata, paene inops atque egens, apud amitam Lepidam nutritus est, sub duobus paedagogis, laltatore atque tonsore. Verum Claudio imperium adepto, non solum paternas opes recuperavit, sed et Crispi Passieni vitrici sui hereditate ditatus est. Gratia quidem et potentia revocatae restitutaeque matris usque eo floruit, ut emanaret in vulgus, missos a Messalina, uxore Claudii, qui eum meridianem, quasi Britannici aemulum, sirangularent. Additum fabulae est, eosdem dracone e pulvino se proferente conterritos refugisse. Quae fabula exorta est, deprehensis in lecto eius circum cervicalia serpentis exuviis: quas tamen aureae armillae ex voluntate matris inclusas, dextro brachio gestavit aliquamdiu; ac taedio tandem maternae memoriae abiecit; rursusque extremis suis rebus frustra requisivit.

7 Tener adhuc, necdum matura pueritia, Circensibus ludis Troiam constantissime favora-

sermonem esse debere. *Eiusdem* autem servandum est; respicit *τὸ eius* in antecedentibus. Paullo post *ipse* non placet. Nulla causa est, quare hoc addiderit Suetonius: potius *ille* dixerit. Enx. *Ipse* ponitur propter oppositionem *Agrippinae*; et tali loco potius displiceret *ille*. Ceterum

revocavi *infelicitatis*, scil. populi Romani, orbis terrarum. Vix *felicitas* ita usurpari Latine potuit de adoptione.

Armillae] In serpentis figuram, ut opinor, formatae; tali enim genere armillarum usos esse, constat: Graeci *καρπιους ὄφεις* vocant. Vide Salmasium ad Lamprid. Alex. Sev.

biliterque lufit. Undecimo aetatis anno a Claudio adoptatus eft, Annaeque Senecae, iam tunc Senatori, in difciplinam traditus. Ferunt, Senecam proxima nocte vifum fibi per quietem, C. Caefari praecipere: et fidem fomnio Nero brevi fecit, prodita immanitate naturae, quibus primum potuit experimentis. Namque Britannicum fratrem, quod fe poft adoptionem AëNO-BARBUM ex confuetudine falutaffet, ut fubditiuum apud patrem arguere conatus eft. Amittam autem Lepidam ream teftimonio coram afflixit, gratificans matri, a qua rea premebatur. Deductus in forum tiro, populo congiarium, militi donativum proposuit: indictaque decurfione praetorianis, fcutum fua manu praetulit: exin patri gratias in Senatu egit. Apud eundem Confulem pro Bononienfibus Latine, pro Rhodiis atque Ilienſibus Graece verba fecit. Auspicatus eft et iurisdictionem Praefectus Urbi ſacro Latinarum, celeberrimis patronis non tranſlatitias, ut aſolet, et breves, ſed maximas plurimaſque poſtulationes certatim inge-
rentibus; quamvis interdictum a Claudio eſſet.

c. 41. Iosephus Antt. Indd. 3, 7, 14. etiam cingulum ſacerdotis intus cavum et in ſerpentis figuram conformatum fuiſſe, tradit. ERN.

Cap. 7. Undecimo] Duo-
decimo Liplius ad Tac. Ann.
12, 25. Bene. ERN.

C. Caefari praecipere] Seneca de Br. vitae c. 7. Pueri ita percepiffe viſi ſunt, ut etiam praecipere poſſent. I. e. praec-
eptorem agere.

[*Auspicatus eſt* etc.] Praefectus Urbis creatus eſt per ferias Latinas: vide Claud. c. 4.: et tum iurisdictionem, velut auſpicandi cauſſa, exercuit. Et quum mos eſſet, apud illos Praefectos tantum poſtulare ea, in quibus brevis et expedita ratio reſpondendi eſſet, ut hereditatis legitimae, et non controverſae poſſeſſionem, et ſimilia, idque ſacerent vulgares patroni: in Nerone, honoris cauſſa

Nec multo post duxit uxorem Octaviam: ediditque, pro Claudii salute Circenses et venationem.

8 Septemdecim natus annos, ut de Claudio palam factum est, inter horam sextam septimamque processit ad excubitores; quum ob totius diei diritatem non aliud auspicandi tempus accommodatius videretur: proque Palatii gradibus IMPERATOR consalutatus, lectica in castra, et inde raptim appellatis militibus in curiam delatus est; discessitque iam vesperti, ex immensis, quibus cumulabatur, honoribus, tantum PATRIS PATRIAE nomine recusato, propter aetatem.

9 Orsus hinc a pietatis ostentatione, Claudium apparatissimo funere elatum, laudavit consecravitque. Memoriae Domitii patris honores maximos habuit. Matri summam omnium rerum publicarum privatarumque permisit. Primo etiam imperii die signum excubanti tribuno dedit *optimam matrem*: ac deinceps eiusdem saepe lectica per publicum simul vectus est. Antium coloniam deduxit, adscriptis veteranis ex praetorio, additisque per domicilii translationem ditissimis principiarium: ubi et portum operis sumptuosissimi fecit.

et ambitionis, magni patroni res maximas postularunt, in quibus cognitione et scientia opus. ERN.

Cap. 9. *Per domicilii etc.*] Burmannus quaerit, quid sibi velit haec *translatio domicilii* in principiaribus. Etenim omnes, qui eo commigrarunt, domicilium transtulisse. Arbi-

tror, sic intelligendam esse, ut iis datum sit Antii domicilium, servato etiam pristino, ut duo domicilia haberent, quod fieri potuisse docent veteres ICI ad L. municipalem in Pandecte, patetque etiam ex ipso Cicerone, qui Arpini et Romae civis erat, et utrobique honores capiebat, ut duplicem patriam

Atque, ut certiozem adhuc indolem ostenderet, *ex Augusti praescripto imperaturum se*, professus, neque liberalitatis, neque clementiae, nec comitatis quidem exhibendae ullam occasionem omisit. Graviora vectigalia aut obolevit, aut minuit. Praemia delatorum Papiae legis ad quartas redegit, divisim populo viritim quadringenis nummis. Senatorum nobilissimo cuique, sed a re familiari destituto, annua salaria, et quibusdam quingena, constituit: item praetorianis cohortibus frumentum mensurum gratuitum. Et quum de supplicio cuiusdam capite damnati, ut ex more subscriberet, admoneretur: *Quam vellem*, inquit, *nescire litteras!* Omnes ordines subinde ac memoriter salutavit. Agenti Senatui gratias, respondit: *Quum meruero*. Ad campestres exercitationes suas admisit et ple-

duplexque domicilium haberet. Vide etiam Spanhemium Orb. Rom. Exerc. i. c. 6. Nam aegre amississent primipilares distissimi domicilium Romanum, aut aliis locis, ubi aedes, agros etc. haberent. ERN.

Cap. 10. *Quibusdam quingena*] Scil. sestertia. Magna summa, praesertim annua. Unum de illis *quibusdam* ex Tacito novimus Ann. 13, 34., ubi vide Lipsium.

Omnes ordines] I. e. homines ex omnibus ordinibus; non omnes omnium ordinum homines. Hoc superat fidem, ut monuit Lipsius. Ita non indigebimus Lipsii emendatione, *omnes Senatores ordine*,

quam probat Oudendorpius. Suetonius ipse Aug. c. 41 *Liberalitatem omnibus ordinibus, per occasiones, frequenter exhibuit*. Sic mox, *Ad campestres exercitationes suas admisit et plebem*, i. e. homines e plebe. ERN. Lipsii coniecturam, quamvis ab ipso reiectam, probavit Perizonius, nec displicebat ea Ruhnkenio. Equidem plane veram puto. Nam *homines nonnullos ex quovis ordine* sine nomenclatore salutare, non admodum notabile erat, nec id pati videtur Latinitas; multo minus, *praecipuos quosdam omnium ordinum*. Conf. Aug. c. 53., quem laudat Büsch.

bem; declamavitque saepius publice: recitavit et carmina, non modo domi, sed et in Theatro, tanta universorum laetitia, ut ob recitationem supplicatio decreta sit, eaque pars carminum aureis litteris Iovi Capitolino dicata.

II Spectaculorum plurima et varia genera edidit, Iuvenales, Circenses, scenicos ludos, gladiatorium munus. Iuvenalibus senes quoque consulares, anusque matronas recepit ad lulum. Circensibus loca Equiti secreta a ceteris tribuit: commisitque etiam camelorum quadrigas. Ludis, quos pro aeternitate imperii susceptos appellari *Maximos* voluit, ex utroque ordine et sexu plerique ludicras partes sustinuerunt. Notissimus Eques Romanus elephanto supersedens per catadromum decucurrit. Inducta est et Afranii togata, quae *Incendium* inscribitur: concessumque, ut scenici ardentis domus supellectilem diriperent, ac sibi haberent. Sparsa et populo missilia omnium rerum per omnes dies; singula quotidie millia avium cuiusque generis, multiplex penus, tesserae frumentariae, vestis, aurum, argentum, gemmae, margaritae, tabu-

Declamavitque] Sic Mss. plures, etiam Lyser. et edd. vet., pro *declamavit et saepius* etc. Bene: ne nimis frequens sit *et*. ERN. Recte. Simul mox ex optimis Mss. corrigitur *sed in Theatro*.

Ob recitationem] Hoc mihi de glossa suspectum est: falsam addendum *eam*. Mox libri quidam scripti et edd. pr. *dedicata*. ERN. Neutro opus esse puto. Ac prope necessa-

ria sunt verba, *ob recit.*, ridiculi causa, ut alias mentioni decretae supplicationis adici solet *ob partam victoriam*, e. g. apud Caesarem.

Cap. 11. *Loca Equiti*] Nam Claudius Senatoribus tantum dederat secreta loca. Vide in Claud. c. 21. et, quem ibi laudavimus, Lipsium. ERN. Ad Tac. Ann. 15, 32.

Per catadromum decucurrit] Unde sunt *elephanti su-*

lae pictae, mancipia, iumenta, atque etiam mansuetae ferae; novissime naves, insulae, agri.

Hos ludos spectavit e proscenii fastigio. Munere, quod in Amphitheatro ligneo, regione Martii campi intra anni spatium fabricato, dedit, neminem occidit, ne noxiorum quidem. Exhibuit autem ad ferrum etiam quadringentos Senatores, sexcentosque Equites Romanos, et quosdam fortunae atque exilimationis integrae; ex iisdem ordinibus confectores quoque ferarum, et varia arenae ministeria. Exhibuit et naumachiam, marina aqua innantibus beluis, item pyrrhichas quasdam e numero epheborum, quibus post editam operam diplomata civitatis Romanae singulis obtulit. Inter pyrrhicharum argumenta, taurus Pasiphaën ligneo iuvencae simulacro abditam iniit, ut multi spe-

nambuli Galb. c. 6. Digg. l. 54. de A. E. De re mirifica vide Lips. Miscell. epp. 1, 50.

Cap. 12. *E proscenii fastigio*] Infra c. 26. *partem proscenii superiorem* vocat. Mox in delevi ante *regione*, quod aliis locis non additur et abest a Mss. pluribus. ERN.

Quadringentos Senatores] Viris doctis valde arridet emendatio Lipsii ad Tac. Ann. 6, 19. *quadragenos Senatores, Equites sexagenos*. Unde enim tot Senatores? inquit Graevius. Sed codd. omnes consentiunt in vulgata; et Lipsius fatetur, eum timidum Senatum esse. Ceterum numerus ipse est nimis magnus. Quo enim tam

multos? ERN. Conf. Tac. Ann. 14, 14. et 15, 32., qui satis habet dicere, *plures per arenam foedatos*. Mox post *integrae* cum Perizon. et Oudendorp. distinxī, scripsique *confectores quoque* pro vulg. *confectoresque*, de quibus vide ad Octav. c. 43.

Item pyrrhichas quasdam] *Pyrrhichas exhiberi* recte dici, scio. Sed *pyrrhichas e numero epheborum exhiberi*, non placet. Neque tam praedicat pyrrhicharum exhibitionem, quam epheborum in pyrrhichis. Itaque legendum videtur, *item ad pyrrhichas quosdam e numero epheborum*; ut ante dixit, *ad ferrum exhibuit* Se-

ctantium crediderunt. Icarus primo statim conatu iuxta cubiculum eius decidit, ipsumque cruore resperfit. Nam perraro praesidere, ceterum accubans, primum parvis foraminibus, deinde toto podio adaptato, spectare consue- rat. Instituit et quinquennale certamen primus omnium Romae, more Graeco triplex, musicum, gymnicum, equestre, quod appellavit NERONIA. Dedicatisque thermis atque gymnasio, Senatui quoque et Equiti oleum praebuit. Magistros toti certamini praeposuit Consulares sorte, sede Praetorum: deinde in orchestram Senatumque descendit; et orationis quidem carminisque La-

natores etc.: alioqui nec se- quens relativum *quibus* haberet, quo referretur. Imperitii librarii, quia ante spectaculi genus refertur ad verbum *exhibuit*, hic quoque eodem re- ferendum putarunt, et huic opi- nioni verba conformarunt. Oudendorpius coniecit *pyrrhichas* C. (centum) numero *epheborum*: pyrrichas epheborum, centum numero, quae a cen- tum ephebis fierent. Ingeniose. ERN.

Cubiculum] Vide ad Caes. c. 76. Ceterum cubiculum dictus est locus, quia cubans, non sedens in sella curuli, specta- bat, ut sequentia docent. ERN.

Praesidere] Vide ad Tib. c. 6. ERN.

Dedicatisque] Cave Lipsium et Iol. Scaligerum audias, de- lendam censentes *tò que*, vel- uti copulae vim necessario ha-

beret, quae huic loco repu- gnat. Vide ad c. 38. ERN.

Sede Praetorum] I. e. qui praesiderent ludis eo loco, quo Praetores sedere solerent, quum ludis praeessent. *Praetoris tri- bunal* in ludis est in Aug. c. 44., hinc mittebantur ludi. Claud. c. 21. *ludos e tribunali posito in orchestra commisit*. Sorte a quibusdam libris abest. Non displicet: non, quo sen- sum commodum non habeat, sed quia diutius concurrunt *sorte, sede*. ERN.

In orchestram Senatumque] Utrumque idem est, Claud. c. 25., nec h. l. ratio est, qua- re *Senatum* adiciatur. Aliter esset, si sermo esset de aliquo, qui locum in orchestra cepisset: tum commode, velut explicandi causa, addi potuisset. Neque porro cecinit Nero in orchestra, sed in *scena*, quae

mini coronam, de qua honestissimus quisque contenderat, ipsorum consensu concessam sibi recepit; citharae autem, a iudicibus ad se delatam, adoravit, ferrique ad Augusti statuam iussit. Gyninico, quod in Septis edebat, inter buthyssae apparatus, barbam primam posuit, conditamque in auream pyxidem, et pretiosissimam

diversa est ab orchesira. Caes. c. 39. *in quatuordecim e scena per orchesiram transit.* Necessaria igitur est emendatio Groslotii, quam et ante Sabellicus et Bongarsius protulerunt: *scenamque i. e. per orchesiram in scenam descendit.* Quae Oudendorpius contra disputat, non satisfaciunt. Ante mihi videtur excidisse ipse post deinde, vel ante descendit. ERN. Alii rectius defendunt vulgata, in quibus ipse Groslotius, in Epp. a Burm. editis T. I. p. 358. sic explicans: *E proskenii fastigio et sede principali descendit in o. et senatorias sedes:* quale ἐν δὲ δούρι non ita rarum est. Addidit S. vocem *Senatus*, ut arguat, Neronem privatam Senatoris personam induisse: nec potest quis descendere in *orchesiram*, nisi *ex scena*. Et anno demum DCCCXVIII Nero carmina peregit in *scena*, quod patet e Tac. 14, 20. seqq. 16, 2. seq., ubi conf. Liplium. Haec omnia admodum probabiliter disputavit Oudendo. p.

Ipsorum] Contextus docet, referendum esse ad locios certaminis. ERN.

Citharae] Sic recte cum pluribus codd. et edd. antiquis Casaubonus, quem Graevius secutus est. Male Burmannus invexit denuo *citharam*, quasi *citharae corona* non diceretur; quum non aliter dictum sit, quam *orationis et carminis corona*. Docet etiam contextus. Coronam, orationis et carminis nomine datam, recepit, sed citharae nomine decretam etc. Quis autem umquam audivit, aut legit, iudices certaminum musicorum instrumentum musicum mittere decrevisse, vel invitandi, vel praemii causa? ERN.

Iudicibus] Consularibus illis, qui sede Praetorum praestabant. ERN.

Buthyssae] Pro magno et sollemni sacrificio accipit Torrentius. Recte. Sic *Βουθυσιαν* apud Aristophanem Plut. v. 820. et *Βουθυσιαν* apud Diodorum Siculum lib. 1. p. m. 43. accipi suspicatur Wesseling. ERN.

simis margaritis adornatam, Capitolio consecra-
vit. Ad athletarum spectaculum invitavit et
virgines Vestales, quia Olympiae quoque Cere-
ris sacerdotibus spectare conceditur.

- 13 Non immerito inter spectacula ab eo edi-
ta et Tiridatis in Urbem introitum retulerim.
Quem Armeniae regem, magnis pollicitationi-
bus sollicitatum, quum, destinato per edictum
die ostensurus populo, propter nubilum distu-
lisset, produxit, quo opportunissime potuit; dis-
positis circa fori templa armatis cohortibus, cu-
ruli residens apud rostra, triumphantis habitu,
inter signa militaria atque vexilla: et primo per
devexum pulpitem subeuntem admisit ad ge-
nua, allevatumque dextra exosculatus est; dein
precanti, tiara deducta, diadema imposuit, ver-

Capitolio] Pro Iovi Capi-
tolino cum Burmanno hanc
lectionem, quae est omnium
vett. edd. ante Casaubonum
et plurimorum codd., etiam
Lyser., reduxi; quia Latina est
et commode explicari potest.
Burmannus laudat locum simi-
lem Petronii c. 88. et notas ibi
luas. ERN.

Vestales] Nam Augustus
omnem sexum muliebrem ab
athletarum spectaculo summo-
verat. Aug. c. 44. ERN.

Cap. 13. *Templa*] Caveant
firones, ne aedes deorum in
foro positas solas intelligant:
etiam curia, basilicae, comi-
tium etc. templa sunt. Vide
Mammius ad Cic. pro Sextio
c. 29. Sic Cicero pro Milon.

c. 1. *Nam illa praesidia, quae
pro templis omnibus cernitis.*
ERN.

Per devexum pulpitem] De-
bebat esse *supinum* vel *acclive*;
quia refertur ad *subeuntem* Ti-
ridatem, non ad Neronem ad-
mittentem. Sed non modo
poetae, verum etiam prosaici
scriptores verba talia, quae ad
se referuntur, nominatim de
suo, permutant. Sic *supinum*
pro declivi, vel devexo, dixit
Livius 7, 24. *egistis praecipites
supina valle.* ERN.

Precanti] Non ad deos, sed
ad Neronem referendum, cui
supplex se submittebat; idem
mox dixit *supplicare.* ERN.

Tiara deducta] Denta de
capite, quod iam loco Ovidii

ba supplicis interpretata praetorio viro multitudini pronuntiante. Perductum inde in Theatrum, ac rursus supplicantem, iuxta se latere dextro collocavit. Ob quae Imperator consalutatus, laurea in Capitolium lata. Ianum geminum clausit, tam nullo, quam residuo bello.

Consulatus quatuor gessit: primum bimestrem, secundum et novissimum semestres, ter-

14

Her. 21, 165. illustravit Burmannus. Adde Metam. 5, 480. Sed deduxit ipse Tiridates honoris causa. ERN.

Perductum deinde] Alii libri inde, quod recepit Oudendorpius. Non male. ERN.

Imperator consalutatus] A populo, opinor, ut olim duces belli victores hostium ab exercitu, non decreto Senatus. ERN.

Laurea] Non arbitror, respici lauream, quam triumphantes misere in Capitolium, sed quam victores, Imperatores ab exercitu appellati, misere Iovi Capitolino. Plinius Paneg. c. 8. *Allata erat ex Pannonia laurea* — hanc Imperator Nerva in gremio Iovis collocarat. Conf. infra Domit. c. 6. ERN. Et res et oratio patrocinator coniecturae Lipsii in Antt. Lectt. 2, 8., qui liber eximius tironibus critices non satis commendari potest.

Ianum geminum clausit] Hic locus constitui non potest, nisi cognitum sit, semel, an

aliquoties, Ianum Nero clausit. Si illud est, necessaria est emendatio Lipsii, aliis Viris doctis probata, *tamquam nullo residuo bello*, et sententia coniungenda cum antecedentibus, ut vulgatae editiones ferè faciunt. Sin alterum, quod Casaubono placet, demonstrari potest, certa est vulgata, et separatam propositionem constituit, interpunctione maiori ab antecedentibus seiungendam. Illud certo demonstrari non posset, etiam si numis aut inscriptionibus tantum unum exemplum proderetur: nam potuerunt monumenta alia intercidisse. Posterius probabile facit vanitas Neronis, cuius etiam alii Imperatores exempla dedere. Certum facient inventa sorte monumenta antiqua, memoriam rei servantia. Itaque vulgatum servamus. Burmanni nota diversis temporibus scripta sibi repugnat: nam primo Lipsii sententiam probat; mox Casauboni. Sed haec posterior pars addita invento nu-

tium quadrimestrem; medios duos continuavit; reliquos inter annua spatia variavit.

15 In iurisdictione postulatoribus, nisi sequenti die, ac per libellos, non temere respondit. Cognoscendi morem eum tenuit, ut, continuis actionibus omiſſis, ſingillatim quaeque per vi- ces ageret. Quoties autem ad conſultandum

mo, apud Occonem, in quo Ianus Neronis Conf. deſign. V. clauſus ſignatur. ERN.

Cap. 15. *Postulatoribus*] Sunt ii, qui c. 7. poſtulationes ingeſſiſſe dicuntur Neroni, ius per ſerías Latinas dicenti, patroni cauſarum. ERN.

Continuis actionibus etc.] *Continuae actiones* ſunt patronorum; *perpetuas orationes* vocat Cicero Act. 1. in Verr. 2, 18.; qualiſ eſt actio altera in Verrem, libris quinque comprehenſa. Ei opponitur actio altera, quae teſtibus producendis interrogandisque, litteris et tabulis proferendis, conſtat. Olim utraque actio coniungebatur, et cauſa agebatur, primum actione perpetua, deinde teſtibus, in ſingula capita cauſae, et litteris proferendis; quod Cicero, acturus cauſam Verriſ, hactenus mutavit, ut primam actionem faceret eam, quae teſtimoniis et litteris conſtaret, deinde perpetuam additurus. Nero autem perpetuas actiones plane omitti voluit; ea haud dubie de cauſa, qua Cicero in illo ſuo conſilio de-

ſendendo utitur l. c. c. 11.; quod cauſa maxime conſicitur teſtibus et litteris, perpetua oratione magis ingenium oratoris cernitur, cui ne quidem ſatis attendebant iudices. Quod autem ad alteram actionem attinet, in hac quoque aliquid notavit Nero: nam quum mos eſſet, dicta cauſa, teſtes in omnia deinceps dare, ut auctor Cicero l. c. c. 18.: Nero inſiſtit capita cauſae ſeiungere, et in quodque, ſeparatim et breviter explicatum, teſtes producere, et quidem ab utraque parte. Hoc eſt, *ſigillatim quaeque per vi- ces*. *Sigillatim* reſertur ad capita cauſae; *per vi- ces*, ad partes litigantes. Prius illud, ut cauſa per partes explicaretur, teſtibusque confirmaretur, eſt inventum Cicero- nis, quem vide l. c. alterum a Nerone additum. Superiores Interpretes haec aut non intellexerunt, aut interpretationem lectoribus inviderunt. ERN.

Ageret] Noordkerkins, qui *continuas actiones*, et *ſigillatim, per vi- ces*, ita, ut nos, capit, Obſervat. p. 59. ſuſpi-

secederet, neque in commune quidquam, neque propalam deliberabat: sed et conscriptas ab unoquoque sententias tacitus ac secreto legens, quod ipsi libuisset, perinde atque pluribus idem videretur, pronuntiabat. In curiam libertinorum filios diu non admisit: admissis a prioribus principibus honores denegavit. Candidatos, qui supra numerum essent, in solatium dilationis ac morae, legionibus praeposuit. Consulatum in senos plerumque menses dedit. Defunctoque circa Kalendas Ianuarias altero e Consulibus, neminem substituit; improbens exemplum vetus Caninii Rebili, uno die Consulis. Triumphalia ornamenta etiam quaestoriae dignitatis

catur legendum, *agerent*; quod id verbum est patronorum, non cognoscentis. Sed vulgata bene habet. *Res agi* dicitur etiam a principe cognoscente: unde *rerum actus*; qui et ipse nonnumquam de cognitione dicitur, ut alibi notavimus. ERN.

Secederet] Cum consiliariis, quos assumere solitos in cognoscendo principes, dixi ad Claud. c. 12. 15.; nam de his capiendum contextus docet. E tribunali solum abisse, ait Burmannus; quod non capio. Tu intellige, eum secessisse paullulum cum consiliariis: non ut eos palam consulere, aut dicere sententiam in commune iuberet, ut alii fecerant principes; sed ut scriptam cuiusque sententiam acciperet,

et deinde, non, quod pluribus, sed quod sibi placeret, pronuntiasse. Non opus fuisse arbiner, propterea e tribunali abire: nam sedebant consiliarii in tribunali circa principem. ERN. Conf. Dukerum ad Liv. 45, 37.

Quod sibi] Secutus sum potius, quod Burmannus recepit, quam aliorum, *quid ipsi*; quod ne Latinitas quidem patitur. ERN. Miror, quam dicat Latinitatem. *Ipsi est sibi ipsi*, h. e. *uni*, oppos. *pluribus*.

Legionibus praeposuit] Ut *legati legionum* essent. Vide ad Tib. c. 19. ERN.

Uno die] Et quidem in paucas horas. Vide Caes. c. 76. Conf. Cic. Epp. ad Div. 7. 30. ERN.

et nonnullis ex equestri ordine tribuit; nec utique de causa militari, sed et quibusdam rebus. Orationes ad Senatum missas, praeterito Quae-
storis officio, per Consulem plerumque recitabat.

- 16 Formam aedificiorum Urbis novam excogitavit; et, ut ante insulas ac domos porticus essent, de quarum solariis incendia arcerentur: easque sumptu suo exstruxit. Destinarat etiam Ostia tenuis moenia promovere, atque inde fossa mare veteri Urbi inducere. Multa sub eo et animadversa severe, et coercita, nec minus instituta. Adhibitus sumptibus modus: publicae coenae ad sportulas redactae: interdictum, ne quid in popinis cocti praeter legumina aut olera veniret, quum antea nullum non opsonii genus proponeretur: afflictis suppliciiis Christiani, genus hominum superstitionis novae ac maleficae: vetiti quadrigariorum lusus,

Sed et quibusdam rebus] Haec est lectio omnium ante Casaubonum edd. et plerumque codd. scriptorum. Alteram, quam etiam Graevius et Oudendorpius receperunt, *de quibusdam rebus orationes* etc., probare non possum, propter *τὲ plerumque*, et frigeret sic *de quibusdam rebus*. Coniecturae Burmanni, *sed et de quibusdam aliis*, vel, *civilibus rebus*, facile in mentem alicui veniant, sensumque exprimunt. *Alius* post *aliquis* et *quidam* laepe etiam apud Ciceronem omittitur. Malim *civilibus*, pro *rebus*, intelle-

cta voce *caussis*.^{*} ERN. Corrupto loco nullam certam medicinam reperire possumus.

Cap. 16. *Et, ut ante etc.]* Et puto delendum: nam ipsa forma nova est in illis porticibus. ERN. Eadem opinio Perizonii, non necessaria. Barbarae dicunt, *in specie ut*.

Interdictum] Vide ad Claud. c. 58. ERN.

Afflicti suppliciiis] M. Urs. et ed. R. Steph. *adfecti*, quod mihi non displicet. Et alibi haec verba confusa. ERN.

Quadrigarior. lusus] Hunc locum, quem falsi sunt Interpretes se non intelligere, ple-

quibus inveterata licentia passim vagantibus, fallere ac furari per iocum ius erat: pantomimorum factiones cum ipsis simul relegatae.

Adversus falsarios tunc primum repertum, 17
ne tabulae, nisi pertusae, ac ter lino per foramina trajecto, obfiguarentur. Cautum, ut

rique etiam corruptum putarunt. sic dudum arbitratus sum capiendum esse. Mos invaluit paulatim, ut quadrigariis, post praestitam in Circo operam, liceret vagari per Urbem, praemia passim petere, atque, veluti per iocum, auferre, si quid possent: veluti in urbe quadam Thuringiae vidi, adolescentes scholasticos in Gregorianis sollemnibus personatos passim per urbem vagari, munuscula poscere, et si res ferat, placentas, poma, panes, veluti per iocum, impune rapere. Ea licentia videntur quadrigarii abusi esse, ut abolenda videretur. Ceterum hinc explicare tentavi non minus obscurum illum in *victoria quadrigarium*, apud Cicero- nem *Fragm. Orat. in Toga candida* in *Clave Cic. in h. v.*, non improbane Menkenio, Oudendorpio aliisque. ERX.

Cap. 17. *Ne tabulae* etc.] Viri docti ad h. l. illustrandum iam laudarunt Paullum *Sentent. 5, 25, 6. ad Leg. Corn. Testam.*, qui a Senatu decretum tradit, ut in tabulis publici vel privati contractus

hoc fervaretur; ubi vide Schul- tingium in *Iurispr. Ante- Iustin.* Goesius ait, Suetonium hic de testamentis loqui, Paullum de contractibus, quo nomine testa- menta non comprehendi docet Schul- tingius, verum eodem SCto etiam de testamentis simili- ter cautum hand dubie fuisse. Ego autem nullam necessita- tem video, quare Suetonius de testamentis dicere putetur: nam *tabulas* simpliciter appellat, quae sunt etiam contractuum aliarumque publicarum litterarum, ut diplomatum: tum mox de testamentis separatim tradit. ERX.

Pertusae, ac ter lino per foramina trajecto] Salmastius semel, non saepius perforatas putat, de subler. et sign. test. c. 21., quem sequitur Schul- tingius l. c., et linum unum, ter per foramina trajectum. Videndus imprimis Massens in *Istor. Diplom. p. 35.*, ubi pro- fert tabulas diplomatis, a Gal- ba Imperatore dati, quae hunc locum Suetonii et alterum Paul- li planissime illustrant. Inde etiam discere Icti poterunt, quid sit, quod Paullus dicat,

-) in testamentis primae duae cerae, testatorum modo nomine inscripto, vacuae signaturis ostenderentur; ac ne quis alieni testamenti scriptor legatum sibi adscriberet: item, ut litigatores pro patrociniis certam iustamque mercedem, pro subfelliis nullam omnino darent, praebente ae-

exteriores scripturas fidem interioris servare; quae stare posse, male negant Salmasius et Schultingius, repouuntque *ceras*, pro *scripturas*: nam in illo diplomate, praeter foramina, apparet eadem extrinsecus et intussecus scriptura. ERN.

Vacuae] Intell. *heredum nominibus*, ut post testator addere nomina heredum posset, quos non necesse, nec utile adeo, scire signaturos testes: sufficit scire, esse testatoris tabulas; id quod ipsorum est testari. ERN.

Legatum sibi adscriberet] Quia D. Claudius hoc cavisse dicitur, in Digestis ad Leg. Corneliam de falsis, et de Scto Libon., item in Cod., errasse memoriae lapsu putant Cuiccius alique Viri docti Suetonium. Atque etiam Brummerus superiora illa duo, de tabulis et testamentis, Claudio deberi putat, ad Leg. Cinciam. Non vacat, haec in his notis excutere. Ceterum vix credibile videtur, tam diligentem scriptorem, qui litteras publicas in manibus haberet, in

rebus, vulgo etiam tum notis, iam graviter peccare potuisse. ERN.

Mercedem] Hic quoque memoria lapsum Suetonium putant: nam Tacitus Ann. II, 7. a Claudio iam dena festeria constituta, dicit, ultra quae si quis cepisset, repetundarum teneretur. Iterum dico, non credibile mihi videri. In his talibus tradendis non e memoria scribunt historici diligentes, qualis inprimis Suetonius, sed e litteris publicis. Rem autem sic concipio. Claudius permisit aliquid capere, sed nihil certi constituit, nisi quasi terminum, ultra quem progredi non liceret. Sed hoc non est certam iustamque mercedem constitnere. Nero autem etiam constituit, quantum ius esset pro unoquoque genere causae postulare, et dare, ut neque patroni plus iusto petere, ac capere, neque litigatores minus, quam iustum esset, dare possent. Haec duo longe inter se differre, omnes vident. Vide omnino Excursum. ERN.

Pro subfelliis] Aerarium videtur ante curasse subfellia,

rario gratuita; utque rerum actu ab aerario causae ad forum ac recuperatores transferrentur; et ut omnes appellationes a iudicibus ad Senatum fierent.

Augendi propagandique imperii neque voluntate ulla, neque spe motus unquam, etiam ex Britannia deducere exercitum cogitavit: nec nisi verecundia, ne obtrectare parentis gloriae videretur, desistit. Ponti modo regnum, concedente Polemone, item Alpium, defuncto Cottio, in provinciae formam redegit. 18

Peregrinationes duas omnino suscepit, 19 Alexandrinam et Achaicam: sed Alexandrina ipso profectionis die desistit, turbatus religione simul ac periculo. Nam circuitis templis quum in aede Vestae resedisset, consurgenti ei primum lacinia obhaesit: deinde tanta oborta

quoties novis opus esset, et a litigatoribus deinde aliquid mercedis exegisse, ut impensae reficerentur: fortasse etiam ab iis, qui vellent animi causa audire Oratores. Cicero Brut. c. 84. *Occupentur subsellia, sint scribae gratiosi in dando cedendoque loco*: unde suspicere, scribas exegisse, quod pro subselliis daretur, non mancipis, ut coniecit Burmannus. Sed nihil certi est. Nec magni interest. ERN.

Rerum actu] Haec verba indicant, quae sequantur, constitutiones pertinere ad rationem iudiciorum et causarum forensium. De iudiciis exercendis constituit, ut causae

quae adhuc apud aerarium actae essent, in foro et a recuperatoribus, h. e. ab iisdem disceptarentur, a quibus causae pecuniariae privatorum etc. Veteres talem constitutionem legem iudiciariam vocant. ERN.

Cap. 19. *Oborta*] Sic Excerpta Cuiac et Voss., Lyser., edd. Steph., Cas., Graevii etc., quod melius est *coorta*, quod habent alii codd., vet. edd., servavitque Burmannus: est enim proprium de caligine ac tenebris verbum, ut omnes sciunt. *Cooriri* fere indicat vim subitam, et impetum, saltem subitum exortum rei, in qua vis et impetus inest, ut bellum, ventus, ignis et simi-

caligo est, ut dispicere non posset. In Achaia Ilium perfodere aggressus, praetorianos pro concione ad inchoandum opus cohortatus est: tubaque signo dato, primus rasiello humum effodit, et corbulae congestam humeris extulit. Parabat et ad Caspiae portas expeditionem, conscripta ex Italicis senum pedum tironibus nova legione, quam Magni Alexandri phalangem appellabat. Haec partim nulla reprehensione, partim etiam non mediocri laude digna in unum contuli, ut secernerem a probris ac sceleribus eius, de quibus dehinc dicam.

20 Inter ceteras disciplinas pueritiae tempore imbutus et musica, statim ut imperium adeptus est, Terpnium citharoedum, vigentem tunc praeter alios, arcessiit; diebusque continuis post coenam canenti in multam noctem assidens, paulatim et ipse meditari exerceri-

lia, quod ab h. l. est alienum. ERN.

Dispicere] Secutus sum Burmannum potius, quam Graevium, qui recepit *despicere*, quod Latinitas non patitur, quidquid dicat. *Dispicere* est verbum proprium, ubi caliginis et tenebrarum mentio praecessit. Cicero Tusc. 1, 19. *Qui tamen etiam, quum circumfusi erant caligine, tamen acie mentis dispicere cupiebant.* Idem Orat. in Sen. post Red. c. 3. *Postquam ex superioris anni caligine et tenebris lucem in republica Kal.*

Ian. dispicere corpis: ubi similiter codd. Mff. habent *despicere*; quod tamen reiecit ibi Graevius, et retinuit vulgatum *respicere*. ERN.

Cap. 20. *Vigentem tunc*] Corlius ad Cic. 8, 1. *tui politici libri omnibus vigent*, i. e. maxime probantur. Cicero ipse Orat. 3, 28. *Philonem in Academia maxime vigere audio*, et sic pluribus ille locis. Sed maxime convenit citharoedo, quod est attributum vocis et motus in oratoribus, cantoribus et saltatoribus scenicis. Livius 7, 2.

que coepit; neque eorum quidquam omittere, quae generis eius artifices, vel conservandae vocis causa vel augendae factitarent. Sed et plumbeam chartam supinus pectore sustinere, et clysiere vomituque purgari, et abstinere pomis cibusque officientibus, donec blandiente profectu, (quamquam exiguae vocis et fuscae) prodire in scenam concupiit: subinde inter familiares Graecum proverbium iactans, *occultae musicae nullum esse respectum*. Et prodiit Neapoli primum; ac, ne concusso quidem repente motu terrae Theatro, ante cantare desistit, quam inchoatum absolveret νόμον. Ibidem saepius, et per complures cantavit dies: sumpto etiam ad reficiendam vocem brevi tempore, impatiens secreti a balineis in Theatrum transiit, mediaque in orchestra frequente populo epulatus, *si paululum subbibisset, aliquid se sufferti tinnituum*, Graeco sermone promisit. Captus autem modulatis Alexandrinorum

Canticum egisse aliquanto magis vigente motu. Conf. Tac. Ann. 4, 61. ERN.

Plumbeam chartam] Quae Casaubonus ad h. v. attulit, omnia propemodum sunt etiam apud Allatium ad Fragm. Antiqu. Etrusc. p. 128. seq., nisi quod etiam charta plumbea laudatur ex Anastasio Sergio et Gregor. III. e Cerdæ Advers. sacra. c. 113. ERN.

Clysiere] Quo respirationem adiuvari docet etiam Celsus 2, 12. ERN.

Nullum respectum] Sic λέ-

γον vel ὄρελος interpretatur, nove, pro pretium, ut docet Burmannus ad h. l. De proverbio praeter Lucian. in Harmonide c. 1., quem laudat Casaubonus, vide Gellium 13., 30. et quos laudant Viri docti ad Lucianum l. c. ERN.

Νόμον] Aliis locis vocat canticum. Calig. c. 54. Ner. c. 39. Galb. c. 13. etc. ERN.

Sufferti aliquid] Graece ὑπόπυκνόν τι. Πυκνόν quid sit in musicis, etiam Lexica docent. ERN.

laudationibus, qui de novo commeatu Neapolim confluxerant, plures Alexandria evocavit. Neque eo segnius adolescentulos equestris ordinis, et quinque amplius millia e plebe robustissimae iuventutis undique elegit, qui divisi in factiones, plausuum genera condiscerent, (*bombos et imbrices et testas* vocabant) operamque navarent cantanti sibi, insignes pinguis-
sima coma, et excellentissimo cultu pueri, nec sine anulo laevis: quorum duces quadragena millia HS. merebant.

21

Quum magni aestimaret cantare, etiam Romae Neroneum agona ante praesitutam diem revocavit. Flagitantibusque cunctis caelestem vocem, respondit quidem, *in hortis se copiam volentibus facturum*: sed adiuvante vulgi preces etiam statione militum, quae tunc excuba-

Vocabant] A diversitate soni, quem varie conformatae et collisae plaudentium manus edebant. Manus planae et expansae *testas*, leviter sinuatae, *imbrices*, cavae *bombos* videntur effecisse. Parum refert, talia tenere. ERN.

Pinguissima coma] Cape, ut *pinguem togam*, Aug. c. 82. ERN.

Cultu pueri etc.] Τὸ πueri dele-rem, ut placet Graevio et Burmanno, nisi aliqua inspicio mihi superesset, in ea voce latere aliquem nominativum, qui sic referatur ad *cultu*, ut *insignes* ad *coma*. Puberes nec apti sunt huic loco, nec commode iunguntur τῷ

excellentissimo cultu. Quid? si legamus, *excellentissimo culti vestitu*? inprimis quum etiam *anuli* sint in cultu. Sed malo, *excellentissima culti purpura*, ut c. 33. *vetita purpura cultam*: nam *excellentissimus* aptius est *purpurae*, quam *vesti* aut *cultui*. Excellentissima autem purpura est Tyria, infra c. 32. Sic Salomonis equites ap. Ioseph. Antt. Iudd. 8, 7, 3. Μηχίστας καθεμμένοι χαίτας, καὶ ἐνδεδυμένοι χιτῶνα τῆς τυρίας πορφύρας. ERN. Antiquo huic ulceri nulla efficax medicina parari potest. Satis elegans tamen, quamvis audacilla, est coniectura, *excellentissimo cul-*

bat, repraesentaturum se pollicitus est libens; ac sine mora nomen suum in albo profitentium citharoedorum iussit adscribi; forticulaque in urnam cum ceteris demissa, intravit ordine suo, simul Praefecti praetorii citharam sustinentes, post tribuni militum, iuxtaque amicorum intimi. Utque constitit, peracto principio, Nioben se cantaturum per Cluvium Rufum Consularem pronuntiavit, et in horam fere decimam perseveravit: coronamque eam, et reliquam certaminis partem, in annum sequentem distulit, ut saepius canendi occasio esset. Quod quum tardum videretur, non cessavit identidem se publicare. Non dubitavit etiam privatis spectaculis operam inter scenicos dare, quodam Praetorum sestertium decies offerente. Tragoedias quoque cantavit personatus: heroum deorumque, item heroidum ac dearum personis effectis ad similitudinem oris sui et feminae, prout quamque diligeret. Inter cetera cantavit *Canacen parturientem*, *Oresten matricidam*, *Oedipodem excaecatam*, *Herculem insanum*. In qua fabula fama est, tirunculum militem, positum ad custodiam aditus, quum eum ornari ac vinciri catenis, sicut argumentum postulabat, videret, accurrisse ferendae opis gratia.

tu, puris bazeis et anulo in laevis. In omnibus Mss. legitur *ac*, non *nec*.

Cap. 21. *Peracto principio*] Verbis conciliandi favoris causa praemissis. Conf. Lipl. ad Tac. Ann. 16, 4. *Flexus genu* etc.

Non dubit. etiam privatis] Memm. habuit *daret*, plerique alii *in privatis*, et sine particula negativa. Inde bene I. F. Gronov. ad Senec. Thyest. v. 715. et Perizon. correxerunt, *Dubitavit an privatis* — *daret*: ut Claud. c. 35. Ex hac

22

Equorum studio vel praecipue ab ineunte aetate flagravat, plurimusque illi sermo, quamquam vetaretur, de Circensibus erat: et quondam tractum prasinum agitatore inter condiscipulos querens, obiurgante magistro, de Hectore se loqui e mentitus est. Sed quum inter initia imperii eburneis quadrigis quotidie in abaco luderet, ad omnes etiam minimos Circenses commeabat, e secessu, primo clam, deinde propalam: ut nemini dubium esset, eo die utique affuturum. Neque dissimulabat, velle se palmarum numerum ampliare: quare spectaculum multiplicatis missibus in serum protrahebatur, ne dominis quidem iam factionum dignantibus, nisi ad totius diei cursum, greges ducere. Mox et ipse aurigare, atque etiam spectari saepius voluit: positoque in hortis inter servitia et sordidam plebem rudimento, universorum se ocu-

lectione ratio reddi potest variarum corruptionum in Mss.

Cap. 22. *Equorum*] Qui in Circo certarent: *nobiles equos* vocat Ovidius Amor. lib. 5. el. 2. *Non ego nobilium sed deo studiosus equorum.* ERN.

Obiurgante magistro] Mss. quidam, in his Lyser., et edd. *paedagogo*, quae est glossa *magistri*. ERN.

Minimos] V. c. Quacstorum, vel qui minimo apparatu ederentur. ERN.

Quare etc.] Nempe si palmarum plures propositae, etiam plures sunt missus: nam singulis missibus singulae palmae destinatae sunt. ERN.

Dignantibus — — greges]

Quia tanto plus lucrabantur. quanto plures missus, propter mercedes palmarum, de quibus dixit c. 5. *Greges* accipiunt de *aurigis*; quod grex etiam de pantominis, aliisque generibus hominum dicatur. Id nemo dubitat. Sed ego tamen de equis potius capio, quorum potior hic ratio. *Greges nobilissimarum equarum* sunt apud Ciceronem Verr. 1, 10. Verbum *ducere* aptius arbitror gregibus equorum, quam factionibus aurigarum. ERN. Accedit Oudendorp. Mihi vero cum Periz. intelligendi videntur servi aurigae.

lis in Circo maximo praebuit, aliquo liberto mittente mappam, unde magistratus solent. Nec contentus harum artium experimenta Romae dedisse, Achaiam, ut diximus, petit, hinc maxime motus. Instituerant civitates, apud quas musici agones edi solent; omnes citharoedorum coronas ad ipsum mittere. Eas adeo grate recipiebat, ut legatos; qui pertulissent, non modo primos admitteret; sed etiam familiaribus epulis interponeret. A quibusdam ex his rogatus; ut cantaret super coenam, exceptusque effusus, *solos scire audire Graecos, solosque se et studiis suis dignos* ait. Nec profectione dilata, ut primum Cassiopen traiecit, statim ad aram Iovis Cassii cantare auspicatus est.

Certamina deinceps obiit omnia. Nam et 23 quae diversissimorum temporum sunt; cogi in unum annum, quibusdam etiam iteratis, iussit; et Olympiae quoque praeter consuetudinem musicum agona cominavit. Ac, ne quid circa haec occupatum avocaret detineretve, quum praesentia eius urticas res egeret a liberto Helio admoneretur, rescriptit his verbis: *Quamvis nunc tuum consilium sit et votum, celeriter reverti me: tamen suadere et optare potius debes, ut Nerone dignus revertar.* Cantante eo,

Unde magistratus solent]
Vide Liv. 45, 1. *Consult ad quadrigas mittendas escendente.* Is locus fuit super carceres; ut patet e loco Ennii apud Ciceronem de Divin. 1, 48. Conf. Salmasium ad Solin. p. 647. ERN.

Cassiopen] In dubio relin-

quit Burmannus; utrum Epiri an Corcyrae urbs intelligenda; cuius illa fuit colonia; prior tamen est ad Epiroticam. Pro Corcyraea dici posset, Nerone ad hanc potius traiecit, et ibi ad aram Iovis Cassii, Epiroticam antiquiorem; cantasse, propter antiquam glo-

ne necessaria quidem caussa excedere Theatro licitum erat. Itaque et enixae quaedam in spectaculis dicuntur, et multi taedio audiendi laudandique, clausis oppidorum portis, aut sursum defiluisse de muro, aut morte simulata funere elati. Quam autem trepide anxieque certaverit, quanta adversariorum aemulatione, quo metu iudicum, vix credi potest. Adversarios, quasi plane conditionis eiusdem, observare, captare, infamare secreto, nonnumquam ex occurſu maledictis incesſere, ac si qui arte praecellerent, corrumpere etiam solebat. Iudices autem, prius quam inciperet, reverentissime alloquebatur, *Omnia se facienda fecisse, sed eventum in manu esse Fortunae: illos, ut sapientes et doctos viros, fortuita debere excludere:* atque, ut auderet, hortantibus, aequiore animo recedebat; ac ne sic quidem sine sollicitudine, taciturnitatem pudoremque quorundam pro tristitia et malignitate arguens, suspectosque sibi dicens.

24 In certando vero ita legi obediebat, ut numquam exſcreare aulſus, sudorem quoque frontis brachio detergeret: atque etiam in tragico quodam actu, quum elapſum baculum ci-

riam musicae artis, quam Homerus Phaeacibus tribuit. Sic placet et Oudendorpio. ERN.

Cap. 23. *Observare, captare*] H. e. diligenter et suspenſo animo attendere, ut aliquid vitii in iis animadverteret, eosque in fraudem illiceret. Sic Livius iungit *insidiari* et *captare*, h. e. conari fallere:

unde *captiosus*.

Tristitia] Est acerbitas et iniquitas in iudicando. Cic. Fin. 4, 28. Idem Act. 1. in Verr. 10. *tristis iudex*. Suetonius infra c. 37. *tristis et paedagogicus vultus*. ERN.

Cap. 24. *Baculum*] Quem prodeuntes in scenam gestabant; unde Comoedia et Tra-

to resumpſiſſet, pavidus et metuens, ne ob delictum certamine ſummoveretur, non aliter confirmatus eſt, quam adiurante hypocrita, non animadverſum id inter exultationes ſucclamationeſque populi. Victorem autem ſe ipſe pronuntiabat: qua de cauſſa et praeconio ubique contendit. Ac ne cuius alterius hieronicarum memoria aut veſtigium exſtaret uſquam, ſubverti et unco trahi abiicique in latrinas omnium ſtatuas et imagines imperavit. Aurigavit quoque plurifariam, Olympiis vero etiam decemingeni: quamvis id ipſum in rege Mithridate carmine quodam ſuo reprehendiſſet. Sed excuſſus curru, ac ruruſ repoliſtus, quam perdurare non poſſet, deſtitit ante decurſum; nec eo ſecius coronatus eſt. Decedens deinde, provinciam univerſam libertate donavit; ſimulque iudices civitate Romana et pecunia grandi. Quae beneficia e medio ſtadio Iſthmiorum die ſua ipſe voce pronuntiavit.

Reverſus e Graecia Neapolin, quod in ea 25 primum artem protulerat, albis equis introiit, diſiecta parte muri, ut mos hieronicarum eſt.

goedia fingitur altera manu perſonam, altera baculum tenens. De ſceptro cum Caſanbono capit Oudendorpius. ERN.

Hypocrita] Eſt ſaltator, cui accinebat Nero; ut docuit Gronovius ad Liv. 7, 2. ERN.

Contendit] Nempe praeco- nes ante ludorum miſſionem et ipſi coronabantur, qui optime praeconium feciſſent. Cicero ad Div. 5, 12. *Quum praeco- nes ipſi ante ludorum miſſio-*

nem corona donentur. ERN.

Pronuntiavit] Imitatus Q. Flaminium bello Macedonico primo exacto. Sed quod ille per praeconem, Liv. 33, 32., hoc Nero ipſe pronuntiavit. ERN.

Cap. 25. Primum artem protulerat] Imitatus eſt Cicero- nem Academ. 4, 1. *ars, quae tum primum proferebatur.* Vide de hoc uſu verbi Broukhuiſium ad Tibullum I, 11, 1. ERN.

Simili modo Antium, inde Albanum, inde Romanam. Sed et Romanam eo curru, quo Augustus olim triumphaverat, et in veste purpurea, distinctaque stellis aureis chlamyde, coronamque capite gerens Olympiacam, dextra manu Pythiam, praeunte pompa ceterarum cum titulis, *ubi, et quos, quo cantionum, quove fabularum argumento vicisset*: sequentibus currum ovantium ritu plausoribus, *Augustianos, militesque se triumpho eius*, clamitantibus. Dehinc, diruto Circi maximi arcu, per Velabrum forumque, Palatium et Apollinem petiit. Incedenti passim victimae caesae, sparsa per vias identidem croco, ingestaeque aves, ac lemnisci, et bellaria. Sacras coronas in cubiculis circum lectos posuit: item statuas suas citha-

Veste] Delendum censent Lipsius et Torrentius. Si a Suetonio est, intelligenda tunica: nam chlamys ab hac veste diversa est, ut recte Dorvilius ad Charit. p. 385. Eux.

Diruto — arcu] Recte monuit Graevius, cum arcum loco muni dirutum esse, quem, quia sacer erat, violare nollet. Mox *Apollonem* intell. Capitoli-
nus. Eux.

Aves] Suspectae Graevio: malit *siros*. Sed quum *canes, bellaria*, iactari solita sint: quidni etiam aves, inter canes? Disseruit Quidendorpius de canibus, nec tamen *siros* probat. Ipsius conjectura alienissima est. Eux. *Locus* non uno vocabulo corru-

ptus videtur. Nam *aves* haud dubie falsum est, ut etiam Ruhk. videbat. Perizonius tamen tenendam censet lectionem, intelligendasque aves cantillantes, ut in triumpho ex cantu; vel aves garrulas, qui principem salutarent, *Salve, Auguste*.

Lemnisci] His, quae Calaubonus concessit, adde nos in Clave Cic. in h. v. et Wesseling. de Archont. Ind. p. 18. Eux.

Sacras coronas — posuit] Non omnes ergo, sed quas, ut Hieronica, in Olympiis, Isthmicis etc. ludis accepisset; quas etiam solas ipse ingrediens Urbem gestabat. Eux.

In cubiculis] Haec recepi, quod praeter Memm. Voss. Co-

roedico habitu; qua nota etiam nummum percussit. Ac post haec tantum a remittendo laxandoque studio, ut conservandae vocis gratia, neque milites unquam, nisi absens, aut alio verba pronuntiante, appellaret; neque quidquam serio iocove egerit, nisi adstante pho-nasco, qui moneret, parceret arteriis, ac sudarium ad os applicaret; multisque vel amicitiam suam obtulerit, vel similitudinem indixerit, prout quisque se magis parciusve laudasset.

Petulantiam, libidinem, luxuriam, ava- 26
ritiam, crudelitatem, sensum quidem primo et occulte, et velut iuvenili errore, exercuit: sed

pel. plurimasque edd. etiam Lyser. habet, probatque Graevius. Vulgo, in *cubili*. *Cubiculis*, non *cubiculo*, ut malit Burmannus, quia et mox *lectos*, non *lecto*. Sed, quod Burmannus de cubiculo in spectaculis publicis capit, non placet. Non ibi satis tutas putasset, nisi tantum ludis suspensas dicamus. Tum ibi lectos fuisse, probandum erat. Immo imitatus est veterum heroum morem, qui spolia donaque carissimorum hominum in cubiculis suspendere solebant. Sic apud Virgilium Dido in thalamo suspenderat enssem, ab Aenea dono acceptum, Iliacasque vestes. Aen. 4, 495. coll. 647. seqq. Similiter imagines carissimorum hominum in cubiculis positae. Sic Suetonius tradit Calig. c. 7., Augustum effigiem filii,

Germanico ex Agrippina nati, quem propter insignem festivitatem valde amasset, in cubiculo suo habuisse. Ean.

Cap. 26. *Et velut*] *Tò et*, quod praeter alios codd. etiam Lyser. habet, recepi necessario: non enim *tò velut iuvenili errore* est interpretatio *τὸ occulte*, sed separatim verbi attributum, significatque iuvenilem lasciviam. Clara res e capite sequenti, *iocularia et lachras omisit*. Recepit et Oudendorpius. Ean.

Iuvenili errore, exseruit] Ita ausus sum reponere, etsi omnes libri habent *exercuit*. Vox *sensum* non patitur verbum *exercuit*. Similiter Tib. c. 55. *principem paullatim exseruit*, ubi plures codd. et omnes antiquae edd. *exercuit*. Verba haec duo saepe confusa, sed ita, ut *exercuisse* pro *exseruisse* reposi-

ut tunc quoque dubium nemini foret, naturae illa vitia, non aetatis esse. Post crepusculum statim, arrepto pileo vel galero, popinas inibat: circumque vicos vagabatur ludibundus, nec sine perniciæ tamen: liquidem redeuntes a coena verberare, ac repugnantes vulnerare, cloacisque demergere assuebat: tabernulas etiam effringere et expilare; quintana domi constituta, ubi partae et ad licitationem dividendae praedae pretium absumeretur. Ac saepe in

tum sit, quod hoc verbum non caperent librarii. ERN: *Sensim exercuit* est pro *exercere coepit*. Coniecturae, non necessariae, nullus codex addicit.

Tabernulas] Mss. quidam *tabernas*, quod recepit Oudendorpius. Non placet. *Petulantia* magis convenit *tabernulis*, quam *tabernis*. ERN. At est *petulantia principalis*.

Quintana] Sic dicebatur forum in castris, ubi praeda aliaeque res venales expositae: nomen accepit inde, quod interiectum est inter portas quintanas, ut placet Schelio ad Hygin. p. 76., ubi reprehendit Lipsium, qui in Festo *portae* vocem delendam, aut *partem* reponendam censuerat; quod probavit etiam Dacierius ad Festum, et Drakenborchius ad Liv. 27, 27., qui nullam portam quintanam fuisse contendunt. *Quintanas portas* dilerte vocat Hyginus de Castramet. p. 7. caeque necessa-

riae ad forum castrense fueret. Ceterum mihi in nomine *quintanae*, quum pro foro ponitur, magis placet intelligi *viam*: nam viam illam, quae ab una porta ad alteram ducta est, portis nomen dedisse, ut *principia* portis principalibus, *praetorium* praetoriae, certum esse arbitror. Atque, etiam Polybius sic tradit: *Διοδοῦς, ἣν καλοῦσι πεμπτήν, διὰ τὸ παρὰ πεμπτῇ, τέγματα παρῆκειν*: ut recte legit Casaubonus: *Via transversa, quam vocant quintanam, quia per quintos ordines ducitur*. ERN.

Absumeretur] Ita rescriptum ex optimo Meminiano, cui et Vossianus adstipulatur, a qua lectione se non alienum ait Burmannus. Ego nihil certius puto. Suetonius dixit, eum petulantiam, luxuriam, avaritiam etc. sensim et occulte exseruisse. An huic consentaneum esset, si narraret, auctionem praedae publicam domi

eiusmodi rixis, oculorum et vitae periculum adiit, a quodam laticlavio, cuius uxorem at-
tractaverat, prope ad necem caesus. Quare
numquam postea publico se illud horae sine
tribunis commisit, procul et occulte subsequen-
tibus. Interdium quoque clam gestatoria sella
delatus in Theatrum, seditionibus pantomimo-
rum ex parte proscenii superiori, signifer simul
ac spectator aderat. Et quum ad manus ven-
tum esset, lapidibusque et subselliorum fragmi-
nibus decerneretur, multa et ipse iecit in po-
pulum, atque etiam Praetoris caput confau-
ciavit.

Paullatim vero invalescentibus vitiis, iocu- 27
laria et latebras omisit, nullaque dissimulandi
cura ad maiora palam erupit. Epulas a medio
die ad mediam noctem protrahabat: refotus

habitam, ad quam omnibus
liceret accedere? Immo focii
grassaturae tantum accedebant,
et per licitationem inter se
dividebant: pecuniam, autem,
quam quisque pro emtis lici-
tando dare debebat, ibidem
convivendo absumebant. *Ad-
sumere pretium* pro *exigere*
ne Latinum quidem esse arbi-
tror. Verba *adsumere*, et *ab-
sumere* apud Tac. Ann. 15,
44. extr. et alibi a librariis con-
fusa sunt. Vide Drakenbor-
ghium ad Liv. T. I. p. 428. II,
905. *Absumere*, pro *consum-
mere*, est usitatum Suetonio.
Vide infra c. 37. Galb. c.
15. Recepit et Oudendorpius,
ERN.

Laticlavio] Equite illustri,
qui lati clavi usurpandi ius
acceperat, quum nondum Se-
nator esset. Tacitus Senatorem,
Dio *Βουλευτήν*, appellat: sed,
ut Tacitus addit, ornamentum
tantum et insigne senatorium
habebat, non in Senatum ve-
niebat: alioqui Senatorem et
noster appellasset. Omnium
igitur diligentissimus Suetonius
in verbis deligendis. ERN.

Cap. 27. *A medio die*] Bur-
mannus servat vet. edd. le-
ctionem, *e medio die*. Sed
vellem, exemplum huius locu-
tionis attulisset aliunde. Immo
inde facere debebat *de medio
die*. Suetonius semper in hac
forma *de* dicit, Aug. c. 97.

saepius calidis piscinis, ac tempore aestivo nivatis. Coenitabatque nonnumquam et in publico, naumachia praeclusa, vel Martio campo, vel Circo maximo, inter scortorum totius Urbis ambubaiarumque ministeria. Quoties Ostiam Tiberi deslueret, aut Baianum sinum praeternavigaret, dispositae per litora et ripas deversoriae tabernae parabantur, insignes ganeae et matronarum, institorio copas imitantium, atque

Vesp. c. 21. Domit. c. 21. *A* tempori adiectum, *post* fere apud eum significat. Unum illud me retinuit, quo minus reciperem, quod additum est *mediodi*, et mox *ad*: nam *de die* aut *nocte*, quantum meminini, semper simpliciter ponitur. ERN.

[*Piscinis*] Tironum causa moneo, *balnea* intelligenda: ea hoc tempore *piscinas* quoque dixerunt. ERN.

[*Coenitabatque*] Vide ad c. 38. extr. ERN.

[*Insignes — imitantium*] Hic locus varie in codd. et edd. legitur, varieque a Viris doctis tentatur. Lectio hodie recepta est: Taciteb. Advv. 24. c. Pro *institorio copas* plerique habent *institorias operas*. Sed apponemus notam Graevii: „Procul dubio recte vidit Salmasius de usuris p. 351. legendum esse, *insignes ganeae*, et *matronarum institorio*, i. h. e. in illis tabernis vendebantur omnis generis opsonia,

„et matronae, copas imitan-
„tes, erant pro institoribus,
„qui illas merces solebant ven-
„dere. Si *ganeae* legatur, quod
„in omnibus vulgatis habetur,
„nihil est, unde pendeat in-
„stitorio. *Institorium* autem,
„subaudi munus, ut bene Tor-
„rentius, est institoris functio
„et partes. Dicitur ut *insti-*
„*toria actio* in Pandectis.
„*Paullus Bauldri* veteriorum
„editionum lectionem non pu-
„tat improbandam. in quibus
„scribitur, *institorias operas*.
„Sic autem locum constituit:
„*insignes ganeae matrona-*
„*rum, institorias operas imi-*
„*tantium, atque hinc inde*
„*orantium, ut appelleret. In-*
„*stitoriae operae*, ut Ang. c.
„43. *scenicae et gladiatoriae*
„*operae*. Cui sane subscribe-
„rem, nisi veterrimi et fide-
„lissimi codices aliud suade-
„rent: nam in Salmasiano cla-
„re: *Institorio copas imitan-*
„*tium* etc.,. Hae duae con-
„iecturae probabiles sane, et ad

hinc inde hortantium, ut appelleret. Indicebat et familiaribus coenas, quorum uni mitellita

intelligendum sufficiunt: Burmanniana contorta est. Sed non dissimulabo, in Salmastiana mihi hos scrupulos restare: primo, quod vix videtur *matronarum institutorum* pro munere institorio, quo fungantur matronae, satis Latine dici; deinde, quod reliqua post *institoria* omnia supervacua sint, et quod Suetonius potius dicturus fuisse videtur, *institutio matronarum, copas imitantium*. Bauldriana lectio magis placet, praesertim quum etiam codex, quem Ursinus laudat, habeat, *insignes ganeae matronarum, institoria opera imitantium*, nisi quod *insignes ganeae* non placent, quemadmodum nec placent *insignes tabernae*, nec *insignis ganea taberna*. *Ganeae* et *institorium* non faciunt insignem tabernam, ut opinor. Quid? si sic legamus, *tabernae parabantur, ganeae, et insignes matronarum, institorias operas imitantium*. *Insignes matronarum* sunt Taciti *illustres feminae*, notae matronae, ut alibi Suetonius. Ex *institoriis operas* potuit fieri *institorio copas*, si *operas* per compendium *opas* scriptum erat; ut factum vulgo solemus. Restat dissimulatio in *parabantur*, quod non satis convenire vide-

tur matronis. Sed in nulla lectione commodum est. Quid enim est, *dispositae tabernae parabantur*? Quanto melius Tacitus Ann. 15, 37. *viscebantur*; quod fortasse aut ipsum, aut simile reponendum. Oudendorpio placet lectio Aldina, *institoram loco passim involtantium*. ERR. Et Ruhnkenio. In Ernestii coniectura et Latinitas displicet et audacia.

Mitellita] Haec est lectio eodd. fere omnium. *Mellita* ex ingenio doctorum: cui tamen non convenit *constitit*; deberetque esse *constiterunt*, ut et in quibusdam editis. Ceterum ea lectio explicari potest. *Mitellita* quid sit, explicare tentavit Salmastius ad Solinum, unde etiam in Lexica venit. Sed aut corruptum est verbum, aut nondum intelligitur. Genus ferculi et cibi intelligi, contextus, ut opinor, declarat. Ei rei non convenit sensus, quem Salmastius verbo subiecit. Monstruosae luxuriae ganeones novis cibis et ferculis nova nomina tribuebant, undeque ducta, quae ex se non possunt intelligi. Ex horum numero est *mitellita*, si est a Suetonio. Sic Vitellius patinata grandiore in qua rarissimus et pretiosissimus

quadragies HS. constitit, alteri pluris aliquanto absortio rosaria.

28 Super ingenuorum paedagogia, et nuptiarum concubinatus, Vestali virgini Rubriae vim intulit. Acten libertam, paulum afuit, quin iusto matrimonio sibi coniungeret; summissis consularibus viris, qui regio genere ortam perierarent. Puerum Sporum, exsectis testibus, etiam in muliebrem naturam transfigurare co-

gibus apponebatur, *clypeum Minervae* vocabat, Vitell. c. 13.; quod nomen nemo intellexeret, nisi ratio eius explicata esset a Suetonio. Ibidem dicitur Vitellius aliud alii, eadem die, indixisse, nec cuiquam minus singulos apparatus quadriingenis millibus constituisse. In his apparatusibus esse potuerunt, qui similia nomina haberent. Etiam in coena Trimalcionis sunt talia fercula sollerter excogitata, magnaeque impensae, in quibus ille sibi placebat. ERN.

[*Abfortio rosaria*] *Abfortionis* verbum suspectum esse potest, quia a nonnullis codd., etiam Lyser., et edd. plane abest, nec in ullo alio auctore reperitur. In aliis etiam pro eo est *absirtio*, *absyrtio* et *ab Syrtio*. Pro *rosaria* Burmannus maluit *rosacea*. Quidquid sit, *rosaria abfortio* est vel cibus, vel sortitio pretii iusani, propter rosas primo, e locis remotis petitas, dein, ad-

mixta alia pretiosa genera liquorum etc. *Patina de rosis* est apud Apicium 4, 2., ad quem locum. Hummelbergius affert *ollam rosaceam* ex Athenaeo. In illa *patina de rosis* commemoratur etiam garum; cuius caritas nota est. *Escae rosales* etiam occurrunt in inscriptione antiqua apud Muratorium T. II. p. 867. n. 8., quam commentariolo illustravit Lazzarus in Collectione Opusculorum eruditorum, quae inscribitur, *Raccolta d' Opuscoli scientifici e filologici* T. XV. p. 351. Sed eas Lazzarus dictas putat pro *rurales*. His autem *escis rosalibus* parvum pretium assignatur. ERN.

Cap. 28. *Peierarent*] Broukhufius et Burmannus volebant *deierarent*. Sane aliis locis, etiam ubi falso iurari constat, in similique contextu Suetonius etiam *iurare* dixit. Est etiam *deierare* Suetonio usitatum verbum, Calig. c. 27. et alibi. ERN.

natus, cum dotè et flammeo, per sollemnia nuptiarum celeberrimo officio, deductum ad se, pro uxore habuit. Exstatque cuiusdam non inscitus iocus: *Bene agi potuisse cum rebus humanis, si Domitius pater talem habuisset uxorem.* Hunc Sporum, Augustiarum ornamentis excultum, lecticaque vectum, et circa conventus mercatusque Graeciae, ac mox Romae circa Sigillaria, comitatus est, identidem exosculans. Nam matris concubitum appetisse, et ab obtrektoribus eius, ne ferox et impotens mulier et hoc genere gratiae praevaleret, deterritum, nemo dubitavit: utique postquam meretricem, quam fama erat Agrippinae simillimam, inter concubinas recepit. Olim etiam, quoties lectica cum matre veheretur, libidinum incestu, ac maculis velis proditum affirmant.

Suam quidem pudicitiam usque adeo pro- 29
stituit, ut contaminatis paene omnibus membris, novissime quasi genus lusus excogitaret;

Perfollemni — celeberrimo]

Burnmannus suspicatur, alterutram vocem esse a glossatore. Ego autem certum habeo, *perfollemni* pro glossa repudiandum; unde etiam uncis inclusi. *Nuptiarum officium celeberrimum*; est Suetonianum: id, ex interiori Latinitate dictum, aliquis interpretatus est, *perfollemne*, quod in textum irrepsit. Alibi noster, *celeberrimis ludis*. Fortasse tamen aliquis malit sequi rationem Dukeri ad Liv. 1, 31., qui legi

vult, *per sollemne nuptiarum*; qua ratione tamen tautologia non tollitur. Ceterae interpretationes et emendationes omnes contortae sunt. Sic in ed. prima scripsi; nunc, quum in Ms. Lyser. repererim, *per sollemnia nuptiarum*, cui consentit Vin-dob., hoc cum Oudendorpio recepi. ERN.

Augustarum ornamentis]

Vide infra c. 34. Piusculus capit de vestibus, quas Augustae gestallent vel gestare tolerent; nimis anguste. ERN.

quo ferae pelle contactus emitteretur e cavea, virorumque ac feminarum ad stipitem deligatorum inguina invaderet: et quum affatim desaevisset, conficeretur a Doryphoro liberto: cui etiam, sicut ipsi Sporus, ita ipse denupsit; voces quoque et eiulatus vim patientium virginum imitatus. Ex nonnullis comperi, persuasissimum habuisse eum, neminem hominem pudicum, aut ulla corporis parte purum esse: verum plerosque dissimulare vitium, et callide obtegere; ideoque professis apud se obsoenitatem cetera quoque concessisse delicta.

30 Divitiarum et pecuniae fructum non alium putabat, quam profusionem: sordidos ac deparcos esse, quibus ratio impensarum constaret; praelautos vereque magnificos, qui abuterentur ac perderent. Laudabat mirabaturque avunculum Caium, nullo magis nomine, quam quod ingentes a Tiberio relictas opes in brevi spatio prodegisset. Quare nec largiendi nec abstinenti modum tenuit. In Tiridatem, quod vix credibile videatur, octingena nummum millia diurna erogavit, abeuntique super sesterium millies contulit. Menecraten citharœdum et Spiculum mirmillonem triumphalium virorum patrimoniis aedibusque donavit. Cer-

Cap. 29. *Conficeretur*] Nempe percussus venabulo; quod non laederet. Ceterum hoc verbo recte etiam aliquid obsoeni indicari, credo Gronovio Obs. 1, 8. De re vide Lipsium ad Tac. Ann. 15, 37. EBN.

Concessisse] Exquidne h. l.

dicitur, pro condonasse; impunitatem ceterorum delictorum dedisse; quo sensu etiam Cicero dixit, Verr. 1, 49. et aliis locis. Ante pro *calliditate* e Mss. plurimis edidi *callide*; quod et Oudendorpio placebat. EBN.

copuhecum Panerotem, feneratorem, et urbanis rusticisque praediis locupletatum, prope regio extulit funere. Nullam vestem bis induit. Quadringenis in punctum sestertiis aleam ludit. Piscatus est rete aurato, purpura coccoque funibus nexis. Numquam minus mille carrucis fecisse iter traditur, soleis muliarum argenteis, canusinatis mulionibus, armillata et phalerata cum Mazacum turba atque cursorum.

Non in alia re tamen damnosior, quam in 31

Cap. 30. *Panerotem, feneratorem*] Gronovio suspecta vox *feneratoris* in hoc contextu, nempe post citharoedum et mirmillonem. Recte. Vult enim commemorare vilia hominum genera, quibus ille, ut alii Imperatores, nimis favens, magnas divitias contulit. Atqui *fenerator* non est ex illis generibus, sed honestum nomen Romae; malis autem principibus invisum, Domit. c. 14.; neque in feneratione quidquam est, quod gratiam principis conciliare possit. Adde, feneratorem arte non satis convenire libertino homini. Quorum porro locupletetur fenerator, sua sponte locuples? Quare placet omnino, *venatorem* cum Gronovio legi: etsi vocis, hoc sensu dictae, exemplum nondum alibi reperi apud scriptorem veterem; quod opponit Gronovio Burmannus. Apud nostrum quidem *confectores* dicuntur.

Sed tamen in inscriptionibus antiquis *venatores* occurrunt, quos ex hoc genere puto, apud Gruterum etiam *venatoria familia*. A Mff. Lyser. et Vindob. sec. abest *feneratoris* verbum. Sed substantivum hic necessarium est. Ceterum me offendit etiam copula *et*: nam *feneratorem et locupletatum* per copulam *et* iungi non possunt. Possis dicere, *et urbanis rusticisque praediis esse* capiendum pro *et urbanis et rusticis*. Sed sic non loquitur Suetonius. Itaque arbitrator inducendum *et* *et*. ERN.

Mzacum] Mauritaniae populi Mazaces; quorum equi nobiles fuere. Utrum *Mazaces*; an *Mazuces*; scribendum, qui velit quaerere, adeat Salmasium ad Solin. p. 226. et Intpp. ad Nemesian. Cyneg. v. 261. ERN.

Cap. 31. *Damniosior*] I. e. profusior, sumtuosior: *Damni*, de magnis impensis, exempla

aedificando. Domum a Palatio Esquilias usque fecit. Quam primo *Transitoriam*, mox, incendio absumptam, restitutamque, *Auream* nominavit. De cuius spatio atque cultu suffecerit haec retulisse. Vestibulum eius fuit, in quo colossus centum viginti pedum staret ipsius effigie: tanta laxitas, ut porticus triplices milliaras haberet: item stagnum maris instar, circumseptum aedificiis ad urbium speciem. Rura inuper arvis atque vinetis et pascuis silvisque varia, cum multitudine omnis generis pecudum ac ferarum. In ceteris partibus cuncta auro lita, distincta gemmis, unionumque conchis erant. Coenationes laqueatae tabulis eburneis versatilibus, ut flores, fistulatis, ut unguenta desuper spargerentur. Praecipua coenationum rotunda, quae perpetuo diebus ac noctibus vice mundi circumageretur: balineae marinis et

congestissimus e Cicerone in Clave. Exempla adiectivi sic dicti dedere Graevius et Burmannus. Codex Memmianus, Copel. addunt *tamen*; quod valde placeat. Huc ducunt etiam vestigia Lyseriani, qui habet *tam*, et Vossiani, qui habebat *tunc*. Non dubitavi recipere, ut et fecit Oudendorpius. ERN.

Haec] Recepi pro vulgato *hoc*. Non unum, sed plura narrat. *Haec*, praeter codd. Burmanno laudatos, habet etiam Lyser. ERN.

Vestibulum eius fuit] Oudendorpio placet, legi *vestibulo* vel *vestibuli*, ut cum *laxitas* iungatur: placeret et mihi, si

fuit post *laxitas* esset. In vulgato intelligenda est dignitas et magnificentia vestibuli, propter quam ei colossus talis conveniret. ERN.

Porticus triplices milliaras] H. e. quae tres columnarum, distinctos intervallis ordines haberent, et mille, pedes, an passus? (sed hoc laxitati vestibuli convenientius) in longitudinem. *Milliensem* vocat similem Aureliani Vopiscus in Aureliano c. 49. ERN.

Varia cum multitudine] Sic vulgo male interpungunt. *Varia* est variata, *πεποικιλμένα*, ut viderunt Bnm. et Oudend.

Vice] Modo. Cic. ad Att.

Albulis fluentes aquis. Eiusmodi domum quum absolutam dedicaret, hactenus comprobavit, ut, *se diceret quasi hominem tandem habitare coepisse*. Praeterea inchoabat piscinam a Mileno ad Avernum lacum, contectam, porticibusque conclusam, quo, quidquid totis Baïis calidarum esset, converteretur: fossiam ab Averno Ostiam usque, ut navibus, nec tamen mari, iretur, longitudinis, per centum sexaginta millia; latitudinis, qua contrariae quinquere mes commearent. Quorum operum perficiendorum gratia, quod ubique esset custodiae, in Italiam deportari, etiam scelere convictos, non nisi ad opus damnari, praeceperat. Ad hunc impendiorum furorem, super fiduciam imperii, etiam spe quadam repentina immensarum et reconditarum opum impulsus est; ex indicio Equitis Romani, pro comperto pollicentis, thesauros antiquissimae gazae, quos Didò regina fugiens Tyro secum extulisset, esse in Africa vastissimis specubus abditos, ac posse erui parvula molientium opera.

10.8. *nisi forte me Sardanapali vicem in lectulo mori malle censueris*; ubi Graevius volebat legi *vice*. Sed vide, quae notavimus in Clave Cic. in h. v. ERN.

Dedicaret] I. e. quum in eam commigrasset, eam habitare coepisset. Conf. Vitell. c. 13. Dedicari dicuntur, quae incipimus modo suo usurpare. ERN.

Porticibusque] Copulam e Memmi, Lyser. aliisque libris scriptis et editis addidi: *secutus est Ovidendorpius*. ERN.

Converteretur] Recte hoc tenuerunt Viri docti: est enim, ut contrarium *avertere* apud Ciceronem Nat. deor. 2, 60., proprium in ista re verbum. Frontin. Aquaeduct. c. 117. *Ut ex quam plurimis regionibus, in quam necessitas incubuerit, converti possit praesidium aquarum abundantius*. Hinc ductam *ὀφείλον* illam Ciceronis arbitror de Offic. 3, 19. *hereditates omnium ad se convertere*. ERN.

32 Verum ut spes fefellit, desitutus, atque ita iam exhaustus et egens, ut stipendia quoque militum, et commoda veteranorum protrahi ac differri necesse esset, calumniis rapinisque intendit animum. Ante omnia instituit, ut e libertorum defunctorum bonis pro semisse dextans ei cogeretur, qui sine probabili causa eo nomine fuissent, quo essent ullae familiae, quas ipse contingeret: deinde, ut ingratorum in principem testamenta ad fiscum pertinerent: ac, ne impune esset studiosis iuris, qui scripsissent vel dictassent ea: tunc, ut lege maiestatis

Cap. 32. *Desitutus*] De h. v. tirones videant Clavem Cic. in h. v. Ceterum huius capitis principium mihi incorruptum non videtur: nam *spes fefellit* et *desitutus* non differunt; nec constructio facilitatem Suetonii sapit. ERN. *Desitutus* est inops auxilii, scil. ex eo ipso, quod *spes fefellit*. In talibus non est vitiosa tautologia.

In principem] Sunt, qui hoc deleri velint; quibus assentior. *Poenae ingratorum libertorum* notae sunt e iure civili: inde olim nil commodi in principem: hac Neronis sanctione plurimum. Quinam sint *liberti ingrati in principem*, explicari mihi velim. *Libertus ingratus* semper refertur ad patronum, ad nullum alium. De libertis autem esse sermonem, non dubitem cum Torrentio: nam universe *ingrati in*

aliquem actio nulla fuit. Locus in Calig. c. 38. *testamentum prinipilarium, ut ingrata, rescidit*, huc non pertinet: nam ille fuit praetextus, sub quo, pro imperio, non e iure ac legibus, rescinderet testamenta. ERN. *Libertorum* repetitum esset, nisi de *quibusvis* ingratis civibus sermo esset, i. e. iis, qui principi obstricti ullo beneficio erant. Idque et rei magis consentaneum esse, recte animadvertit Bremius.

Studiosis iuris] Inanis est omnis Virorum doctorum disputatio, utrum professores an assessores intelligantur. *Iuris studiosi* h. l. sunt Iureconsulti, qui scribendo cavent, ut Cicero loquitur, a quibus formulas syngrapharum, contractuum, testamentorum petebant homines. *Studiosos scientiae* alicuius haec aetas vocabat peritos, et consultos eius. Sic saepe Pli-

facta dictaque omnia, quibus modo delator non deesset, tenerentur. Revocavit et praemia coronarum, quae umquam sibi in certaminibus civitates detulissent. Et quum interdixisset usum amethystini ac Tyrii coloris, summisissetque, qui nundinarum die pauculas uncias venderet: praecludit cunctos negotiatores. Quin etiam inter

nus Junior Epp. 8, 12. *Colit studia, studiosos amat* etc.; nos diceremus, *doctos homines*. Et sic ille pluribus locis. Vide imprimis Gronovium de centesimis et uncis usuris p. 645. ERN.

Tenerentur] Burmannus, ut saepe alias, sic hic quoque nodum in scirpo quaerit. Negat, Latine *delatorem* iungi *rei*. Dubitat porro, an *faciâ lege teneri* dicantur: utrumque de hominibus tantum dici, putat. Primum refellemus vel uno Ciceronis loco Verr. 2, 28: *inimici Sopatri ad Verrem eiusdem rei nomen deferunt*; unde patet, non modo homines, sed etiam criminis nomen deferri. Idem Agraria 3, 11: *quae apud vos de me deferunt*. Verba autem, *quibus delator non deesset*, nihil aliud sunt, quam, quae modo delata essent. ERN.

Revocavit et praemia] Torrentius et Graevius interpretantur, iussit exigi coronas, sive; pretia coronarum non receptarum. Sed Burmannus recte vidit, Neronem coronas accepisse

c. 22. Ipse certi quid non habet. Arbitror autem, respici certamina sacra, velut ludos Olympicos, Isthmicos etc., in quibus non solum coronam datam, sed etiam redditus annuos et perpetuos assignatos victoribus, constat. Haec sunt *praemia coronarum*, ut opinor, quae olim remiserat, nunc revocat Nero, egestate coactus. Nil melius reperi. ERN. Hoc nemini placere potuit; ut *revocari* dicatur pecunia, quae numquam antea pendi solita sit, sed statim ab initio condonata. Corrigitur igitur ex cod. quodam Urfini: *praemia civitatum, quae — coronas detulissent*. Quod si quis spernat, Urfinianis codd. fidem abrogans, mecum potius Burmanni simpliciorum rationem praeferat, *praemia coronarum quas*. Conf. supra c. 24. extr.

Praecludit cunctos negotiatores] „*Praecludere cunctos negotiatores* est claudere negotiatorum tabernas; nec pati prius abire; mercesve inde deportare, quam pecuniam ab eis extorlisset, qua redimerent

canendum animadversum matronam e spectaculis, vetita purpura cultam, demonstrasse procuratoribus suis dicitur, detractamque illico, non veste modo, sed et bonis exuit. Nulli delegavit officium, ut non adiiceret, *Scis, quid mihi opus sit*, et, *Hoc agamus, ne quis quidquam habeat*. Ultimo, templis compluribus

, poenam, qua tenebantur, quod vetitos colores vendi, dissent., Sic Graevius, quem sequitur Burmannus. Sententia haec bona est, modo ea inesset in verbis, *negotiatōres praeccludere*. *Horrea praecclusa* scio e Calig. c. 26., sed *negotiatōres praecclusos*, isto sensu, nescio. Si, ut *vox praecclusa* apud Claudianum, *negotiatōres praecclusi* dicantur, quod largimur, nil aliud inde conficitur, quam non dimissos; quod non sufficit ad exprimendum id, quod Suetonius volebat, nempe immanem rapinam, ut mox in matrona, quam bonis exuit. Elegantissima est coniectura Budaei, *perculit*, quod est etiam Suetonio familiare verbum. Sed quia omnes scripti et editi habent *praecclusit*; et nescimus, quae poena vetitae purpurae venditori constituta fuerit, non audeo pronuntiare. Eas. Mirabatur merito Ruhnkenius, quid in h. l. afluarent Eruditi. *Praeccludi mercatores* dicuntur, ut *publicari, confiscari*

homines. Ita et Périzonius. Vide Paulum in Digg. 20, 2, 9., ubi legendum *praeccludamur* pro vulg. *percludamur*.

E spectaculis] Memmianus habet *in*, quod Burmannus recepit. Sic est etiam in Mf. Lyser. Sane, si loco suo stant *spectacula*, necessarium est, legere *in*, quod recepit Oudendorpius, idque recepissem et ipse, nisi putarem, loco motum esse hoc verbum, et ad *detractam* pertinere, ut vidit iam Beroaldus. Suetonius sic scribere solet: Calig. c. 35. *hunc e spectaculis detractum*. Domit. c. 10. *detractum spectaculis in arenam*. Ergo sic legendus videtur locus: *inter canendum animadversam matronam, vetita purpura cultam — dicitur: detractamque illico e spectaculis* etc. Tum frigide additur verbo *animadversam*, *in spectaculis*; uli enim videre poterat eam, nisi in spectaculis? Eas. Mihi quidem haec duo verba videntur glossēma, adscripta verbis. *inter canendum*.

dona detraxit, simulacraque ex auro vel argento fabricata conflavit: in his Penatium deorum, quae mox Galba restituit.

Parricidia et caedes a Claudio exorsus est: 35 cuius necis etsi non auctor, at conscius fuit: neque dissimulanter, ut qui boletos, in quo cibi genere venenum is acceperat, quasi deorum cibum, posthac proverbio Graeco collaudare sit solitus. Certe omnibus rerum verborumque contumeliis mortuum insectatus est, modo stultitiae, modo laevitiae arguens. Nam et *morari* eum inter homines desisse, producta prima syllaba, iocabatur: multaque decreta et constituta, ut insipientis atque deliri, pro irritis habuit. Denique bustum eius conspici, nisi humili levique maceria, neglexit. Britannicum, non minus aemulatione vocis, quae illi iucundior suppetebat, quam metu, ne quandoque apud hominum gratiam paterna memoria praevaleret,

Cap. 33. *Morari* — *producta*] Ex hoc loco discent tirones, Latinos veteres et quauitatem syllabarum et accentum in eadem voce expressisse pronuntiando; quod nos hodie nescimus: nam et *morari*, et *inorari*, eodem modo pronuntiamus. ERN.

Humili levique materia] Hanc lectionem, quia est omnium scriptorum et editorum, retinimus, etsi verum putamus *maceria*. Burmannus ait, *materiam* esse lignum, ut centies. Sed ostendere debebat, primo, *materiam* dici de li-

gno, e quo sepes fiat, aut vallum, quod non negem; de eo, ex quo aedes, turre, pontes etc., centies dici, scio: deinde *materiam humilem* dici; *silvam humilem* dicunt, non *materiam*, pro opere humili e levi materia. *Maceria* autem *humilis* recte dicitur, et *levis*, h. e. minus lata, quae facile diruatur. Vide et Burmannum Sec. T. II. Anthol. p. 112. ERN. Ita mihi et Rulinkenio vera videtur correctio, ut ei locum in textu dederim. Ibidem indicavit Perizon. ad Aelian. V. H. 8. 16.

veneno aggressus est: quod acceptum a quadam Locusta, venenariorum inclita, quum opinione tardius cederet, ventre modo Britannici moto; arcessitam mulierem sua manu verberavit, arguens, pro veneno remedium dedisse. Excusantique, minus datum ad occultandam facinoris invidiam: *Sane*, inquit, *legem Iuliam timeo*: coegitque se coram in cubiculo quam posset velocissimum ac praesentaneum coquere. Deinde in haedo expertus, postquam is quinque horas protraxit, iterum ac saepius recoctum, porcello obiecit. Quo statim exanimato, inferri in triclinium, darique coenanti secum Britan-

[*Venenariorum inclita*] Haec est lectio M. Lyser. et marginis Vindob., quam aptissimam huic loco, et convenientem Tacito recepimus. Vulgo est *indice*, quod nihili esse, dudum videre Viri docti. Non index fuerat venenariorum, sed damnata veneficii, auctore Tacito. *Inclita venenariorum* (quo nomine etiam *venenariae* intelliguntur) dicitur, ut *insignes matronarum*. ERN. *Venenariorum* si legas, longe minus dure scripsit Hor. Sat. 1, 1. *sortissima Tyndaridarum*, ubi frustra litigarunt Inapp. Sed hic legendum potius cum Oudendorp. *venenariorum*.

[*Legem Iuliam timeo*] Intellige de veneficiis Corneliam, a Iulio Caesare, cum aliis legibus Cornelii, repetitam, ut vidit Torrentius et alii.

Satis enim constat, Caesarem legem tulisse de sicariis, cuius pars fuit de veneficiis, ut in Cornelia. Eam legem posteriores Icti *Corneliam* potius, quam *Iuliam* vocant, ut in aliis faciunt, veluti ea, quae de vi lata est. Conf. Brunner. ad L. Cinciam c. 7. Burmannus, secutus Valesium ad Ammian. Marcell. 19, 12., putat, frustra de lege Iulia de veneficiis quaeri, quum hoc loco intelligenda sit Iulia de maiestate. Contra eam putat Neronem potuisse videri peccare, tollendo Britannico, legitimo imperii herede. Quibus nihil falsius vidi. Nero erat Imperator, in eoque erat maiestas, non in Britannico. Locusta videri vult occultare veneficium. Id ridet Nero, quod ipse non timeat, ne, si omnes sciant, veneno sub-

nico imperavit. Et quum ille ad primum gustum concidisset, comitali morbo ex consuetudine correptum apud convivas ementitus, postero die raptim inter maximos imbres translatione extulit funere. Locustae pro navata opera, impunitatem praediaque ampla, sed et discipulos. dedit.

Matrem, dicta factaque sua exquirentem 34 acerbius, et corrigentem, hactenus primo gravabatur, ut invidia identidem oneraret, quasi cessurus imperio, Rhodumque abiturus: mox et honore omni et potestate privavit; abductaque militum et Germanorum statione, contubernio quoque ac Palatio expulit. Neque in divexanda quidquam pensi habuit; summissis, qui et Romae morantem litibus, et in secessu quiescentem, per convicia et iocos, terra marique praetervehentes inquietarent. Verum minis eius ac violentia territus perdere statuit. Et quum ter veneno tentasset, sentiretque antidotis praemunitam: lacunaria, quae noctu super dormientem laxata machina deciderent, para-

latum Britannicum, reus fiat de veneficio, e lege Iulia. Nihil clarius. ERN.

[*Impunitatem*] Refertur ad id, quod Tacitus 12, 66. tradit, damnatam fuisse veneficii. ERN.

Cap. 34. *Honore omni*] Honore et ornamentis Augustarum, de quibus supra c. 28. ERN.

[*Militum et Germanorum*] Nempe duplex principibus fuit custodia, Praetoriani et Ger-

mani, i. e. Batavi. Conf. Lips. ad Tac. Ann. 13, 18.

[*Praetervehentes*] Vide Caes. c. 78. Aug. c. 95. 98. etc. ERN.

[*Lacunaria*] Conf. supra c. 31. His locis egregie illustrari potest observatio Valelii ad Euseb. Vit. Constant. M. 3, 32. contra Salmasium, negantem, cameris supposita lacunaria fuisse; quam Valelii notam exscripsit totam, non laudato Valelio. Harduinus ad Plinium 35, 11. ERN.

vit. Hoc consilio per conscios parum celato, solutilem navem, cuius vel naufragio vel camerae ruina periret, commentus est. Atque ita reconciliatione simulata, iucundissimis litteris Baïas evocavit ad sollemnia Quinquatruum simul celebranda: datoque negotio trierarchis, qui Liburnicam, qua advecta erat, velut fortuito concursu confringerent, protraxit convivium. Repetentique Baulos, in locum corrupti navigii, machinosum illud obtulit, hilare profecutus; atque in digressu papillas quoque exosculatus, reliquum temporis cum magna trepidatione vigilavit, coeptorum opperiens exitum. Sed ut diversa omnia, nandoque evasisse eam comperit, inops consilii, L. Agerium libertum eius, salvam et incolumem cum gaudio nuntiantem, abiecto clam iuxta pugione, ut percussorem sibi subornatum, arripi constringique iussit, matremque occidi; quasi deprehensum crimen voluntaria morte vitasset. Adduntur his atrociora, nec incertis auctoribus: ad visendum interfectae cadaver accurrisse, contrectasse membra, alia vituperasse, alia laudasse, finique interim oborta, bibisse. Neque tamen conscientiam sceleris, quamquam et militum et Senatus populi que gratulationibus confirmaretur, aut statim aut umquam postea ferre potuit, saepe

Nec] Servari cum Burmanno, essi Graevius reposuit *sed*, quod Lipsio placuerat. Provo-
cat ad vetustiores edd. Grae-
vius, sed non nominat. Tacitus
quidem tradit, scriptores
disfentire, sed potuit Suetoni-
us auctores, qui traderent,

certos putasse. ERM. Mihi
quoque placet *sed*. Quod
Tac. 14, 9. dicit. *fuisse, qui*
abnuerint, et alios, *qui tra-*
diderint, non credo Ouden-
dörpio, hos, *qui tradiderunt*,
auctores non incertos a S. vo-
cari. Nimis hoc quaesitum esset.

confessus, exagitari se materna specie, verberibusque Furiarum, ac taedis ardentibus. Quin et, facto per magos sacro, evocare manes, et exorare tentavit. Peregrinatione quidem Graeciae, Eleusiniis sacris, quorum initiatione impii et scelerati voce praeconis summoventur, interesse non ausus est. Iunxit parricidio matri amitae necem. Quam quum ex duritia alvi cubantem visitaret, et illa tractans lanuginem eius, ut asfolet, iam grandis natu, per blanditias forte dixisset: *Simul hanc excepero, mori volo*: conversus ad proximos, confestim se positurum velut irridens ait: praecepitque medicis, ut largius purgarent aegram. Necdum defunctae bona invasit, suppresso testamento, ne quid abscederet.

Uxores praeter Octaviam duas postea duxit, 35 Poppaeam Sabinam, quaestorio patre natam et Equiti Romano antea nuptam; deinde Statiliam Messalinam, Tauri bis Consulis ac triumphalis abneptem. Qua ut potiretur, virum eius, Atticum Vestinum Consulem, in honore ipso trucidavit. Octaviae consuetudinem cito alpernatus, corripientibus amicis, *sufficere illi debere*, respondit, *uxoria ornamenta*.

Materna specie] Apparente matre in somnis, tamquam spectro, ut saepe *species* dicitur. Claud. c. 1. *Species barbarae mulieris*, ubi tamen non erat de certa quadam persona cogitandum.

Summoventur] Sic Mss. plures et ed. Rom. pro *summoveantur*, quod recte recepit

Oudendorpius. Dictum est e. persona Suetonii. ERN.

Iunxitque parricidio] Reduxi lectionem plerorumque codd. et edd., pro qua Graevius et Burmannus *iunxit*. Vile ad c. 38. ERN. Immo delenda erat copula, qua carent optimi Mss.

Ut asfolet] Intellige *fieri*,

Eandem mox saepe frustra strangulare meditat-
 tus, dimisit ut sterilem: sed improbante divor-
 tium populo, nec parcente conviciis, etiam re-
 legavit. Denique occidit sub crimine adulter-
 rorum, adeo impudenti falloque, ut in quae-
 sitione pernegantibus cunctis, Anicetum paedag-
 ogum suum indicem subiecerit, qui dolo stu-
 pratam a se fateretur. Poppaeam duodecimo
 die post divortium Octaviae in matrimonium ac-
 ceptam, dilexit unice. Et tamen ipsam quo-
 que ictu calcis occidit, quod se, ex aurigatione
 sero reversum, gravida et aegra conviciis inces-
 serat. Ex hac filiam tulit Claudiam Augustam,
 amisitque admodum infantem. Nullum adeo
 necessitudinis genus est, quod non scelere per-
 culerit. Antoniam Claudii filiam recusantem
 post Poppaeae mortem nuptias suas, quasi mo-
 litricem novarum rerum, interemit: similiter in-
 teremit ceteros, aut affinitate aliqua sibi, aut
 propinquitate coniunctos. In quibus Aulum
 Plautium iuvenem: quem quum ante mortem
 per vim conspurcasset, *Eat nunc*, inquit, *ma-*

ut recte monuit Burmannus.
 Conf. Aug. c. 38. Drakenb. ad
 Liv. 36, 25. ERN.

Cap. 35. *Sub crimine adul-*
teriorum] Sicut Latine di-
 cunt *sub specie, praetextu*.
 Conf. Petron. c. 69., ubi vide
 Burm.

Indicem subiecerit] Quare
indicem deleri voluerint Viri
 docti, quum optimi et pleri-
 que libri habeant, non video.
 Forte *fatendi* verbum non sa-
 tis aptum iudici visum. At

noster in Caes. c. 20. Vet-
 tium, quem induxerat Cae-
 sar, ut, *se de inferenda*
Pompeio nece sollicitatum a
quibusdam, prosteretur, simi-
 liter mox indicem vocat. ERN.

Conspurcasset] Recepi pro
 vulgato *constuprasset*: nam
 illud plerique et optimi codd.
 habent, non hoc: tum ver-
 bum *osculatur* clare indicat,
 conspurcatum esse per foedam
 obsoenitatem os eius a Nero-
 ne, non stupratum ipsum. ERN.

ter mea, et successorem meum osculetur: iactans, dilectum ab ea, et ad spem imperii impulsus. Privignum Rufium Crispinum Poppaea natum, impuberem adhuc, quia ferebatur ducatus et imperia ludere, mergendum mari, dum piscaretur, servis ipsius demandavit. Tuscum nutricis filium relegavit, quod in procuratione Aegypti, balineis in adventum suum exstructis lavisset. Senecam praeceptorem ad necem compulit: quamvis saepe commeatum petenti, bonisque cedenti, persancte iurasset, *suspectum se frustra, periturumque potius, quam nociturum ei.* Burro Praefecto remedium ad fauces pollicitus, toxicum misit. Libertos divites et senes, olim adoptionis, mox dominationis suae fautores atque rectores, veneno, partim cibus, partim potionibus indito, intercept.

Nec minore saevitia foris et in externos grassatus est. Stella crinita, quae summis potestatibus exitium portendere vulgo putatur, per continuas noctes oriri coeperat. Anxius ea re, ut ex Babilo astrologo didicit, solere reges talia ostenta caede aliqua illustri expiare, atque a semet in capita procerum depellere; nobilissima cuique exitium destinavit. Enimvero multo magis, et quasi per iustam causam, duabus coniurationibus provulgatis: quarum prior maiorque Pisoniana, Romae; posterior, Vinicianae, Beneventi conflata atque detecta est. Coniurati e vinculis triplicium catenarum dixere

Burro Praefecto] Intellige, et paucis aliis nominibus regere spiritus addi solet. Corp. Ernest. ad Tac. Ann. 12, 42.

causam: quum quidam crimen ultro faterentur, nonnulli etiam imputarent, tamquam aliter illi non possent nisi morte succurrere, de decorato flagitiis omnibus. Damnatorum liberi Urbe pulsi, enectique veneno aut fame. Constat, quosdam cum paedagogis et capfariis uno prandio pariter necatos, alios diurnum victum prohibitos quaerere.

- 37 Nullus posthac adhibitus delectus aut modus interimendi, quoscumque libuisset, quacumque de causa. Sed ne de pluribus referam, Salvidieno Orfito obiectum est, quod tabernas tres de domo sua circa forum civitatibus ad stationem locasset: Cassio Longino iurisconsulto, ac luminibus orbato, quod in vetere gentili stemmate C. Cassii percussoris

Cap. 37. *Civitatibus ad stationem*] Ubi starent et versarentur, pleni fori tempore, legati civitatum, ut inveniri a convenire volentibus possent. Sed istae stationes privatae singularum civitatum fuere: communis autem publica, quae *Graecostasis* vocabatur; de qua Varro lib. 4. de lingua Latina et alii. Utrum de privata statione, an de Graecostasi, cum Cortio, sit capiendus locus Salustii Catil. c. 40., haud definitur. ERN.

Vetere gentis stemmate] Ita, pro vulgato *gentili*, rescripsi e Ml. Lyser., cui Excerpta Cuiac, et Voss. et alii Mss. adstipulantur. Non solet Suetonius duo adiectiva sine copula iungere.

Poetis hoc conceditur; quamquam saepe inde corrigendi occasionem sumunt, etiam in poetis, Viri docti, ut nuper in Virgilio Burmannus. Sed in historico tam verso si ferendum est propter librorum consensum, tamen, extra hanc necessitatem, non inducendum. Huc ducit etiam codex Copesianus, qui habet, *in vetere gentilis stemmate Cassii*; nisi quis hinc velit suspicari, traiectionem verborum factam, et legendum esse, *in vetere stemmate gentilis Cassii* etc. ERN. Haec falsa esse, et ex errore nata, nemini dubium erit post tot doctorum admonitiones. *Stemma gentile* quasi unum substantivum est, ut *nomen gen-*

Caesaris retinisset imagines: Paeto Thraseae,

ilitium, negotium familiare, cuiusmodi nominibus iungi potest atque adeo poscit adiectivum sine copula, ut *nomen gentilitium vetus, nomen adoptivum novum, negotia familiaria per amplia* etc.; quo in genere fere adiectivum potest resolvi in genitivum nominis, neque ad praedicatum pertinet.

Retinisset] Secutus sum recentiores editores, quod plurimum codd. auctoritate nititur haec lectio, quam altera *restituit*. Ceterum pace Viro-
rum doctorum dictum sit: sensum huius loci non perspexerunt, nec illud *retinuerunt* recte explicarunt. Tenendum igitur est, illis fere temporibus invaluisse, ut stemmata gentium conficerentur et in atrio proponerentur; de quo more insignis locus est apud nostrum in Galba c. 2.: nam omnia loca, in quibus stemmatis mentio, hanc aetatem non superant, nec ullum antiquius vestigium. Ciceronis quidem tempore et ante talia stemmata proposita non fuisse, certum mihi est. Quum igitur Cassius Longinus, homo doctus, suae gentis stemma conficeret, *retinuit*, h. e. non praeteriit, sive omisit, Cassium, percussorem Caesaris. Ea res animadversa, (etenim in atrio de more po-

situm stemma adverterat curiosos oculos) tum calamitatem attulit. Verbum *retinendi* sic usurpari veteribus, nemo, ut opinor, dubitabit; inprimisque *retinere* Censores dicuntur, quos non movent Senatu. Liv. 39, 42. Qui volent *restituisse* defendere, dicent, sublatas fuisse Cassii imagines ex atriiis Cassiorum, uti Bruti utriusque et aliorum, qui coniurassent adversus Caesarem, ex quo hostes illi essent iudicati et perduelles: nam etiam alio insigni scelere convictorum imagines fractas et sublatas fuisse, docet Liplius Elect. 1, 29. extr. Hinc ceteros, qui stemma conficerent Cassiorum, etiam ibi omisisse illum Cassium, nimio metu et adulandi studio; sed hunc Longinum restituisse: si cereas imagines, quae in funere portarentur, restituisse, iure illum puniri potuisse; sed hoc non facturum fuisse hominem iuris intelligentem: in stemmate autem poni imaginculam, non magis potuisse ei contra leges, et poena dignum videri, quam, si eius in historia mentio facta esset. ERM.

Imagines] Burmannus per enallagen numeri dictum, aut *imaginem* legendum putat. Illud in tali scriptore durum, etsi non est sine exemplo. Si coniecturis licet indulgere. ma-

tristior et paedagogi vultus. Mori iussis non amplius quam horarum spatium dabat. Ac ne quid morae interveniret, medicos admovebat, *qui cunctantes continuo curarent*. Ita enim vocabat venas mortis gratia incidere. Creditur etiam polyphago cuidam Aegyptii generis, crudam carnem, et quidquid daretur, mandere assueto, concupisse vivos homines laniandos absumendosque obiicere. Elatus inflatusque tan-

tem legere, *C. et L. Cassii percussorum Caesaris imagines*: nam duo isti fratres in confutatis fuere, ut nemo ignorat. Si *Caicum* retinuit aut restituit, haud dubie etiam *Lucium*: si illum retinuisse crimini fuit, profectio etiam hunc. Quia vulgo C. Cassius tantum cum Brutis nominatur in percussoribus Caesaris, ut apud nostrum in Caes. c. 80., quia principes fuere. imperii librarii potuerunt facile induci, ut mutarent. Potuit etiam C. Cassii nomen omnino addi a librariis, et *percussorum*, quod scriptum erat *percussorum*, in *percussoris*; eadem de causa, mutari. In codice Copesiano quidem simpliciter est, *in vetere gentis stemmate percussoris Caesaris imagines*; neque profecto opus erat, nomen addi a Suetonio, quod per se intelligi potest. Eam. Unam C. Cassii effigiem scribit Tac. Ann. 16, 7.; sed eius imaginis, sicut mos erat; plura, variis in locis

videbantur exemplaria; unde saepe dicuntur *imagines hominis*. Recte igitur vulgatum defendit Oudendorp.

Tristior et paedagogi vultus] Quo videretur tempora sua reprehendere et improbare, ut recte Graevius. ERN.

Horarum] Sic codd. et edd. antiquae; quod recte restituit, pro *horarium*, Burmannus; et vindicavit; diciturque elliptice pro *horarum aliquot*. ERN. Tamen hoc durissimum videtur, etsi plerisque omnibus placeat. Quis alius scriptor ita dixit, aut *dierum*, *annorum spatium*? Neque per se adiectivum *horarius* pro *unius horae* potest displicere; aut propter rarissimum usum in iis, quos nunc reliquos habemus, libris Latinitati abdicari. Equidem ita servandum putem *horarum*, si ex uno Guelff. legatur *III horarum*, numeri nota per *H* extrita; nisi quis Nerone dignius putet spatium horae unius:

tis velut successibus, negavit, *quemquam principum scisse, quid sibi liceret*. Multasque nec dubias significationes saepe iecit, ne reliquis quidem se parsurum Senatoribus; eumque ordinem sublaturum quandoque e republica; ac provincias et exercitus Equiti Romano ac liberis permitturum. Certe neque adveniēns, neque proficiscens, quemquam osculo impertit, ac ne resalutatione quidem. Et in auspiciando opere Isihmi, magna frequentia clare, *Ut sibi ac populo Romano bene res verteret*, optavit, dissimulata Senatus mentione.

Sed nec populo, aut moenibus patriae pe- 38
percit. Dicente quodam in sermone communi:

Ἐμοῦ θανόντος γαῖα μυχθήτω πυρί*

[Significationes saepe iecit]
Praeter rem hoc suspectum Burmanno; aut nove dictum videtur. Cicero verbum *iacere* dicit etiam de rebus, quae sub-obscurae, et factis potius, quam verbis clavis, indicantur. Ad Att. 2, 7. *illud quid sit, scire cupio, quod iacis obscure*. Ibid. 15; 26: *nonnullos interdum iacit igniculos viriles*, i. e. edit, ostendit. ERN.

Cap. 38. *Sermone convivii*
Convivii recepi e Mf. Lysér., cui assentitur Vindob. sec.; nimis enim elegans est, quam ut à librario proficisci potuerit, et pro communi reponi. *Sermone convivii* quam non intelligerent librarii, reponere communi. *Sermo* autem *communis* quid sibi hoc loco velit,

nescio. *Sermonem* simplicitèr solent ponere Latini in tali re, (quum alias bene dicatur *sermo communis*), ut notum est e Cicerone de Offic. 1; 37. *Sermo in circulis, disputationibus, congressionibusque familiarium versetur: persequatur etiam convivii*. Atque etiam dicta convivii sunt apud Ciceronem l. c. c. 40. *Turpe est enim, valdeque vitiosum, in re severa, convivii dictu, aut delicatum aliquem inferre sermonem*. Noster in Caes. c. 87. *in sermone nato super coenam*. Similiter apud Tacitum Ann. 13, 17. pro convivii ed. pr. habet *communis*. ERN. Hic quoque rediit ad vulgatam lectionem, quam plurimi et optimi codd. tenent, nihil motus

inmo, inquit, ἐμοῦ ζῶντος. Planeque ita fecit: nam, quasi offensus deformitate veterum aedificiorum et angustiis flexurisque vicorum, incendit Urbem tam palam, ut plerique Consulares cubicularios eius, cum stuppa taedaque in praediis suis deprehensos, non attigerint; et quaedam horrea circa domum Auream, quorum spatium maxime desiderabat, ut bellicis machinis labefactata atque inflammata sint, quod saxeo muro constructa erant. Per sex dies septemque noctes ea clade saevitum est, ad monumentorum bustorumque deversoria plebe compulsa. Tunc, praeter immensum numerum insularum, domus priscorum ducum arserunt, hostilibus adhuc spoliis adornatae, deorumque aedes ab regibus, ac deinde Punicis et Gallicis bellis votae dedicataeque: et quidquid visendum atque memorabile ex antiquitate duraverat. Hoc incendium e turri Maecenatiana prospectans, laetusque *flammae*, ut aie-

rationibus ad Tacitum prolatis. *Communis sermo* opponitur *secreto*, sicque loquitur ab Oudendorp. laudatus Petron. c. 113. *Convivali* si in ullo coti. esset, omnem glossae vel potius mendae suspicionem abesset, credibile esset.

Praediis] Intellige urbanis, i. e. aedibus. Simpliciter sic verbum hoc ponit Suetonius etiam in Claud. c. 38. *Hic in aedilitate inquilinos praediorum suorum* — — *multasset*. Non igitur praestat aedibus, ut putat Burmannus. ΕΚΚ.

Ut bellicis machinis] Importunum ut fortasse haesit ex male repetita syllaba priore. I. Gronov. coni. *desiderabatur*, ut; alii, minus bene, *vi bell*.

Turri Maecenatiana] In hortis, ut opinor, Maecenatianis. *Turrim* intellige, ut *Annibalis turrim* apud Livium 33, 48., ubi vide Dukerum; quod erat Palatium, situ et opere editum, unde prospectus in mare. Nostri vocant, *ein Schloß*. Talis turris intelligenda etiam apud D. Lucam 14,

bat, *pulcritudine*, ἄλῳσιν Ilii in illo suo scenico habitu decantavit. Ac, ne non hinc quoque quantum posset praedae et manubiarum invaderet, pollicitus cadaverum et rudерum gratuitam egestionem, nemini ad reliquias rerum suarum adire permisit: collationibusque non receptis modo, verum et efflagitatis, provincias privatorumque census prope exhaustit.

Acceſſerunt tantis ex principe malis pro- 39
brisque quaedam et fortuita: pestilentia unius autumnī, quo triginta funerum millia in rationem Libitinae venerunt; clades Britannica, qua duo praecipua oppida, magna civium socio-

28. Hinc apud Lucianum in Pseudologista c. 19. inter κτήματα, *possessions*, est etiam πύργιον. Turres tales in hortis vineisque exstructae. Ex illo genere est haec Maecenatiana, ex hoc illa apud D. Matthaeum 21, 53. Conf. Tac. Hist. 3, 38. ERM.

Collationibusque] In vulgari interpunctione, per colon, ante *collationibusque*, haec referuntur ad antecedentia, capiendaque de collationibus ad instaurandam Urbem; quae nullae factae sunt. Obfuit hic iterum ignoratus usus copulae *que* apud historicos, in primisque Suetonium. Nempe *que* hic est, ut saepe, *praeterea*, et servit transitioni ad novum exemplum, partem etc., unde saepe initium periodi sit per *que*: vide ad Tib. c. 34. 37. Ner. c. 27. 34. 40. 44. etc.; quod quum

non animadverterent librarii, atque adeo Viri docti, saepe in hac voce haesitarunt, tollentes modo eam, modo *quoque* substituētes. Itaque nos pluribus locis, ductu codd. et edd. vett., Suetonio restituimus. Ipse etiam Cicero si usus est interdum, v. c. Epist. ad Div. 4, 1. *Trebatioque mandavi*. Livius porro 44, 16. incipit rei novae narrationem per *et*, ut saepe etiam Suetonius, v. c. supra c. 32. *Revocavit et praemia* etc.; mox, *Et quum interdixisset usum* etc. Ergo hic novum et ultimum genus cladis incipit Suetonius, quo Nero imperium Romanum exhaustit, intelligendaeque collationes Neroni factae extra ordinem, de quo genere collationum egit nuper etiam Schwarzius ad Plinii Pa- neg. c. 41. ERM. At pecu-

rumque caede, direpta sunt; ignominia ad Orientem, legionibus in Armenia sub iugum missis, aegreque Syria retenta. Mirum, et vel praecipue notabile inter haec fuerit, nihil eum patientius quam maledicta et convicia hominum tulisse: neque in ullos leniorem, quam qui se dictis aut carminibus lacelessent, existisse. Multa Graece Latineque proscripta aut vulgata sunt, sicut illa:

Νέρων, Ὀρέστης, Ἀλκαίων, μητροκτόνοι.
Νεόνυμφον, Νέρων, ἰδίαν μητὲρ, ἀπέκτεινεν.

*Quis negat, Aeneae magna de stirpe Neronem?
Sustulit hic matrem, sustulit ille patrem.*

*Dum tendit citharam nosler, dum cornua Parthus,
Nosler erit Paeon, ille ἐκπηβελέτης.*

niam hanc a Nerone exactam esse sub praetextu incendii, docet Xiphil. p. 709.

Cap. 39. *Fuerit*] Elegantius hoc, quam vulgatum *fuit*. Illud habent codd. plures, Memm., Copes., Voss., Cuiac., Lyser. Si *fuit* esset a Suetonio, sequi deberet *ferre*, non *tulisse*. Sed non vult dicere, illis temporibus admiratos homines esse: verum, in universum, admirandum esse; hoc est, *mirum fuerit*, non *fuit*. Itaque convenit mirari, non dudum istam lectionem receptam, quae etiam sine codicibus, ratione necessaria grammatices postulante, debebat reponi. Recepit et Oudendorpius, non, ut ait, ob rationes grammaticas, sed ob elegan-

tiam. Mirum. EAX. Conf. Caes. c. 63. pr. Claud. c. 29. f. et Galb. c. 20. pr.

Proscripta aut vulgata] I. e. vel publicis locis fixa et scripta, vel sermonibus hominum vulgata, sive ut c. 42. loquitur, *vulgo innotuerunt*, ut non necesse sit, reponere ac, quod Torrentio non displicebat. EAX.

Νεόνυμφον] Hoc probro. Refertur ad matrem. Sensus est: Hi tres omnes sunt μητροκτόνοι, sed Nero matrem suam interfecit, quam etiam modo incestaverat. Ceterum non opus est, cum Oudendorpio diversorum auctorum versus putare. Est autem uterque senarius iambicus, et in altero Νέρων in fine ponendum, ut

*Roma domus fiet: Veios migrate, Quirites,
Si non et Veios occupat ista domus.*

Sed neque auctores requisit: et quosdam per indicem delatos ad Senatum, affici graviore poena prohibuit. Transeuntem eum Isidorus Cynicus in publico clara voce corripuerat, quod *Nauplii mala bene cantitaret, sua bona male disponderet*: Et Datus Atellanarum histrio in cantico quodam, ὕμνευε πάτερ, ὕμνευε μήτηρ, ita demonstraverat, ut bibentem natantemque faceret, exitum scilicet Claudii Agrippinaeque significans: et in novissima clausula,

Orcus vobis ducit pedes,

Senatum gestu notaret. Histriionem et philosophum Nero nihil amplius, quam Urbe Italiaque

Derivillius et Oudendorpius viderunt. ERN.

Roma domus fiet] Intell. i Nero ad modum et magnitudinem domus aureae omne spatium Urbis occupabit.

Transeuntem eum] Delevi eum ex cd. Rom., etsi scio, Suetonium saepe hoc pronomen habere, ubi commode abest: sed quod hic e clausula praecedentis verbi ortum videtur, et nimis languet. ERN. Non omnes sentient languorem. Conf. ad Cael. c. 7.

Demonstraverat] Gestu expresserat, ut prope digito demonstrasse videretur Neronem, sive, ut ipse mox, gestu notarat. Exquisite usus est hoc verbo, sumto e lege, qua cantum

fuit, ne histriiones quemquam in scena vel nominarent, vel demonstrarent, contumeliae causa. Aug. c. 45. *Pyladem Urbe atque Italia summovit, quod spectatorem, a quo sibi iabatur, demonstrasset digito, conspicuumque fecisset.* ERN. *Bibentem* gestu quodam demonstraverat *patrem* Claudium, qui veneno periit; *natantem* autem *matrem*, ut in naufragio; c. 34.

Orcus vobis ducit pedes] Unice vera est Lipsii explicatio, Pluto vos per pedes ad manes trahit: maximeque huc facit, quod apud Lucianum Dial. Mort. c. 8. Cerberus Socratem pedibus detraxisse dicitur. Respiciebat histrio ad odium Ne-

summovit, vel contemptu omnis infamiae, vel ne fatendo dolorem irritaret ingenia.

40 Talem principem paullo minus quatuordecim annos perpessus terrarum orbis, tandem destituit: initium facientibus Gallis, duce Iulio Vindice, qui tum eam provinciam pro Praetore obtinebat. Praedictum a mathematicis Neroni olim erat, fore ut quandoque destitueretur: unde illa vox eius celeberrima, τὸ τεχνίον πᾶσα γὰρ τρέφει: quo maiore scilicet venia meditaretur citharoedicam artem, principi sibi gratam, privato necessariam. Spoponderant tamen quidam destituto Orientis dominationem, nonnulli nominatim regnum Hierosolymorum, plures omnis pristinae fortunae restitutionem. Cui spei pronior, Britannia Armeniaque amissa,

ronis in Senatum, et consilium eius omnino tollendi, de quo c. 38. ERN.

Cap. 49. Gallis] Burmannus malebat Gallis, quia non Galli, sed Romani deficiebant. Sed et in Galba c. 16. Galli: infra tamen Galliae. ERN.

Spoponderant] Magis placet Spoponderant, ut est in Mf. Lyser., Voss., Cuiac., quam Spoponderunt. Aliis quoque locis perfectum plusquamperfecto a nonnullis substitutum, ut Vesp. c. 19. revocaverat, ubi Rob. Steph. ed. revocavit. Apud Ciceronem ad Div. 12, 15. Profugerunt, onerariis relictis, in quibus colligendis non minimum temporis labo-

risque consumpserunt; ubi ratio manifeste postulat, legi consumpserant. Mox, post destituto, delevi ei, quod optimi codd., in quibus est etiam Memm. et Lyser., non habent. Utrumque secutus est Oudendorpius. ERN.

Dominationem Orientis] Hoc nunc recepi pro ordinationem, quia et sequentibus melius respondet, et in pluribus scriptis et edd. vet. est: et dominationis verbum sic et alibi est apud nostrum. ERN.

Cui spei pronior] H. e. ac quod sperandum. Nam pronus cum dativo constructum quod mirabatur Lipsius, verissime defendit Ernest. ad Tac Ann. 4, 60.

ac rursus utraque recepta, defunctum se fatalibus malis existimabat. Ut vero, consulto Delphis Apolline, septuagesimum ac tertium annum cavendum sibi audivit, quasi eo demum obiturus, ac nihil coniectans de aetate Galbae, tanta fiducia, non modo senectam, sed etiam perpetuam singularemque concepit felicitatem, ut, amissis naufragio pretiosissimis rebus, non dubitaverit inter suos dicere, *pisces eas sibi relaturos*. Neapoli de motu Galliarum cognovit die ipso, quo matrem occiderat: adeoque lente ac secure tulit, ut gaudentis etiam suspicionem praeberet, tamquam occasione nata spoliandarum iure belli opulentissimarum provinciarum. Statimque in gymnasium progressus, certantes athletas effusissimo studio spectavit. Coenae quoque tempore interpellatus tumultuosioribus litteris, hactenus excanduit, ut malum illis, qui descissent, minaretur. Denique per octo continuos dies non rescribere cuiquam, non mandare quid aut praecipere conatus, rem silentio obliteravit.

Edictis tandem Vindicis contumeliosis et 41 frequentibus permotus, Senatum epistola in ultionem sui rei publicae adhortatus est, exculato languore faucium, propter quem non adesset. Nihil autem aequè doluit, quam ut malum se citharoedum increpitum, ac pro Nerone Aënobarbum appellatum. Et nomen qui-

Septuag. ac tert. annum]
Scilicet id aetatis hoc tempore erat Galba.

Pisces — relaturos] Uti olim Polycrati Samio in fabula ap. Herod. 3, 41. et alios.

Lente — tulit] H. e. nulla animi perturbatione, nulla ira. Conf. Heins. ad Ovid. 15, 169.

Occasione nata] Mf. Lyser. *occasionem nactus*, non infelici vitio.

dem gentile, quod sibi per contumeliam exprobraretur, relinpturum se professus est, deposito adoptivo. Cetera convicia, ut falsa, non alio argumento resellebat, quam quod etiam inscitia sibi tantopere elaboratae perfectaeque a se artis obiiceretur: singulos subinde rogians, *noissentne quemquam praestantiozem*. Sed, urgentibus aliis super alios nuntiis, Romanus praetrepidus rediit: leviterque modo in itinere frivolo auspicio mente recreata, quum annotasset insculptum monumento, militem Gallum ab Equite Romano oppressum trahi crinibus, ad eam speciem exsiluit gaudio, caelumque adoravit. Ac ne tunc quidem aut Senatu aut populo coram appellato, quosdam e primoribus viris domum evocavit, transactaque raptim consultatione, reliquam diei partem per organa hydraulica novi et ignoti generis circumduxit: ostendensque singula, de ratione ac difficultate cuiusque disserens, iam se etiam prolaturum omnia in Theatrum affirmavit, si per Vindicem liceat.

42 Postquam deinde etiam Galbam et Hispanias descivisse cognovit, collapsus, animoque male fracto, diu sine voce et prope intermortuus iacuit. Utque resipuit, veste discissa, capite converberato, *actum de se*, pronuntiavit: consolantique nutriculae, et aliis quoque iam principibus similia accidisse memoranti,

Cap. 41. *Insctia sibi tantopere elaboratae* — [artis] Primum e Mss. cum Oudendorpio addidi *sibi*, quod hoc etiam loco elegans est, si ad

obiiceretur refertur. Tum *elaboratae* pro *laboratae*, e verissima Burmanni correctione, Vulgatum poetam sapit, ut Virgil, *arte laboratae ve-*

Se vero praeter ceteros inaudita et incognita pati, respondit, *qui summum imperium vivus amitteret*. Nec eo secius quidquam ex consuetudine luxus atque desidiae omisit vel imminuit. Quin immo, quum prosperi quiddam ex provinciis nuntiatum esset, super abundantissimam coenam, iocularia in defectionis duces carmina, lasciveque modulata, quae vulgo notuerunt, etiam gesticulatus est; ac spectaculis Theatri clam illatus, cuidam scenico placenti nuntium misit, *abuti eum occupationibus suis*.

Initio statim tumultus, multa et immania, 43
verum non abhorrentia a sua natura, creditur destinasse: successores percussoresque summittere exercitus et provincias regentibus, quasi conspiratis, idemque et unum sentientibus; quidquid ubique exulum, quidquid in Urbe hominum Gallicanorum esset, contrucidare; illos, ne desciscientibus aggregarentur; hos, ut conscios popularium suorum atque fautores: Gallias exercitibus diripiendas permittere; Senatum universum veneno per convivia necare; Urbem incendere, feris in populum immisissis, quo difficilius defenderetur. Sed absterritus, non tam

fles. ERN. *Laboratae* tamen apud S. ferri potest, et in omnibus Mss. comparet.

Cap. 42. *Summum imperium*] *Summum*, quod Burmanus recte revocavit e codd. et edd. Rom., habet etiam M. Lyser. ERN.

Abuti eum occupationibus suis] Per fraudem captare

tempus, quo ipse occupatus esset, ut non posset cum eo certare, sed cogeretur ei concedere, ut populo placeret. ERN.

Cap. 43. *Defenderetur*] Intellige *incendium*. M. Lyser. habet *defenderent*, intell. *homines incendium*. *Defendere incendium* est, arcere ab ac-

poenitentia, quam perficiendi desperatione, credensque expeditionem necessariam, Consul ante tempus privavit honore, atque in utriusque locum solus iniit consulatum, quasi fatale esset, non posse Gallias debellari, nisi a se Consule. Ac susceptis fascibus, quum post epulas triclinio digrederetur, innixus humeris familiarium, affirmavit, simul ac primum provinciam attigisset, inermem se in conspectum exercituum proditurum, nec quidquam aliud quam fleturum; revocatisque ad poenitentiam defectoribus, insequenti die laetum inter laetos cantaturum epinicia, quae iam nunc sibi componi oporteret.

- 44 In praeparanda expeditione primam curam habuit deligendi vehicula, portandis scenicis organis, concubinasque, quas secum educeret, tondendi ad virilem modum, et securibus peltisque Amazonicis instruendi. Mox tribus urbanas ad sacramentum citavit: ac nullo

dibus suis, ut est c. 16. pr. ERN. Intell. *defenderetur populus a feris ante incendium imminis*, ut recte vidit Oudendorp.

In utriusque locum] Mf. Lyser., Vindob. sec. loco; quod non displiceret, si abesset *in*. *In locum* dicitur, ut *in vicem*, pro *vice*; de quo vide Clavem Cic. in h. v. ERN.

Nisi a se Consule] Ita descripsi e Mf. Lyser., cui consentit Vindob. pr. pulcherrima et clarissima sententia. Imitatus est Oudendorpius. Vulgata *a Consule* nihili est; nam etiam

illi, quos detruferat honore, Consules erant. Aliter est in Caes. c. 79. *Parthos, nisi a rege, non posse vinci*. ERN.

Simul ac primum provinciam etc.] Burmannus mavult *primam*, h. e. primam partem provinciae: Sed, unde constabat, exercitum in prima parte provinciae esse? *Simulac primum* autem etiam alibi dixit Suetonius, Caes. c. 30., ubi vide ipsum Burmannum. Conf. Drakenb. ad Liv. 6, 1. ERN.

Cap. 44. *Tribus urbanas*] Cur *urbanas*? e quibus, quod

idoneo respondente, certum dominis servorum numerum indixit: nec, nisi ex tota cuiusque familia probatissimos, ne dispensatoribus quidem aut amanuensibus exceptis, recepit. Partem etiam census omnes ordines conferre iussit; et insuper inquilinos privatarum aedium atque insularum pensionem annuam repraesentare fisco. Exegitque ingenti fastidio et acerbitate nummum asperum, argentum pustulatum, aurum ad obrussam: ut plerique omnem collationem palam recusarent, consensu flagitantes, a delatoribus potius revocanda praemia, quaecumque cepissent.

in iis tum sex populi et tenuissima plebecula, nulli milites lecti; nisi tum data opera Nero fecit. Quod si ponamus, mirum sit, nullum in tanto numero idoneum respondisse, h. e. qui aetatem et vires militares haberet. Nam quod Torrentius putat, intelligendum, qui e legibus Romanis honeste militare posset, id nihili et ab hoc loco alienum est: nam primo tales non sunt in tribubus urbanis; deinde, hoc quo modo spectarit is, qui etiam servos milites fecit? Magnopere vereor, ne *urbanas* institutum et spurium sit. *Tribus* ad sacramentum citari saepe legi, *urbanas tribus* numquam, quod sciam. Sic in Aug. c. 57. *tribus* simpliciter memoratae. Nec tamen displicet Oudendorpii correctio, *tribus univer-*

fas. Vide ad Tac. Hist. 5. 58. ERN.

Privatarum] Utrum earum, quae essent privatorum, ut ita non modo partem census amitterent, sed etiam redditus aedium et insularum; an earum, quae essent in patrimonio privato Neronis: nam has sic appellari posse, arbitror. *Procuratores rei privatae Caesaris* satis noti sunt. Quamquam in hoc intellectu supervacua foret vox *fisco*, quae per se intelligi posset; sed et in illa ratione *privatarum* abundat. ERN.

Nummum] Hoc generis nomen est, et quum aereos, tum argenteos et aureos nummos indicat. In omni genere pecuniae exigebat, ut esset recens, nondum usu denita, in argentea et aurea, ut esset ex argento, auroque purissimo. ERN.

45 Ex annonae quoque caritate lucrantium accrevit invidia. Nam et forte accidit, ut in publica fame Alexandrina navis nuntiaretur pulverem luctatoribus aulicis advexisse. Quare omnium in se odio incitato, nihil contumeliarum defuit, quin subiret. Statuae eius a vertice cirrus appositus est cum inscriptione

Cap. 45. *Lucrantium*] Et si valde blanditur Sabellici emendatio, quam et Graevius recepit, *luctantium*, propter rationem lubiectam: tamen servavi *lucrantium*, quae est lectio codd. plurimorum; etsi nonnulli habeant *lucrantia*, quod ortum est e compendio scribendi *lucrantiū*. In invidia erant ii, qui ex annonae caritate lucrabantur, ut sit tali tempore. Ea invidia *Neroni* accrevit, quia aulicis luctatoribus arena ex Aegypto advecta nuntiabatur, quum frumentum potius apportandum videretur. *Luctantium* nimis generale est. Si horum invidiam accrevisse *Neroni*, dicere voluisset, dixisset potius, *luctatorum aulicorum invidia*: non enim omnes luctatores invidia potuerunt flagrare, sed aulici tantum; nec aliorum invidia potuit *Neroni* accrescere, nisi aulicorum. Oudendorpio placet *lucranti*: non cepit satis nostra. ERN. Contextus plane hanc poscit correctionem, quae et Perizonio et aliis, nuper etiam Rulkenio, vera videba-

tur. Nec Latina esset ellipsis, *Neroni*.

Nihil contumeliarum defuit] Nuspian memini, me legere hunc loquendi modum. Latinitas postulat, legi, *nihil contumeliarum fuit, quin subiret*. Scio quidem, post *deesse* et *abesse* poni *quin*. Vide: Burmannum ad Virgil. Aen. 8, 147. Cicero ad Attic. 11, 15. *nihil deest, quin sim miserimus*. Livius 8, 4. *quid abest, quin — Samnitium quoque dicto pareamus?* Sed in hac forma ponitur, pro, nihil impedit, aut nihil amplius desideratur ad id, ut fiat aliquid; qui sensus huic loco non convenit. Similiter corruptus hoc in verbo Cicero Verr. 5, 2. *Non puto hoc etiam deesse impudentiae tuae, ut quidquam eiusmodi dicere audeas*: ubi hand dubie legendum *esse*, ut verba, *hoc etiam, ut quidquam*, planissime arguunt. Non arbitror, hoc etiam in impudentiam tuam cadere etc. ERN.

Cirrus] Alii *currus*. Sed *cirrus* habent Menim, optimus

Graeca, *Nunc demum agona esse*; et, *Raderet tandem*. Alterius collo et ascopera deligata, simulque titulus: *Ego quid potui? sed tu*

aliique codd., eique lectioni verba, *appositus a vertice*, magis conveniunt: nam de cirro et coma proprium verbum esse *appondere*, satis constat. Curus non potuit apponi a vertice, sed simulacrum eius in capite, aut vertice debuit poni. Mox recepimus *raderet* e vestigiis codd., qui habent *traderet*, in quibus etiam Lyser.; quamquam Graevius e Memmiano laudat *raderet*. Si *cirrus* est vera lectio, ut credimus, aut recipitur in contextum, ut fecimus, necessarium est etiam, recipi *raderet*. Qui *currum* servabunt, retinebunt *traheret*, quae tamen lectio vel sic inepta est: nam in certamine Circensi non auriga trahit currum, sed equi. *Ageret* ergo dicendum foret. Ceterum dictum illud sic intelligo: Nero alebat comam, quam in gradus muliebriter formatam, Achaica peregrinatione etiam pone verticem summisserat. Infra c. 51. Hi sunt *cirri*, Neroque ita *cirratus*. Sic *servi cirrati* sunt, qui comam alunt; unde *picam cirratam* apud Petronium in *Fragm. Tragic.* c. 58. recte explicat Burmannus. Id fortasse fecit etiam hac de causa, ut, certans in

Graecia cum citharoedis, similis Apollini ἀκροκόμα esset coma, cui cantu aequaretur. Huc respiciens irrisor, cirrum statuæ eius, quæ brevem capillum haberet, a vertice, quod idem est, ac, pone verticem, apposuit, cum inscriptione, *Nunc demum agona esse*: illos Achaicos agonas, ludos fuisse, non agonas, nunc verum certamen imminere cum Vindice: *raderet* ergo tandem *currum*, qui alienus esset a tali veroque certamine. Sic arbitror, sensum loci satis clarum et venustum existere. Qui meliora poterit docere, eum libenter audiam. ERM. Oudendorp. bene tuetur scripturam *traderet*, sic explicans: Personam ineptam deponeret, imminente vero agone superandus. *Cirri* seu *cincinnati* Latine non *radiantur*, sed *tondentur*.

Ego quid potui] Intelligo *peccare*. Latini sic simpliciter ponunt, omisso verbo, quod contextus facile suppeditat. Sic Camilla apud Virgilium Aen. II. extr. *hactenus potui*, scil. pugnare, hostes repellere. Sic iam cepit Rittershusius. Verba, *sed tu*, faciunt, ut sic capiendum videatur. ERM.

culeum meruisti. Adscriptum et columnis etiam: *Gallos eum cantando excitasse.* Iam noctibus iurgia cum servis plerique simulantes, crebro *vindicem* poscebant.

46 Terrebatur ad hoc evidentibus portentis somniorum et auspiciorum et ominum, tum veteribus, tum novis. Numquam antea somniare solitus, occisa demum matre, vidit per quietem, navem sibi regenti extortum gubernaculum; trahique se ab Octavia uxore in artificissimas tenebras; et modo pennatarum formicarum multitudine oppleri, modo a simulacris gentium ad Pompeii Theatrum dedicatarum circumiri arcerique progressu. Asturconem, quo maxime laetabatur, posteriore corporis parte in simiae speciem transfiguratum, ac tantum capite integro hinnitus edere canoros. De Mausoleo, sponte foribus patefactis, exaudita vox est, nomine eum cientis. Kalendis Ianuariis exornati

Iam Gallos eum etc.] Secutus sum Burmannum, qui hanc lectionem e vet. edd. et codd. duobus reduxit. Verum verbum *cantando* videtur corrumpere dicterium, cuius acumen est ex ambiguitate verbi *gallos*, et *excitare*, quae tolli videtur, addito verbo *cantando*. ERN.

Vindicem poscebant] Intellege, formula aliqua verborum, in qua Vindicis verbum usurparetur. Ea qualis fuerit, nondum reperi, nec data opera requisivi. ERN.

Cap. 46. *Artificissimas tenebras]* Quia in certis modis

loquendi *arctus* idem est quod *densus*, cuius generis exempla Lexica suppeditabunt, factum est, ut Suetonius, forte tum et alii, *arctas tenebras*, pro *densis*, dicerent, tamquam *arctus* et *densus* essent plane synonyma. Exemplum ex Apuleio, qui similiter dixit *arctissimas tenebras*, produxit Burmannus, quamquam ibi codd. quidam habent *altissimas*; quod etiam hic reponi Lipsius volebat. Id non necessarium, propter ea, quae dixi, arbitror. ERN.

Nomine eum cients] Secutus sum eos potius codd., qui *ciens*

Lares in ipso sacrificii apparatu conciderunt. Aulpicanti Sporus anulum muneri obtulit: cuius gemmae sculptura erat: *Proserpinae raptus*. Votorum nuncupatione, magna iam ordinum frequentia, vix repertae Capitolii claves. Quum ex oratione eius, qua in Vindictam perorabat, recitaretur in Senatu, *daturos poenas sceleratos, ac brevi dignum exitum facturos*, conclamatum est ab universis: *Tu facies, Auguste!* Observatum etiam fuerat,

haberent, quam qui *cientis*: nam quorsum referas *cientis*? Sic Liv. 5. 32. *vocem audisse, quae iuberet*, h. e. iubentem. Aliter est in loco Virgilii Aen. 4. 460., quem huc trahunt Viri docti:

Hinc exaudiri voces et verba vocantis

Visa viri. — —

ERN. Utrumque Latinum esse, ne dubites. Sed *ciens* in perpancis neque optimis codd. legitur.

Sculptura] Recepimus ex edd. Basil., Ald. et Steph., Latinitate postulante. Gemmarum est *sculptura*, non *sculptura*, ut e Plinio atque etiam ex nostri Galba c. 10. patet. Talia superioribus seculis recte etiam librorum iniussu contexerunt Viri docti: peccantque hodie Critici, si in talibus, tam manifestis, codd. auctoritatem requirunt. Quodsi insinuatotes bonarum litterarum et primi editores aucto-

rum Graecorum et Latinorum superstitione nostrorum hominum infecti fuissent, nae multa adhuc peccata grammatica in libris veterum integra reperiremus. Ac miranda profecto est inconstantia Virorum doctorum, qui in Galba c. 10. *sculpturam gemmae* receperunt, quod Latinitas postulat, est ibi multi, et scripti, et editi, habent *sculpturam*, hic *sculpturam* reliquerunt. Ceterum non ignoro, Salmasium ad Solinum *sculpturam* et *sculpturam* in gemmis statnere, hoc discrimine, ut altera caeret gemmas, altera excavet, sed sine argumentis idoneis. ERN. Conf. ad Aug. c. 50.

Votorum nuncupatione] Dicitur, ut passim apud nostrum *Indis, Circensibus, gladiatoribus*, h. e. die, qua vota pro Caesare nuncuparentur in templis deorum. ERN.

Tu facies] Assentatores sic capiebant: *Tu facies, Caesar,*

novissimam fabulam cantasse eum publice *Oedipodem exulem*, atque in hoc desisse versu:

Θαυεῖν μ' ἄνωγε σύγχαμος, μήτηρ, πατήρ.

47

Nuntiata interim etiam ceterorum exercituum defectione, litteras praudenti sibi redditas concerpit, mentem subvertit, duos scyphos gratissimi usus, quos Homeros a caelatura carminum Homeri vocabat, solo illisit, ac sumpto a Locustia veneno, et in auream pyxidem condito, transiit in hortos Servilianos. Ubi, praemissis libertorum fidissimis Ostiam, ad classem praeparandam, tribunos centurionesque praetorii de fugae societate tentavit. Sed partim tergiversantibus, partim aperte detrectantibus, uno vero etiam proclamante:

Usque adeone mori miserum est?

varia agitavit: Parthosne an Galbam supplex peteret, an atratus prodiret in publicum, proque rostris quanta maxima posset miseratione

ut dignam luant poenam, dignum exitum habeant: sed post, interfecto Nerone, animadvertum est, potuisse etiam sic capi, ut ad *exitum* referretur: Tu vero dignum exitum facies. ERN.

Cap. 47. *A caelatura carminum*] Litterata pocula putant intelligi Casaubonus ad Athenaeum II, 5., Reinesius ad Petron. c. 51. et Burmannus. Sed *caelaturae* verbum non finit, intelligi litterata, sed in quibus argumentum caelatum esset ex Homero sumtum. *Littera-*

ta pocula sunt ἐπετυπωμένα, quo verbo utitur Athenaeus; *caelata* autem ἐπετυπωμένα, ut Salmasius ad Solinum docuit. ERN.

Varia agitavit] Mss. plures habent *varie*, inprimis Memm., Medic., Lyser.; non displicet. Cicero dicit *varie affici*: quidni et *varie agitare* dicatur. ERN. Per se quidem non dubium est; sed h. l. merum vitium videtur.

Miseratione] Male huic praefert Burmannus *veneratione* & codd. Harlemensi, Peri-

veniam praeteritorum precaretur; ac, ni flexisset animos, vel Aegypti praefecturam concedi sibi oraret. Inventus est postea in scrinio eius hac de re sermo formatus: sed deterritum putant, ne prius, quam in forum perveniret, discerperetur. Sic cogitatione in posterum diem dilata, ad mediam fere noctem excitatus, ut comperit, stationem militum recessisse, profiluit e lecto, misitque circum amicos. Et quia nihil a quoquam renuntiabatur, ipse cum paucis hospitia singulorum adiit. Verum clausis omni-

zon. et edd. quibusdam antiquis. *Veneratio* non est verbum supplicis, veniam petentis, sed honorem alicui habentis, quam etiam *adorationem* vocabant, ut ipse vidit. *Miseratio* autem h. l. exquisitè dicitur, pro lamentatione, ad misericordiam commovendam apta. Praeterea aptior est *miseratio* verbo *flexisset*, quam *veneratio*. ERN.

[*Vel Aegypti praefecturam*] Cur hanc potissimum petere voluerit, nemo Interpretum docuit. Pancirollus ad Notit. dignitat. c. 117. causam putat esse hanc, quod Aegyptus esset velut peculiare regnum Imperatoris. Hoc ne satis quidem intelligo. Maximam et potentissimam provinciam fuisse Aegyptum, scio; peculiare Imperatorum regnum fuisse, nusquam reperi. Causa autem vera haec est: Nero sibi aliquid petere vult, quod parvum longissime-

que remotum ab Imperatoris fastigio videretur; quod indicat adiecta particula *vel*. Itaque Aegypti provinciam petit, cuius praeses esset infimus omnium dignitate inter praesides provinciarum: nam tantum *Praefectus* dicitur, et sumitur fere ex ordine equestri, ex instituto Augusti, caretque pompa lictorum et fascium. ERN.

[*Deterritum putant, ne*] Ne pendet a verbo timoris, quod latet in verbo *deterritum*. Talia exempla plura memini me observare apud optimos scriptores. ERN.

[*Circum amicos — hospitia*] Intelligendi ii, qui essent de cohorte amicorum et comitum, haberentque hospitia sua in ipso Palatio Neronis, ut Vinus et Laco sub Galba. Vide in Galba c. 14. Quod non responderunt, ita capiendum, ut fugam illi, metu imminenti-

um foribus, respondente nullo, in cubiculum rediit; unde iam et custodes diffugerant, directis etiam stragulis, amota et pyxide veneni. Ac litium Spiculum mirmillonem, vel quemlibet alium percussorem, cuius manu periret, requisivit. Et nemine reperto, *Ergo ego*, inquit, *nec amicum habeo, nec inimicum?* procurritque, quasi praecipitaturus se in Tiberim.

48 Sed revocato rursus inpetu, aliquid secretionis latebrae ad colligendum animum desideravit: et offerente Phaonte liberto suburbanum suum, inter Salariam et Nomentanam viam circa quartum miliarium, ut erat nudo pede atque tunicatus, paenulam obsoleti coloris superinduit: adopertoque capite, et ante faciem obtento sudario, equum inscendit, quatuor solis comitantibus, inter quos et Sporus erat. Statimque tremore terrae, et fulgure adverso pa-

periculi, capesserint. Non respondere de absentibus dici, notum est. ERN.

Aliquem percussorem, cuius manu] *Aliquem* est pro alium quem. Tum e seqq. alterutrum esse videtur a glossatore. Quia *percussoris* verbum alias dicitur de eo, qui vel conductus, vel conitatus, verbo, contra ius et fas, alterum occidit, hic autem inusitate de eo, cuius quis manu perit lubens, tolensque: aliquis hanc explicationem in margine scripsisse potuit, quae post in contextum venit. Sic Tacitus Ann. 2. 31. et alibi, *vocare percus-*

forem simpliciter, et 15. 63. *manumque percussoris exposcit.* Sed potest etiam aliquis eleganti periphrasi nomen *percussoris* adscripsisse. ERN. Oculorum error peperit hanc notulam. Nam nullo in libro reperimus *aliquem*.

Cap. 48. *Solis*] Recte hoc reduxit e codd. et vet. edd. Burmannus, pro quo invexit Casaubonus *solum*. Etiam M. Lyser. habet *solis*. ERN.

Fulgure adverso] Possis intelligere fulgur mali omnis; sed melius est, intelligere, quod ante ipsum os Neronis emicuit. ERN.

vefactus, audiit ex proximis castris clamorem militum, et sibi adversa et Galbae prospera ominantium: etiam ex obviis viatoribus quendam dicentem: *Hi Neronem persequuntur; alium sciscitantem: Ecquid in Urbe novi de Nerone?* Equo autem odore abiecti in via cadaveris consternato, detecta facie agnitus est a quodam millicio praetoriano, et salutatus. Ut ad deverticulum ventum est, dimissis equis inter fruticeta ac vepres, per arundineti semitam aegre, nec nisi strata sub pedibus veste, ad aversum villae parietem evasit. Ibi hortante eodem Phaonte, ut interim in specum ege-

Ex proximis castris] Intelligunt omnes de praetoriis: eaque non procul a porta Viminali, ab qua initium ducebat via Nomentana, ponunt. Sed ita τὸ *proximis* redundat: nam Suetonii tempore omnes sciebant, ibi esse castra praetoria, si erant. Ego vero parum certum arbitror, de praetoriis hunc locum capiendum. Plura militum castra fuisse extra Urbem, etiam e Galba c. 12. patet, ubi castra Germanorum, corporis Caesarum custodum, iuxta hortos Dolabellae, occurrunt: similiterque alii milites externi sua castra habuere. Etiam cohortes urbanae et legio e classiariis apud Tacitum Hist. 1, 6. profecto non in castris praetorianis fuere. Hinc Suetonius dicit, eum clamorem auditum *ex proximis ca-*

stris. Quae autem, et quorum illa castra fuerint, ex hoc loco non licet colligere. Quare, nisi aliis locis doceatur, ibi praetoria fuisse, non poterimus scire, ubi praetoria fuerint, aut e quibus clamor ille auditus sit. ERN.

Ad aversum villae parietem] Codices, fere habent *ad adversum* aut *adversus*, ut est in Lyser. Sed Gronovius et Perizonius putabant legendum, *ad aversum*, quod mihi quoque placet. Averfam villam voluit ingredi, ut melius lateret. In adversa villae parte non facile clandestinus introitus parari potuisset: nec ad adversum parietem villae, credibile, aditum per arundineti semitam fuisse, aut specum egestiae harenae. ERN. Correxì de sententia seu potius assensu Ruhkenii.

stiae arenae concederet, negavit, *se vivum sub terram iturum*: ac parumper commoratus, dum clandestinus ad villam introitus pararetur, aquam ex subiecta lacuna poturus manu hausit, et, *Haec est*, inquit, *Neronis decocta*. Dein, divulsa sentibus paenula, traiectos furculos rasit: atque ita quadrupes per angustias effossae cavernae receptus in proximam cellam, decubuit super lectum, modica culcita, vetere pallio strato instructum. Famineque interim et siti

Concederet] Sic Mss. paene omnes boni et edil. vett. *Se conderet* est a Burmanno ex Mss. uno aut duobus. ERN.

Sub terram iturum] E Virgilio sumtum, Aeneid. 4, 564.

Et nunc magna mei sub terras ibit imago.

Mox poturus pro potaturus dedi e Mss. melioribus. ERN.

Neronis decocta] Solitus erat, bibere aquam, quae decocta esset, et in nivibus posita, ut refrigeraretur, et frigoris voluptas sine vitiiis nivis perciperetur, ut auctor est Plinius Hist. Nat. 31, 3., qui locus iam ab Torrentio laudatus est. Videndus ibi Harduinus. ERN.

Traiectos furculos rasit] Burmanno non placet, coniunctumque per traiectos furculos repit. Radere furculos est idem, quod repere per furculos. Nempe radere viam etc. dicuntur animalia, quae non pedibus moventur, sed ventre

terram et viam stringunt. Sic Virgilius, de columba volante, Aen. 5, 217. *radit iter liquidum*, quia illam aëriam viam suam toto ventre stringit, atque adeo radit, verritque; quo loco male verbum hoc carpebat Barthius, non percepta illa, quam dixi, verbi notione: est enim radere idem, quod terere, stringere. Vide Heinsum ad Ovidii Amores 3, 15, 2. ERN.

Modica culcita] Recepti modica e Mss. pluribus et edd. Rom.; *modicella* verbum nusquam occurrit. Sic et Oudendorpius. ERN.

Vetere pallio strato instructum] Non sic Latini. Numquam legi *lectum instructum*. Legendum, *vetere pallio stratum*, aut, ut Torrentius voluit, *instratum*: sed illud malim. Quum ex *stratu* factum esset *strato*, additum est *instructum*, quum participium tale desideraretur. ERN.

interpellante, panem quidem sordidum oblatum adspersus est, aquae autem tepidae aliquantum bibit.

Tunc unoquoque hinc inde instante, ut 49
quam primum se impendentibus contumeliis eriperet, scrobem coram fieri imperavit, dimensus ad corporis sui modulum: componique simul, si qua invenirentur, frustra marmoris, et aquam simul ac ligna conferri, curando mox cadaveri, flens ad singula, atque identidem dictitans: *Qualis artifex pereo!* Inter moras perlatos a cursore Phaontis codicillos praeripuit, legitque, *se hostem a Senatu iudicatum, et quaeri, ut puniatur more maiorum:* Interrogavitque, quale id genus esset poenae. Et quum comperisset, nudi hominis cervicem inferi furcae, corpus virgis ad necem caedi: conterritus, duos pugiones, quos secum extulerat, arripuit; tentataque utriusque acie, rursum condidit, caussatus, *nondum adesse fatalem horam.* Ac modo Sporum hortabatur, ut lamentari ac plangere inciperet; modo orabat, ut se aliquis ad mortem capessendam exemplo

Cap. 49. Scrobem] Quae-
unt Viri docti, quo sine haec
scrobis facta sit: fateor, me ne-
scire. Homo stultus, mortem
timens, quaerit moras. Ipse
morte nesciit, quare scrobem
fieri vellet. Nec refert, talia
scire. Enx. Hoc bonum so-
latium est, ubi aliquid scire
non licet. Hic docti probabi-
liter coniciunt, metu id factum
esse, ne cadaver abijceretur.

Adde vulgatum, neque inhonestum, morem talis fossae faciendae supplicia passuris, de quo vide Lipl. ad Tac. Ann. 1, 61.

Extulerat] Intellige ex Urbe. Ita praeter Memmianum aliosque codices, quos Burmannus laudat, etiam Lyser., idque cum Burmanno, pro vulgato *extulerat*, recepimus. Enx.

iuvaret: interdum segnitiam suam his verbis increpabat: *Vivo deformiter ac turpiter*: οὐ πρέπει Νέρωνι, οὐ πρέπει· νήφειν δεῖ ἐν τοῖς τοιούτοις, ἄγε ἔγειρε σεαυτόν. Iamque equites appropinquabant, quibus praeceptum erat, ut vivum eum attraherent. Quod ut sensit, trepidanter efatus:

"Ἴππων μ' ὠκυπόδων ἀμφὶ κτύπος οὔατα βάλλει,
ferrum iugulo adegit, iuvante Epaphrodito a libellis. Semianimisque adhuc, irrumpenti centurioni, et paenula ad vulnus apposita, in auxilium se venisse simulanti, non aliud respondit, quam, *Sero*, et, *Hacc est fides*. Atque in ea voce defecit, exstantibus rigentibusque oculis, usque ad horrorem formidinemque visentium. Nihil prius aut magis a comitibus exegerat, quam ne potestas cuiquam capitis sui fieret: sed ut, quoquo modo, totus cremaretur. Permisit hoc Icelus, Galbae libertus, non multo ante vinculis exsolutus, in quae primo tumultu coniectus fuerat.

Vivo deformiter ac turpiter]
Ac turpiter abest pluribus Mss. et edd. Rom., Ven. pr.; videturque Burmanno esse a glossatore, delevitque Oudendorpius. Potest *deformiter* referri ad habitum et conditionem praesentem, *turpiter* ad indignitatem et ignominiam: ita non erit tautologia. Sed Cannegieterus etiam addi vult *pereō* e Io. Saubert. Polieratico 8, 19.; Schnadenus etiam *vivo* corrigit *vixi*. Vide Cannegieter.

ad Collat. Legg. Mosaic. p. 183. Nentrum placet. Sermo est de conditione praesenti, ut e seqq. patet, quibus se excitat ad mortem oppetendam. ERN.

Aut magis] Sic codd. optimi, etiam Lyser., et edd. vett., pro *ac magis*: recepimus igitur merito. Leve hoc est: sed si codices et veteres edd. sequendi, nisi gravior ratio obstat; etiam in parvis audire, diligentis editoris est. Secutus est Oudendorpius. ERN.

Funeratus est impensa ducentorum millium, 50
stragulis albis auro intextis, quibus usus Kalendis Ianuarii fuerat. Reliquias Ecloge et Alexandria nutrices, cum Acte concubina gentili Domitiorum monumento condiderunt, quod prospicitur e campo Martio, impositum colli hortorum. In eo monumento solium Porphyretici marmoris, superstante Lunensi ara, circumseptum est lapide Thasio.

Statura fuit prope iusta, corpore maculoso 51
et foetido, sufflavo capillo, vultu pulcro magis quam venusto, oculis caesis et hebetioribus, cervice obesa, ventre proiecto, gracillimis cruribus, valetudine prospera. Nam, qui luxuriae immoderatissimae esset, ter omnino per quatuordecim annos languit; atque ita, ut neque vino, neque consuetudine reliqua abstineret.

Cap. 50. *Alexandria*] Sic omnes codd. et edd. veteres: restituit Burmannus, quem sequimur. Est autem idem nomen atque *Alexandra*, quod Lipsio debetur. ERN.

Solium] Receptaculum reliquiarum. Vide Clav. Cic. in *labellum*. Est etiam apud Livium 44, 5. Sarcophagos *solia* vocat etiam Plinius Hist. Nat. 35, 12., quem locum iam laudantur Torrentius et Casaubonus. ERN.

Lunensi ara] Intellige sepulcralem aram, hoc est, lapidem quadratum impositum sepulcro. Marmor Lunense nobile fuit candore, quo etiam Parium superabat, auctore Pli-

nio 36, 5. Conf. Gronovii Diatriben in Statium c. 10. ERN.

Circumseptum] Vide ad c. 33. ERN.

Cap. 51. *Maculoso et foetido*] Memm. aliique codd. et edd. vet. quaedam habent *foetido*, quod recepit Gronovius. Burmannus pro interpretatione τοῦ *foetido* reiecit. ΕΤΕΧΩ: magis tamen in *foetido* inclino, quod et recepit Oudendorpius. FRN. Quem imitatus sum. Vulgatae nimis vaga significatio est.

Vultu pulcro magis quam venusto] Hoc intelligitur e Cicerone de Officiis 1. 36. venustatem muliebrem dicere debemus, dignitatem virilem

Circa cultum habitumque adeo pudendus, ut comam semper in gradus formatam, peregrinatione Achaica etiam pone verticem summisserit; ac plerumque synthelinam indutus, ligato circum collum sudario prodierit in publicum, sine cinctu, et discalciatus.

52 Liberales disciplinas omnes fere puer attigit: sed a philosophia eum mater avertit, monens, imperaturo contrariam esse; a cognitione veterum oratorum Seneca praeceptor, quo diutius in admiratione sui detineret. Itaque ad poeticam pronus, carmina libenter ac sine labore composuit: nec, ut quidam putant, aliena pro suis edidit. Venere in manus meas pugillares libellique, cum quibusdam notissimis versibus, ipsius chirographo scriptis: ut facile appareret, non translato, aut dictante aliquo exceptos, sed plane quasi a cogitante atque generante exaratos; ita multa, et deleta et inducta et superscripta inerant.

55 Habuit et pingendi, fingendique maxime, non mediocre studium. Maxima autem

pulchritudinem. EAX. Nimirum pulchritudo est in forma; venustas in gratia oris, qua saepe unice placent minus formosi.

Sine cinctu] Vide ad Caes. c. 45. EAX.

Cap. 52. *Nec, ut quidam putant*] Hic locus vel maxime testis diligentiae Suetoniae, qua omnia monumenta, unde res certo cognosceretur, inquisivit, et hinc historiam

duxit. In hoc quidem capite etiam Tacitus vulgarem famam secutus est. EAX.

Cap. 53. *Fingendique maxime*] Ingratum est h. l. et inutile hoc verbum; quod quaedam edd. non habent, repudiantque Viri docti. Sed in omnibus codd. reperitur. EAX. Mox legitur vulgo *maxime*, contra fidem Mss. Sed priore loco haud dubie delendum est.

popularitate efferebatur, omnium aemulus, qui quoquo modo animum vulgi moverent. Exiit opinio, post scenicas coronas proximo lustro descensurum eum ad Olympia inter athletas. Nam et luctabatur assidue: nec aliter certamina gymnica tota Graecia spectaverat, quam brabeutarum more in stadio humi assidens, ac, si quae paria longius recessissent, in medium manibus suis protrahens. Destinaverat etiam, quia Apollinem cantu, solem aurigando aequiparare existimaretur, imitari et Herculis facta. Praeparatumque leonem aiunt, quem vel clava, vel brachiorum nexibus, in Amphitheatri arena spectante populo nudus elideret.

Sub exitu quidem vitae palam voverat, si 54 sibi incolumis status permanisset, proditurum se partae victoriae ludis, etiam hydraulam, et choraulam, et utricularium, ac novissimo die histrionem, saltaturumque Virgili Turnum. Et sunt, qui tradant, Paridem histrionem occisum ab eo, quasi gravem adversarium.

Erat illi aeternitatis perpetuaeque famae 55 cupido, sed inconsulta. Ideoque multis rebus ac locis, vetere appellatione detracta, novam

Popularit. efferebatur] Ciceronianum est; de Senect. c. 23. *efferrī studiis* etc. Maxime tenebatur cupiditate placendi populo. Eux.

Cap. 54. *Partae victoriae ludis*] Intelligē ludis, quos editurus esset, victo Galba, Vindice etc. Sic Aug. c. 10. *ludi victoriae Caesaris*. Ern.

Utricularium] Gr. ἀσκαύ-

λιν, canentem tibia, quae Italiae dicitur *cornamusa*. Vide Schwarz. Miscellan. polit. human. p. 36.

Quasi gravem adversarium] Male plerique *gravem adversarium* explicant *invisum*. Est potius, qui non facile vinci potest: quamquam verum est, hinc plerumque crescere invidiam.

induxit ex suo nomine. Mensẽm quoque Aprilẽm Neroneum appellavit. Destinaverat et Romam Neropolim nuncupare.

56 Religionum usquequaque contemptor, prae-
ter unius deae Syriae. Hanc mox ita sprexit,
ut urina contaminaret; alia superstitione captus,
in qua sola pertinacissime haesit. Siquidem icun-
culam puellarem, quum quasi remedium insi-
diarum a plebeio quodam et ignoto muneri ac-
cepisset, detecta confestim coniuratione, pro
summo numine trinisque in die sacrificiis cole-
re perseveravit: volebatque credi, monitione
eius futura praenoscere. Ante paucos quam
periret menses, attendit et extispicio, nec um-
quam litavit.

57 Obiit secundo et tricesimo aetatis anno,
die, quo quondam Octaviam interemerat: tan-
tumque gaudium publice praebuit, ut plebs pi-
leata tota Urbe discurreret. Et tamen non de-
fuerunt, qui per longum tempus vernis aesti-
visque floribus tumulum eius ornarent: ac mo-
do imagines praetextatas in rostris proferrent,
modo edicta, quasi viventis, et brevi magno
inimicorum malo reversuri. Quin etiam Volo-
geſus, Parthorum rex, missis ad Senatum lega-
tis de instauranda societate, hoc etiam magno
opere oravit, ut Neronis memoria coleretur.
Denique, quum post viginti annos adolescente
me exstitisset conditionis incertae, qui se Nero-

Cap. 57. *Secundo et trice-
simo aetatis anno*] Dodwel-
lus Praelect. Cambden. p. 253.
putat, errasse Suetonium, et
ceteros audiendos, qui trice-

simo primo interfectum dicant.
Vide etiam Petavium. Doctr.
Temp. T. II. c. 15. Res pen-
det maxime a loco altero c.
6.; in cuius discussionem quum

nem esse iactaret, tam favorabile nomen eius apud Parthos fuit, ut vehementer adiutus, et vix redditus sit.

ingressi non sumus, nec de hoc probabiliter colligit diem mortis a Suetonio omissum, V. Emend. Temp. p. 468. seq., ubi Id. Iunii. ERN.

SUETONII
LIBER SEPTIMUS.

SER. SULPICIUS GALBA.

1 Progenies Caesarum in Nerone defecit: quod futurum, compluribus quidem signis, sed vel evidentissimis duobus, apparuit. Liviae olim post Augusti statim nuptias Veientanum suum reviventi, praetervolans aquila, gallinam albam, ramulum lauri rosario tenentem, ita ut rapuerat, demisit in gremium: quumque nutriri alitem, pangi ramulum placuisset, tanta pullorum suboles provenit, ut hodie quoque ea villa *ad Gallinas* vocetur; tale vero lauretum, ut triumphaturi Caesares inde laureas decerperent: fuitque mox triumphantibus, illas confestim eodem loco pangere: et observatum est, sub cuiusque obitum, arborem ab ipso institutam, elanguisse. Ergo novissimo Neronis anno, et silva omnis exaruit radicitus, et, quidquid ibi gallinarum erat, interiit: ac subinde tacta de caelo Caesarum aede, capita omnibus simul

Cap. 1. *Alias confestim*] *Eas* cum Lipsio, vel potius *illas* cum Burmanno legendum. *Illas* et *alias* confundi a libraribus, satis constat. Burmanno adde Drakenborch. ad Liv.

23, 7. ERM. Et Ruhnk. ad Velleium 1, 4. De re conf. Plin. lib. 15. extr.

Caesarum aede] Torrentius Venenis Genitricis aedem intelligit; quod non placet. Et

statuis deciderunt; Augusti etiam sceptrum e manibus excussum est.

Neroni Galba successit, nullo gradu contin- 2
gens Caesarum domum: sed haud dubie nobilissimus, magnaque et vetere prosapia: ut qui statuarum titulis PRONEPOTEM se Q. CATULI CAPITOLINI semper adscripserit: Imperator vero etiam stemma in atrio proposuerit, quo paternam originem ad Iovem, maternam ad Pasiphaën Minois uxorem referret.

Imagines et elogia universi generis exsequi 3
longum est: familiae breviter attingam. Qui primus Sulpiciorum cognomen Galbae tulit, cur, aut unde traxerit, ambigitur. Quidam putant, quod oppidum Hispaniae, frustra diu oppugnatum, illitis demum galbano facibus succenderit: alii, quod in diuturna valetudine galbeo, id est, remediis lana involutis, assidue uteretur: nonnulli, quod praepinguis fuerit visus, quem *galbam* Galli vocent: vel contra, quod

enim in ea, de qua hic sermo est, omnium Caesarum statuas consecratas fuisse, manifestum est. Fuit ergo templum gentis Caesarum, in quo sacra facerent Flamines Augustiati. Sic et in Vesp. c. 1. *templum gentis Flaviae*, a Domitiano institutum; in quo sacris operati sunt Flamines Flaviani. ERM. Ad seqq. notabis, apud veteres saepe aliam materiam fuisse capitis quam reliquae statuae: ita facile fieri potuit, ut pluribus statuis simul capita deciderent.

Cap. 2. *Statuarum titulis*] Titulis est, in titulis, quod ut animadvertatur, interpunxi post hoc verbum. Se habet etiam M. Lyser. ERM.

Stemma] Vide ad Ner. c. 57. ERM.

Cap. 5. *Elogia*] Sunt h. l. honores, triumphus etc. in imaginum titulis scripti. ERM.

Vocant] Sic rescripsi e M. Lyser., non, quo non et *vocent* recte dicatur, sed quod in sequentibus indicativi, *sunt, nascuntur, appellantur*. ERM. Hanc a certa cognitione pen-

tam exilis, quam sunt animalia, quae in aesculis nascuntur, appellanturque *galbae*. Familiam illustravit Ser. Galba Consularis, et temporum suorum eloquentissimus: quem tradunt, Hispaniam ex praetura obtinentem, XXX Lusitanorum millibus perfidia trucidatis, Viriathini belli causam exstitisse. Eius nepos, ob repulsam consulatus infensus Iulio Caesari, cuius legatus in Gallia fuerat, conspiravit cum Cassio et Bruto: propter quod Pedia lege damnatus est. Ab hoc sunt Imperatoris Galbae avus et pater. Avus clarior studiis, quam dignitate: non enim egressus praeturae gradum, multiplicem nec incuriosam historiam edidit. Pater consulatu functus, quamquam brevi corpore, atque etiam gibber, modicaeque in dicendo facultatis, causas industrie actitavit. Uxores habuit Mummiam Achaicam, neptem Catuli, proneptem L. Mummi, qui Corinthum excidit; item Liviam Ocellinam, ditem admodum et pulcram; a qua tamen nobilitatis causa appetitus ultro existimatur, et aliquanto enixius, postquam subinde instanti vitium corporis secreto posita veste detexit, ne quasi ignaram fallere videretur. Ex Achaica liberos, Caium et Servium, procreavit. Quorum maior Caius attritis facultatibus Urbe cessit: prohibitusque a Tiberio sortiri anno suo proconsulatum, voluntaria morte obiit.

4 Ser. Galba Imperator M. Valerio Messa-

dent. illud *vocent* ab alieno iudicio. Longe plurimi codd. hoc confirmant.

Eloquentissimus etc.] Videendus Cicero de Orat. 1. 55. Brut. c. 21. EBN.

Nepos] Hic est. cuius epistola de proelio Mutinensi ad Ciceronem exstat in Epp. ad Div. 10. 30. EBN.

Studiis] Cod. Periz. et plures edd. vett. habent *studio*,

la, Cn. Lentulo, Consulibus natus est IX. Kalendas Ianuarii, in villa colli superposita, prope Terracinam, sinistrorsus Fundos petentibus. Adoptatus a noverca sua Livia nomen et Ocellae cognomen asumpsit, mutato praenomine: Nam Lucium mox pro Servio, usque ad tempus imperii usurpavit. Constat, Augustum puero adhuc, salutanti se inter aequales, apprehensa buccula, dixisse, καὶ σὺ, τέκνον, τῆς ἀρχῆς ἡμῶν πατρῴῃ. Sed et Tiberius, quum comperisset imperitum eum, verum in senecta: *Vivat sane*, ait, *quando id ad nos nihil pertinet*. Avo quoque eius fulgur procuranti, quum exta de manibus aquila rapuisset, et in frugiferam quercum contulisset, responsum est, summum sed serum imperium portendi familiae. Et ille irridens, *Sane*, inquit, *quum mula pepererit*. Nihil aequae postea Galbam tentantem res novas confirmavit, quam mulae partus: ceterisque ut obscenum ostentum abhorrentibus, solus pro laetissimo accepit, memor sacrificii dictique avi. Sumpta virili toga, somniavit fortunam dicentem, *stare se ante fores defessam, et nisi ocius reciperetur, cuicumque obvio praedae futuram*.

quod recepit Burmannus. Vulgatum plures codd. habent, quos sequimur. ERN.

Cap. 4. *Nam et Lucium*] Fides Suetonii in hac re egregie confirmatur tessera gladiatoria, in qua Consules L. Sulla et L. Sulpicius, dudum edita a Grutero, et nuper pro inedita a Muratorio Thes. I. p. 303. Ne-

gantem Pagium, hoc praenomine usum in consulatu Galbam, Suetonii et tesserae auctoritate recte refellit Graevius. ERN. Copulam abiecti, suadente Oudend. Non est in cod. ullo, nec iuvat sententiam.

Πατρῴῃ] Degustabis. Sic Livius 5, 12. *delibare honorem* dixit. ERN. De re vide

Utque evigilavit aperto atrio, simulacrum aeneum deae cubitali maius iuxta limen invenit: idque gremio suo Tusculum, ubi aestivare confuerat, avexit: et in parte aedium consecratum, mensuris deinceps supplicationibus et pervigilio anniversario coluit. Quamquam aetate nondum constanti, veterem civitatis, exoletumque morem, ac tantum in domo sua haerentem, obstinatissime retinuit: ut liberti servique bis die frequentes aessent, ac mane salvere, vesperi valere sibi singuli dicerent.

5 Inter liberales disciplinas attendit et iuri. Dedit et matrimonio operam: verum, amissa uxore Lepida, duobusque ex ea filiis, remansit in caelibatu, neque sollicitari ulla conditione amplius potuit, ne Agrippinae quidem, viduae morte Domitii, quae maritum quoque adhuc, necdum caelibem, Galbam adeo omnibus sollicitaverat modis, ut in conventu matro-

Tac. Ann. 6, 20. et ibi Lipsium. Minus probabilis est opinio Oudendorpii.

Quamquam autem nondum etc.] *Autem* nullo modo hic locum habet, absuit a Mss. Salmast., omissum Rob. Steph. etc. Delevi. ERX.

Cap. 5. *Inter — attendit et iuri*] Valde displicent haec adeo abrupte interiecta inter priora et mentionem *matrimonii*. Sed sunt passim talia plura, et similis locus Caes. c. 43. pr.

Necdum caelibem] *Nimia* est haec tautologia, quam Tor-

rent. glossam putabat. Non male; nisi cui potior videatur Oudendorpii mutatio, *necdum caelibem*.

In conventu] Sic Torrensius in duobus Mss. reperit, sic est in optimo Memmiano. Sic in Lyseriano. Idque secuti sunt Rob. Stephanus, Graevius, Gronovius. Recte. Burmannus retinuit *inter conventum*, motus his, quae Dukerus ad Florum 2, 6, 41. ad defendendum hunc loquendi modum dixit. Sed loca Dukeri non sunt huic nostro similia: nam in his omnibus *inter est*

narum correpta iurgio, atque etiam manu pul-
sata sit a matre Lepidae. Observavit ante omnes
Liviam Augustam: cuius et vivae gratia pluri-
mum valuit, et mortuae testamento paene dita-
tus est: sestertiū namque quingenties quum
praecepum inter legatarios habuisset, quia no-
tata, non perscripta erat summa, herede Tibe-
rio legatum ad quingenta revocante, ne haec
quidem accepit.

Honoribus ante legitimum tempus initis, 6
Praetor commissione ludorum Floralium, novum
spectaculi genus, elephantos funambulos, edi-
dit: exin provinciae Aquitaniae anno sere prae-
fuit: mox consulatum per sex menses ordina-
rium gessit. Evenitque, ut in eo ipse Cn. Do-
mitio patri Neronis, ipsi Salvius Otho pater
Othonis succederet, velut praesagium insequen-

pro *per*, sit in illo, quod e
nostro Caes. c. 4. laudat, *in-
ter iocum*, quod est *per io-
cum*. Loca debebant praeferi,
ubi *inter*, verbo loci additum,
possit explicari *in*; quae si ma-
xime afferantur, tamen non
propterea optimorum codd. le-
ctioni facili praefereatur inso-
lentior. ERN.

Notata, non perscripta]
I. e. notis numeri et verbi D
HS. non verbis ipsis expres-
sis. ERN. Ploet in l. l. vi-
dentur mendosa esse, arguente
ipsa constructione: HS. nam-
que D quum praec. i. l. ha-
buisset, quia etc. Coniunctio
certe complementi causa ad-
scripta est, nato vitio *habuisset*.

Sed boni codd. prope eviden-
tem faciunt emendationem,
quam in textu posui.

Cap. 6. *Praetor commis-
sione* etc.] Nempe ex institu-
to Augusti, de quo Dio lib. 54.
p. 522. ERN.

L. Domitio] Verum prae-
nomen est Cn., ut nemo du-
bitat. Itaque id pro *L.* re-
posui; et si fortasse Suetonius
nullum praenomen adscripsit.
ERN.

Salvius] Miror, Burmannum
lectionem quorundam codd. et
codd. vet. *Silvius* secutum esse,
quae contra numos est, adeo-
que penitus repudianda: prae-
sertim quum mox in Othone
habeat *Salvius*. Mox *Gaetul*.

tis casus, quo medius inter utriusque filios exstitit Imperator. A Caio Caesare, Gaetulico substitutus, postridie quam ad legiones venit, sollemni forte spectaculo plaudentes inhibuit, data tessera, *ut manus paenulis continerent*. Statimque per castra iactatum est:

Disce, miles, militare, Galba est, non Gaetulicus.

Pari severitate interdixit commeatus peti. Veteranum ac tironem militem opere assiduo corroboravit; matureque barbaris, qui iam in Galliam usque proruperant, coercitis, praesenti quoque Caio talem et se et exercitum approbavit, ut inter innumeras contractasque ex omnibus provinciis copias, neque testimonium, neque praemia ampliora ulli perciperent: ipse maxime insignis, quod campestrem decursionem scuto moderatus, etiam ad essedum Imperatoris per viginti passuum millia cucurrit.

7 Caede Caii nuntiata, multis ad occasionem stimulantibus, quietem praetulit. Per hoc gratissimus Claudio, receptusque in cohortem amicorum, tantae dignationis est habitus, ut quum subita ei valetudo, neque adeo gravis, incidisset, dilatus sit expeditionis Britannicae dies. Africam pro Consule biennio obtinuit, extra sortem electus ad ordinandam provinciam, et intestina disensione, et barbarorum

co est e correctione e verba sequente: nam scripti libri omnia alia habent, sed vitiosa. ERN.

Data tessera] Alibi dicit, *signum dare*. ERN. Intellige per libellum, ut loqui-

tur Tib. c. 18.

Statimque] Sic reperi etiam in Ms. Lyser. ERN.

Ipse maxime] Haec ex antecedentibus pendent. Itaque minorem interpunctionem feci. Sic et Ms. Lyser. ERN.

tinultu inquietam. Ordinavitque magna severitatis ac iustitiae cura, etiam in parvulis rebus. Militi, qui per expeditionem artificissima annona residuum cibariorum tritici modium centum denariis vendidisse arguebatur, vetuit, simulatque indigere cibo coepisset, a quoquam openi ferri: et is fame extabuit. At in iure dicendo, quum de proprietate iumenti quaereretur, levibus utrimque argumentis, et testibus, idecque difficili coniectura veritatis, ita decrevit, ut ad lacum, ubi adaquari solebat, duceretur capite involuto, atque ibidem revelato, eius esset, ad quem sponte se a potu recepisset.

Ob res, et tunc in Africa, et olim in Germania gestas, ornamenta triumphalia accepit, 8 et sacerdotium triplex, inter Quindecimviros sodalesque Titios, item Augustiales, cooptatus: atque ex eo tempore, prope ad medium Neronis principatum, in secessu plurimum vixit: ne ad gestandum quidem unquam iter ingressus, quam ut secum vehiculo proximo decies festerium in auro efferret, donec in oppido Fundis moranti Hispania Tarraconensis oblata est. Acciditque, ut, quum provinciam ingressus sacrificaret intra aedem publicam, puero e ministris acerram tenenti, capillus repente toto capite canesceret. Nec defuerunt, qui interpretarentur, significari rerum mutationem, succes-

Cap. 8. *Iter ingressus*] Non ausus sum addere *aliter* de coniectura, ut facit Graevius aliique. Et potest facile intelligi; neque insolens est talis ellipsis. Servavit tamen Ouden-dorpus. ERN. *Gestandum*

passive accipe, ut saepe fit in his gerundiis.

Aedem publicam] Recte vidit Burmannus, τὴν *publicam* addi, ut appareret, portentum illud, ad rem publicam eiusque mutationem pertinuisse. ERN.

surumque iuveni senem: hoc est, ipsum Neroni. Non multo post in Cantabriae lacum fulmen decidit: repertaeque sunt duodecim seculares, haud ambiguum summi imperii signum.

- 9 Per octo annos varie et inaequabiliter provinciam rexit. Primo acer, vehemens, et in coercendis quidem delictis vel immodicus. Nam et nummulario non ex fide versanti pecunias, manus amputavit, mensaeque eius affixit; et tutorem, quod pupillum, cui substitutus heres erat, veneno necasset, cruce affecit: implorantique leges, et civem Romanum se testificantem, quasi solatio et honore aliquo poenam levaturus, mutari, multoque praeter ceteras altiore et dealbatam statui crucem iussit. Paulatim in desidiam segnitiemque conversus est, ne quid materiae praeberet Neroni: et, ut dicere solebat, *quod nemo rationem otii sui reddere cogeretur*. Carthagine nova conventum agens, tumultuari Gallias comperit, legato Aquitaniae auxilia implorante. Supervene-

Non multo post] Sic, pro *Nec multo post*, aliquot Mss.; quod secutus sum, quia paullo ante est initium *Nec desuerunt*. EAX.

Cap. 9. *Versanti pecunias*] I. e. tractanti. Cicero Orat. c. 9. *cuiusque versare in iudiciis*. EAX.

Ne quid materiae] Scil. criminandi et perdendi se. Sic supra c. 7. *multis ad occasionem stimulantibus*, simpliciter, ut intelligatur, invadendi imperium. EAX.

Implorante] Mutavi interpunctionem. Alii punctum faciunt post *comperit*. Frigidum mihi videtur hoc: *Legato Aquitaniae auxilia implorante, supervenerunt iudicis litterae*. Comperit Gallias tumultuari ex eo, quod Aquitaniae legatus miserat, qui auxilium eius imploraret. Imitatus est Oudendorpius. Mox, *Supervenerunt et iudicis*, quod Vossianus habet, est etiam in M. Lyser. EAX. Et in pluribus aliis, quum vulgo absit copula *et*.

runt et Vindicis litterae, hortantis, *ut humano generi asertorem ducemque se accommodaret.* Nec diu cunctatus, conditionem, partim metu, partim spe, recepit. Nam et mandata Neronis de nece sua ad procuratores clam missa deprehenderat: et confirmabatur, quum secundissimis auspiciis et ominibus, tum virginis honestae vaticinatione, tanto magis, quod eadem illa carmina sacerdos Iovis Cluniae ex penetrali, somnio monitus eruerat, ante ducentos annos similiter a fatidica puella pronuntiata. Quorum carminum sententia erat, *orturum quandoque ex Hispania principem dominumque rerum.*

Igitur quum quasi manumissioni vacaturus 10 conscendisset tribunal, propositis ante se damnatorum occisorumque a Nerone quam plurimis imaginibus, et adstante nobili puero, quem exulantem e proxima Baleari insula, ob id ipsum acciverat, deploravit temporum statum, confa-

Recepit] Usitatus est *conditionem accipere*. Aliud huius rarioris formae exemplum laudatur in Lexicis e Quintiliani Instit. Oratt. 5, 6. init. Male. *Recipere* ibi refertur ad *iurandum*, non ad *conditionem*, ut insipienti contextum facile apparebit. Verbo autem *recipiendi* h. l. Suetonius usus est, quod *conditio* hic est oblatum negotium ac munus humani generis a tyrannide Neronis vindicandi: hoc ille munus *recepit*: nam *recipi* dicuntur, quae ab aliis de-

lata sunt; *suscipi*, quae sua sponte tolluntur, ut notum est. Simpliciter *conditionem recipere*, veluti, quum conditio nuptias, promissum etc. significat, non dixeris. ERN.

Cluniae] Est nomen urbis Hispanicae, e Plinii Hist. Nat. 3, 3., Plutarchi Galba, et numis veteribus notae. ERN.

Cap. 10. *Quasi manumissioni vacaturus*] Nam ita edixerat, ut auctor est Plutarchus, veluti boni ominis causa, quod libertatem generis humani asserere in animo haberet. ERN.

lutatusque Imperator, *legatum se Senatus ac populi Romani* professus est. Dein, iustitio indicto, e plebe quidem provinciae legiones et auxilia conscripsit, super exercitum veterem legionis unius, duarumque alarum, et cohortium trium; at e primoribus, prudentiaque et aetate praestantibus, velut instar Senatus, ad quos de maiore re, quoties opus esset, referretur, instituit. Delegit et equestris ordinis iuvenes, qui, manente anulorum aureorum usu, *Evocati* appellarentur, excubiasque circa cubiculum suum vice militum agerent. Etiam per provincias edicta dimisit, auctor singulis universisque conspirandi simul, et ut, qua posset quisque opera, communem causam iuvarent. Per idem fere tempus in munitione oppidi, quod sedem bello delegerat, repertus est anulus opere antiquo, *sculptura gemmae Victoriam cum tro-*

Anulorum aureorum usu] *Evocati* dicti, quod id honestissimum genus militum, qui etiam separatim sub proprio vexillo haberentur. Sed quia ista militia non esset equestris, Aug. c. 46., nec milites aureis anulis, sed ferreis, uterentur, lanxit, ut iis anulorum aureorum ius integrum esset. ERN.

Sculptura gemmae] Oudendorpius correxit *sculptura* contra libros; quia aliis quibusdam locis de gemma libri habent *sculptura*: putatque, haec verba habere distinctionem artis, ut *sculptura* sit rudior, *sculptura* elaboratior: frustra.

Nec id idoneis exemplis doceri potest. ERN. Quoniam hodie obscurum est discrimen, libris mss. fere, ut in una littera, inter se discrepantibus, non temere reiicienda erit acuti Viri observatio. Ac nititur locis Hor. Serm. 2, 3, 22. *Infabre sculptum*, Ovid. Met. 10, 248. *mira arte sculperet*, imprimisque Vitruv. 4, 6., ubi *sculpendum* et mox *scalpendum* constanter habent Mss., qui multi Oudendorpio ad manum erant. *Sculpturam* gemmarum, et *sculptores* in hoc genere, etiam dixerunt Quintilianus et Plinius. Nobis adeo

paeco exprimente. Ac subinde Alexandria navis Dertosam appulit, armis onusta, sine gubernatore, sine nauta ac vectore ullo: ut nemini dubium esset, iustum piumque, et faventibus diis, bellum suscipi: quum repente ex inopinato prope cuncta turbata sunt. Alarum altera castris appropinquantem, poenitentia mutati sacramenti, destituere conata est, aegreque re-tenta in officio: et servi, quos a liberto Neronis ad fraudem praeparatos muneri acceperat, per angiportum in balineas transeuntem paene interemerunt; nisi cohortantibus invicem, ne occasionem omitterent, interrogatisque, de qua occasione loquerentur, expressa cruciatu confessio esset.

Accessit ad tanta discrimina mors Vindicis, 11
qua maxime consternatus, destitutoque similis, non multum afuit, quin vitae renuntiaret. Sed supervenientibus ab Urbe nuntiis, ut occisum Neronem, cunctosque in verba sua iurasse cognovit; deposita LEGATI, suscepit CAESARIS appellationem. Iterque ingressus est paludatus, ac dependente a cervicibus pugione ante pectus;

ad eundem modum distinguenda videntur Graeca γλάφειν et γλύφειν.

Quum repente ex inopinato] Superiores edd., praeter R. Steph., male ante quum habent punctum, quod demum post turbata sunt esse debet. In verbo alarum novae sententiae initium. Ex inopinato supervacuum est et glossam olet. Sed plura tamen talis pleonasmī exempla apud nostrum

reperiuntur. Eax.

Cap. 11. Caesaris] Ergo Galba primus Caesaris nomen e gentilitio fecit publicum dignitatis et imperii. Ex antiquo more Imperatoris nomen assumere debebat, quo ante a populo consalutatus fuerat. Idem deinde Piso adoptatus assumpsit, ut constat e Tacito. Vide Pagium ad a. LXIX. §. 4., qui tamen hunc locum, qui princeps est, non observavit.

nec prius usum togae recuperavit, quam oppressis, qui novas res moliebantur, Praefecto praetorii Nymphidio Sabino, Romae; in Germania, Fonteio Capitone; in Africa, Clodio Macro, legatis.

- 12 Praecefferat de eo fama saevitiae simul atque avaritiae: quod civitates Hispaniarum Galliarumque, quae cunctantius sibi accessierant, gravioribus tributis, quasdam etiam murorum destructione, punisset; et praepositos procuratoresque supplicio capitis affecisset cum coniugibus ac liberis; quodque oblatam a Tarracoenisibus e vetere templo Iovis coronam auream

Alius insignis in hanc rem locus est apud Iosephum Antt. Iudd. 8, 6, 2. ERN.

Recuperavit] Inuitato ac nove, pro repetiit. ERN.

Cap. 12. *Praepositos procuratoresque*] Quales *praepositi* illi fuerint, non placuit Interpretibus docere. Possint videri e genere procuratorum eo, quod parvas provincias administraret. Sic in Vesp. c. 4. Gessius Florus, qui Iudaeae procurator fuit, simpliciter *Praepositus* dicitur: *caesoque Praeposito*. Sed intelligendi hic maiores provinciarum Praefides, quos nominatim tradit Tacitus Hist. 1, 6. Iter Galbae in Urbem, unde illa saevitiae fama, *cruentum* vocat. Non solum Cingonio Varrone, Consule designato, et Petronio Turpiliano, Consulari, interfectis, sed etiam Clodio Macro,

Africae, et Fonteio Capitone, Germaniae Praeposito. Conf. Plutarchum in Galba p. 1059. ERN.

Oblatam] Valde speciosa est lectio codicis Hulfiani et ed. Basil. *ablatam*: nam primo maior est avaritia, auferre coronas deorum e templis; deinde non videtur probabile, homines superstitiosos e thesauris sacris depromsisse donaria deorum, et dedisse dono homini, quum verendum esset, ut acciperet tale munus, in quo dando sacrilegium fieret. Magistratus autem Romanos principesque avaros, vel pecuniae indigentes, templa compilasse, satis notum est. Conf. notam proximam. Unum illud mihi paululum obstat, quod verba, *a Tarracoenisibus*, non satis apta huic lectioni videntur: non, quo dubitem, Latinos di-

librarum quindecim conflasset, ac tres uncias, quae ponderi deerant, iussisset exigi. Ea sana et confirmata et aucta est, ut primum Urbem introiit. Nam quum classiarios, quos Nero ex remigibus iustos milites fecerat, redire ad pri-

cere, auferre ab aliquo: Cicero Verr. 4, 39. a Tyndaritanis signum Mercurii fustulisti: sed quod non dicturus fuisse Suetonius videtur: *ablatam a Tarracoenſibus e vetere templo*, sed *Tarracoe e vetere templo*, ut Cicero dixit Verr. 4, 50. *Ennae tu de manu Cereris Victoriā deripere — ausus es?* Sed levius hoc esse, fateor. ERN. Nimis verborum consumpsit Vir doctus in vicio colorando.

[*Quae ponderi deerant*] Dervillius, ut refert Burmannus, hoc inde sciri potuisse existimat, quia donariorum pondus ante iudicetur, quam aedituis traderetur, idque ex inscriptione apud Chishullum apparere. Recte. Apud Livium quoque aliquoties traditur pondus coronarum, Iovi aliisque diis donatarum. Sed hoc non sufficit ad hunc locum illustrandum. Tenendum igitur, in templis fuisse tabulas, in quibus donaria, signa, tabulae pictae consignata et descripta essent, adeoque etiam pondera donariorum aureorum et argenteorum, ne fraus aedituorum intercedere posset. Hoc patet

v. c. e loco Herodoti, ubi de donariis Croesi Delphos missis agit, libro primo: porro loco Ciceronis Verr. 1, 50., ubi Rabonius, cui aedem Castoris tradebant tutores Iulii, cuius pater eam aedem tuendam habuerat, dicit, *omnia signa comparere*; quod sciri sine tabulis tabulis (nostri vocant hodie *inventarium*) non poterat. Conf. Verr. 4, 63. Ex his igitur tabulis Galba pondus illius coronae cognoverat. Atque haec ipsa inspectio tabularum illarum aliquam probabilitatem addit lectioni *ablatam*. Poposceraſt illas tabulas, ut videret, si quid in templo esset auri. Reperit coronam auream: appendi iubet: quum aliquid deesset ponderi, restituui iubet. ERN. In his plura perquam dubia sunt, nec sciri possunt.

[*Classarios*] Tacitus Hist. 1, 6. *multa millia perisse* dicit, consentiuntque Graeci. Reliquis instam militiam ab Othone restitutam tradit idem c. 87. Sed non concoquo, quid sibi idem velit, quum dicit, c. 6., post illa tot millia interfecta: *Inducta legione Hispana*,

stinum statum cogeret: recusantes, atque insuper aquilam et signa pertinacius flagitantes, non modo inmisso equite disiecit, sed decimavit etiam. Item Germanorum cohortem, a Caesaribus olim ad custodiam corporis institutam, multisque experimentis fidelissimam, dissolvit, ac sine commodo ullo remisit in patriam; quasi Cn. Dolabellae, iuxta cuius hortos tendebat, propiorem. Illa quoque, verene an falso, per ludibrium iactabantur, apposita lautiore coena ingemuisse eum. Et ordinario quidem dispensatori, breviarium rationum offerenti, parapside leguminis pro sedulitate ac diligentia porrexisset: Cano autem, choraulae, mire placenti, denarios quinque donasse, prolatos manu sua e peculiaribus oculis suis.

13 Quare adventus eius non perinde gratus fuit: idque proximo spectaculo apparuit. Si quidem Atellanis notissimum canticum exorsis, *Venit, io, Simus a villa*: cuncti simul specta-

remanente ea, quam e classe Nero conscripserat, plena Urbs exercitu insolito. ERN.

Cap. 13. *Venit, io, Simus* etc.] Quia in omnibus codd. exstant syllabae *ione*? Gronovius legit *ohe*, idque in textum recepit: quod non necessarium docuit Burmannus, quum etiam scriptum a Suetonio esse possit *io refimus*, et *io* non modo laetantis, ut Gronovius putabat, sed etiam indignantis, aut aliter commoti, vox sit. *Simus* sive proprium in illo cantico nomen fuit, sive conii-

ca illa persona a naso sic per ludibrium dicta, legem avarum indicabat, quem a villa in Urbem redeuntem pavebant vel filii, vel servi. Id tractum ad Galbam senem avarum, e provincia Hispania, velut e villa, in Urbem redeuntem. ERN. Oportuit in versu esse aliquid significantius, ut eius iterandi cupidus fieret populus. Igitur probabilis est correctio Mureti, *Venit, io! Onofimus a villa*, ex optimo MS., ubi corrupte legitur *Venitionesumus*. V. L. 15, 11.

tores consentiente voce reliquam partem retulerunt, ac saepius versu repetito egerunt.

Maiore adeo et favore et auctoritate adeptus est, quam gessit, imperium: quamquam multa documenta egregii principis daret: sed nequaquam tam grata erant, quam invisâ, quae secus fierent. Regebatur trium arbitrio, quos una et intra Palatium habitantes, nec unquam non adhaerentes, paedagogos vulgo vocabant. Hi erant T. Vinus, legatus eius in Hispania, cupiditatis immensae: Cornelius Laco, ex assessore Praefectus praetorii, arrogantia socordiaque intolerabilis: libertus Icelus, paullo ante anulis aureis et Martiani cognomine ornatus, ac iam summae equestris gradus candidatus. His

Retulerunt — egerunt] *Retulerunt* intellige voce, recitarunt clara voce, praecinentes cantori; *egerunt*, gessibus etiam, histrionis modo, expresserunt. Idem est, quod in Calig. c. 54. *tragoedo pronuntianti concinere*, et *gestum histrionis effingere*. ERN.

Cap. 14. *Auctoritate*] I. è. opinione virtutis et prudentiae, dignae imperio. Existimabant homines, eum bene imperaturum, dignum esse imperio. Sic *Imperatoris auctoritas* dicitur apud Ciceronem pro Lege Manilia c. 15. Idem in Bruto c. 77. de patrono quodam caesarum diligentissimo dicit, eum *auctoritate eguisse*. Vide plura in Clave Cic. in h. v. num. 8. ERN.

Summi equestris gradus] Intellige praefecturam praetorio. Qui primum tantum locum inter Equites intelligi voluerunt, quos sequitur etiam Burmannus, non cogitarunt satis *candidati* verbum, quod numquam aliter dicitur, quam de eo, qui honoribus et muneribus publicis imminet. Nec dubito, etiam primum locum inter Equites, sine praefectura illa, summum equestris dignitatis gradum Latine dici posse: sed hoc sensu dici tantum poterit de principe iuventutis; quem esse voluisse Icelum privatum, non credibile est: nec hunc locum appetentes *candidati* dicuntur. Lipsius ad Tac. Hist. 1, 12. *procuracionem* intelligit. ERN. *Summi ex*

diverso vitiorum genere grassantibus, adeo se abutendum permisit et tradidit, ut vix sibi ipse constaret: modo acerbior parciorque, modo remissior ac negligentior, quam conveniret principi electo, atque illud aetatis. Quosdam claros, ex utroque ordine, viros suspicione minima inauditos condemnavit. Civitatem Romanam raro dedit: iura trium liberorum vix uni atque alteri; ac ne his quidem, nisi ad certum praefinitumque tempus. Iudicibus, sextam decuriam adiici precantibus, non modo negavit, sed etiam concessum a Claudio beneficium, ne hieme initioque anni ad iudicandum evocarentur, eripuit.

- 15 Existimabatur etiam senatoria et equestria officia biennii spatio determinaturus, nec daturus nisi invitis ac recusantibus. Liberalitates Neronis non plus decimis concessis, per quinquaginta Equites Romanos ea conditione revocandas curavit exigendasque, ut et, si quid scaenici ac xyfici donatum olim vendidissent, auferretur emptoribus, quando illi absumpto pretioolvere nequirent. At contra, nihil non

uno cod. edidit Casaub. pro *summae*, quod mireris ceteros Mss. omnes servasse. At tanto certior habenda haec scriptura, et eodem quidem sensu: sed *candidatum gradus* nemo, opinor, dixerit.

Sibi ipse] Sic reperi etiam in cod. Lyser., recteque a Burmanno iam e codd. Hulf. et Voss. ex ed. Rom. receptum. Ern.

Remissior] Opponitur *acer-*

bo in puniendo, negando etc. Sic saepe etiam Cicero, Verr. 3, 62. *remissior aestimatio* opponitur acerbae, h. e. nimis exactae. Qui summo iure contendunt, saepe dicuntur *acerbi* in Oratione pro Quintio. Sed his opponuntur *remissiores* ad Attic. 16, 15. etc. Ern.

Negentior — illius aetatis] Opponitur *parco*, ellipse adeo *profusus*, ut est apud Ciceronem ad Div. 3, 8., ubi

per comites atque libertos pretio addici, aut donari gratia passus est, vectigalia, immunitates, poenas innocentium, impunitates noxiorum. Quin etiam, populo Romano deposcente supplicium Haloti et Tigillini, solos ex omnibus Neronis emissariis vel maleficientissimos incolumes praestitit: atque insuper Halotum procuratione amplissima ornavit. Pro Tigillino etiam saevitiae populum increpuit edicto.

Per haec prope universis ordinibus offensus, vel praecipua flagrabat invidia apud milites. Nam quum in verba eius absentis iurantibus donativum grandius solito praepositi

vide Graevium. Hunc locum iam notavit Broukhufius. ERN. Paulo post ex codd. et certo usu Latinitatis posui cum Oudend. *illud actatis*.

Cap. 15. *Pretio addici*] E Memmiano optimo aliisque scriptis et editis recte receperunt Gronovius et Burmannus, quos sequimur. Sic et alii Mss., ut Lyser. Imitatus est manifeste Suetonius, ut aliis locis; Ciceronem Or. pro Caecina c. 6. *Partim gratia Cassenniae, partim etiam pretio fundus addici Aebutio*; quem locum iam laudavit Gronovius. Ceterum etiam *pretio addicere* saepe est apud Ciceronem, v. c. Verr. 2, 32. ERN. Nulla Ciceronis imitatio esse potest in formula frequentissimi usus.

Cap. 16. *Offensus*] Hoc

quoque, ut Ciceronianum, praetuli, etsi Memmianus habet *offensis*. Locis a Casaubono allatis adde Catilin. 1, 7. pro Cluent. c. 18. ad Div. 10, 18. Pro *prope* Oudendorpius e Mss. et edd. quibusdam edidit *prope*, quod et Burmanno placebat. Mihi in hac forma et hoc contextu non placet, sed *prope* requiritur, ERN. Idque saepe additur cum elegantia modestia, ita ut *prope omnes* nihil admodum aliud sit quam *omnes*. Sed praesferendum erat *offensis* ob constantem usum Suetonii, a Cic. abhorrentem.

Flagrabat] Quia non modo Suetonii filius postulat, sed codd. etiam optimi habent, cum Burmanno recepi. Vulg. *flagravit*. ERN.

Praepositi] Sunt Praefecti praetorio, nominatim Nymphidii

pronuntiaſſent; neque ratam rem habuit, et ſubinde iactavit, *legere ſe militem, non emere conſueſſe*. Atque eo quidem nomine omnes, qui ubique erant, exacerbavit. Ceterum praetorianos etiam metu et indignitate commovit, removens ſubinde pleroſque ut ſuſpectos, et Nymphidii ſocios. Sed maxime fremebat ſuperioris Germaniae exercitus, fraudari ſe praemiis navatae adverſus Gallos et Vindicem operae. Ergo primi obſequium rumpere auſi, Kalendis Ianuarii adigi ſacramento, niſi in nomen Senatus, recuſarunt: ſtatimque legationem ad praetorianos cum mandatis deſtinaverunt, *diſplicere Imperatorem in Hispania factum; eligerent ipſi, quem cuncti exercitus comprobarent*.

- 17 Quod ut nuntiatum eſt, deſpectui eſſe non tam ſenectam ſuam, quam orbitatem ratus, Piſonem Frugi Licinianum, nobilem egregiumque juvenem, ac ſibi olim probatiſſimum, teſtamentoque ſemper in bona et nomen adſciturum, repente e media ſalutantium turba apprehendit: filiumque appellans, perduxit in caſtra, ac pro concione adoptavit; ne tunc quidem donativi ulla mentione facta. Quo faciliorem occaſio-

dus. Male Torrentius intelligit *ei negotio*: nihil mandarat Galba cuiquam; ſponte, ut neceſſarium, fecerant. ERN.

Pronuntiaſſent] Promiſſiſſe: verbum in promittendis muneribus ac donis proprium. Cicero pro Cluent. c. 29. *quam pro reo pronuntiaſſet pecuni-*

am, ubi vide Graevium. ERN.

Cap. 17. *Perduxit in ca-*

ſtra] Mire blanditur lectio, quae eſt in cod. Lyſer., *pro-*
duxit; quod verbum proprium eſſe, conſtat, de iis, qui aliquem oſtendere hominibus, quacun-
que de cauſſa, volunt. Sed tamen non auſus ſum in contextum recipere, quia et alibi hoc verbo ſimiliter uſus eſt Suetonius. Ner. c. 13. Teridatem dicitur Nero *produxiſſe*:

nem M. Salvio Othoni praebeuit perficiendi conata, intra sextum adoptionis diem.

Magna et assidua monstra iam inde a principio exitum ei, qualis evenit, portenderant. Quum per omne iter dextra sinistraque oppidatim victimae caederentur, taurus, securis ictu consternatus, rupto vinculo essedum eius invasit; elatisque pedibus totum cruore perfudit, ac descendente speculator impulsu turbae lancea prope vulneravit. Urbem quoque et deinde Palatium ingressum excepit terrae tremor, et assimilis quidam mugitui sonus. Secuta sunt aliquanto manifestiora et tristiora. Monile, margaritis gemmisque confertum, ad ornandam Fortunam suam Tusculanam, ex omni gaza secreverat: id repente, quasi augustiore dignius loco, Capitolinae Veneri dedicavit: ac proxima nocte somniavit speciem Fortunae querentis, fraudatam se dono destinato, minantisque, erepturam et ipsam quae dedisset. Quumque exterritus luce prima ad expiandum somnium, praemissis qui rem divinam appararent, Tusculum excucurrisset, nihil invenit praeter tepidam in ara favillam, atratumque iuxta senem in catino vitreo thus tenentem, et in calice fictili merum. Observatum etiam est, Kalendis Ianuariis sacrificanti coronam de capite ex-

mox, *perductum deinde in Theatrum* etc. Conf. Claud. c. 10. ERN.

Cap. 18. *Maiores et tristiores*] Lectionem hanc omnium vet. edd. usque ad Casaubonum, restitutam a Bunnanno, et ipse revocavi. ERN. Nem-

pe pro *maiores* alii codd. praebent *manifestiores*, quod longe facilius corrumpi potuit, quam contra.

Erepturam et ipsam] *Ipsa* de coniectura corrigit Oudendorpius, sine causa et ratione.

cidisse; auspicanti pullos avolasse; adoptionis die neque milites allocuturo castrensem sellam de more positam pro tribunali, oblitis ministris, et in Senatu curulem perversè collocatam.

19 Prius verò, quam occideretur, sacrificantem mane haruspex identidem monuit, caveret periculum: non longe percussores abesse. Haud multo post cognoscit, teneri castra ab Othone: ac plerisque, ut eodem quam primum pergeret, suadentibus, (posse enim auctoritate et praesentia praevalere:) nihil amplius, quam continere se, statuit; et legionariorum firmare praefidiis, qui multifariam diversèque tendebant. Loricam tamen induit linteam, quamquam haud dissimulans, parum adversus tot mucrones profuturam. Sed extractus rumoribus falsis, quos conspirati, ut eum in publicum elicerent, de industria dissipant, paucis temere affirmantibus transactum negotium, oppressos qui tumultuarentur, advenire frequentes ceteros gratulabundos, et in omne obsequium paratos; his ut occurreret, prodiit tanta fiducia, ut militi cuidam, occisum a se Othonem gloriantì, *Quo auctore?* responderit, atque in forum usque processit. Ibi equites, quibus mandata

Avolasse] Recepi in contextum, pro vulgato *evolasse*; etli improbatur illam lectionem Burmannus. Nam primo est in optimo Memniano, Cuiac, Lyser. et Voss., qui sunt satis idonei auctores: deinde res postulat: nam pulli e cavea emittuntur data opera, ad pa-

iscendum; et quo celerius exeant, hoc melius est auspicium. Itaque in evolando nullum est portentum, si modo non avolant. Portentum fuit, quod, quum pascere deberent pulli, avolarent. ERN. . H. e. *ausugerent*. Alterum est, *in altum volarent*. Ut *avehi* et *evahi* etc.

caedes erat, quum per publicum dimota paganorum turba equos adegissent, viso procul eo, parumper resisterunt: deinde rursus incitati, desertum a suis contrucidarunt.

Sunt, qui tradant, ad primum tumultum 20 proclamasse eum, *Quid agitis, commilitones? ego vester sum, et vos mei*: donativum etiam pollicitum. Plures autem prodiderunt, obtulisse ultro iugulum: et, *ut hoc agerent, ac ferirent, quando ista videretur*, hortatum. Illud mirum admodum fuerit, neque praesentium quemquam opem Imperatori ferre conatum: et omnes, qui arcesserentur, sprevisse nuntium, excepta Germanicianorum vexillatione. Hi, ob recens meritum, quod se aegros et invalidos magno opere fovisset, in auxilium advolaverunt: sed serius, itinere devio per ignorantiam locorum retardati. Iugulatus est ad lacum Curtii, ac relictus ita, ut erat, donec gregarius miles a frumentatione rediens, abiecto onere caput ei amputavit: et, quoniam capillo prae calvitie arripere non poterat, in gremium abdidit; mox, inserto per os pollice, ad Othonem detulit. Ille lixis calonibus-

Cap. 19. *Per publicum*] Dundas legendum censebat; *Publicum*, intelligebatque *vicum*. Vide Drakenborchium ad Liv. 27, 37. Sed et ipse hic locus, et multo magis Plutarchus, docent, in medio foro Equites fuisse, ubi non fuit vicus Publicius. Qui plura desideret, adeat Oudendorpium ad h. l. ERN.

Cap. 20. *Ac ferirent*] Pro

glossa τοῦ *agerent*, habent Lippius et Torrentius. Sane et Plutarchus, Ἀφ᾽ ἑτῆς, εἰ τοῦτο τῷ δήμῳ Ῥωμαίων ἀμεινόν ἐστι. Sed tamen et Tacitus Hist. 1, 41. *agerent ac ferirent*. ERN.

Quoniam capillo prae calvitie arripere non poterat] Oudendorpio non placet *capillo*: mihi *prae calvitie*. Alterutrum videtur esse spurium. ERN.

que donavit, qui hasta suffixum, non sine ludibrio circum castra portarunt, acclamantes identidem, *Galba, cupide fruaris aetate tua*: maxime irritati ad talem iocorum petulantiam, quod ante paucos dies exierat in vulgus, laudanti cuidam formam suam, ut adhuc floridam et vegetam, respondisse eum: "Ετι μοι μένος ἔμπεδόν ἐστιν. Ab his Patrobii Neroniani libertus, centum aureis redemptum, eo loco, ubi iussu Galbae animadversum in patronum suum fuerat, abiecit. Sero tandem dispensator Argius, et hoc, et ceterum truncum in privatis eius hortis Aureliae viae sepulturae dedit.

21 Statura fuit iusta, capite praecalvo, oculis caeruleis, adunco naso, manibus pedibusque articulari morbo distortissimis: ut neque calceum perpeti, nec libellos evolvere, aut tenere omnino valeret. Excreverat etiam in dexteriore latere eius caro, praependebatque adeo, ut aegre fascia subsiringeretur.

Cupide fruaris aetate tua] Codd. Memm. et Copel. *Cupido*; quod probant Turnebus et Casaubonus, ut referatur ad iactationem formae. Burmannus autem *cupide* defendit et ad libidinem refert. Mihi illud argutius videtur: hoc frigidius suspectumque. ERN. An igitur prorsus delendum? Quis crediderit? Mihi quidem placet *Cupido*, i. e. deus amoris, et frigiditas argutias iocorum lizis ignoscendas puto. De *aetate* vide Gesnerum ad Cic. Har. respons. p. 386., ubi hoc et similibus locis uti debbat

Rossius ad turpem significationem tuendam.

In patronum suum] Suum reperi etiam in Ml. Lyser., et Latinitate postulante recepi: nam et Cicero in tali contextu semper addit. Recepit et Oudendorpius. ERN.

Hortis Aureliae viae] Torrensius coniecit *Aurelia via*. Placet Oudendorpio et mihi, ut vitetur frequentia eiusdem terminationis. ERN. Haec non est iusta causa mutandi.

Cap. 21. *In dexteriore latere eius]* A glossatore esse puto *eius*. Mox magis placet

Cibi plurimi traditur, quem tempore hi- 22
berno etiam ante lucem capere consue-
rat: inter coenam vero usque eo abundantis, ut con-
gelias super manus reliquias circumferri iube-
ret, spargique ad pedes stantibus: libidinis in
mares pronioris, et eos non nisi praeduros,
exoletosque. Ferebant, in Hispania Icelum e
veteribus concubinis, de Neronis exitu nuntian-
tem, non modo artificissimis osculis palam exce-
ptum ab eo, sed, ut sine mora velleretur, ora-
tum, atque seductum.

Periit tertio et septuagesimo aetatis anno, 23
imperii mense septimo. Senatus, ut primum
licitum fuit, statuam ei decreverat, rostratae
columnae superstantem in parte fori, qua tru-
cidatus est. Sed decretum Vespasianus abole-
vit, percussores sibi ex Hispania in Iudaeam
summisisse opinatus.

vetus lectio *propendebat*, quam
et Oudendorpius non damnat.
ERN.

Cap. 22. *Usque eo abun-*
dantem] Mss. plerique habent
abundanti; unde recte faciunt
Viri docti *abundantis*, ut ad
cibi referatur. Recepi. Item
ante *consuevit* pro *consueve-*
rat, e libris. ERN. Hunc lo-
cum non intelligo, nec lectio
certa esse videtur in verbis,
abund. — *iuberet*; ne *abun-*
dantis quidem, etsi non dis-
plicet ea correctio. Nam non-
nulli Mss. habent *abundans*,

et mox omnes *pronior*: quod
posterius mutari non debet,
si *libidini* vel *libidinibus* le-
gas. Quae a Viris doctis huc
nuper allatae sunt coniecturae
vel interpretationes, earum nul-
la est, quam satis probare pos-
sum, et lucem a felicioribus in-
geniis exspecto.

Libidinis in mares pronio-
ris] Non animadversum est,
hoc cohaerere cum antecedente.
Scripsi ante *libidinis* colon, et
pronioris: nam refertur ad *ci-*
bi plurimi. *Libidinis pronior*
nihil est. ERN.

S U E T O N I I
L I B E R S E P T I M U S .

M. S A L V I U S O T H O .

1 M*ai*ores Othonis orti sunt oppido Ferentino, familia vetere et honorata, atque ex principibus Etruriae. Avus M. Salvius Otho, patre Equite Romano, matre humili, incertum an ingenua, per gratiam Liviae Augustae, in cuius domo creverat, Senator est factus, nec praeturae gradum excessit. Pater L. Otho, materno genere praeclaro, multarum et magnarum propinquitatum, tam carus, tamque non absimilis facie Tiberio principi fuit, ut plerique procreatum ex eo crederent. Urbanos honores, proconsulatum Africae, et extraordinaria imperia, severissime administravit. Ausus etiam est in Illyrico milites quosdam, quod motu Camilli ex poenitentia praepositos suos, quasi defectionis adversus Claudium auctores, occiderant, capite punire, et quidem ante principia, se coram: quamvis ob id ipsum promotos in ampliorem gradum a Claudio sciret. Quo facto, sicut gloriam auxit, ita gratiam minuit: quam

Cap. 1. *Multarum -- propinquitatum*] Plures codd. habent *multarumque* et *propinquitatum*, eaque vulgatis

recte praetulit Oudend. Omni-
no has formas genitivorum
per saepe obliiterarunt indocti
librarii.

tamen mature recuperavit, detecta Equitis Romani fraude, quem prodentibus servis necem Claudio parare compererat. Namque et Senatus honore rarissimo, statua in Palatio posita, prosecutus est eum: et Claudius allec- tum inter patricios collaudans amplissimis verbis, hoc quoque adiecit: *Vir, quo meliores liberos habere, ne opto quidem.* Ex Albia Terentia splendida femina duos tulit filios, L. Titianum, et minorem Marcum cognominem sibi. Tulit et filiam, quam vixdum nubilem Dru- so, Germanici filio, despondit.

Otho Imperator IV. Kalendas Maii natus est, Camillo Arruntio, Domitio Aëno- barbo, Consulibus. A prima adoles- centia prodigus ac procax, adeo ut saepe flagris obiurgaretur a patre; ferebatur et vagari noctibus solitus, atque invalidum quemque obvio- rum, vel potulentum corripere, ac distento sago impositum in sublime iactare. Post patris deinde mortem, libertinam aulicam gratiosam, quo efficiacius coleret, etiam diligere simulavit, quamvis anum ac paene decrepitam. Per hanc

Splendida femina] Sic etiam, praeter codd. Casaubo- no et Burmanno laudatos, Mf. Lyser. ERN. Olim vulg. *splendidissima*.

Vixdum] Sic in codd. re- perit Casaubonus. Sic Memm., Copef., Hulf., Lyser. Non du- bitavimus ergo recipere, pro vulgato *nondum*. Imitatus est Oudendorpius. ERN.

Cap. 2. *Camillo Arruntio*] De Arruntio dubitant Viri do-

eti, quod *Camilli* cognomen proditur ab alijs *Scritboniani*. Norisius Epist. Conf. p. 864. (T. II. Opp.) putat etiam *Ar- runtium* dictum cognomine, quod ab illis temporibus non alienum, quibus plura co- gnomina habere usitatissimum fuit. ERN. Bene docuerunt Inpp., errorem istum esse Scri- ptoris, notandum, non cor- rigendum. Annaum U. dicit 785.

insinuatus Neroni, facile summum inter amicos locum tenuit congruentia morum; ut vero quidam tradunt, et consuetudine mutui stupri: ac tantum potentia valuit, ut damnatum repetundis consularem virum, ingens praemium pactus, prius quam plane restitutionem ei impetrasset, non dubitaret in Senatum ad agendas gratias introducere.

3 Omnium autem consiliorum secretorumque particeps, die, quem necandae matri Nero destinaverat, ad avertendas suspiciones coenam utrique exquisitissimae comitatis dedit. Item Poppaeam Sabiam, tunc adhuc amicam eius, abductam marito, demandatamque interim sibi, nuptiarum specie recepit. Nec corrupisse contentus, adeo dilexit, ut ne rivalem quidem Neronem aequo tulerit animo. Creditur certe, non modo missos ad arcessendam non recepisse sed ipsum etiam exclusisse quondam pro foribus adstantem, miscentemque frustra minas et preces, ac depositum reposcentem. Quare deducto matrimonio, sepositus est per causam legationis in Lusitaniam. Id satis visum, ne poena acrior minum omnem divulgaret; qui tamen sic quoque hoc disichio enotuit:

Cur Otho mentito sit, quaeritis, exul honore?

Uxoris moechus coeperat esse suae,

Provinciam administravit quaestorius per de-

Damnatum repetundis] Suspecta nonnullis visa est haec constructio, ut I. G. Vossio de Construct. c. 26., quum analogia se tueatur satis bona. Mox recte Salmas. dubitarit.

Cap. 3. *Sepositus]* Verbum

apud Suetonium alias est de exulibus, Aug. c. 65. Tib. c. 15. ERN.

Mentito — honore] Intell. ficto legati. Illustrat Burmannus Sec. Anthol. T. I. p. 236. ERN.

cem annos, moderatione atque abstinence singulari.

Ut tandem occasio ultionis data est, conatibus Galbae primus accessit: eodemque momento et ipse spem imperii cepit, magnam quidem et ex conditione temporum, sed aliquanto maiorem ex affirmatione Seleuci mathematici. Qui quum cum olim superstitem Neroni fore spopondisset, tunc ultro inopinatus advenerat, imperaturum quoque brevi repromittens. Nullo igitur officii aut ambitionis in quemquam genere omisso, quoties coena principem acciperet, aureos excubanti cohorti viritim dividebat: nec eo minus alium alia via militem demerebatur. Cuidam etiam de parte finium cum vicino litiganti, adhibitus arbiter, totum agrum redemit emancipavitque: ut iam vix ullus esset, qui non et sentiret et praedicaret, solum successione imperii dignum.

Speraverat autem fore, ut adoptaretur a Galba: idque in dies expectabat. Sed postquam, Pisone praelato, ipse decidit, ad vim conversus est: instigante super animi dolorem etiam magnitudine aeris alieni. Neque enim dissimulabat, *nisi principem, se siare non*

Cap. 4. Seleuci] Plutarchus et Tacitus *Ptolemaeum* vocant. Ab iis, qui eiusdem hominis diversa nomina putant, recte dissentit Burmannus, plus tamen Suetonio tribuens, quam illis. ERN. Fortasse, quod Suetonium tum quum maxime edebat. Nam maior est illorum auctoritas.

Nec eo minus] Arridet le-

ctio cod. Guic. *nec minus*. ERN.

Emancipavitque] Guietus et Torrentius malebant, *eique mancipavit*. Non est necesse. Per se intelligitur, redemptio- nem in eius gratiam factam, adeoque et ei mancipatum agrum. ERN.

Cap. 5. *Nisi principem, se siare non posse*] Recte Brouk-

posse; nihilque referre, ab hoste in acie, an in foro sub creditoribus caderet. Ante paucos dies servo Caesaris pro impetrata dispensatione decies sestertiū expresserat. Hoc subsidium tanti coepti fuit. Ac primo quinque speculatoribus commissa est res, deinde decem aliis, quos singuli binos produxerant: omnibus dena sestertia repraesentata, et quinquagena promissa. Per hos sollicitati reliqui, nec adeo multi; haud dubia fiducia, in ipso negotio plures affuturos.

- 6 Tulerat animus, post adoptionem statim castra occupare, coenautemque in Palatio Galbam aggredi: sed obstitit respectus cohortis, quae tunc excubabat, ne oneraretur invidia, quod eiusdem statione et Caius fuerat occisus, et desertus Nero. Medium quoque tempus religio et Seleucus exemit. Ergo destinata die, praemonitis consciiis, ut se in foro sub aede Saturni ad milliarium aureum opperirentur, mane Galbam salutavit; utque consuerat, osculo exceptus, etiam sacrificanti interfuit, audivitque

hufius comparavit illud Cic. in Pison. c. 6. *sine provincia stare non posse.* Similis est locus alter pro Flacco c. 6. *qui domi stare non poterant* etc. ERN.

Cap. 6. *Statione*] Intell. excubiis, dum ipsa excubias ageret. Vide ad Ner. c. 46. Alias de ipsis militibus dicitur. ENN.

Medium tempus religio etc.] *Medium tempus* est sex dierum, quod inter adoptionis Pisonianae et interfecti Galbae tempus effluxit. *Religionem* in-

tellige ex Ner. c. 8. *Inter horam sextam septimamque processit ad excubitores: quum ob totius diei diritatem non aliud auspicandi tempus accommodatius videretur.* Eius religionis monitor et interpret Seleucus. *Tempus* denique *eximi* antiqua Latinitate dicitur, quo agi res proposita non potest. Sic saepe Cicero, Livius. ENN.

Sacrificanti interfuit] Merito dubitat de hac forma loquendi Burmannus. Suspicio, a

praedicta haruspiciis. Deinde liberto adesse architectos nuntiante, quod signum convenerat, quasi venalem domum inspecturus abscessit: proripuitque se postica parte Palatii ad constitutum. Alii sebre simulasse aiunt, eamque exultationem proximis mandasse, si quaereretur. Tunc abditus propere muliebri sella, in castra contendit: ac deficientibus lecticariis, quum descendisset, cursumque cepisset, laxato calceo resistit, donec, omissa mora succollatus, et a praesente comitatu Imperator consalutatus, inter faustas acclamationes strictosque gladios ad principia devenit; obvio quoque non aliter, ac si conscius et particeps foret, adhaerente. Ibi missis, qui Galbam et Pisonem trucidarent, ad conciliandos pollicitationibus militum animos nihil magis pro concione testatus est, quam *idem se habiturum, quod sibi ipsi reliquissent.*

Deinde vergente iam die ingressus Sena- 7.

Suetonio esse *superfuit*, quod dicitur pro affuit. Vide ad Aug. c. 56. Gellium Noct. Att. 2, 22. Id verbum imperitus librarius mutavit in *interfuit*. Oudendorpius obiicit, id in bonam partem dici. Bene, et sic h. l. est: nam per speciem officii aderat. ERN. *Superfuit* propter notam significationem huius verbi durius esset vulgato; quod bene sic interpretantur, *inter alios affuit*. Certe non nimis offendere debet, quod *interesse* alias dicitur *rebus*, non *hominibus*. Dativus in hoc genere quasi ca-

sus commodi est, nec proprie pendet a verbo: ut dicitur *operam dare* alicuius *sermoni*, et *narranti alicui*. Sed prior est similitudo duplicis regiminis in verbo *intervenire*.

Quod sibi ipsi reliquissent] *Ipsi*, quod praeter codd. Burmanno laudatos etiam Lyser. habet, editionesque omnes veteres, praeter Basileensem, recepi, Latinitate etiam postulante *ipsi*, non *illi*. Itaque miror, Burmannum non recepisse. Sed ille in hoc genere paullo inconstantior erat. Contra male Mf. Lyser. in Vi-

tum, positaque brevi ratione, quasi raptus de publico, et suscipere imperium vi coactus, geliusque communi omnium arbitrio, Palatium petit. Ac super ceteras gratulantium adulantiumque blanditias, ab infima plebe appellatus NERO, nullum indicium recusantis dedit: immo, ut quidam tradiderunt, etiam diplomatis primisque epistolis suis ad quosdam provinciarum Praefides, Neronis cognomen adiecit. Certe et imagines statuasque eius reponi passus est, et procuratores atque liberos ad eadem officia revocavit. Nec quidquam prius pro potestate subscripsit, quam quingenties ses-

tell. c. 15. extr. pro *ipsum esse concordiam* habet illum. Recepit et Oudendorp. ERN.

Cap. 7. *Positaque brevi*] Hic quoque Burmannus reliquit *ratione*, quum *oratione* Memmianus pluresque alii codd. omnesque vett. edd. usque ad Basileensem habeant. Sic etiam Lyser. Turbavit Viros doctos rarus loquendi modus, quum *ponere rationem* facilius concoquatur; quamquam et huius formae exempla desiderat Burmannus. Arbitror, Suetonium in mente habuisse loca Ciceronis, ubi *ponere* dicitur de dicente, proferente, commemorante aliquid, quae loca vide in Clave Ciceronis, e quibus etiam planissime defendi potest *ponere rationem*, pro asserre. Atque non nego, *ponere rationem* mihi per se magis placere, quam *ponere orationem*.

Sed codd. et edd. vett. audient. Maxime autem haec forma loquendi illustrari potest loco Asinii Pollionis, epistola ad Ciceronem inter Epp. ad Div. 10, 32. *Ludis, praetextam de suo itinere ad L. Lentulum Proconsulem sollicitandum posuit*; ubi *praetexta* est fabula praetextata. Si Latine dici potest *fabulam ponere* pro edere, agendam dare, cur non etiam *orationem ponere*, pro orationem habere? ERN. Mirum est, etiam Perizonio hoc placere potuisse. *Ponitur littera* in scribendo, *quaestio* in disputando; nusquam *oratio*. Si *posita* displiceat, simplex verbum pro composito, praeferam potius hoc ipsum *proposita*, quod proprium est hac in re. Conf. Cal. c. 16. pr.

Pro potestate subscripsit] Ut

tertiū ad peragendam auream domum. Dicitur ea nocte per quietem pavefactus gemitus maximos edidisse: repertusque a concursantibus humi ante lectum iacens, per omnia piaculorum genera manes Galbae, a quo deturbari expellique se viderat, propitiare tentasse: postmodum quoque in augurando tempestate orta graviter prolapsū, identidem obmurmurasse:

Τί γάρ μοι καὶ μακροῖς αὐλοῖς.

Sub idem vero tempus Germaniciani exercitus in Vitellii verba iurabant. Quod ut comperit, auctor Senatui fuit mittendae legationis, quae doceret, electum iam principem, quietem et concordiam suaderet. Et tamen per internuntios ac litteras, consortem imperii, generumque se Vitellio obtulit. Verum haud dubio bello, iamque ducibus et copiis, quas Vi-

Imperator, pro imperio iussit s. concessit erogari. *Subscribere* est verbum pecuniarium, quod de erogationibus dicitur, quae per subscriptionem probantur rataeque fiunt. Vide de hoc verbi huius sensu Gronovium in Mantissa pec. vet. p. 452. 453. ERN.

Peragendam] Mf. Lyser. et ed. Rom. *peragendum*. Sic nonnulli Galba c. 18. *ad ornandum fortunam suam*. Nec dubium est hodie, sic dixisse veteres. ERN.

Prolapsū] Sic omnes fere codd. et edd. Et potest defendi: partim, quod *dicitur* etiam cum accusativo apud optimos

scriptores, nominatim Livium, non raro reperitur; partim, quia nonnumquam optimi scriptores, negligentia quadam, constructione diversa in eadem periodo utuntur, ut docuere, quos laudat Burmannus, alique. ERN. Ea negligentia prope cessit in morem et regulam. Par exemplum infra c. 12. *Fuisse traditur — consuetum*.

Μακροῖς αὐλοῖς] H. e. re viribus meis maiore. Ductum e loco Sophoclis, quem multi paululum mutatum et ad consilium suum accommodatum usurparunt. Vide Intpp. ad Longinum sect. 5. ERN.

Cap. 8. *Iamque*] Sic e plu-

tellius praemiserat, appropinquantibus, animum fidemque praetorianorum erga se paene internecione amplissimi ordinis expertus est. Et placuerat per classarios arma transferri, remittique navibus. Ea quum in castris sub noctem promerentur, insidias quidam suspicati, tumultum excitaverunt: ac repente omnes, nullo certo duce, in Palatium cucurrerunt, caedem Senatus flagitantes; repulsisque tribunorum, qui inhibere tentabant, nonnullis et occisis,

sibus codd. et edd. vett. quibusdam Burmannus. Sic etiam Lyser. ERN.

Placuerat per etc.] Valde se torserunt in h. l. Interpretes, imprimisque Burmannus. Estimavi aliquando, rem intelligendam e loco in Galba c. 12. sic: Nero classarios quosdam iustos milites fecerat, ut Legionem conficerent, haberentque aquilam; eos ad pristinum statum redegerat, adeoque arma ademerat, Galba. Otho reddere decreverat classariis arma et iustam militiam, et remittere arma navibus Ostiam. Atque hinc necessariam putabam emendationem Glareani, sed alia de causa, ad classarios. Ita omnia plana putabam. Atque militiam iustam iis classariis restitutam, auctor etiam Tacitus Hist. 1, 87. Reliquos caesorum ad pontem Milvium et sacvicia Galbae in custodia habitos, in numeros legionis composuerat:

facta et ceteris (classariis) spe honoratioris in posterum militiae. Sed tempora non consentiunt: nam illam iustae militiae restitutionem ante factam esse, certum est, quam res, de qua hic sermo est, fieret. Ergo magis placet, locum sic capere. Otho decreverat, classe imprimis uti adversus Vitellium, quae valida esset, et partibus suis fida, iis, quibus ante diximus, caussis. Ei classi additae urbanae cohortes, et plerique e praetorianis militibus, auctore Tacito l. c. Ergo arma erant ex armamentario in naves, quae Ostiae starent, transferenda. In eo uti placuerat opera classariorum. Pro remitti aut cum Burmanno legam praemitti, aut intelligam mitti. Vide ad Aug. c. 78. Ceterum haec explicatio non consentit iis, quae Tacitus l. c. c. 80. de hoc tumultu tradit. Sed non quaeritur, quid Taciti narratio desideret, sed

sicut erant cruenti, ubinam Imperator esset, requirentes, perruperunt in triclinium usque, nec nisi viso destiterunt. Expeditionem autem impigre atque etiam praepropere inchoavit: nulla, ne religionum quidem, cura, sed et motis necdum conditis ancilibus, quod antiquitus infaustum habetur; et die, quo cultores deum matris lamentari et plangere incipiunt; praeterea adversissimis auspiciis. Nam et victima Diti patri caesa litavit; quum tali sacrificio contraria exta potiora sint. Et primo egressu inundationibus Tiberis retardatus, ad vicesimum etiam lapidem ruina aedificiorum praecusam viam offendit.

Simili temeritate, quamvis dubium nemi- 9
ni esset, quin trahi bellum oporteret, quando et fame et angustiis locorum urgeretur hostis, quam primum tamen decertare statuit: sive impatiens longioris sollicitudinis, speransque, ante Vitellii adventum profligari plurimum posse: sive impar militum ardori, pugnam deposcen-

quid Latinitas et res. Tacitus quidem etiam in aliud tempus rem ponit, neque in aliis semper cum Suetonio consentit: sed vix hic aliquid certi est. ERM. Oudendorpius hic erat audiendus, qui coni. *demittique*, sc. *secundo fluvio de- vchi Ostiam*; reliqua defendit merito, et fictum iudicat dis- sensum Suetonii cum Tacito et Plutarcho.

Habetur] Sic rescriptimus e Memmiano, Exc. Cuiac. et Pa- latino, pro vulgato *haberetur*.

Nam primo nihil est, unde im- perfectum coniunctivi pendeat: deinde in sequentibus etiam est praesens, *et die, quo — — inci- piunt*; item mox, *litavit, quum — — sint*. Non igitur videmus, quare non sequamur illos codd., quum Burmannus mox Memm. et Cuiac. auctoritate, recte qui- dem, receperit *victima caesa*, pro vulgato *victimae caesas*. Dicitur autem illud *habetur*, ut cetera, e persona Suetonii, et supra simile quid Claud. c. 34, ubi vide. ERM.

tium. Nec ulli pugnae affuit, substititque Bri-xelli. Et tribus quidem, verum mediocribus proeliis, apud Alpes, circaque Placentiam, et ad Castoris, quod loco nomen est, vicit: novissimo maximoque apud Betriacum fraude superatus est; quum ipse colloquii facta, quasi ad conditionem pacis militibus eductis, ex improviso, atque in ipsa consalutatione, dimicandum fuisset. Ac statim moriendi impetum cepit: ut multi, nec frustra, opinantur, magis pudore, ne tanto rerum hominumque periculo dominationem sibi asserere perseveraret, quam desperatione ulla, aut dissidentia copiarum: quippe residuis integrisque etiam nunc, quas secum ad secundos casus detinuerat, et supervenientibus aliis e Dalmatia, Pannoniaque et Moesia: ne victis quidem adeo afflictis, ut non in ultionem ignominiae quidvis discriminis ultro, et vel solae subirent.

Cap. 9. *Nec ulli*] Recte hoc e Memm. recepit Graevius, quod etiam Lyser., Voss. et Exc. Cuiac. habent, maleque repudiavit Burmannus, servata vulgari lectione *illi*, quod verbum nihil habet, ad quod referatur. *Ulli pugnae* intellige ex quatuor illis, quae mox commissae sunt. ERN. Rectissime. Contra male Ursinus ex cod. suo affert *ille*, cui pronomini hic non erat aptus locus.

Quasi ad conditionem pacis militibus eductis] Burmannus haeret sine causa in verbo

eductis, et legere tentat *reductis*. Sed quae loquendi ratio foret haec, *milites reducere in castra ad conditionem pacis*? Milites educti illi quidem erant castris, sed non in aciem collocati, nec pugnam cogitantes. Etenim rumor erat, exercitum a Vitellio defecisse. Itaque omisso ardore pugnae ultro salutavere Vitellianos. Vide Tac. Hist. 1, 42. ERN.

Consalutatione] Graevio placet *consultatione*, quod Memm. alique codd. habent: nec repugnem magnopere. Sed ceterorum nemo *consultatio-*

Interfuit huic bello pater meus Suetonius 10
 Lenis, tertiae decimae legionis tribunus angu-
 sticlavius. Is mox referre crebro solebat, Otho-
 nem etiam privatum usque adeo detestatum ci-
 vilia arma, ut, memorante quodam inter epu-
 las de Cassii Brutique exitu, cohorrerit: nec
 concursurum cum Galba fuisse, nisi consideret
 sine bello rem transigi posse: tunc ad despi-
 ciendam vitam exemplo manipularis militis con-
 citatum, qui, quum cladem exercitus nuntiaret,
 nec cuiquam fidem faceret, ac nunc mendacis,
 nunc timoris, quasi fugisset ex acie, arguere-
 tur, gladio ante pedes eius incubuerit. Hoc vi-
 so, proclamasse eum, aiebat, *non amplius*
se in periculum tales tamque bene meritas

nts, omnes *salutationis* men-
 tionem faciunt. Plane sic, ut
 h. l. de consalutatione est apud
 Livium 7, 42. ERN. Conf.
 Tac. Ann. 15, 16. Certum vi-
 detur, hic optimos codd. vi-
 tiosos esse.

Cap. 10. *Angusticlavius*]
 Tribunatus erat tum militia
 equestris, ut Suetonius docet
 ipse in Aug. c. 33. Sed inter-
 dum etiam non Equites ad
 hunc gradum fortitudine vene-
 re, et propterea in Equitum nu-
 merum relati, ut hic Suetonius
 Lenis. Sed hi usi sunt veteri
 Equitum insigni, angusto cla-
 vo, quum ii, qui clara eque-
 stri gente essent, *illustres* dice-
 rentur, uterenturque lato cla-
 vo. ERN.

Concursurum cum Galba]

Ita omnes codd. et eidd. Est
 autem certamen cum Galba de
 imperio suscepturum. Nam ut
certare et pugnare dicuntur
 ii, qui vel idem petunt, ut
 magistratum etc., vel quorum
 alter alteri aliquid eripere co-
 nat, quod alter defendit,
 etiamsi nullum bellum interce-
 dit: sic etiam *concurrere* eo-
 dem sensu dici posse; non est
 dubitandum, etiamsi exempla
 minus obvia sunt. Quod Bur-
 mannus e Senecae Consol. ad
 Helviam c. 2. laudavit *concur-
 rere cum dolore*, non satis
 convenit. Nam dicitur ibi alia
 usitatio metaphora; potuisset-
 que etiam dicere *confligere*,
 et alia bellantibus propria ver-
 ba, quae hic locum non habe-
 rent, adhibere. ERN.

coniecturum. Fratrem igitur, fratrisque filium, et singulos amicorum cohortatus, ut sibi quisque pro facultate consularet, ab amplexu et osculo suo dimisit omnes, secretoque capto, binos codicillos exaravit, ad sororem consolatorios; sed et ad Messalinam Neronis, quam matrimonio destinarat, commendans reliquias suas et memoriam. Quidquid deinde epistolarum erat, ne cui periculo aut noxae apud victorem forent, concremavit. Divisit et pecunias domesticis ex copia praesenti.

Fratrem.] Solius fratris filii mentionem faciunt Plutarchus et Tacitus. ERN.

Secretoque capto.] Capto e codice optimo Memmiano et Exc. Cuiac. rescripsimus, quod etiam Latinitas postulat. *Captare secretum* est, occasionem solitudinis speculari, ut forte oblata utare. Id alienum est ab hoc loco: nam in principis potestate est, secretum agere, ubi libeat. Non opus erat ergo Othoni, captare secretum: neque temporis angustiae hoc patiebantur, quum statim mori vellet; statimque secretum ab eo actum esse, totus contextus docet. Tacitus Hist. 2, 49. *dimotis omnibus.* Sic Domit. c. 3. Domitianus dicitur *quotidie secretum horarium sumsisse.* Ac Plinius quidem in Panegy. c. 48, dicit, Domitianum tenebras semper secretumque captasse. Sed id aliter dictum est, nec huic lo-

co simile, estque, omni tempore et loco fugere homines, et quaerere solitudinem. Recepit et Oudendorpius. ERN.

Exaravit ad s. consolatorios. Sed et ad M.] Totus hic locus nondum satis est constitutus, laboratque partim interpunctione, partim lectione reliqua. Primo, post *consolatorios* male est punctum: etenim non binos scripsit codicillos ad sororem, sed unos, alteros autem ad Messalinam. Codicilli ad sororem habebant consolationem, ad Messalinam commendationem reliquiarum suarum et memoriae. Porro et abest a Memmiano, Harle-
menfi, plurimisque add. Itaque locus sic legendus: *binos codicillos exaravit: ad sororem consolatorios, sed ad Messalinam Neronis — — commendans reliquias suas et memoriam.* Possis etiam coniicere *commendantes*, ut re-

Atque ita paratus, intentusque iam morti, 11
tumultu inter moras exorto, ut eos, qui disce-
dere et abire coeptabant, corripere quasi deser-
tores, detinerique sensit: *Adiciamus*, inquit,
vitae et hanc noctem, his ipsis totidemque
verbis, vetuitque vim cuiquam fieri: et in se-
rum usque patente cubiculo, si quis adire vel-
let, potestatem sui praebuit. Post hoc, sedata
siti gelidae aquae potione, arripuit duos pu-
giones, et explorata utriusque acie, quum al-
terum pulvino subdidisset, foribus adopertis ar-
tissimo somno quievit. Et circa lucem demum
expergefactus, uno se traiecit ictu infra laevam
papillam: irrumpentibusque ad primum gemitum,
modo celans, modo detegens plagam,
exanimatus est, et celeriter (nam ita praeceperat)
funeratus, tricesimo et octavo aetatis anno,
et nonagesimo et quinto imperii die.

feratur ad] *codicillos*, et res-
pondeat τῶν *consolatorios*; sed
Suetonius mutavit constructio-
nem propter *reliquias*, ut ele-
gantes scriptores faciunt, et ipse
saepe. Nec repugnem, si quis
pro *sed* malit *et* legere. Ex
et fieri potuit *sed* propter fina-
lem antecedentis verbi, quod
saepe factum esse, satis con-
stat. Vide Lipsium ad Vespas.
c. 2. Ita placebat Torrentio.
ERN.

Cap. 11. *Coeptabant*] Non-
nulli codices habent *capta-*
bant; quam lectionem sensus
non fert: nam si tantum *ca-*
ptabant abiturum, nondum po-
terant ut desertores corripere.

Forte melius sit *coeptarant*;
sed non necesse est. ERN.

Adopertis] Haec est lectio
optimorum codicum. Neque
Burmannus, qui *adapertis* re-
cepit, codices laudavit, sed
tantum editiones nonnullas.
Sed lectio *adapertis* ita mani-
feste vitiosa est, ut non possim
satis mirari, quomodo cuiquam
placere potuerit. Consideret
modo; quis contextum. Vetuit
Otho, vim cuiquam facere, et
in serum usque, *patente cu-*
biculo, sui adeundi potestatem
fecit. *Posthaec*, quid facit?
pugionem tentatum pulvino
subiicit. Quid amplius? *fores*
cubiculi aperit? atqui pate-

12 Tanto Othonis animo nequaquam corpus aut habitus competiit. Fuisse enim traditur et modicae staturae, et male pedatus scambusque: munditiarum vero paene muliebrum, vulso corpore, galericulo capiti propter raritatem capillorum adaptato et annexo, ut nemo dignosceret: quin et faciem quotidie rasitare, ac pane madido linere consuetum: idque instituisse a prima lanugine, ne barbatus unquam esset: sacra etiam Iſidis saepe in lintea religiosaque veste propalam celebrasse. Per quae factum putem, ut mors eius, minime congruens vitae, maiori miraculo fuerit. Multi praesentium militum cum plurimo fletu manus ac pedes iacentis exosculati, *fortissimum virum, unicum Imperatorem*, praedicantes, ibidem statim nec procul a rogo vim suae vitae attulerunt. Multi et absentium, accepto nuntio, praedolore armis inter se ad internecionem concurrerunt. Denique magna pars hominum, incolumem gravissime detestata, mortuum laudibus tulit: ut vulgo iactatum sit etiam, *Galbam ab eo, non tam dominandi, quam reipublicae ac libertatis restituendae causa interemptum.*

bant. Non certe addidisset hoc Suetonius, si per totam noctem paruissent fores. Ergo clausit potius fores. Qui talia meditantur, obserant etiam, ne intervenire quis possit. Itaque

etiam *irrupunt* ad primum gemitum; quod est vim foribus afferentium. Qui locum Plutarchi huc pertinentem legent, multo magis videbunt, *adopertis* verum esse. ERN.

S U E T O N I I
L I B E R S E P T I M U S .

A . V I T E L L I U S .

Vitelliorum originem alii aliam, et quidem diversissimam, tradunt; partim veterem et nobilem, partim vero novam et obscuram atque etiam sordidam: quod ego per adulatorem obtrectatoresque Imperatoris Vitellii evenisse opinarer, nisi aliquanto prius de familiae conditione variatum esset. Exstat Q. Eulogii ad Q. Vitellium, divi Augusti Quaestorem, libellus, quo continetur, Vitellios Fauno, Aboriginum rege, et Vitellia, quae multis locis pro numine colebatur, ortos, toto Latio imperasse. Horum residuam stirpem ex Sabinis transisse Romam, atque inter patricios allectam: indicia stirpis diu mansisse, viam Vitelliam ab Ianiculo ad mare usque; item coloniam eiusdem nominis, quam gentili copia adversus Aequiculos tutandam olim depoposcissent: tempore deinde Samnitici belli praesidio in Apuliam misso, quosdam ex Vi-

Cap. i. *Exstat Q. Eulogii*] Mss. et edd. vet. omnes *Exstatque Eulogii*. Lectio iam recepta est a Casanboni coniectura. ERR. Eaue satis bo-

na est, copula autem ab h. l. aliena.

Toto Latio imperasse] Mf. Lyser. et quidam alii *imperi-*
tasse. Non displicet. ERR.

telliis subfedisſe Nuceriae; eorumque progeniem longo poſt intervallo repetiſſe Urbem atque ordinem ſenatorium.

- 2 Contra, plures auctorem generis libertinum prodiderunt. Caſſius Severus, nec minus alii, eundem et ſutorem veteramentarium: cuius filius ſectionibus et cognituris uberius compendium nactus, ex muliere vulgari, Antiochi cuiusdam furnariam exercentis filia, Equitem Romanum genuerit. Sed, quod diſcrepat, ſit in medio: ceterum P. Vitellius, domo Nuceria, ſive ille ſtirpis antiquae, ſive pudendis parentibus atque avis, Eques certe Romanus, et rerum Auguſti procurator, quatuor filios ampliffimae dignitatis cognomines, ac tantum praenominibus diſtinctos, reliquit, Aulum, Quintum, Publium, Lucium. Aulus in conſulatu obiit, quem cum Domitio, Neronis

Cap. 2. *Sectionibus et cognituris*] *Cognituris* eſt praemiis delationum, *sectionibus*, redimendis bonis damnatorum, ſub haſta venditis. Haec late demonſtrat Gronovius de pecunia 5. et 4, 3. Lectio Mſſ., ut Lyſer., *conſuturis*, e *futuris* verbo nata eſt. ERN.

Muliere vulgari] Non, humilis loci; id vel patris mentio docet, nec *vulgaris* de hominibus ſic dicitur, quod ſciam: ſed, quaeritum corpore faciente, ut docuere ſatis Torrentius et Goeſius. ERN. Ad prius inclinat Oudendorp. Et in patris quidem nomine adiecta nihil momenti eſt.

Furnariam] Negotiationem intello, cum Caſaubono, non artem, ut Lexica interpretantur; piſtoris filiam dixiſſet Suetonius. Analogia vocis ita accipere iubet. ERN. *Furn. exercere* eſt ex furnis vulgo locandis quaeritum facere, ut moris erat Romae: quod non continuo eſt piſtorem agere.

Rerum Auguſti procurator] Rei ſcilicet privatae. *Procuratores* novi, et *Auguſti procuratores*: rerum *Auguſti* nondum reperi alibi. Vereor, ne rerum ſpurium ſit. ERN.

Quem cum Domitio — inierat] Non, ut ipſe et Domitius una eodemque die, in-

Caesaris patre, inierat: praelautus alioqui, famosusque coenarum magnificentia. QUINTUS caruit ordine, quum auctore Tiberio scerni minus idoneos Senatores removerique placuisset. PUBLIUS, Germanici comes, Cn. Pisonem inimicum et interfectorem eius, accusavit condemnavitque; ac post praeturae honorem inter Seiani confcios arreptus, et in custodiam fratri datus, scalpro librario venas sibi incidit: nec tam mortis poenitentia, quam suorum obtestatione, obligari curarique se passus, in eadem custodia morbo periit. LUCIUS ex consularatu Syriae praepositus, Artabanum, Parthorum regem, summis artibus, non modo ad colloquium suum, sed etiam ad veneranda legionum signa pellexit. Mox cum Claudio princi-

ierint consulatum, quomodo Graevius capit: fallum hoc esse, certum est: sed ut inierit, collega Domitio, qui iam ante consulatum adierat. Solent scriptores Romani annum, quo quis consulatum gessit, per collegam definire, ut satis notum est, in eoque utuntur verbo *cum*; quod semper est *collega hoc*, vel *illo*. ERN.

Praelautus alioqui] Quia multi codd. habent *praelatus*, nonnulli etiam *eloquio*, Burmannus suspicatur, latere in *eloquio* nomen viri, cui praelatus sit, forte *Claudio*, qui sub Tiberio frustra consulatum petierit. Sed primo hoc nimis commune foret: omnes enim praelati Claudio. Deinde non

patitur sequens, *famosusque coenarum magnificentia*. Ceterum *alioqui* durum h. l. mihi que suspectum est, quia in verbo *praelautus* nihil est, quod correctionem habeat, cui illud verbum inservire solet. ERN. Nullus hic locus est suspicioni. *Alioqui* bene refertur ad quotidianae vitae rationem et consuetudinem: plane sic negligenter additum, ut nostrum *sonst*, *übrigens*, *d'ailleurs*.

Condemnavitque] Vide ad Tib. c. 8. ERN.

Arreptus] *Arripere* pro reum facere, dixit etiam Cicero pro Plancio c. 23. ERN. Conf. Caes. c. 23.

Ad veneranda legionum signa] Euseb. Paneg. Con-

pe, duos insuper ordinarios consulatus censuramque gessit. Curam quoque imperii sustinuit, absente eo, expeditione Britannica: vir innocens, et industrius, sed amore Libertinae perinsamis, cuius etiam salivis melle cominixtis, ne clam quidem aut raro, sed quotidie ac palam, arterias et fauces pro remedio fovebat. Idem miri in adulando ingenii, primus C. Caesarem adorare ut deum instituit; quum reversus ex Syria non aliter adire ausus esset, quam capite velato, circumvertensque se, deinde procumbens. Claudium, uxoribus libertisque addictum, ne qua non arte deerneretur, pro maximo munere a Messalina petit, ut sibi pedes praeberet excalciandos: detractumque socculum dextrum inter togam tunicasque gestavit assidue, nonnumquam osculabundus. Narcissi quoque et Pallantis imagines aureas inter Lares coluit. Huius et illa vox est, *Saepe facias*, quum seculares ludos edenti Claudio gratularetur.

stant. c. 15. *ubi vultus vestri, ubi signa colerentur.* Sed res nota. Conf. Calig. c. 14. f.

Nec clam quidem] Ne, quod Copel. et Voss. codex et alii habent, recepitque Iac. Gronovius, rectum est: saepe in hoc peccatum est a librariis. Eux.

Adorare ut deum instituit] Vulg. adorari. Sed adorare unice verum est, quod praeter Memmianum etiam Iyler. et alii apud Oudendorpium habent. Itaque recte recepit Bur-

mannus: etiam Graevius probat. etsi non recipit. Contextus necessario ita legi iubet: non enim ab aliis adorari voluisse dicit, sed ipsum primum adorasse, initium adorandi fecisse. Huc respexit Philo Legat. ad Caium p. 1008. *Ἐνιοι δὲ καὶ τὸ βραβεῖον ἔδος εἰς Ἰταλίαν ἤγαγον, τὴν προσκύνησιν* etc. Conf. Dio lib. 59. p. 661. Recepit et Oudendorpius. Eux.

Circumvertensque se] De hoc ritu adorantium multa ad

Decessit paralyti, altero die quam corre- 3
ptus est, duobus filiis superstitibus, quos ex
Sextilia probatissima nec ignobili femina editos
Consules vidit, et quidem eodem ambos, to-
toque anno, quum maiori minor in sex menses
successisset. Defunctum Senatus publico fune-
re honoravit: idem statua pro rostris cum hac
inscriptione, PIETATIS IMMOBILIS ERGA PRINCIPEM.
Aulus Vitellius L. filius IMP. natus est octavo
Kalendas Octobris, vel, ut quidam, septimo
Idus Septembris, Druso Caesare, Norbano Flac-
co, Consulibus. Genituram eius, praedictam
a mathematicis, ita parentes exhorruerunt, ut
pater magno opere semper contenderit, ne qua
ei provincia vivo se committeretur; mater et
missum ad legiones, et appellatum Imperato-
rem pro afflicto statim lamentata sit. Pueri-
tiam primaque adolescentiam Capreis egit in-
ter Tiberiana scorta, et ipse perpetuo spintriae
cognomine notatus, exilimatusque corporis
gratia initium et causa incrementorum patri
fuisse.

Sequenti quoque aetate omnibus probris 4
contaminatus, praecipuum in aula locum te-
nuit: Caio per aurigandi, Clandio per aleae
studium familiaris. Sed aliquanto Neroni ac-
ceptior, quum propter eadem haec, tum pe-
culiari merito; quod praesidens certamini Ne-

hunc locum Viri docti. Conf.
Liv. 6, 21. extr. et Dori-villium
ad Charitonem p. 362. ERR.

Cap. 3. Norbano Coff.]
A. U. 768. Mortuus est De-
cembri a. 822. Conf. c. 18.
Itaque vixit 54 annos et duo

menses. Vide Pagium p. 62. seq.

[Inter Tiberiana scorta]
Ambigua est horum verborum
relatio. Nam vel ante illa,
vel post scorta, deleri potest
interpunctio. Sed non multum
refert.

roneo, cupientem inter citharoedos contendere, nec, quamvis flagitantibus cunctis, promittere audentem, ideoque egressum Theatro, revocaverat, quasi perseverantis populi legatione suscepta, exorandumque praeberat.

- 5 Trium itaque principum indulgentia, non solum honoribus, verum et sacerdotiis amplissimis auctus, proconsulatum Africae posthaec, curamque operum publicorum administravit, et voluntate dispari, et existimatione. In provincia singularem innocentiam praestitit biennio continuato, quum succedenti fratri legatus substitisset. At in urbano officio dona atque or-

Cap. 4. *Exorandumque praeberat*] Secutus sum lectionem edd. et codd. eam, quae maxime veritati accedit: nam et copula necessaria est, et plusquamperfectum. Sed praeterea pro *exorandumque* legendum puto *exoratumque*. *Praebere* autem esse verbum proprium spectaculorum, plurimis exemplis Suetonianis intelligitur. Neque enim *exoratum praeberat* intelligo sic, ut dictum sit pro *exoraverat*, sed potius, effecerat, ut exoratus a se copiam vocis suae audire volentibus, h. e. populo, faceret: ut *praeberat* non referatur tantum ad *exoratum*, sed ut etiam intelligatur *populo*, audire cupienti. Ceterum si quis malit, *quasi, perseverantis populi legatione suscepta, exoratum praeberit*, non repugnem. ERR. Vanac

sunt istae coniecturae. *Praebet exorandum*, sc. *populo*, is qui reduxit aliquem, et hominibus exorandi eius potestatem facit. Oudendorpii suspicio, ultimam vocem una cum copula delentis, nec necessaria est neque alioqui probabilis.

Cap. 5. *Curam quoque*] Si haec interpunctio recte se habet, minime dubium mihi est, quin *curamque* legendum sit, cum codd. et edd., quas Burmannus laudavit; idque et ipse secutus sum: nam *quoque*, ut hic est, solet denuo poni, ubi plura commemorata sunt. Hic unus proconsulatus! antecessit. Sed possis etiam interpunctionem mutare, sic: *Proconsulatum Africae, posthaec curam quoque operum publicorum, administravit*. ERR.

Substitisset] Hoc potius secutus sum, quam *substitutus*

amenta templorum surripuisse, et commutasse quaedam ferebatur, proque auro et argento siannum et aurichalcum supposuisse.

Uxorem habuit Petroniam, consularis viri 6 filiam, et ex ea filium Petronianum, captum altero oculo. Hunc heredem a matre sub conditione institutum, si de potestate patris exisset, manu emisit; brevique, ut creditum est, interemit, insinulatum insuper parricidii, et quasi paratum ad scelus venenum ex conscientia hauisset. Duxit mox Galeriam Fundanam praetorio patre. Ac de hac quoque liberos utriusque sexus tulit: sed marem titubantia oris prope mutum et elinguem.

A Galba in inferiorem Germaniam contra 7 opinionem missus est. Adiutum putant T. Vinii

esset, quia id meliores codices, nominatim Memmianus, et editiones veteres habent. Fratri succedenti praestitit, quod olim Africanus Asiatico, ut ei se submitteret et eius legatus fieret. Turbavit libentarios dativus *fratri*, ad quem verbum referendum putarunt, quum pendeat a *legatus*. Coniectura Graevii, *decedenti fratri substitutus esset*, contextui repugnat. Suetonius ait, in provinciam innocentiam praestitisse, biennio continuato: causam deinde reddit continuationis; ea est, quod, legatione apud fratrem suscepta, in provincia mansit. Continuatio provinciae non est, quum ante, quam annus tuus veniat, in ea administranda

versaris, sed quum, anno tuo et tempore legitimo exacto, in provinciae administratione permanes, quacumque de causa. ERN. De usu dativi conf. supra Tib. c. 12. Ner. c. 3. et similia exempla Cic. p. L. Manil. c. 19. Liv. 38. 58. Ceterum et nobis placet *substitisset*, ac nondum credo, *subsistere* de eo tantum usurpari, qui in itinere consistat et moram agat, ut putabat Burm.: nec credidisse videtur Periz.

Cap. 6. *Manu emisit*] MSS. quidam *manumisit*. Mox Lyser. pro *hausisset* melius *hauserit*: hoc enim tempore ferre utitur Suetonius post *quasi*. Placet etiam Oudendorpici. ERN.

fratragio, tunc potentissimi, et cui iam pridem per communem factionis Venetae favorem conciliatus esset: nisi quod Galba prae se tulit, nullos minus metuendos, quam qui de solo victu cogitarent, ac posse provincialibus copiis profundam eius expleri gulam: ut cuivis evidens sit, contemptu magis, quam gratia electum. Satis constat, exituro viaticum defuisse, tanta egestate rei familiaris, ut uxore et liberis, quos Romae relinquebat, meritorio coenaculo abditis, domum in reliquam partem anni ablocaret: utque ex aure matris detractum unionem pigneraverit ad itineris impensas. Creditorum quidem praestolantium ac detinentium turbam, et in his Sinuellanos Formianosque, quorum publica vectigalia interverterat, non nisi terrore calumniae amovit: quum libertino cuidam acerbius debitum reposcenti, iniuriarum formulam, quasi calce ab eo percussus, intendisset, nec aliter quam extortis quinquaginta sestertiis remisisset. Advenientem male animatus erga principem exercitus, pronusque ad res novas, libens ac supinis manibus excepit, velut dono deum oblatum ter Consulis

Cap. 7. *Factionis Venetae*] Cui addictus erat Vitellius, ut discimus e c. 14. Lectionem hanc, et Perizonio et Oudend. probatam, dedimus pro *suae*, ex optimis codd.

Contemptu] Quod ab eo nihil timendum esset. Vide Vesp. c. 4. extr. Sic eleganter *contemnere* et *contemni*, pro, non metuere et metui, passim

dicuntur. Vide Clav. Cic. in h. v. ERN.

Et in iis] Correxì e Mss. et in his: sic enim solet et ipse Suetonius et alii. Sed etiam delendum videtur *et*. ERN. Conf. ad Aug. c. 13.

Libens ac supinis manibus excepit] Sublatis ad caelum manibus, respicit ad donum de caelo missum. ERN.

filium aetate integra, facili ac prodigo animo. Quam veterem de se persuasione Vitellius recentibus etiam experimentis auxerat, tota via caligatorum quoque militum obvios exosculans, perque stabula ac deversoria mulionibus ac viatoribus praeter modum comis: ut mane singulos, iamne ientassent, sciscitaretur, seque fecisse, ructu quoque ostenderet.

Castra vero ingressus nihil cuiquam pos- 8
scenti negavit: atque etiam ultro ignominiosis notas, reis sordes, damnatis supplicia dempsit. Quare, vixdum mense transacto, neque diei, neque temporis habita ratione, ac iam vespere, subito a militibus e cubiculo raptus, ita ut erat, in veste domestica, Imperator est consalutatus: circumlatusque per celeberrimos vicos, strictum divi Iulii gladium tenens, detractum delubro Martis, atque in prima gratulatione porrectum sibi a quodam: nec ante in praetorium rediit, quam flagrante triclinio ex conceptu camini: quum quidem consternatis, et quasi omine ad-

Caligator. quosque] Memm. alique scripti et editi *quoque*. Difficile est, decernere, utrum melius sit. Sed propter Memm. cod. auctoritatem *quoque* praefero. ERN. Ipsa Latinitas postulat hanc scripturam: inest nota brevis, q. d. Non tantum nobiliores milites, sed *caligatos quoque* exosc.

Iamne ientassent] Mss. Lyser, et Vindob. *anne*, quod recepi. Itemque mox *quoque* post *ructu* ex iisdem deletum: nam quamquam alia se ostendere

potuit? ERN. Nutu vel verbo. Sed addidit *ructum*. Duo ista codd., a ceteris deserti, videntur mendoli esse in utroque vocabulo, et in priore maxime evidens est mendum.

[Cap. 8. *Neque diei, neque* etc.] An dies faustus, et tempus sive hora diei auspiciata esset. Vide Ner. c. 8. ERN.

Quum quidem] Sic e Mem., Copel., Lyser. etc. et ed. Rom. recepi, quod imitatus est Oudend., pro *tum quidem*, quod ab hoc contextu alienum est

verso anxiiis omnibus, *Bono*, inquit, *animo estote, nobis alluxit*; nullo sermone alio apud milites usus. Consentiente deinde etiam superioris provinciae exercitu, qui prius a Galba ad Senatum defecerat, cognomen Germanici, delatum ab universis, cupide recepit: Augusti distulit: Caesaris in perpetuum recusavit.

9 Ac subinde caede Galbae annuntiata, compositis Germanicis rebus, partitus est copias, quas adversus Othonem praemitteret, quasque ipse perduceret. Praemisso agmini laetum evenit auspiciu: siquidem a parte dextra repente aquila advolavit, lustratisque signis, ingressos viam sensim antecessit. At contra ipso movente, statuæ equestres, quum plurifariam ei ponerentur, fractis repente cruribus pariter corruerunt: et laurea, quam religiosissime circumdederat, in profluentem excidit. Mox Viennæ pro tribunali iura reddenti, gallinaceus supra humerum, ac deinde in capite adstitit. Quibus ostentis par respondit exitus: nam confirmatum per legatos suos imperium per se retinere non potuit.

10 De Betriacensi victoria et Othonis exitu, quum adhuc in Gallia esset, audit: nihilque cunctatus, quidquid praetorianarum cohortium

Tunc vel *tunc* in tali contextu initium est novae sententiae, et longe aliter accipitur, quam hoc loco, velut Caes. c. 32., ubi post cunctationem et dubitationem, felici demum omino oblato, subiicit: *Tunc Caesar, eatur, inquit*, etc. ERN. Sic et Perizon. et alii.

Etiam iam] *Iam* et ipse delendum cum Lipsio censui, abestque a multis libris. ERN.

Caesaris — recusavit] Immo, ad extremum accepit. Tac. Hist. 3. 58.

Cap. 9. *Per legatos*] Qui Othonis copias vicerant ad Betriacum. ERN.

fuit, ut pessimi exempli, uno exauctoravit edicto, iussus tribunis tradere arma. Centum autem atque viginti, quorum libellos Othoni datos invenerat, expolcentium praemia, ob editam in caede Galbae operam, conquiri, et supplicio affici imperavit: egregie prorsus, atque magnifice, et ut summi principis spem ostenderet, nisi cetera magis ex natura, et priore vita sua, quam ex imperii maiestate gessisset. Namque, itinere inchoato, per medias civitates ritu triumphantium vectus est: perque flumina delicatissimis navigiis, et variarum coronarum genere redimitis, inter profusissimos opsoniorum apparatus, nulla familiae aut militis disciplina, rapinas ac petulantiam omnium in iocum vertens, qui non contenti epulo ubique publice praebito, quoscumque libuisset, in libertatem asferebant, verbera et plagas, saepe vulnera, nonnumquam necem repraesentantes adversantibus. Utque campos, in quibus pugnatum est, adiit, abhorrentes quosdam cadaverum tabem, detestabili voce confirmare ausus est: *Optime olere occisum hostem, et melius civem*. Nec eo secius ad leniendam gravitatem odoris plurimum meri propalam hausit, passimque divisit. Pari vanitate atque insolentia lapidem, memoriae Othonis inscriptum, intuens, *dignum eo Mausoleo*, ait: pugionemque, quo is se occiderat, in Agrippinensem

Cap. 10. *Magnifice*] Exquirite dictum, pro, magno animo, ut non semel Cicero. ERN.

Et melius civem] Aut delendum est *et*, aut corri-

gendum *at*. Illud magis placet. ERN. Simili negligentia saepe ponitur haec copula, impr. apud Tacitum, ut 1, 13. et alibi. Illic suppl. *quidem*.

coloniam misit, Marti dedicandum. In Apennini quidem iugis etiam pervigilium egit.

- 11 Urbem denique ad classicum introiit, paludatus ferroque succinctus, inter signa atque vexilla, sagulatis comitibus, ac detectis comilitonum armis. Magis deinde ac magis omni divino humanoque iure neglecto, Allienfi die pontificatum maximum cepit: comitia in decem annos ordinavit, seque perpetuum Consulem. Et ne cui dubium foret, quod exemplar regendae reipublicae eligeret, in medio Martio campo, adhibita publicorum sacerdotum frequentia, inferias Neroni dedit: ac sollemni convivio citharoedum placentem palam admonuit, ut aliquid et de Dominico diceret: inchoantique Neroniana cantica, primus exsultans etiam plaussit.

- 12 Talibus principiis magnam imperii partem non nisi consilio et arbitrio vilissimi cuiusque histrionum et aurigarum administravit, et maxime Asiatici liberti. Hunc adolescentulum mutua libidine constupratum, mox taedio profugum, quum Puteolis poscam vendentem reprehendisset; coniecit in compedes, statimque sol-

Cap. 11. *Detectis comilitonum armis*] Malim *re* tectis. Saepe illa syllaba *re* in *de* mutata, nominatim etiam in Mf. Memm. aliisque, ut infra *declamantibus* pro *reclamantibus*, etc. ERN. Conf. ad Caes. c. 57.

De Dominico diceret] Recte hoc, post alios recepit Burmannus. Intelligitur liber canticorum Neronis. ERN. Iam

Domini dicti, ab assentatoribus certe. Nam publice id nomen primo exemplo sibi sumpsit Domitianus, ut notum est.

Diceret] De citharoedo etiam alibi Suetonius. ERN.

Cap. 12. *Talibus principiis*] Absolute capiendum, quum talia fuissent principia. Mox in *et maxime*, et languet. ERN.

Reprehendisset] Mf. plerique et edd. vet. *deprehendisset*.

vit, et rursus in deliciis habuit: iterum deinde ob nimiam contumaciam et ferocitatem gravatus, circumforaneo lanistae vendidit, dilatumque ad finem muneris repente fustripuit, et provincia demum accepta munivit: ac primo imperii die aureis donavit anulis super coenam, quum mane, rogantibus pro eo cunctis, detestatus esset severissime talem equestris ordinis maculam.

Sed vel praecipue luxuriae saevitiaeque deditus, epulas trifariam semper, interdum quadrariam dispertiebat, in ientacula, et prandia, et coenas, comissionesque; facile omnibus sufficiens, vomitandi consuetudine. Indicebat autem aliud alii eadem die: nec cuiquam minus singuli apparatus quadringenis millibus nummum constiterunt. Famosissima super ceteras fuit coena data ei adventicia a fratre, in qua duo millia lectissimorum piscium, septem avium, apposita traduntur. Hanc quoque exsuperavit ipse dedicatione patinae, quam ob immenfam magnitudinem *clypeum Minervae* πολυούχου dictitabat. In hac scarorum iocinora, phasianorum et pavonum cerebella, linguas phoenicopterus, muraenarum lactes a Parthia usque fretoque Hispaniae, per navarchos

set: at Mf. Memm. et alii, item edd. pr., *reprehendisset*; quod quia rarius est hoc sensu, receptum est. Nec tamen mihi in S. placet. Vide ad c. 11. ERN. *Reprehendere* h. l. proprium est. Conf. Calig. c. 45.

Cap. 13. *Aliud alii*] Vide ad Ner. c. 27. Mox pro *minus* veniat in mentem *minors*,

ut alibi est. ERN. Etiam adverbium recte ponitur in ea locutione.

Clypeum Minervae πολυούχου] Delevi αἰγίδα, quod a Mss. fere abest et edd. Rom., Steph. delevitque et Oudendorpius. ERN.

A Parthia usque fretoque] I. e. ab utroque imperii Roma-

ac triremes petitarum, commiscuit. Ut autem homo non profundae modo, sed intempestivae quoque ac sordidae gulae, ne in sacrificio quidem unquam, aut itinere ullo temperavit, quin inter altaria ibidem statim viscus et farra paene rapta e foco manderet, circaque viarum popinas fumantia opsonia vel pridiana, atque semesa.

14 Pronus vero ad cuiusque et quacumque de causa, necem atque supplicium, nobiles viros, condiscipulos et aequales suos, omnibus blanditiis tantum non ad societatem imperii allicefactos, vario genere fraudis occidit; etiam unum veneno manu sua porrecto in aquae frigidae potione, quam is affectus febre

ni sine. Nomen regionis mediterraneae turbavit Viros doctos, ut corruptum crederent. Burmannus quidem etiam coniecturas a *Carpathio* Budaei, et *Carpetano* Heinſii reſcit, quod hic de aquis agatur, unde piſces petantur. Sed quae ratio eſt, quare Suetonius dicere voluerit, unde piſces Vitellius petierit, et non etiam, unde aves? Immo, quia de utriſque dicere voluit, dixit a *Parthia* usque, unde aves Romam perlatas, docuere dudum Viri docti. Si quid pro *Parthia* reponendum eſſet, propter phalianos potius reſcriberem, a *Phaſide* usque. Sed non eſt neceſſe. Si de ſolis piſcibus dixiſſet, ſane a Propontide potius aut Ponto dixiſſet, ut ſaciani,

qui ſines maris interfluentis Europam, Africam et Aliam exprimere volunt. Quod autem dicit, *per navarchos et triremes petitarum*, non ſic intelligendum, quaſi iuſſu eius petierint navarchi, quamquam non excludo hunc ſenſum. Etenim tum eae res ſolebant ab iſtis locis advehi. Neque, quia *petitarum*, propter genus, proprie ad *muraenarum* reſertur, de ſolis muraenis ultimum hoc intelligendum. Etenim ubi diverſorum generum nomina concurrunt, non modo neutrum, ſed et id genus ponitur, quod ultimo convenit: id quod nemo ignorat. Eax. Optime conſ. Oudend. a *Carteia* usque.

Cap. 14. Unum veneno] De Iunio Blaſo, ut ſuperiora de

poposcerat. Tum feneratorum et stipulatorum publicanorumque, qui umquam se aut Romae debitum, aut in via portorium flagitassent, vix ulli pepercit. Ex quibus quendam in ipsa salutatione supplicio traditum, statimque revocatum, cunctis clementiam laudantibus, coram interfici iussit, *velle se*, dicens, *pascere oculos*: alterius poenae duos filios adiecit, deprecari pro patre conatos. Sed et Equitem Romanum proclamantem, quum raperetur ad poenam, *Heres meus es*, exhibere testamenti tabulas coegit: utque legit, coheredem sibi libertum eius adscriptum, iugulari cum liberto imperavit. Quosdam et de plebe ob id ipsum, quod Venetae factioni clare maledixerant, interemit; contemptu sui, et nova spe id ausos, opinatus. Nullis tamen infensor, quam vernaculis et mathematicis, ut quisque deferretur, inauditum capite puniebat; exacerbatus, quod post edictum suum, quo iubebat intra Kalendas Octobris Urbe Italiaque mathematici exce-

Dolabella, capitLipsius ad Tac. Hist. 3, 39. ERN.

Stipulatorum] Quibus pecuniam ex stipulatione debebat, ut loquitur Cicero de Legibus 2, 21. ERN.

Flagitassent] De exactoribus debiti et portorii dixit etiam Cicero pro Domo c. 20. ERN.

Nova spe] Ut *novae res* his temporibus dicuntur de conversione imperii, defectione ducum etc., sic *nova spes*

est spes novarum rerum. Sic Horat. 4, 12. vinum dicit *novas spes donare*, i. e. spem melioris, novae fortunae. Supra in Tib. c. 11. *occafio maioris spei*, ubi vide notam. ERN.

Opinatus] Est, pro caussatus, interpretatus. ERN.

Vernaculis] I. e. scurris, qui dicteriis carperent dicta, facta, mores etc. hominum, eoque nomine noti vulgo essent. FAV.

derent; statim libellus propositus est; *et Chaldaeos dicere, bonum factum, ne Vitellius Germanicus intra eundem Kalendarum diem usquam esset.* Suspectus et in morte matris fuit, quasi aegre praeberi cibum prohibuisset; vaticinante Catta muliere, cui velut oraculo acquiescebat, *ita demum firmiter ac diutissime imperaturum, si superstes parenti. existisset.* Alii tradunt, ipsam taedio praesentium, et imminentium metu, venenum a filio impetrasse, haud sane difficulter.

15 Octavo imperii mense desciverunt ab eo exercitus Moesiarum atque Pannoniae: item ex transmarinis Iudaicus et Syriacus: ac pars in absentis, pars in praesentis Vespasiani verba iurarunt. Ad retinendum ergo ceterorum hominum studium ac favorem, nihil non publice pri-

Est propositus, et etc.] Quidam codd. *propositus est. Est* cum et permutatum saepe a librariis, passim notant Viri docti. Arbitror, *et* vel *est* hic ortum e compendio *τοῦ erat* aut *esset*; sic enim legi ratio Latinitatis postulat. Paullo ante, *quod maledixerant, interemit*: et sic centies. *Esset, est, et* a librariis confundi, passim ad Livium observavit Drakenborchius. ERN. Mox probabilius est *edicere*. Sicut edixerat Vitellius, etiam Chaldaeos edicere. Alterum subdubium est.

In morte] Sic Memm. alii-que codices et ed. Steph., quos merito lectus sum, il-

lustratum satis a Burnanno, pro vulgato *in mortem*. ERN.

Et alii] Et Casaubonus et Gronovius omiserunt. Sane alienum est ab hoc loco, ortum vel ex ultima syllaba praecedentis verbi, aut *e sed*: nam haec verba permutantur saepe in codd. Vide ad Othon. c. 10. Quia abest a Ml. Lyser., cui et alii consentiunt, delevi. Sic fecit et Oudendorpius. ERN.

Cap. 15. *Et Syriaticus]* E lege Critices hoc recepimus e cod. Memm. aliisque scriptis et editis, exemplo Virorum doctorum, qui eandem lectionem Floro intulerunt, 2, 9., ubi vide Salmasium et Graevium. Sed tamen mihi dubiam fecit

vatinque nullo adhibito modo largitus est. Delectum quoque ea conditione in Urbe egit, ut voluntariis non modo missionem post victoriam, sed etiam veteranorum iustaeque militiae com-
moda polliceretur. Urgenti deinde terra mari-
que hosti, hinc fratrem cum classe ac tironibus
et gladiatorum manu opposuit: hinc et Betria-
censes copias et duces. Atque ubique aut supe-
ratus, aut proditus, salutem sibi et millies les-
tertium a Flavio Sabino, Vespasiani fratre, pepi-
git; statimque pro gradibus Palatii apud frequen-
tes milites, cedere se imperio, quod invitus re-
cepisset, professus, cunctis reclamantibus, rem
distulit: ac nocte interposita, primo diluculo
sordidatus descendit ad rostra, multisque cum
lacrimis eadem illa, verum e libello, testatus est.
Rursus interpellante milite ac populo, et, ne
deficeret, hortante, omnemque operam suam
certatim pollicente, animum resumpsit, Sabinumque et reliquos Flavianos, nihil iam me-
tuentes, vi subita in Capitolium compulit; suc-
censoque templo Iovis optimi maximi oppres-

eam lectionem hoc, quod ali-
bi Suetonius habet usitatorem
formam *Syriacus*. ERN.

Iustaeque militiae] Hic non
sic, ut alibi, dicitur, de legio-
naria militia, ut in Galba c.
12. *iusti milites* dicuntur: sed
de tempore iusto et ordinario
militiae, seu de iusto numero
stipendiorum, quibus emeritis
commoda certa missionis con-
stitututa erant. *Iusta commoda*
Lipsii recte quidem dicuntur,
sed non necesse est, hic ea re-

ponere. ERN.

Eadem illa] Olim lèg. *ea-
dem verba*. Illud vero e Mss.
recepit Iac. Gronovius, quem
secuti sumus. Idem reperit in
Exc. Gujac, Voss, Copel. Bur-
mannus, probavitque. Sic ha-
bet etiam Lyser. *Testari ver-
ba* Latine dici, non credo; di-
xisset *iisdem verbis*. ERN.

Metuentes] Melius hoc,
quam vulgatum *metuens*. Ita-
que cum Gronovio et Burman-
no recepi. ERN.

lit. Quum et proelium et incendium e Tiberiana prospiceret domo inter epulas, non multo post poenitens facti, et in alios culpam conferens, vocata concione iuravit, coegitque iurare ceteros, *nihil sibi antiquius quiete publica fore*. Tunc solum a latere pugionem, Consuli primum, deinde, illo recusante, magistratibus, ac mox Senatoribus singulis porrigens; nullo recipiente, quasi in aede Concordiae positurus, abscessit. Sed quibusdam acclamantibus, *ipsum esse Concordiam*, rediit: nec solum retinere se ferrum affirmavit, verum etiam Concordiae recipere cognomen.

16 Suasitque Senatui, ut legatos cum virginibus Vestalibus mitterent, pacem, aut certe tempus ad consultandum petitueros. Postridie responsa opperienti, nuntiatum est per exploratorem, hostem appropinquare. Continuo igitur abstrusus gestatoria sella, duobus solis comitibus, pistore et coquo, Aventinum et paternam domum clam petiit, ut inde in Campaniam fugeret. Mox, levi rumore et incerto, tamquam pax impetrata esset, referri se in Palatium passus est: ubi quum deserta omnia reperisset, dilabentibus et, qui simul erant, zona se aureorum plena circumdedit; confugitique in cellulam ianitoris, religato pro foribus cane, lectoque et calcita obiectis.

17 Irruperant iam agminis antecessores; ac

Consuli primum] Caecilius Simplex erat. Vide Tac. Hist. 3, 68. ERN.

Cap. 16. *Suasitque*] Sic codd. fere, non *suasit*. Vide ad. Ner. c. 33. ERN. Non-

nulli Mff. et vett. editt. *Senatoribus*, ex correctione propter verbum pluralis numeri.

Cap. 17. *Irrup. autem iam*] *Autem* deleui, quod abest pluribus et melioribus libris. ERN.

nemine obvio rimabantur, ut sit, singula. Ab his extractus e latebra, sciscitantes, *quis esset* (nam ignorabatur) et *ubi esse Vitellium sciret*, mendacio elusit: deinde agnitus rogare non desistit, quasi quaedam de salute Vespasiani dicturus, ut custodiretur interim vel in carcere: donec religatis post terga manibus, iniecto cervicibus laqueo, veste discissa, seminudus in forum tractus est, inter magna rerum verborumque ludibria, per totum viae sacrae spatium, reducto coma capite, ceu noxii solent, atque etiam mento mucrone gladii subrecto, ut vilendam praeberet faciem, ne-

[*Ab iis*] Mf. Lyser. *Ab his*, quod hic sane melius est: recepitque, et si ille codex saepe pro *iis* habet *his*, etiam alienis locis. Mox ex eodem dedit *quis* pro *quisnam*, ut et alii meliores habent. ERN.

[*Reducta coma a capite*] Haec est lectio plurimorum codd. et omnium prope veterum editionum; eamque hactenus praetuli alteri, *reducto coma capite*, non, quod usquequaque probo. *Reducto coma capite* propterea non satis placet, quod *coma*, seu *e coma* *reducere caput*, non dici arbitror, sed *reducere* vel *retorquere* aut *resupinare caput*, simpliciter, sine tali adiectione, quae per se intelligitur. Etiam dicendum fuisset, *capillis*, ut opinor, non *coma*. Sed si comam densam habuit Vitellius, potuerunt *reducere comam*, ne

vultum tegeret. Verum et sic remanet scrupulus, quare *a capite* addiderit, non potius omiserit, aut addiderit *e facie*, vel *ab ore*. Itaque valde inclino in eam sententiam, ut putem, a Suetonio esse *reducto capite*, propter illud, quod additur, *ceu noxii solent*, scil. trahi, aliquis interpretamenti loco addiderit *coma*, ut indicaret, ea apprehensa reductum caput; aut, *reducia coma et capite*. De re ipsa vide etiam Cupe- rum Obs. 1, 12. ERN.

[*Subrecto*] Recte hanc optimorum codd. lectionem pro vulgata *subiecto* recepit Burmannus. Et alibi in hoc verbo lapsi sunt librarii. Vide Viros doctos ad Liv. 8, 8. ERN. Et est *mentum subrectum* per *mucronem gladii*, ut ordo verborum arguit. Antea delevi particulam *a*, in multis codd. non

ve summitteret; quibusdam stercore et coeno incessantibus, aliis *incendiarium* et *patinarium* vociferantibus, parte vulgi etiam corporis vitia exprobrante (erat enim in eo enormis proceritas, facies rubida plerumque ex vinolentia, venter obesus, alterum femur subdebile, impulsu olim quadrigae, quum auriganti Caio ministratorem exhiberet) tandem apud Germanias minutissimis ictibus excarnificatus atque confectus est, et inde unco tractus in Tiberim.

18 Periit cum fratre et filio, anno vitae septimo et quinquagesimo: nec sefellit coniectura eorum, qui augurio, quod factum ei Viennae ostendimus, non aliud portendi praedixerant, quam venturum in alicuius Gallicani hominis potestatem: siquidem ab Antonio Primo adversarum partium duce oppressus est; cui Tolosae nato cognomen in pueritia *Becco* fuerat. Id valet gallinacei rostrum.

comparentem; ibique *coma* intellig. *per comam*. Mox coniectura Casauboni non inelegans est, *ceu notis solet*, et probavit Perizon.

Subdebile] Intellige, paululum claudicans: nam *debilitati* Suetonio, atque etiam aliis, sunt aliquo membro capti. Vide Graevium ad Cic. Agrar. 2. 35. ERN.

Ministratorem exhiberet] Improbatur Burmannus codices,

qui addunt *se*, quod est etiam in Ms. Lyser. ERN. Ex glossmate. Nam usus cadentis linguae, etsi durior et poeticius, in hoc verbo et in simili *praebere*, respuit pronomen illud.

Cap. 18. *Coniectura*] Sic etiam Lyser., unde, post Burmannum, recepinus. ERN. *Coniecturam* olim edebant, vitiose. Dicitur Latine, *coniectura fallit*, ut *alea fallit*.

S U E T O N I I
L I B E R O C T A V U S .

T. FLAVIUS VESPASIANUS.

Rebellionem trium principum et caede incertum diu, et quasi vagum imperium, suscepit firmavitque tandem gens Flavia: obscura illa quidem, ac sine ullis maiorum imaginibus; sed tamen reipublicae nequaquam poenitenda; constet licet, Domitianum cupiditatis ac saevitiae merito poenas luisse. Titus Flavius Petro, municeps Reatinus, bello civili Pompeianarum partium centurio, an evocatus, profugit ex Pharsalica acie, domumque se contulit: ubi

Cap. I. *Quasi vagum*] Quod nullo certo loco consisteret, sed modo penes hunc, modo alium esset. *Vagum* opponitur *stabili*. Cicero de Nat. deor. 2, 1. *de diis habere, non errantem et vagam, ut Academici, sed, ut nostri, stabilem certamque sententiam*. ERN.

Gens Flavia] Gentis Flaviae stemma est in T. Flavii Clementis, viri consularis, tumulo illustrato, ed. Urbini a. 1727. p. 40. ERN.

Cupiditatis] Intellego avaritiam et rapinas. Sic apud Ciceronem pro Cluent. c. 55. *qui sine cupiditate vixerunt*, sunt homines integri, neque avaritiae, pecuniarumve, contra leges captarum, rei aut suspecti. Intellegi etiam de libidine Venerea posset; sed illud huic loco aptius puto. ERN.

Centurio, an evocatus] Dubitatio inde orta, quod centuriones et evocati iisdem stipen-

deinde, venia et missione impetrata, coactiones argentarias factitavit. Huius filius, cognomine Sabinus, expers militiae (etsi quidam eum primipilarem; nonnulli, quum adhuc ordines duceret, sacramento solutum per causam valetudinis, tradunt) publicum quadragesimae in Asia egit. Manebantque imagines a civitatibus ei positae sub hoc titulo, καλῶς τελωνήσαντι. Postea fenus apud Helvetios exercuit, ibique diem obiit, superstitibus uxore Vespasia Polla, et duobus ex ea liberis: quorum maior Sabinus ad praefecturam Urbis, minor Vespasianus ad principatum usque processit. Polla Nursiae honesto

diis fruerentur, eademque dignitate essent: quare, quum de dignitate et stipendio constaret, incertum fuit, quo nomine meruisset. ERN.

Publicum quadragesimae in Asia egit] Qui publicanum defendunt, non cogitant, publicanos simpliciter dici, non addito vectigalis conducti nomine. Agere autem est exercere. Vectigalia porro exercere proprie quidem ipsi publicani dicuntur, neque tamen dubitem, etiam de iis, qui honestiorem societati publicanorum operam navarent, ut pro magistris, dici posse: de vulgaribus operis, veluti portitoribus, non credo. Magis autem pronus sum in eam partem, ut Sabinum publicanum fuisse putem; quippe qui etiam fenus apud Helvetios exercuit, adeo-

que negotiator fuit, quod ipsum olim, ut conductio publicorum, Equitibus fere proprium fuit. Nam qui negotiator esse potuit, haud dubie etiam publicanus esse potuit. Quod autem ei statua posita est, cum inscriptione: καλῶς τελωνήσαντι, id factum esse potest, quod societatis nomine in provincia esset et res societatis curaret. Magistrum quidem societatis non putem; quod, eum Romae fere fuisse, e Ciceronis Verrius patet. Τελωνῆσαι in Glossis non modo de portitore explicatur, sed etiam de publicano; quem verbum hoc proprie indicat. ERN.

Manebantque] Sic omnes scripti et editi, nec mutandum in *manentque*, aut *manent hodieque*. Referendum autem est τὸ *manebant* ad tempora

genere orta, patrem habuit Vespasium Polli-
nem, ter tribunum militum, praefectumque ca-
strorum; fratrem Senatorem praetoriae dignita-
tis. Locus etiam nunc ad sextum miliarium a
Nursia Spoletium euntibus in monte summo
appellatur Vespasiae; ubi Vespasiorum complura
monumenta exstant, magnum indicium splen-
doris familiae, et vetustatis. Non negaverim,
iactatum a quibusdam, Petronis patrem e re-
gione Transpadana fuisse mancipem operarum,
quae ex Umbria in Sabinos ad culturam agro-
rum quotannis commeare soleant; subsedisse
autem in oppido Reatino, uxore ibidem du-
cta. Ipse ne vestigium quidem de hoc, quam-
vis satis curiose inquirerem, inveni.

Vespasianus natus est in Sabinis ultra Rea- 2
te, vico modico, cui nomen est Phalacrine,
quintodecimo Kalendas Decembris, vespere,
Q. Sulpicio Camerino, C. Poppaeo Sabino,
Consulibus, quinquennio ante quam Augustus
excederet: educatus sub paterna avia Tertulla,
in praediis Colanis. Quare princeps quoque
et locum incunabulorum assidue frequentavit,
manente villa, qualis fuerat olim, ne quid sci-
licet oculorum consuetudini deperiret: et aviae

Vespasiani, non Suetonii. Nec
tamen *manentque* alienum est,
si modo libri faverent. ERN.

Praefectumque castrorum]
De hoc genere praefecti vide
Lipsum ad Tac. Ann. lib. 1.
Excurs. H. Mox e Mss. delevi
que in fratrem. ERN.

Monumenta] Non tantum
de sepulcris capienda, sed omni

genere aedificiorum et operum,
quae ab iis nomen haberent,
iisve inscripta essent. ERN.

Quae — commeare solerent]
Libri scripti aliquot habent *so-
leant*, male: nam imperfectum
requirunt *iactatum, fuisse*. Nec
inde colligendum, commeatum
illum Scriptoris tempore defuisse.
ERN.

memoriam tanto opere dilexit, ut sollemnibus ac festis diebus pocillo quoque eius argenteo potare perseveraverit. Sumpta virili toga, latum clavum, quamquam fratre adepto, diu averfatus est; nec ut tandem appeteret, compelli nisi a matre potuit. Ea demum extudit, magis convicio, quam precibus vel auctoritate, dum eum identidem per contumeliam anteambulonem fratris appellat. Tribunus militum in Thracia meruit. Quaestor Cretam et Cyrenas provinciam forte cepit. Aedilitatis ac mox praeturae candidatus, etiam non sine repulsa, sextoque loco vix adeptus est. Ac prima statim petitione, et in primis Praetor, insensus Sena-

Cap. 2. *Sollemnibus — diebus*] Scil. privata sollemnitate, ut nuptiarum, natalitiorum, tirocinii etc. Vide Aug. c. 53. Etiam festi dies sunt sollemnes, sed publice, in honorem deorum: a quibus hic dies sollemnes distinguuntur. ERN.

Tribunatu militum — meruit] I. e. quum tribunus militum esset. Sic noster Caes. c. 5. Exemplum plura congeffit Graevius ad Aug. c. 13. Pro hac lectione Graevius et Burmannus reposuere e codd. et edd. vett. *tribunatum*; quam Graevius sic interpretatur, ut *tribunatum* nactus sit, quo in Thracia fungeretur. Sed primum, loca, ubi quis tribunus militet, non ad nomen dignitatis referuntur, sed ad verbum, ut pateat, ubi quis honore functus sit: vide Tib. c. 9. init.

et Titum c. 4. init.: deinde dubito, Latinos dicere *tribunatum merere*. Melius alii, Torrentius et Dukerus, *tribunus militum*. Sic alibi solet Suetonius dicere in tali re, et id bene consentit sequenti, *Quaestor — cepit*. ERN. Hoc in ipso textu correxi propter evidentiam, quam optime demonstravit Bremius.

Provinciam] Recte; non provincias: nam Creta et Cyrenaica una provincia, communem magistratum et Quaestorem habuit, ut dudum docuere Viri docti. Vide Lipsium ad Tac. Ann. 3, 70. ERN.

Aedilitatis etc.] Palmaria corrupti loci emendatio facta est a Dukero: *Aedilitatis ac mox praeturae candidatus, illam non sine repulsa sextoque loco vix adeptus est*;

tui, Caium ne quo non genere demereretur, ludos extraordinarios pro victoria eius Germanica depoposcit, poenaeque coniuratorum addendum censuit, ut insepulti proiicerentur. Egit et gratias ei apud amplissimum ordinem, quod se honore coenae dignatus esset.

Inter haec Flaviam Domitillam duxit uxorem, Statilii Capellae Equitis Romani Sabra-
3 tensis ex Africa delicatam olim, Latinaeque conditionis, sed mox ingenuam et civem Romanam recuperatorio iudicio pronuntiatam, patre asserente Flavio Liberali Ferenti genito, nec quidquam amplius quam quaestorio scriba. Ex hac liberos tulit, Titum et Domitianum et Domitillam. Uxori ac filiae superstes fuit: atque utramque adhuc privatus amisit. Post uxoris excessum, Caenidem, Antoniae libertam et a manu, dilectam quondam sibi, revocavit

hanc prima statim petitione, et in primis. Praetor etc. Iam vide Ernestii Excursum ad h. l.

Cap. 3. *Latinaeque conditionis*] Verba sequentia, *mox ingenuam pronuntiatam*, facile indicant, eam libertinam fuisse, manumissamque manumissione minus iusta, per quam Latinitatem tantum consequeretur. ERN.

Recuperatorio iudicio] Hunc locum illustrat, ex eoque ostendit, causas liberales ordinarii iuris, non cognitionis (vide ad Claud. c. 15.) fuisse, et a Diocletiano demum et Maximiano „extraordinarii iuris f.

cognitionis factas, Noodt de Iurisdic. lib. 1. c. 9. Causa autem haec in provincia acta videtur, non modo, quod recuperatores eam iudicarunt, qui in provincia iudicabant causas, quas Romae Centumviri: vide Noordkerkium de Lege Petron. §. 18.: sed etiam, quod adferenda semina in Africa erat. Ceterum, etiam Romae iudices, recuperatores in quibusdam causis dictos, e Cicero clarum. Vide Clav. Cic. in h. v. Atque ii sunt ipsi Centumviri, qui, ut Cicero l. c. ait, omnino quid suum, quid alienum, civis, an peregrinus etc. iudicabant. ERN.

in contubernium, habuitque etiam Imperator paene iustae uxoris loco.

- 4 Claudio principe, Narcissi gratia legatus legionis in Germaniam missus est: inde in Britanniam translatus, tricies cum hoste conflixit. Duas validissimas gentes, superque viginti oppida, et insulam Vectem Britanniae proximam, in ditionem redegit, partim Auli Plautii legati consularis, partim Claudii ipsius ductu. Quare triumphalia ornamenta, et in brevi spatio duplex sacerdotium accepit: praeterea consulatum, quem gessit per duos novissimos anni menses: medium tempus ad proconsulatum usque in otio secessuque egit, Agrippinam timens potentem adhuc apud filium, et defuncti quoque Narcissi amicos perosam. Exin sortitus Africam, integerrime, nec sine magna dignatione administravit: nisi quod Adrumeti seditione quadam, rapa in eum iacta sunt. Rediit certe nihilo opulentior, ut qui, prope labe facta iam fide, omnia praedia fratri obligarit, necessarioque ad mangonicos quaestus sustinendae dignitatis causa descenderit: propter quod vulgo Mulio vocabatur. Convictus quoque di-

Contubernium] Ut esset concubina, cuius est contubernium; quod opponitur iusto matrimonio. Id esse civi cum libertina non posse, notum est. ERN.

Cap. 4. *Obligarit*] Multi codd. et edd. habent *obligaret*: sic etiam Lyser., qui et mox *descenderet* habet. ERN.

Mulio] Torquent se Viri docti in causa huius nominis reperienda. Lucem affert lo-

cus in Ciceronis Epistolis ad Div. 10, 18., ubi Ventidius a Planco Mulio vocatur: collato loco Plinii Hist. Nat. 7, 45., ubi idem dicitur vocatus fuisse a Cicerone *mulio castrensis suffarraneus*; quod nomen accepit a quaestu, e subvehendo per mulos in castra frumento, aliisque rebus necessariis, item, ut Gellius habet Noct. Att. 2, 4., quod mulos et

citur ducenta sestertia expressisse iuveni, cui latum clavum adversus patris voluntatem impetrarat, eoque nomine graviter increpitus. Pergrinatione Achaica inter comites Neronis, quum cantante eo aut discederet saepius, aut praesens obdormisceret, gravissimam contraxit offensam: prohibitusque non contubernio modo, sed etiam publica salutatione, secessit in parvam ac deviam civitatem, quoad latenti, etiamque extrema metuenti, provincia cum exercitu oblata est. Percrebruerat Oriente toto vetus et constans opinio, esse in fatis, ut eo tempore Iudaea profecti rerum potirentur. Id de Imperatore Romano, quantum postea eventu paruit, praedictum Iudaei ad se trahentes, rebella-

vehicula magistratuum supellectili avehendae locaret. Ergo et hic mangonicus quaestus, mancipem esse mulorum et vehiculorum, per quae res necessariae subvehantur, vel, quocunque velit aliquis, asportentur. ERN.

Potirentur] Idem Iosephus de Bello Iud. lib. 5. c. 5. tradit. Casaubonus autem putat, respici ad oraculum Michae, de Messia. Sed ibi tantum de ἡγορευμένῳ Israelis sermo, nec quicquam de tempore. Quamquam autem constat, Iudaeos existimasse, Messiam in omnes populos regnaturum: tamen nullum vestigium in illo loco est, unde potuerint Iudaei colligere, quo tempore Messias venturus esset. Ergo arbitror, totum hoc, unde ortum sit,

ignorari: nisi fortasse e Daniele haustum est, aut e libro alio, in templo reposito, et inter sacros, etsi non canonicos, habito, qui interiit. Sane Iosephus et alia habet, quorum nullum in libris nostris vestigium, quae ille tamen ex sacris Hebraicisque libris sumta, sanctissime confirmat, non uno loco. Sed de hoc alio loco, si deo videbitur. Ceterum hoc oraculum potius pertinuisse putato ad Apostolos, qui paullo ante ab Oriente profecti terrarum orbem impleverant doctrina sua, et ita rerum potiti erant, stilo prophetico et Hebraico. ERN.

Paruit, praedictum] Sic reposuimus, postulante Latinitatis ratione, et codicis non unius auctoritate. ERN.

runt: caesoque Praeposito, legatum insuper Syriae consularem suppetias ferentem, rapta aquila fugaverunt. Ad hunc motum comprimendum quum exercitu ampliore, et non infrenuo duce, cui tamen tuto tanta res committeretur,

Caesoque Praeposito] I. e. procuratore Iudaeae Gessio Floro, ut recte Casaubonus. Burmannus aliud egit, quum scriberet, non Gessium Florum cum Casaubono, sed Gessium intelligendum, docere Pagium ad a. 66. et Marcilium ad h. l.: nam uterque Florum procuratorem intelligendum tradit, et est res ex elementis historiae veteris notissima. *Caedere* autem h. l. est fugare cum magna militum caede, non *fugare* simpliciter, neque de uno Floro, sed simul exercitu capiendum: quo observato, evanescunt omnes argutiolae Burmanni de verbo *caedere*, an, apud historicum, pro *fugare* accipi possit. Sane quum *exercitus caesus* apud Livium dicitur, ut 22, 56. *Consulem L. Aemilium exercitumque caesum*, non aliter accipitur, quam, eum cum magna clade ac caede fugatum esse. Nec contra est locus Taciti Hist. 1, 51. *caeso cum omnibus copiis Iulio Vindice*: nam Vindex quidem tum est interfectus in proelio, sed non omnis exercitus. Conf. et Domit. c. 6. ERN. Huius animadversionis partem

posteriores iure improbat Oudendorp. Praepositum *caesum* esse, proprio significato vocis, dicit S., quamvis unus historicorum.

Legatum insuper etc.] Legatus Syriae est Cestius. ERN.

Rapta aquila fugaverunt] Wormius de corruptis Antiquitatum Hebr. vestigiis apud Tacitum et Martialem lib. 2. ep. 4. interpretatur, non de aquila legionaria, sed de magna aurea aquila, quam, in signum Romani imperii, super maiorem templi portam, suspendi curaverat Herodes: hanc enim, non sine ingenti tumultu, a plebe Iudaica deiectam esse, auctore Iosepho de B. Iud. 1, 33.; quo nihil absurdius vidi. Etenim illa aquila deiecta est paullo ante Herodis M. mortem, neque ad haec tempora trahi potest. Omnino legionaria aquila intelligenda, cuius amissio magnitudinem cladis et effusam fugam indicat. Cestium aliquoties a Iudaeis caesum et fugatum docet Iosephus l. c. lib. 2. c. 18. 19. Ibi potuit etiam aquila amissa esse, etsi Iosephus non commemorat. ERN.

opus esset, ipse potissimum delectus est: ut et industriae expertae, nec metuendus ullo modo ob humilitatem generis ac nominis. Additis igitur ad copias duabus legionibus, octo alis, cohortibus decem, atque inter legatos maiore filio assumpto, ut primum provinciam attigit, proximas quoque convertit in se, correcta statim castrorum disciplina, unoque et altero proelio tam constanter inito, ut in oppugnatione castelli lapidis ictum genu, scutoque sagittas aliquot exceperit.

Post Neronem Galbamque, Othone atque 5 Vitellio de principatu certantibus, in spem imperii venit, iam pridem sibi per haec ostenta conceptam. In suburbano Flaviorum quercus

Et ut industriae expertae]

Recte hanc lectionem defendit Burmannus codd. auctoritate. Latinae etiam consuetudinis ratio fuit, ut diversae constructionis praedicata eidem subiecto addantur. Itaque nihil est, quod cogat, *expertae* mutare in *expertus*. Sic sentit etiam Dukerus ad Liv. 24, 22. ERN.

Cohortibus] Intell. sociorum. Tironum causa dictum esto. ERN.

Unoque et altero proelio]

Sic pro uno quoque dedi c. Mss. pluribus, in his Lyser. Sic et Oudendorpius. ERN.

Lapidis ictum genu — exceperit] Lipsius non reperiēbat, quomodo hic conciliaret Suetonium cum Iosepho B. I. lib. 3. c. 7., qui plantam pedis

sagitta leviter vulneratam dicit.

Sed est de diversis rebus et temporibus sermo. Lapidem hunc et sagittas sine vulnere excepit, ut contextus facile docet. Saepe, ut alibi diximus, Viri docti similitudine quadam conturbati, res diversas pro iisdem habent, et frustra in iis conciliandis laborant. ERN.

Cap. 5. *Spem — sibi per haec ostenta conceptam]* Illud sibi me suboffendit, quod Suetonius nusquam huic formae loquendi addit: venique aliquando in suspicionem, pro *conceptam* forte legendum *concitam*, vel *concitatum*, vel *commotam*: nec nunc omnino alienus sum ab hac opinione, quod haec verba aptiora sunt formae, *in spem venit*. Cete-

antiqua, quae erat Marti sacra, per tres Vespasiae partus, singulos repente ramos à frutice dedit, haud dubia signa futuri cuiusque fati: primum, exilem et cito arefactum; ideoque puella nata non perannavit: secundum, praevalidum ac prolixum, et qui magnam felicitatem portenderet: tertium vero, insiar arboris. Quare patrem Sabinum ferunt haruspicio insuper confirmatum renuntiasse matri, *nepotem ei Caesarem genitum*: nec illam quidquam aliud, quam cachinnasse, mirantem, *quod adhuc se mentis compote deliraret iam filius suus*. Mox, quum Aedilem eum C. Caesar, succensens curam verrendis viis non adhibitam, luto iussisset oppleri, congesto per milites in praetextae sinum, non defuerunt, qui interpretarentur, quandoque proculcatam desertamque rempublicam civili aliqua perturbatione in tutelam eius,

rum non nego, dativi huic verbo adiuncti exempla, quamquam raro, occurrere. Cicero Act. 1. in Verr. c. 16. *concepta huic ordini macula*. Columella R. R. 9, 14, 12. *agricolis concepta opinio*. ERN. Ne verbum quidem movendum esse, ostendit locus Tib. c. 14. princ. Quatenus *concupimus spem*, incerta est et dubia; quum *in eam venimus*, iam certa et explorata esse incipit.

Quae erat Marti sacra] Sic cum Burmanno lego, quia *tò erat* in omnibus libris est: alioqui magis placeret et dignius Suetonio foret, *quercus antiqua, Marti sacra, per etc.* ERN.

A frutice] Burmanni coniecturam, *a radice*, unice veram puto. *A frutice* corruptum quidem esse, sole clarius est. ERN. Vulgatum bene exponit Oudendorpius: arborem ab ea parte, qua frutex e radice circa trunci infima pullularat, novos ramos edidisse. Burmanni coniectura nec necessaria est, nec elegans.

Succensens propter curam etc.] Propter abest libris scriptis pluribus, deletitque Oudendorpius. Mihi *succensens* h. l. non satis placet, lenius épinor, quam pro re. ERN. Mirificum acumen.

Desertamque] Miror Bur-

ac velut in gremium, deventuram. Prandente eo quondam canis extrarius e trivio manum humanam intulit, mensaeque subiecit. Coenante rursus, bos arator, decusso iugo, triclinium irrupit, ac fugatis ministris, quasi repente defessus, procidit ad ipsos accumbentis pedes, cervicemque summisit. Arbor quoque cupressus in agro avito sine ulla vi tempestatis evulsa radicatus atque prostrata, insequenti die viridior ac firmior resurrexit. At in Achaia somniavit, initium sibi suisque felicitatis futurum, simul ac dens Neroni exemptus esset: evenitque, ut sequenti die progressus in atrium medicus dentem ei ostenderet tantum quod exemptum. Apud Iudaeam Carmeli dei oraculum confu-

manno suspectam hanc vocem, quia *luto* non conveniat. Enimvero ea est interpretatio *τοῦ* *proculcatam*, et opponitur *tutela*, quae est interpretatio *gremii*. ERN.

Intulit] *Triclinio*, quod, quamquam codd. quidam, edd. autem veteres prope omnes habent, recte a Viris doctis sublatum, etiam hoc nomine locum non habere videtur, quod non probabile est, Vespasianum, hominem severum et parcum, quum adhuc privatus esset, in triclinio prandium cepisse. Etenim tales homines prandebant separatim, cibosque eos, post quos manus non lavarentur. Ad id triclinio non opus. ERN. Ineptum vitium, ortum ex corrupto *trivio*.

Progressus in atrium medicus] E cubiculo principis Neronis. Referendum ad medicum; intelligendum autem Neronis atrium. Vulgati male hunc locum interpungunt, quasi *progressus* ad Vespasianum referretur; quod si esset, dixisset *progresso*. ERN.

Carmeli dei oraculum] Iovem alii, *Δία* Graeci, vocant. Est proprie nomen montis, in quo oraculum fuit, et quidem eius, qui est inter Palaestinam et Syriam. Duo praeterea alii hoc nomine montes in Palaestina fuere; e quibus fuit is, in quo Nabal habitavit in Iudaea, non procul Ziphenis et Asphaltite lacu, confusus cum nostro hoc a Lipsio: omninoque ea res non animadversa plurimum

lentem ita confirmavere sortes, ut, quidquid cogitaret volveretque animo, quamlibet magnum, id esse proventurum pollicerentur. Et unus ex nobilibus captivis Iosephus, quum coniceretur in vincula, constantissime asseveravit, fore ut ab eodem brevi solveretur, verum iam Imperatore. Nuntiabantur et ex Urbe praefagia, Neronem diebus ultimis monitum per quietem, ut templam Iovis optimi maximi e sacratio in domum Vespasiani, et inde in Circum deduceret: ac non multo post, comitia secundi consulatus ineunte Galba, statuam Divi Iulii ad Orientem sponte conversam: acieque Betria-

turbarum dedit, ut facile animadvertent. qui attendere volent. Nostri instituti non est, hic animadversa in ea re peccata doctorum Virorum indicare. Quomodo cultus deus sit, Tacitus docet Hist. 2, 78.; unde ille cultus et oraculum originem duxerit, non dixerim. ERN.

Ita confirmavere] Scil. ad magna speranda. Similiter paulo ante, *patrem Sabinum ferunt haruspicio insuper confirmatum*, intell. ut praeclaram de filio spem haberet. ERN.

Id esse proventurum] H. e. bene luccessurum. Similiter hoc verbo usus est Plinius Hist. Nat. 18, 3. *honestis manibus omnia laetius proveniunt, quoniam et curiosius fiunt*. ERN.

Et inde in Circum deduceret] Sic e codd. restituere Vi-

ri docti, et ita etiam Lyser. habet. Sed quia tamen quidam libri *inde* plane non habent, arbitror, lectionem veram esse, *et in Circum inde duceret*. Ultima littera verbi *Circum* absorpsit *in*, ut alibi factum: inde ortum *et in Circum deduceret*: animadverso mox, *inde* necessarium esse, positum est post *et*. *Thensae duci* proprie dicuntur, non *deduci*: nam et Aug. c. 43., ubi est *thensas deduceret*, suspectum est *deduceret*. ERN.

Comitia secundi consulatus] Valde contortae sunt coniecturae Burmanni de hoc loco emendando, qui medicina non eget. *Comitia inire* dicitur, ut *spectacula inire*, et similia. Ceterum, quia Plutarchus tradit in Othone, statuam Caesaris eam conversam esse, quae in insula Tiberina stare, in-

censi, prius quam committeretur, duas aquilas in conspectu omnium conflixisse; victaque altera, supervenisse tertiam ab solis exortu, ac victricem abegisse.

Nec tamen quidquam ante tentavit, promptissimis atque etiam instantibus suis, quam sollicitatus quorundam et ignotorum et absentium fortuito favore. Moesiaci exercitus bina e tribus legionibus millia, auxilio missa Othoni, postquam ingressis iter nuntiatum est, victum eum, ac vim vitae suae attulisse, nihilo secius Aquileiam usque perseveraverunt, quasi rumori minus crederent. Ibi per occasionem ac licen-

6

telligo sollemnia comitiorum, quae dicis causa in Campo Martio usurpabantur, post creationem in curia factam, de quibus vide Vopiscum in Tacito c. 7. Conf. Domit. c. 10. Haec igitur comitia quum iniret de more Galba, eo ipso tempore statua illa, in conspectu, est conversa. Si de comitiis in curia sermo esset, intelligi deberet statua Caesaris in curia, quod Plutarchus non sinit. Quum autem Tiberina illa statua intelligenda sit, quomodo potuit animadverti, eam illo ipso tempore conversam esse, quo Galba ad comitia veniret, si comitia in Senatu habita intelligantur? Neque sic evidens adeo ostentum fuisset. Ceterum etiam legendum necessario, *statuam conversam*, ut habet codex Periz. nonnul-

laeque edd. vett. pro *statua conversa*. Nam etsi praeclarescio, constructiones interdum mutari; cuius generis non unum exemplum est etiam apud nostrum: tamen illa exempla non sunt huic similia. Si ultimo loco poneretur hoc, ferrem: nunc accusativi cum infinitivo praecedunt et sequuntur. ERR. Verum hoc. Priora autem, si Tacitum Hist. 1, 86. et Plutarchum inspexeris, incertissima videbuntur, et verba Scriptoris graviore aliquo vitio laborare. Ne multa: mihi quidem totum hoc glossemata sapit, *comitia* — *Galba*, et assentior Oudendorpio, qui in formula *intre comitia* usum et certam analogiam desiderat. Ipse coniecit: *Ac non multo post inita sec. consulatus, intereunte Galba*.

tiam omni rapinarum genere grassati, quum timerent, ne sibi reversis reddenda ratio ac subeunda poena esset, consilium inierunt eligendi creandique Imperatoris: *Neque enim deteriores esse, aut Hispaniensi exercitu, qui Galbam, aut praetoriano, qui Othonem, aut Germaniciano, qui Vitellium fecissent.* Propositis itaque nominibus legatorum consularium, quot ubique tunc erant, quum ceteros, alium alia de causa, improbarent; et quidam e legione tertia, quae sub exitu Neronis translata ex Syria in Moesiam fuerat, Vespasianum laudibus ferrent; assensere cuncti, nomenque eius vexillis omnibus sine mora inscripserunt. Et tunc quidem compressa res est, revocatis ad officium numeris parumper. Ceterum, divulgato facto, Tiberius Alexander, praefectus Aegypti, primus in verba Vespasiani legiones adegit Kalendis Iulii: qui principatus dies in posterum observatus est. Iudaicus deinde exercitus quinto Idus Iulias apud ipsum iuravit. Plurimum

Cap. 6. *Numeris*] Simplissimum est, interpretari cohortibus. Etenim quia non totae legiones, sed tantum bina millia e singulis erant, in cohortes descripti milites fuere de more. Vide Clav. Cic. in v. *numerus*. ERN.

Tiberius Alexander] Iudaicus natione, filius Tib. Alexandri, qui Alabarcha Alexandriae fuerat. Iosephus Antt. Iudd. 20, 5, 2. Is relictis sacris Iudaicis, Eques, ut res docet, Romanus factus, deinde primum procu-

rator Iudaeae. Ioseph. l. c. ac mox praefectus Aegypti. ERN.

Observatus est] Ut ab illo initium imperii Flaviani repeteretur, eoque γενέσις imperii, quinquennialia etc. celebrarentur. ERN.

Quinto Nonas Iulias] Non dubitavimus recipere *Nonas*, quod Torrentio et Lipsio placebat, pro vulgato *Idus*. Etenim V. Nonas rem factam esse, tradit Tacitus Hist. 2, 79. atque pluribus demonstrat Pagius Crit. Baron. ad. a. C. 79., ut

coeptis contulerunt, iactatum exemplar epistolae, verae, sive falsae, defuncti Othonis ad Vespasianum, extrema obtestatione ultionem mandantis, et ut reipublicae subveniret, optantis: simul rumor dissipatus, destinasse victorem Vitellium permutare hiberna legionum, et Germanicas transferre in Orientem ad securiorem mollioremque militiam: praeterea ex praesidiis provinciarum Licinius Mucianus, et e regibus Vologesus Parthus; ille, deposita simul-

dubitare non liceat. Iam videmus, facile posse nobis hoc opponi, Suetonium per errorem posse V. Idus posuisse, nec sine librorum auctoritate recipiendum V. Nonas fuisse. Enimvero nullo modo credi potest, Suetonium, tam diligenter scriptorem, in tali tamque insigni re, quam facile reperire posset, errasse. Dedi et *Iulias* pro *Iulii* e Ms. Medic. cum Oudendorpio. ERN. In *Idus* conspirant libri omnes, et Suetonii error subesse potest.

Iactatum] Vulgatum per exercitum. *Iactata* eleganter dicuntur, quae in plurimorum manus veniunt. Cicero Muren. c. 12. *vulgata atque in manibus iactata* etc. Paullo post Mss. quidam *hortantis* pro *optantis*, quod recepit bene Burmannus: nam rei melius convenit. Cur enim tantum *optarit*, et non potius *hortatus sit*? ERN. Utrumque facere potuit Otho, vel potius

utriusque verbi eadem fere vis est in tali loco. Sequenda ergo est spectata fides codicum.

Mollioremque militiam] Mihi non dubium est, quin legendum sit *meliozemque*, ut non modo edd. Rom. habent, sed etiam Ms. Lyser. et alii. *Molliorem militiam* polliceri militibus offensionem habiturum fuisset, neque aliud posset significare, quam *securiorem*. *Meliozem* autem *militiam* pollicendo capere animos poterat. *Melior militiæ* est fructuosior, quippe quae in provincia locupletiori, quam Germanica erat, ageretur. Oudendorpius defendit *molliorem*, et ad caeli aërisque temperiem refert. Non bene. Nostram sententiam plane firmat Tacitus Hist. 2, 80., qui habet *opulentam quietamque*. Itaque recipere *meliozemque* non dubitavimus. ERN. Hic quoque a vero aberrasse Ernestium, facile apparet. Ex festinatione

tate, quam in id tempus ex aemulatione non obscure gerebat, Syriacum promisit exercitum; hic quadraginta millia sagittariorum.

- 7 Suscepto igitur civili bello, ac ducibus copiisque in Italiam praemissis, interim Alexandriam transiit, ut claustra Aegypti obtineret. Hic quum de firmitate imperii capturus auspici-um, aedem Serapidis summotis omnibus solus intrasset, ac, propitiato multum deo, tandem se convertisset, verbenas coronasque, et panificia, ut illic asolet, Basilides libertus obtulisse ei visus est: quem neque admissum a

id factum esse diceres, nisi tantum operae posuisset in defendendis erroribus.

Cap. 7. *Tandem se convertisset*] Neque de adorationis ritu capiendum, de quo est Vitell. c. 2., ut Lipsio placebat: etenim adoratio iam praecesserat, et finita erat, ut recte monuit Burmannus; neque de habitu e templo cum illo ipso Burmanno, sed de ritu ominis (s. auspicii) capiundi. Precibus finitis, quum existimaret satis sibi placatum deum, tandem se convertit, ad capiendum auspicium: nam quod conversus primum vel videret, vel audiret, id ominis loco erat futurum. Vide Cic. Div. 1, 46. Accessit sententiae nostrae Oudendorpius. ERN.

Basilides libertus obtulisse] Valde arrisit Viris doctis opinio Torrentii, vocem *libertus* insititiam esse, quia Tacitus e

primoribus Aegypti dicit fuisse Hist. 4, 82. Burmannus etiam forma suspectum verbum facit, dicendum fuisse *libertinum*: nam probabile non esse, Vespasianum habuisse tum libertum e primoribus Aegypti. Ego arbitror, locum esse sanum, intelligendumque Vespasiani libertum. Disensum ita fateor esse inter Tacitum et Suetonium: sed est et aliis locis, quae propterea non sollicitantur. Suetonii autem narratio melior et vero similior est. Moveor autem hac ratione, ut opinor, non levi. Si ille Basilides fuit e primoribus Aegypti, et iam pridem captus pedibus; ignotus fuit Vespasiano, tum primum Aegyptum ingressus. Unde ergo nōrat, speciem sibi oblatam esse illius Basilidis, quum solus templum ingressus esset, neminemque interrogare posset. Debit sane

quoquam, et iam pridem propter nervorum valetudinem vix ingredi, longeque abesse constabat. Ac statim advenere litterae, fufas apud Cremonam Vitellii copias, ipsum in Urbe interceptum nuntiantes. Auctoritas et quasi maiestas quaedam, ut scilicet inopinato et adhuc novo principi deerat: haec quoque accessit. E plebe quidam luminibus orbatus, item alius debili crure, sedentem pro tribunali pariter adierunt, orantes opem valetudini, demonstratam a Serapide per quietem: resitutum oculos, si inspisset; confirmaturum crus, si dignaretur calce contingere. Quum vix fides esset, rem ullo modo successuram, ideoque ne experiri quidem auderet: extremo hortantibus amicis, palam pro concione utrumque tentavit, nec eventus defuit. Per idem tempus Tegeae in Arcadia, instinctu vaticinantium effolla sunt sacrato loco vasa operis antiqui, atque in ijs assimilis Vespasiano imago.

esse hominis species notissimi, quem statim per se agnosceret. Id convenit optime in libertum Vespasiani. Ceterum omen est, primo in nomine hominis: deinde in eo, quod libertus est, cui ipse libertatem dedisset perpetuam; unde exoritur spes, ipsum et reipublicae oppressae perpetuam libertatem daturum: nam hoc boni principes post tyrannidem dicebantur praestare: vide Galb. c. 9. 10.: tertio, in eo, quod pedes hominis, dudum podagrici, firmati, ut ingredi posset. ERM. Neminem movebunt, opinor, hae

ratiunculae, praesertim comparato Tac. Hist. 4, 81. princ. Pereleganter, immo vere fortasse, Oudend. coniecit *liberius*. Minus probabile commentum affert Cannegieter de mutata nominum ratione sub princ. p. 70.

Ut scilicet] Mihi placet, ut Torrentio, lectio codd. duorum, qui habebant, *ut solet*. Etenim Suetonius non solet addere *scilicet* $\tau\tilde{\omega}$ *ut*, neque est elegantis scriptoris. ERM.

Demonstratam a Serapide] Vide Cic. de Divin. 2, 59. et Fabretum Inscript. p. 469. ERM.

8 Talis, tantaque cum fama in Urbem reversus, acto de Iudaëis triumpho, consulatus octo veteri addidit. Suscepit et censuram: ac per totum imperii tempus nihil habuit antiquius, quam prope afflictam nutantemque rempublicam stabilire primo, deinde et ornare. Milites, pars victoriae fiducia, pars ignominiae dolore, ad omnem licentiam audaciamque processerant. Sed et provinciae, civitatesque liberae, nec non et regna quaedam tumultuosius inter se agebant. Quare Vitellianorum quidem et exauctoravit plurimos, et coercuit: participibus autem victoriae adeo nihil extra ordinem indulgit, ut etiam legitima praemia non nisi sero persolverit. Ac, ne quam occasionem corrigendi disciplinam praetermitteret, adolescentulum fragrantem unguento, quum sibi pro impetrata praefectura gratias ageret, nutu aspernatus, voce etiam gravissima increpuit, *Maluisssem allium oboluisse*: litterasque revocavit. Classarios vero, qui ab Ostia et Puteolis Romam pedibus per vices commeant, petentes, *constitui aliquid sibi calciarii nomi-*

Cap. 8. *Pars victoriae — pars ignominiae*] Nescio, quomodo haerere potuerint in his nonnulli, quum sequentia planissime ostendant, illud ad Vespasiani milites, hoc ad Vitellianos pertinere. Ignominia autem non ad notas militares cum Burmanno referenda; etenim his demum affecti postea sunt: sed ad cladem ab exercitu Vespasiani acceptam, quum vincerentur. Vitell. c. 16. *Igno-*

miniam accipere de iis dici, qui victi sunt, vel pueri norunt. ERN.

Non nisi sero persolverit] *Nisi sero* abest Mss. quibusdam et edd. vett. malletque deleri Oudendorpius: sed ita iniuste fecisse videatur Vespasianus. ERN.

Litterasque revocavit] Intellige codicillos, (Tib. c. 42.) seu diploma, quo praefecturam dederat. ERN.

ne: quasi parum esset, sine responso abegisse, iussit posita haec ex calciatos cursitare: et ex eo ita cursitant. Achaïam, Lyciam, Rhodum, Byzantium, Samum, libertate adempta, item Thraciam, Ciliciam et Commagenen, ditionis regiae usque ad id tempus, in provinciarum formam redegit. Cappadociae propter assiduos barbarorum incurfus legiones addidit, consulari-
 remque rectorem imposuit, pro Equite Romano. Deformis Urbs veteribus incendiis ac ruinis erat: vacuas areas occupare et aedificare, si possessores cessarent, cuicumque permisit. Ipse restitutionem Capitolii aggressus, ruderibus purgandis manus primus admovit, ac suo collo quaedam extulit: aerearumque tabularum tria millia, quae simul conflagraverant, restituenda suscepit, undique investigatis exemplaribus, instrumentum imperii pulcherrimum ac vetustissimum: quo continebantur paene ab exordio Urbis Senatus consulta, plebiscita de societate et foedere ac privilegio cuicumque concessis.

Fecit et nova opera, templum Pacis foro 9
 proximum, Divique Claudii in Coelio monte,

Thraciam] Hanc lectionem Eutropii (7, 19.) aetate in libris Suetonii fuisse, manifestum est. Tutissimum igitur est, eam retinere. Potest aliqua pars Thraciae adhuc regem habuisse. Suetonium *Trachaeam Ciliciam*, et non potius *asperam* dixisse, quae Turnebi, multis probata, coniectura est, vix credo. ERN.

Vetustissimum confecit] Suetonius

confecit, auctoribus plurimis et optimis codd., quibus et Lyser. adstipulatur, sublato etiam, post *suscepit*, colo. Ita longe melior est oratio. Tria illa millia tabularum conflagratarum erant *vetustissimum imperii instrumentum*, non quod ipse confecit. Qui autem *confecit* servare malent, addent *et*; verum non post *suscepit*, ut Burmannus volebat, sed post

coeptum quidem ab Agrippina, sed a Nerone prope funditus destructum: item Amphitheatrum Urbe media, ut destinasse compererat Augustum. Amplissimos ordines, et exhaustos caede varia, et contaminatos veteri negligentia, purgavit supplevitque, recensito Senatu et Equite: summotis indignissimis, et honestissimo quoque Italicorum ac provincialium allecto. Atque, uti notum esset, utrumque ordinem non tam libertate inter se, quam dignitate differre, de iurgio quodam Senatoris Equitisque Romani ita pronuntiavit: *Non oportere maledici Senatoribus, remaledici civile fasque esse.*

10 Litium series ubique maiorem in modum excreverant, manentibus antiquis, intercapedine iurisdictionis, accedentibus novis, ex conditione tumultuque temporum. Sorte elegit, per quos rapta bello restituerentur; quique iudicia centumviralia, quibus peragendis vix suffectura litigatorum aetas videbatur, extra ordi-

exemplaribus. Sic placuit et Dukero, imitatusque est Oudendorpius. ERN.

Cap. 9. *Libertate — quam dignitate*] *Libertas* h. l. sumitur eo sensu, quo Cicero saepe *liberos* dixit, hoc est, qui iniuriam facientibus, maledicentibus, audent respondere paribus verbis et factis, omni metu omisso. Epp. ad Div. 12, 28. *liber in ulciscendo.* Sic etiam ipsam *libertatem* dixit pro Plancio c. 38. *tamenne tu libertatem requires meam?* Nempe servis non licet hisce-

re contra iniurias dominorum, propter metum: liberis licet. Sic fere c. 13. *amicorum libertas* dicitur. Similiter vero utramque iunxit Livius 7, 33., etsi paullo alio sensu, de Valerio Corvo: *factis benignus pro re, dictis haud minus libertatis alienae, quam suae dignitatis memor.* ERN.

Civile etc.] Convenire iis, qui eiusdem civitatis cives, adeoque quodammodo aequales sint, ut nemo sibi aliquid sumere in alterum debeat, quod non et alteri in se liceat. ERN.

nem diiudicarent, redigerentque ad brevissimum numerum.

Libido atque luxuria, coercente nullo, invaluerat. Auctor Senatui fuit decernendi, ut, quae se alieno servo iunxisset, ancilla haberetur; neve filiorum familiarum feneratoribus exigendi crediti ius unquam esset; hoc est, ne post patrum quidem mortem. Ceteris in rebus statim ab initio principatus usque ad exitum, civilis et clemens. 11

Mediocritatem pristinam neque dissimulavit unquam, ac frequenter etiam prae se tulit. Quin et conantes quosdam originem Flavii generis ad conditores Reatinos, comitemque Herculis, cuius monumentum exstat via Salaria, referre, irrisit ultro. Adeoque nihil ornamentorum extrinsecus cupide appetivit, ut triumphidie, fatigatus tarditate et taedio pompae, non reticuerit, *merito se plecti, qui triumphum, quasi aut debitum maioribus suis, aut speratum unquam sibi, tam inepte senex concupisset.* Ac ne tribuniciam quidem potesta- 12

Cap. 10. *Diiudicarent*] Mf. Lyser. *iudicarent.* *Iudicium iudicare* pro exercere, vel administrare dicitur, ut apud Ciceronem Verr. 1, 53. *iudicium vincere* de litigatore, pro, in iudicio vincere. Ceterum *iudicia centumviralia* posita sunt pro causis centumviralibus. ERN.

Cap. 11. *Auctor*] Has duas Vespasiani constitutiones Claudio deberi, disputant Icti. Sed

vide, quae diximus in simili re ad Ner. c. 7. ERN. Conf. saltem Lips. ad Tac. Ann. 11, 15.

Cap. 12. *Neque*] Mf. Lyser. *non.* Librarius non concoquebat, post *neque* poni ac. Liv. 7, 2. *ut actores Atellanarum nec tribu moveantur, et stipendia faciant.* Sed similia loca dudum observavere Viri docti, et frequentia factis sunt apud nostrum. ERN.

tem, et Patris patriae appellationem nisi sero recepit. Nam consuetudinem scrutandi salutantes, manente adhuc bello civili, omiserat.

13 Amicorum libertatem, caussidicorum figuras, ac philosophorum contumaciam lenissime tulit. Licinium Mucianum notae impudicitiae, sed meritorum fiducia minus sui reverentem, numquam nisi clam, et hactenus retaxare sustinuit, ut apud communem aliquem amicum querens, adderet clausulae: *Ego tamen vir sum*. Salvium Liberalem in defensione divitis rei ausum dicere, *Quid ad Caesarem, si Hipparchus sestertium milles habet?* et ipse laudavit. Demetrium Cynicum, in itinere obvium sibi post damnationem, ac neque asurgere, ne-

Nisi sero recepit] Etsi utraque ei una cum imperio decreta est a Senatu, ut e nummis et inscriptionibus patet; in quibus statim ab imperio suscepto utraque occurrit. Sed ipse nomen utriusque non nisi sero usurpavit. Vide Tillemont Histoire des Empereurs in Vespas. not. 8. ERN.

Cap. 13. *Caussidicorum figuras*] Scommata in Caesarem tecta et involuta, de quo genere egit Quintilianus 9, 2. Similiter in Domit. c. 10. *in historia figurae* sunt loci ita dicti, ut appareret, tecte peti Domitianum. Conf. infra Vit. Iuvenal. ERN.

Lenissime tulit] *Levisime* etiam est in M. Lyser.; sed *lenissime* unice verum est. ERN.

Alii, ne quid verum quidem sit, sciunt; nedum, quid unice. Quia dicatur *graviter ferre*, probabile est *leviter*; at dicitur etiam *acerbe ferre*, cui oppositum est τὸ *leniter*.

Adderet clausulae] Dukerus corrigit *clausulam*, probante Oudendorpio. Rectissime. ERN.

Post damnationem] Hoc nos quoque alteri *post dominationem* praetulimus: non, quod Suetonium ita dictum non fuisse putemus, ut Burmanno videbatur; etenim et aliis locis *dominationem* honeste dixit, de more illius seculi, ut Caes. c. 76. *ut abusus dominatione existimetur*: sed quod dicturus erat *in dominatione* s. *dominatione susce-*

que salutare se dignantem, oblatrantem etiam nescio quid, satis habuit *canem* appellare.

Offensarum inimicitiarumque minime me- 14
mor exsecutorve, Vitellii hostis sui filiam splen-
didissime maritavit, dotavitque etiam et instru-
xit. Trepidum cum interdicta aula sub Nero-
ne, quaerentemque, quidnam ageret, aut quo
abiret, quidam ex officio admissionis simul ex-
pellens, *abire Morboniam* iusserat. In hunc
postea deprecantem haud ultra verba excan-
duit, et quidem totidem fere, atque eadem.
Nam, ut suspicione aliqua vel metu ad pernici-
em cuiusquam compelleretur, tantum astitit, ut,
monentibus amicis cavendum esse Metium Pom-
posianum, quod vulgo crederetur genesin ha-
bere imperatoriam, insuper Consulem fecerit,
spondens, quandoque beneficii memorem fu-
turum.

Non temere quis punitus insons reperietur, 15
nisi absente eo et ignaro, aut certe invito at-
que decepto. Helvidio Prisco, qui et reversum
se ex Syria solus, privato nomine Vespasia-

pta, non post dominationem.
ERN.

Cap. 14. *Dotavitque etiam
et instruxit*] *Que*, quod a
Memm. aliisque codd. abesse
notavit Burmannus, in Lyser.
quoque non est. Sed et alibi
haec forma occurrit. *Instruxit*
refer ad supellectilem et mun-
dum muliebrem, praeter do-
tem, datum. ERN.

Morboniam] Non est tanti,
de huius loci lectione quaerere.
Tantum dicam, Gronovianum

et Marcilianum, *Macariam*,
ut sit a proverbio Graecorum
εἰς Μακρίαν, quod est per-
niciem optantis, idemque quod
εἰς κόρηας (vide Aristophan.
Equit. v. 1148.) mihi hoc no-
mine dubium videri, quod
Dio, Graece prolatum, serva-
turnus haud dubie erat. Atqui
eius Epitomator habet *εἰς κό-
ρηας*. ERN.

Cap. 15. *Privato nomine
etc.*] Expressimus hunc locum
ad exemplar Burmanni. Cete-

num salutaverat, et in praetura omnibus edictis sine honore ac mentione ulla transmiserat, non ante succensuit, quam altercationibus insolentissimis paene in ordinem redactus. Hunc quoque, quamvis relegatum primo, deinde et interfici iussu, magni aestimavit servare quoquo modo, missis qui percussores revocarent: et servasset, nisi iam perisse falso renuntiatum esset. Ceterum neque caede cuiusquam umquam laetatus, iustis suppliciis illacrimavit etiam et ingemuit.

- 16 Sola est, in qua merito culpetur, pecuniae cupiditas. Non enim contentus, omissa sub Galba vectigalia revocasse, nova et gravia addidisse, auxisse tributa provinciis, nonnullis et duplicasse: negotiationes quoque, vel privato pudendas, propalam exercuit, coemendo quaedam tantum, ut pluris postea distraheret. Ne candidatis quidem honores, reisve, tam innoxiiis, quam nocentibus, absolutiones venditare cunctatus est. Creditur etiam procuratorum rapacissimum quemque ad ampliora officia ex industria solitus promovere, quo locupletiores mox condemnaret: quibus quidem vulgo *pro spongiis* dicebatur *uti*, quod quasi

rum quod ille laborare hunc locum putat ex eo, quod Vespasiani nomen etiam Imperator retinuerit: id nihili est. *Caesarem* debebat appellare vel *Imperatorem*; haec tum erant nomina imperatoria: cetera obliterata, saltem in allocationibus non usurpata, ut docent orationes et epistolae

veterum. Sic et explicat Dukerus, probatque Oudendorpius. E&N. Conf. Canegieter. Disf. ad Avian. c. 5.

Cap. 16. *Omissa sub Galba vectigalia*] Intell. quae desissent exigi sub Galba, adeoque sublata essent. Sic *omitti vectigalia* dicuntur apud Tacitum Ann. 13, 50. E&N.

et siccos madefaceret, et exprimeret humentes. Quidam natura cupidissimum tradunt, idque exprobratum ei a sene bubulco, qui, negata sibi gratuita libertate, quam imperium adeptum suppliciter orabat, proclamaverit, *Vulpeni pilum mutare, non inores*. Sunt contra, qui opinentur, ad manubias et rapinas necessitate compulsus, summa aerarii fisci que inopia: de qua testificatus sit initio statim principatus, professus, *quadringenties millies opus esse, ut respublica stare posset*. Quod et verisimilius videtur, quando et male partis optime usus est.

In omne hominum genus liberalissimus, 17
explevit censum Senatorum: Consulares inopes quingenis sestertiis annuis sustentavit: plurimas per totum orbem civitates, terrae motu aut incendio afflictas, restituit in melius.

Ingenia et artes vel maxime fovit: primus 18
e fisco Latinis Graecisque Rhetoribus annua centena constituit: praestantes poetas, nec non

Gratuita libertate] Sive, pro qua nihil de peculio daretur, sive, pro qua vectigal vicefimae non solveretur. Sed illud tantum locum habet, si Vespasiani servus fuit; quod non videtur. Itaque alterum magis placet h. l. ERN.

Quadringenties millies] Verissima est profecto Budaei sententia legentis *quadragies*, probantibus Lipsio aliisque: nam et quadragies millies efficit CXXXIII miliones uncialium amplius. Tiberius tot. annis,

tanta avaritia, septies et vicies millies tantum potuit corraderet. Calig. c. 37. ERN.

Cap 17. *In omne hominum etc.*] Perizon. putat, haec male disiuncta esse a superioribus, et, mutato capitis initio, sic scribendum: *Quod et veri — usus est, in omne — liberalissimus. Explevit etc.*

Cap. 18. *Annua centena*] Efficiunt nostra moneta tria millia uncialium cum trecentis amplius. ERN.

et artifices, Coae Veneris, item Colossi refectorem, insigni congiario magnaue mercede donavit: mechanico quoque, grandes columnas exigua impensa perducturum in Capitolium pollicenti, praemium pro commento non mediocre obtulit, operam remisit, praefatus, *Sineret se plebeculam pascere.*

- 19 Ludis, per quos scena Marcelliani Theatri restituta dedicabatur, vetera quoque acroamata revocaverat. Apollinari tragoedo quadringenta: Terpno, Diodoroque citharoedis, ducena: nonnullis centena: quibus minimum, quadragena sestertia super plurimas coronas aureas dedit. Sed et convivabatur assidue, ac saepius recta et dapfile, ut macellarios adiuveret. Dabat sicut Saturnalibus viris apophoreta, ita per Kalendas Martias feminis: et tamen ne sic quidem pristinae cupiditatis infamia caruit.

Coae Veneris] Hanc lectionem a Graevio e Memmiano restitutam, et I. F. Gronovio mirifice probatam, recepi: est enim certissima. Lipsii *artifices scenae* non sunt huius loci. De iis dixisset capite sequenti, ubi de tragoedis et citharoedis loquitur. Tum, vere Graevius vidit, τὸ *item* tale quid desiderare: non enim refertur ad *refectorem*; nam et is artifex est: sed ad *colossum*. De *colosso* vide Ner. c. 31. ERN. Memm. habuit *coeveneris* seu *coevenerit*; unde alii fecere *coemit*, quod et Oudend. servavit, circumspetto iudicio. Coniecturam,

sive Graevii, sive Perizonii, quam palmariam vocare solēbat summus Gronovius, valde probabilem esse, quis neget? nec tamen omnes habere videtur numeros veritatis.

Cap. 19. *Quadringenta*] Hoc Latinitatis legitima ratio postulat, non *quadringena*. Atque id habere etiam codd. suos et vet. edd., testatur Burmannus. Mox *ducena* rectum est, quia de duobus sermo. Librarii prius illud huic conformandum putarunt. ERN.

Recta et dapfili] Bene *recta* receptum e Ms. Memm. pro *recte*. Sed non bene a Iac. Gronovio *ac dapfili*, quod

Alexandrini *Cybiosacten* eum vocare perseveraverunt, cognomine unius e regibus suis turpissimarum sordium. Sed et in funere Favor archimimus personam eius serens, imitansque, ut est mos, facta ac dicta vivi, interrogatis palam procuratoribus, *quanti funus et pompa constaret?* ut audit, *sestertio centies*, exclamavit, *Centum sibi sestertia darent, ac se vel in Tiberim proiicerent.*

Statura fuit quadrata, compactis firmisque 20 membris, vultu veluti nitentis. De quo quidam urbanorum non infacete: siquidem petenti, *ut et in se aliquid diceret: Dicam*, inquit,

et nos ante secuti sumus. *Dapsile* est adverbium, ut recte Perizonius ad Saneium 2, 7, 6. Sic et Oudendorpius. ERN.

Cybiosacten] Qui assamentum componit et vendit. Rex Aegypti hoc nomine appellatus fuit, quem Ptolemaei Auletae filia maxima, patre expulso, arcessivit in matrimonium, mox ob sordes expulit. Vide Casaubonum ad Strabonem lib. 17. p. 796. ERN.

Centum sibi sestertia etc.] Hoc est, vel centesimam illius summae partem. Gronovius volebat *genties sestertium* reponi, quia sic praecedit. Sed mihi videtur hoc magis exprimi magnitudo avaritiae, si, vel parva summa accepta, in Tiberim maluit proiici, quam funerari honeste. Atque hoc etiam Graevio placebat. Tum non arbitror, repetiturum fu-

isse numerum, si eundem dicere voluisset, sed simpliciter *sibi darent etc.* ERN.

Cap. 20. *Statura quadrata*] Est et iustae longitudinis et amplitudinis, inter longitudinem et brevitatem, item pinguedinem et tenuitatem intermedia, adeoque ad quadratam figuram proxime accedens. Sic Graeci vocant *εἶνα τετραγώνως*, ut Philostratus in Heroicis, in Palamede et Protefilao. Sic in Vit. Apoll. 8, 42. *εἶνα τετραγώνως ἔχοντα* vocat; isque est in laude. ERN.

Siquidem] Suspecta est haec vox Burmanno. Malim certe et ipse abesse. Sed si sic interpungitur locus, ut nos fecimus, ferri potest. Ac videor mihi similia loca apud optimos scriptores legisse. Burmanni coniectura, *quidem* ortum esse e praecedente *quidam*, et e si

quum ventrem exonerare desieris. Valetudine prosperrima usus est; quamvis ad tuendam eam nihil amplius quam sauces ceteraque membra sibi met ad numerum in sphaeristerio defricaret, in ediamque unius diei per singulos menses interponeret.

21

Ordinem vitae fere hunc tenuit. In principatu maturius semper ac de nocte evigilabat: dein perlectis epistolis, officiorumque omnium breviariis, amicos admittebat: ac dum salutabatur, et calciabat ipse sese, et amiciebat: postique decisa, quaecumque obvenissent, nego-

faciendum ei, non placet. Non est Suetonianum ei petenti. ERN.

Cap. 21. *Evigilabat*] Minor, Burmannum hoc recepisse, quod nec scripti nec editi, praeter Casaub. et Graev. edd., habent, contra illam suam vocem: sed codices sunt audiendi, quum alibi neget etiam unius et alterius codicis auctoritate standum. Ceterum recte eum fecisse arbitror. Neque vero hoc me movet, quod ille ait, *vigilare* dici, qui somnum non admittat prima nocte, sed vigil maneat: id quod falsissimum esse, permulta exempla docent, neque debebat tali viro excidere. Vigiliae Demosthenis apud Ciceronem Tusc. 4, 9. nonne sunt antelucanae lucubrationes post somnum brevissimum? Porro maiorum vigiliarum opus in Paradox. prooem. iidem de lucubratio-

nibus talibus ante lucem capiendum. *Vigilant* omnes, qui somni et noctis tempore non dormiunt, sive corporis vitio, sive ut agant aliquid: velut milites, quibus tertia vel quarta vigilia obeunda est. Sed cum *evigilabat* hic probem, et necessarium putem, causa haec est: quod *vigilabat* significaret non modo ipsum vigilandi actum, sed etiam res, per vigiliam actas, quarum causa vigilaretur; sed de iis sequitur deinde perlegebat epistolas etc. Hoc igitur *deinde* facit, ut *evigilabat* legendum sit; alio qui nullus idoneus sensus existeret. Probavit hanc nostram rationem Oudendorpius. ERN. At ex iis, quae sequuntur, non potest prioris verbi vis declarari, ut apud malos scriptores. Neque h. l. *evigilare* sic dictum est, ut *rem evigilare*, opus, v. c. librum quem elu-

tia, gestationi, et inde quieti vacabat, accubante aliqua pallacarum, quas in defunctae locum Caenidis plurimas constituerat: a secreto in balineum tricliniumque transibat: Nec ullo tempore facilior, aut indulgentior traditur: eaque momenta domestici ad aliquid petendum magno opere captabant.

Et super coenam autem, et semper alias, 22 communissimus, multa ioco transigebat. Erat enim dicacitatis plurimae, et sic scurrilis ac sordidae, ut ne praetextatis quidem verbis abstineret. Et tamen nonnulla eius facetissima existant; in quibus et haec. Mestrium Florum Consularem, admonitus ab eo, *plaustra* potius, quam *plostra* dicenda, postero die *Flaurum* salutavit. Expugnatus autem a quadam, quasi amore sui deperiret, quum perductae pro concubitu sestertia quadraginta donasset, admonente dispensatore, quemadmodum lummam rationibus vellet inferri, *Vespasiano*, inquit, *adamato*.

cubramus. Simpliciter dicitur ut *expergisci*, neutraliter. Cf. Aug. c. 78. f.

Cap. 22. *Super c. autem, et super aleas*] Vulgatum hoc ipse Graevius tenuit, recte improbante Oudend. Nam nihil est pluralis *aleae*; quasi dixeris *super coenas*: neque ea, quae sequuntur, ad unum ludum et coenam pertinent. *Semper alias* legiunt et Tib. c. 18. At *communissimus* minime certum est, et ex paucis libris editum; nec dis-

plicet *comissimus*, olim vulgatum.

Perductae] Sic omnes scripti atque editi, itemque marginis libri, qui fuit apud Christum, nisi quod quidam, ut Lyser., vitiose *productae*. Burmannus iterum, praeter morem suum, recepit. de Casauboni coniectura, *perducta*. Eam coniecturam refutavimus et vulgatam defendimus in Excursu. Mox *inferri*, quod e libris scr., etiam Lyser., recepimus, est in eodem illo margine: ERN.

23 Utebatur et versibus Graecis tempestive satis, et de quodam procerae staturae, improbiusque nato:

Μακρὰ βιβὰς, κραδᾶων δολιχόσκιον ἔγχος.

Et de Cerulo liberto, qui dives admodum ob

Cap. 23. *Improbiusque nato*] Obscoeno sensu de homine bene peculiatō accipit l. f. Gronovius de Pecun. vet. 4, 1., enimque sensum hic adeo necessarium putarunt Viri docti, ut quidam etiam legerent *vasato*, in his Burmannus Sec. Anthol. T. II. p. 240., vel *mutoniatō*. Sane concedo, τὸ ἔγχος δολιχόσκιον in versu Homérico tale quid innuere. Verum quae necessitas est, propterea improbius natum intelligi valde vasatum? Si hic sensus est horum verborum, Vespasianus scire debuit, eum hominem bene peculiatum esse. Id vero curet Imperator tam bonus, tam publicae rei curiosus, quis bene vasatus sit? illeque ei narret aliquis? Ridiculum sane est, hoc existimare, eum hominem illo nomine notum fuisse Imperatori. Suspicio illa fuit Imperatoris iocantis, quum hominem magnam validique corporis videret strenue ingredi, ideoque ad illum hunc versum traduxit. Non dicam plura; absurditas rei per se lucet. *Improbius natus* est homo praeter modum magni et robusti corporis. Addit hoc

Suetonius, quia sola proceritas non sufficere creditur ad hanc suspicionem. Berneggerus suspicabatur *nasato*, e quo per compendium scripturae fieri potuerit *nato*. Id notores talium rerum non absurdum dicent: si improbius natus talem suspicionem praebere potest. Sed *nasatum* potius velim ex Horat. Sat. 1, 2. quam *nasutum*. Ceterum falsum est illud quoque, quod Gronovius dicit, esse hoc exemplum praetextatorum verborum in iocando a Vespasiano usurpatorum. Etenim nullum hic praetextatum verbum, sed versum in loco usurpatorum potius exemplum est. ERN. Post tot verba tamen certissima est Gronov. sententia. *Improbium* quid sit, vel Lexica docent; *natus* autem alludit ad obscoenam significationem vocis *natura*. Ceterum apud principes, etiam bonos, militares ioci et fabulae super coenam vigent hodie quoque in tanta morum sive orationis pudicitia: alia res est apud gravem et eruditum hominem, praesertim theologum.

Liberto] Si ita Suetonius scripsit, intelligendus Vespasia-

subterfugiendum quandoque ius fisci, ingenuum se et Lachetem mutato nomine coeperat ferre, ὦ Λάχης, Λάχης, ἐπὶ ἀποθανῆς, αὐτῆς ἐξαρχῆς ἔση Κήρυλος. Maxime tamen dicacitatem affectabat in deformibus lucris; ut invidiam aliqua cavillatione dilueret, transferretque ad sales.

ni ipsius libertus; alioqui dixisset *libertino*. Atque ita placere video Viris doctis. Sed non disimulabo, mihi legendum videri *libertino*, his de causis. Primo non est credibile, libertum Vespasiani potuisse tam impudentem esse, ut se ingenuum ferret, et nomen mutaret, quum Caesarum libertos omnes nossent, maximeque Caesares ipsi, neque ullo modo talis homo sperare posset, latere posse fraudem suam. Porro melius opponuntur *libertinus* et *ingenuus*. Denique non dixisset *ob effugiendum ius fisci*, sed *patroni* vel *patronatus*. Etenim quod dicunt, cavere voluisse illum hominem, ne cogeretur patrono aliquid relinquere, id plane alienum est. Etenim id cepisset Vespasianus, qua patronus, non qua Imperator. Itaque nullum ibi ius fisci fuisset: nam etsi ad fiscum ea pecunia reddisset, quia patronus Imperator, tamen fiscus eam non, qua fiscus, cepisset. In Ner. c. 27. non scriptum est, *ut pro semisse dextans cogeretur fisco*, sed *ei*, Neroni, i. e. patrono

vel quasi patrono. Atque ea res facit, ut putem, tum constitutum aliquid novi de hereditatibus libertinorum fuisse, per quod inde aliquid fisco inferri debuerit, quod quale fuerit, nos latet. Suetonius quidem ipse c. 16. dicit nova et gravia vectigalia a Vespasiano constituta fuisse. ERN.

Ferre] Recepimus hanc lectionem unice veram, quam codd. plures et edd. vet. habent, probatque Burmannus, neque tamen recipit. *Efferre* quidem scio esse *pronuntiare*: sed hoc locum tantum haberet, si nomen suum aliter, quam alii, pronuntiasset, verum simpliciter, pro *vocare* et *nominare*, numquam *efferre* dicitur, sed *ferre*. ERN.

Κήρυλος] Vidit Casaubonus esse versum Menandri (ap. Stobaeum tit. 106. in Collect. Clerici p. 248.) Ergo rescripti, ut ibi est, praesertim adiuvante Memmiano et Ursini codice. ERN.

Maxime] Et delevi auctoritate Memm. plurimumque aliorum codd.: est enim h. l. inepitissime inculcatum. ERN.

Quendam e caris ministris, dispensationem cuidam, quasi fratri, petentem quum distulisset, ipsum candidatum ad se vocavit; exactaque pecunia, quantam is cum suffragatore suo pepigerat, sine mora ordinavit. Interpellanti mox ministro, *Alium tibi*, ait, *quaere fratrem: hic, quem tuum putas, meus est*. Mulionem in itinere quodam suspicatus ad calciamdas mulas desiluisse, ut adeunti litigatori spatium moramque praeberet, interrogavit, *Quanti*

Distulisset] Cum accusativo personae etiam dixit Cic. ad Div. 5, 12. *sin autem differs me in aliud tempus*: item Liv. 7, 14. *differri non posse adeo concitatos animos*. Noster autem pluribus aliis locis. ERM.

Ordinavit] I. e. dispensatorem fecit. Sequioris aevi Latinitatem redolere videtur Burmanno. Sed rationem huius dicendi formae planius expediemus. Postquam comitia verbo ad Senatum, re ad Caesares translata sunt, coeptum est dici: *Consules*, omninoque *magistratus ordinare*, item, *provincias*; cuius generis exempla crebro apud nostrum aliosque occurrunt. Causa fuit haec, quod creatio magistratuum est pars administrandae reipublicae, *res publica* autem dicitur *ordinari*. Horat. Carm. 2, 1. *mox, ubi publicas res ordinaris*. Post, quum imprimis etiam candidati nomen, quod olim magistra-

tibus urbanis proprium fuerat, ad omnes transisset, qui aliquid publici muneris peterent, ut supra Galba c. 14. de Praefecto praetorio, et hoc ipso loco, de dispensationis petitore, dicitur, etiam verbum ordinandi dictum est de omni genere hominum, quibus munus publicum daretur, eiusdemque adeo aetatis est *candidatus dispensationis* et *ordinare dispensatorem*. Sic Aug. c. 46. *equestrem militiam petentes ordinabat*. Dictumque est omnino *ordinare* pro creare, eligere, *χεῖροτονεῖν*. ERM. Non simpliciter pro creare, ut docet Ondend., sed locutione desumpta a militari re, ubi milites gradu ornati vel centuriones facti *ordinari* dicuntur, ut ap. Liv. 23, 1. Ergo est: locum seu ordinem ei dedit inter dispensatores. Sic et *ordinatio* est Domit. c. 4.

Interpellanti] Dictum pro appellanti de re, in qua dilatus erat, aut roganti adeo. Tib.

calciasſet? pactusque eſt lucri partem. Reprehendenti filio Tito, quod etiam urinae vectigal commentus eſſet, pecuniam ex prima penſione admovit ad nares, ſciſcitans, *num odore offenderetur*, et illo negante, *Atqui*, inquit, *e lo-tio eſt*. Nuntiantes legatos, *decretam ei publice non mediocriſ ſummae ſtatuum coloſſeam*, iuſſit vel continuo ponere, cavam manum oſtentans, et paratam baſin dicens. Ac ne in metu quidem ac periculo mortis extremo abſtinuit iocis. Nam quum inter cetera prodigia, Maſſoleum [Caesarum] derepente patuiſſet, et ſtella crinita in caelo apparuiſſet: alterum ad Iuliam Calvinam e gente Auguſti pertinere dicebat; alterum ad Parthorum regem, qui capillatus eſſet. Prima quoque morbi acceſſione, *Vae*, inquit, *puto, deus ſio*.

c. 75. *nemo exſtabat, qui adiri, interpellarique poſſet.* ERM.

Prima penſione] Publicani vectigalis ſ. redemptores fuere, qui per diverſas penſiones ſolverent ſummam, qua vectigal illud redemiſſent. ERM.

Iuſſit vel continuo ponere] Recte ſic Burmannus e codd. melioribus. Oudendorpius vulgatum *ponerent* ſervavit, quod *inbere* etiam ſic ſignatur: at non apud meliores auctores, nec apud Suetonium. ERM. Aliter ſupra iudicavit ad Tib. c. 22. Recte: cf. Intpp. Liv. 25, 21: 32, 16. Et convenit ſtructura verbi *monere*, ut Tib. c. 50. ſ. Immo *ponere* in nullo cod. legitur. Itaque vitium pru-

denter reliquit Oudendorp. quaerens illud in alia potius parte, et conſ. *nuntiante legato*. Utcumque eſt, ἀνακόλουδον hic latere certum videtur.

Morbi acceſſione] Proprium medicorum verbum de paroxyſmo febrili; et ipſe Suetonius mox *matiunculas* commemorat. Vide Cuperum in Obſſ. 2, 15. ERM.

Vae, puto, deus ſio] Repraſentavi lectionem optimi Memm., quam et Huſſ. habet. Copellani *ve* vitioſe ſcriptum pro *vae*: nam haec diphthongus centies ita a librariis mutata. Voſſiani *ure* itidem ex *vae* factum videtur. Atque eſt ſane non inveniſſe dictum.

24 Consulatu suo nono tentatus in Campania motiunculis levibus, protinusque Urbe repetita, Cutilias ac Reatina rura, ubi aestivare quotannis solebat, petiit. Hic, quum super urgentem valetudinem creberrimo frigidae aquae usu etiam intestina vitiaisset, nec eo minus numeribus imperatoriis ex consuetudine fungeretur, ut etiam legationes audiret cubans, alvo repente usque ad defectionem soluta, *Imperatorem*, ait, *stantem mori oportere*. Dumque confurgit, ac nititur, inter manus sublevantium extinctus est IX. Kalendas Iul., annum gerens aetatis sexagesimum ac nonum, superque mensem, ac diem septimum.

25 Convenit inter omnes, tam certum eum de sua suorumque genitura semper fuisse, ut post assiduas in se coniurationes ausus sit affirmare Senatui, *aut filios sibi successuros, aut neminem*. Dicitur etiam vidisse quondam per quietem siateram in media parte vestibuli Pala-

Non modo iocus est in eo, quod, pro *mortior*, dixit, *deus fio*, sed etiam acumen in eo, quod dolentis voce nititur in re, quae, si proprie diceretur, felicitas esset. Ceterum tamen τὸ *puto* subfrigidum est: verum vulgatum ut *puto* multo frigidius. Burmanni *at puto* nullo modo placet. In loco Ovidii Am. 3, 7., quem affert, *At, puto, non votis saepe*

petita meis, eo sensu dicitur τὸ *at, puto*, qui ab hoc alienissimus est. Conf. Metam. 2, 566. Xiphili-

nus simpliciter ait, dixisse, θεὸς ἤδη γενήσομαι. ERN.

Cap. 24. Consulatu suo nono] *Suo* delendum *puto*. Nec solet ab elegantibus scriptoribus addi, ubi sponte intelligitur; nec in tirene seram. ERN. Mirifice errat Vir optimus. Conf. Octav. c. 100. fin. et Domit. c. 3.

Annum gerens] Codd. plures ac meliores habent *agens*; idque praetuli minus Latino *gerens*, quod non raro ab indoctis librariis substitutum est illi. Vide Drakenborchium ad lxx.

tinae domus positam examine aequo; quum in altera lance Claudius et Nero starent, in altera ipse ac filii. Nec res fefellit: quando totidem annis, parique temporis spatio utrique imperaverunt.

22, 28. Apud Livium 29, 25.
in Ml. Cantabr. pro *hiemem*
egissent est *gessissent*, ubi vide
eundem Drakenb. ERN. Re-

posui rursus vulgatum, quod
et alibi ab ipsis scriptoribus
commutatur cum altero, et si
rarius, et vi paullo diversa.

SUETONII
LIBER OCTAVUS.

T. FLAVIUS VESPASIANUS.

1 Titus, cognomine paterno, amor ac deliciae generis humani, (tantum illi ad promerendam omnium voluntatem, vel ingenii, vel artis, vel fortunae superfuit, et quod difficillimum est, in imperio, quando privatus, atque etiam sub patre principe, ne odio quidem, nedum vituperatione publica caruit:) natus est III. Kalendas Ian. insigni anno Caiana nece, prope Septizonium,

Cap. I. *Cognomine paterno.*] Intell. qui cognomen cum patre commune haberet, et Vespasianus diceretur, quum frater a matre sumisset. Non posuisssem hoc, nisi vidissem, quosdam Viros doctos male intellexisse. ERN.

Superfuit] Burmannus reprehendit eos, qui *adfuit* interpretantur. Ipse vult esse: praeter reliquis praecipuum; et abundans, ac quasi superfluum habuit. Dicitur sane *superesse* pro abundare: sed ubi additur adverbium, aut adiectivum copulae, ut hic; et, quum apud

Plinium dicitur *large superesse*, non male explicatur per *esse*. Vide ad Aug. c. 56. ERN. Burmannum recte iudicasse, facile quisque videt. De verbo conf. notum locum Gell. I. 22.

Prope Septizonium] Aedificium e septem molibus, quarum alia alii imposita esset, consurgens. Suetonii tempore unum erat: post Severus aliud aedificavit, ut sepulcrum esset sibi ac suis. De Septizonio optime egit Scaliger ad Eusebium p. 229. fatente Salmasio ad Script. Hist. Aug. p. 641. Conf. Casaub. ibid. p. 650. Va-

fordidis aedibus, cubiculo vero perparvo et obliuro: nam manet adliuo, et ostenditur.

Educatus in aula cum Britannico simul; ac 2 paribus disciplinis et apud eosdem magistros institutus. Quo quidem tempore, aiunt, Metoposcopum a Narcisso, Claudii liberto, adhibitum, ut Britannicum inspiceret, constantissime affirmasse: illum quidem nullo modo, ceterum Titum, qui tunc prope adstabat, utique imperaturum. Erant autem adeo familiares, ut de potione, qua Britannicus hausia periit, Titus quoque iuxta cubans gustasse credatur, gravi-que morbo afflictatus diu. Quorum omnium mox memor, statuat ei auream in Palatio posuit, et alteram ex ebore equestrem, quae circensi pompa hodieque praefertur, dedicavit, prosecutusque est.

les. ad Ammian. 15, 7., qui et ipse, ut Scaliger, duplex Septizonium facit, vetus, de quo hic sermo, et novum, Severi. ERN.

Sordidis aedibus] Tenuiter, nec pro dignitate aedificatis et cultis. ERN.

Cap. 2. *Iuxta cubans*] Viri doctissimi reprehendunt Suetonium, quod *cubantem* faciat Titum iuxta Britannicum, quum Tacitus Ann. 13, 16. tradat, sedisse utrumque. Sed ego potius errasse credo Tacitum. Quis credat, Neronem ea disciplina continuisse fratrem annum XIV agentem, qua pater continuerat? Etenim ipse Tacitus dicit, principum liberos

(non fratres) sedentes coenasse, quod etiam est apud nostrum Aug. c. 64. et Claud. c. 22. Nihil igitur peccavit Suetonius, neque opus erat ea, qua Burmannus nititur, excusatione. Quodsi tamen certis argumentis doceri possit, ante diem tirocinii neminem coenasse inter viros, concedam libenter, erratum a Suetonio. Tacitus autem ipse 13, 15. indicat. Neronem proximis Saturnaliis cum Britannico coenavisse. ERN. Nullus hic error est, nisi Ernestii. Verbo *cubandi* seu *accumbendi*, in universum proprio, uti potest scriptor, et si nihil dubitans de re apud Tac. narrata. Sic et Perizon. sentit.

3 In puero statim corporis animique dotes exsplenduerunt: magisque ac magis deinceps per aetatis gradus, forma egregia, et cui non minus auctoritatis inesset, quam gratiae; quamquam neque procera statura, et ventre paullo proiectiore; praecipuum robur, memoria singularis, docilitas ad omnes fere, tum belli, tum pacis artes. Armorum et equitandi peritissimus, Latine Graeceque, vel in orando, vel in sin-

Cap. 3. *Praecipuum robur, quamquam etc.*] Certissimum arbitratus sum, in hoc loco tractionem a librariis esse factam: nam quid impedit, quo minus aliquis plurimum roboris habeat, etiamsi proceritas staturae desit, et proiectior venter sit? Ista res speciem externam minuit. Ergo sic hunc locum a Suetonio scriptum putavi: *quam gratiae, quamquam neque procera etc.*, quum vulgo adhuc poli *gratiae* sequeretur *praecipuum robur*. Affert enim *procera statura* auctoritatem, h. e. dignitatem formae, parva statura detrabit: unde Augustus calceis altioribus utebatur, ut procerior videretur. Aug. c. 73. *Venter* autem *proiectior* deformitatem habet: unde in partibus deformitatis passim commemoratur, ut *planus et recedens* in partibus pulcritudinis. Vide Ner. c. 51. Iunius de Pictur. vet. p. 265. 272. Suetonius igitur dicere voluit, etsi duae res in corpore Titi

fuerint, quarum auctoritatem altera, altera gratiam minueret, impediretque, tamen utramque in forma Titi fuisse, et dignitatem, et gratiam. Quia hanc emendationem in textum recepit Oudendorpius, idem nunc feci. ERN. Equidem invitis omnibus libris nihil transponere auius essem, mirorque id fecisse Oudendorpium. Nam minus robusti sunt fere, quibus parva statura est et venter obelus. Etiam correctioni seu depravationi constare sensum videmus; sed ipsa tamen membrorum compositio me ab ea retraxisset.

Armorum et equitandi peritissimus] Intellige, utriusque generis militiae, et pedestris, et equestris: nam hoc sensu *arma* et *equi* iungi solent. Vide imprimis Burmannum ad Virg. Aen. 8, 3. ERN. Conf. ad Caes. c. 57.

Latine Graeceque] Recte hoc pro *Latinae Graecaeque linguae* recepit Graevius, e

gendis poematibus, promptus, et facilis ad extemporalitatem usque: sed ne musicae quidem rudis, ut qui cantaret et psalleret iucunde scienterque. E pluribus comperi, notis quoque excipere velocissime solitum, cum amanuensibus suis per ludum iocumque certantem, imitarique chirographa, quaecumque vidisset, ac saepe profiteri, *se maximum falsarium esse potuisse*.

Tribunus militum, et in Germania, et 4 in Britannia meruit summa industriae, nec minore modestiae, fama: sicut apparet et

codd. Memm., Cuiac., aliis: nam etiam Latinitas hoc postulat. *Linguae promptum* Latine, ex imitatione tamen Graecorum, dici scio: *Latinae linguae promptos*, non credo. Ceterum et *Graece Latineque promptus* dicitur, ut *Graece doctus*: tum h. l. etiam aliqua ex parte refertur ad *orare*, et *fungere carmina*. Mox ad *extemporalitatem usque* abest a libris quibusdam scriptis et editis. Non displicet. ERN.

Cantaret et psalleret] *Psalleret* intelligendum de cantu ad fidium sonos, qualis est citharoedorum etc.; *cantaret* de cantu sine instrumentis musicis. ERN.

Cap. 4. *Industriae, nec minore modestiae, fama*] *Industria* de iis proprie dicitur, qui nullos labores fugiunt, sed eos alacriter capeffunt, et iis summa contentiore defun-

guntur: imprimisque de oratoribus et militibus. De oratoribus, loca Ciceronis notavimus in Clave Cic.; de militibus vide v. c. Nepotem in Agesil. c. 3. *Modestiam* Burmannus accipit de obedientia ducibus, et disciplina militari, ita praestita, ut nihil seditiose in ipsos faceret. Sic *modestiam* eleganter dici, scio. Sed haec virtus non est eiusmodi, ut provinciales propterea ei honores decreverint: quum ab ea nihil ad ipsos commodi redndavit. Intelligenda igitur est modestia erga provinciales, opponiturque avaritiae, rapacitati et insolentiae: nam *modesti* universo dicuntur, qui sunt potentes cupiditatum, ut irae, Cic. Verr. 1, 47., libidinis, idem Lael. c. 13. Tac. Hist. 2, 2., unde et *modestia* de temperantia, Tuscul. 3, 8. Similiter in Domit. c. 8. *provinciarum*

statuarum et imaginum eius multitudine, ac titulis per utramque provinciam. Post stipendia foro operam dedit, honestam magis, quam assiduam. Eodemque tempore Aricidiam Tertullam, patre Equite Romano, sed Praefecto quondam praetorianarum cohortium, duxit uxorem: et in defunctae locum Marciam Furnillam splendoris generis; cum qua, sublata filia,

praesides modesti et iusti dicuntur: eademque virtus etiam moderatio dicitur a nostro. Contra apud Tacitum 13, 50. est inmodestia publicanorum. Ceterum exprimi iussi, quod Torrentius in vetulii codicis fragmento reperit, et Iac. Gronovius etiam e Memmiano profert, pro vulgato, industria — modestia, nisi quod hic etiam ponit summae, quod Latinitas non patitur. Respondere enim hoc adiectivum debet τῷ μικρῷ. Vide etiam ad Domit. c. 9. Qui vulgatam defendunt, proferant, quaeso, exemplum unum idoneum, ubi fama simpliciter sic dicatur. Burmannus ipse fatetur, nullum sibi occurrere. Atqui is aliis multis in locis hoc argumento lectiones oppugnat. Scio quidem apud Livium esse: male magis famae esse, quam bonae: sed id aliter est, nec huic loco convenit; nam universae quidem dicitur magna, varia fama, sed non ubi de singulis virtutibus sermo, et sic, ut hic summa industria, nec

minore modestia, et fama. Sic noster Aug. c. 21. non dixit, quā virtute, moderationeque, et fama, sed, quā virtutis moderationisque fama. Imitatus est exemplum nostrum Oudendorpius. ERN.

Statuarum et imaginum eius] Imagines, intellige clypeos, de more illorum temporum. Calig. c. 16. Domit. c. 23. Conf. Vesp. c. 1. ERN.

Marciam Fulviam] Hoc exprimendum curavi pro M. Furnillam, quia codd. et edd. vett. plures habent Fulviam, Fulvillam vel Furnillam, quod postremum factum e Fulvillam. Fulvia autem et Fulvillae idem nomen est, ut Livia, Germanici filia, quam Tacitus vocat, eadem Livilla apud nostram in Tiberio et Caio dicitur. Graevius sic reponi voluit, sed operae vulgatum dederunt. Maxime autem cum Patiro nititur numo vetere, in quo est Φουλβία Σεβαστή. Sed non video, quomodo illa Augusta vocari possit, quando diu ante imperium, non di-

divortium fecit. Ex quaesturae deinde honore legioni praepositus, Taricheas et Gamalam, urbes Iudaeae validissimas, in potestatem redegit: equo quadam acie sub feminibus amisso, alteroque inscensu, cuius rector circa se dimicans occubuerat.

Galba mox tenente rempublicam, missus 5 ad gratulandum, quaquā iret, convertit homines: quasi adoptionis gratia arcesseretur. Sed, ubi turbari rursus cuncta sensit, rediit ex itinere; aditoque Paphiae Veneris oraculo, dum de navigatione consulit, etiam de imperii spe

eam, mortuo patre, sed vivo illo, per tribuniciae potestatis collegium, susceptum, dimissa est. Neque si tunc, patre scilicet vivo, quantum tribuniciae potestatis collega esset, adhuc habuisset. Σεβαστῇ dici potuisset: nisi dicamus, quod Christio nostro placebat, dictam sic demum sub Domitiano, in honorem filiae Iuliae, quam Domitianus amavit, quaeque Augusta dicta est; quamquam eius rei nullum vestigium in scriptoribus antiquis. Res quidem ipsa non abhorret a more vetere: nam et Antonia, Drusi uxor, Augusta a Claudio appellata est, post mortem. Vide in Claud. c. 11. Quicquid sit, illo quidem numo non confido, nec abhorreo ab eiusdem Christii, super eo a me consulti, sententia, qui sibi suspectum multis de causis illum numum ostendebat. Sed hoc iam vi-

dit et docuit Spanhemius de usu et praest. num. T. II. p. 286., ut monuit Oudendorpius. ERR. Igitur non recedendum erat a plurimorum codd. fide.

Taricheam et Gamalam] *Taricheam* editur e correctione Hermolai Barb. ad Plin. Hist. Nat. 2, 91. Initium fecit Aldus. Sed quia Mss. habent *Thracias* vel *Trachias*, edendum erat *Tartcheas*, ut Oudend. fecit, et in vetere codice esse dixit Ursinus: nam ille numerus apud veteres usitator est. ERR.

Circa se] Vulgo *contra se*, ex libris minus bonis. Alterum, quod recepimus, bene Oudendorp. induxit.

Cap. 5. *Convertit*] Intell. in se, ut se intnerentur, de se loquerentur, tamquam adoptando a Galba. Calig. c. 35. *convertisse hominum oculos fulgore purpureae abollae*: ERR.

confirmatus est. Cuius brevi compos, et ad perdomandam Iudaeam relictus, novissima Hierosolymorum oppugnatione, XII propugnatores totidem sagittarum confecit ictibus: cepitque eam natali filiae suae, tanto militum gaudio ac favore, ut in gratulatione Imperatorem eum consalutaverint, et subinde decedentem provincia detinuerint, suppliciter, nec non et minaciter efflagitantes, *aut remaneret, aut secum omnes pariter abduceret*. Unde nata suspicio est, quasi desciscere a patre, Orientisque regnum sibi vindicare tentasset. Quam

Cuius brevi compos, et etc.] Recte monuit Burmannus, durum esse, quod Lipsio placuit, *cuius* referri ad *spem*. Sed nec ipse locum expedit. Suspicatur, aliquid excidisse; quod illud *brevi* non in ipsum, sed in patrem conveniat. Ego hoc *brevi* facile concoquerem, referremque ad collegium tribuniciae potestatis, et nomen Caesaris, quod a patre, redux Roman, accepit: si modo cetera satis plana, et ad rectam rationem loquendi conformata essent. Sed qualis loquendi modus: *cuius brevi compos, et — relictus*: nam tum quidem, quum relinqueretur in Iudaea, nondum compos imperii erat. Ego sic legendum arbitror: *cuius brevi compos factus. Sed ad perdomandam etc., sive: compos factus est. Ad perdomandum etc.* ERN. Haec merito dis-

plicuerunt Viris doctis, qui ex Livio 29, 22. eandem locutionem afferunt, *spei* conceptae *compotem* facere. Impr. autem iungendus est locus Vesp. c. 5. pr., ubi eadem res diverso modo exprimitur.

Cepitque eam] Sic omnes libri. *Eam* refertur ad *urbem*, quod verbum in Hierosolymorum nomine latet, per synesin, cuius exempla, inprimis in urbium nominibus, frequentia sunt. ERN.

Imperatorem consulaverint] Accipe sensu antiquo, quum, de more vetere, libera iam republica usitato, post victoriam ab exercitu *Imperatores* dicti: non eo, quo patrem antea Imperatorem milites appellaverant, deficientes a Vitellio. Alia vi, anno post, Romae, a patre Imperator appellatus est, ut docet Pagius Crit. Baron. ad a. C. 71. ERN.

suspicionem auxit, postquam Alexandriam petens, in consecrando apud Memphim bove Api diadema gestavit; de more quidem ritumque priscae religionis: sed non deerant, qui secus interpretarentur. Quare festinans in Italiam, quum Rhegium, dehinc Puteolos, oneraria nave appulisset, Romam inde contendit expeditissimus; inopinanti patri, velut arguens rumorum de se temeritatem, *Veni, inquit, pater, veni.*

Neque ex eo desistit, participem atque 6 etiam tutorem imperii agere. Triumphavit cum patre, censuranique gessit una. Eidem collega, et in tribunicia potestate, et in septem consulatibus fuit. Receptaque ad se prope omnium officiorum cura, quum patris nomine et epistolas ipse dictaret, et edicta conscriberet, orationesque in Senatu recitaret etiam Quaestoris vice, praefecturam quoque praetorii suscepit, nunquam ad id tempus, nisi ab Equite Romano administratam; egitque aliquanto incivilius

Veni — veni] Graevius legi vult: *Venio, venio*. Male. *Ventens* est adhuc in via; qui iam adest, *venisse* dicitur, non *venire*. Ergo nec dicere potuit *venio*, sed *veni*. Sic Minerva ap. Ovid. Met. 6, 43. Tum Dea, *Venit, ait*. Vernaculae linguae consuetudo decepit Graevium. ERN. Quasi non Latini interdum etiam praesenti illius verbi tempore abuterentur. *Adsum atque advenio Acherunte* etc.

Cap. 6. *Nisi ab Equite Ro-*

mano] Erroris arguunt Suetonium exemplis Seiani, qui in consulatu fuit Praefectus Praetorio, Clementisque Arretini, Senatoris, Lipsius ad Tac. Hist. 4, 68. Norisius, Pagius Crit. Bar. ad a. C. 94. Sed ista exempla, imprimis Seiani, nullo modo ignorabat, aut oblitus esse poterat, quum ista scriberet, Suetonius. Itaque illud *administratam* capiemus, *administrari solitam*. Seianus quidem merus Fques erat, quum praefecturam susceperet,

et violentius: siquidem suspectissimum quemque sibi, summissis, qui per Theatra et castra, quasi consensu ad poenam deposcerent, haud cunctanter oppressit. In his A. Caecinam, consularem virum, vocatum ad coenam, ac vixdum triclinio egressum, confodi iussit: sane urgente discrimine, quum etiam chirographum eius praeparatae apud milites concionis deprehendisset. Quibus rebus sicut in posterum securitati satis cavet, ita ad praesens plurimum contraxit invidiae: ut non temere quis, tam adverso rumore, magisque invitis omnibus, transierit ad principatum.

- 7 Praeter saevitiam, suspecta in eo etiam luxuria erat; quod ad mediam noctem comissiones cum profusissimo quoque familiarium extenderet. Nec minus libido, propter exoletorum et spadonum greges, propterque insignem

retinuitque extra ordinem, postquam Senator factus est, singulari apud Tiberium gratia. Neque Mucianus recte atque ordine fecit, quum Clementem, Senatorem, Praefectum fecit. Imperator quidem M. Aurelius querebatur, se Pertinacem, quod Senator esset, Praefectum praetorii facere non posse, apud Capitolinum c. 2., nempe; si vellet morem pristinum servare. An ergo, et hunc errasse; et iura, potestatemque imperatoriam nescisse, dicemus? Assenitur nobis Oudendorpius. ERN.

Quasi consensu] Veluti omnes, et milites, et rogati,

consentirent in eo, ut puniendos censerent. ERN.

Chirographum — concionis] Sic Memm., Gopel., Hulf., liber Christii, omninoque meliores libri, teste Casaubono. Ergo recepi. *Chirographum praeparatae apud milites concionis* intelligi potest. Reperta erat concio seclitiosa, apud milites habenda, ipsius manu scripta, unde eius consilia planissime cognoscerentur. Sed, quid sit *chirographum coniurationis*, quae est vulgata lectio, nemo dicat, nec dixere Interpretes. Imitatus est nos Oudendorp. ERN. Iam ita legendum vidit Perizon.

reginae Berenices amorem, cui etiam nuptias pollicitus ferebatur. Suspecta et rapacitas; quod constabat, in cognitionibus patris nundinari praemiarique solitum. Denique propalam alium Neronem et opinabantur, et praedicebant. At illi ea fama pro bono cessit, conversaque est in maximas laudes; neque vitio ullo reperto, et contra virtutibus luminis. Convivia instituit iucunda magis, quam profusa. Amicos elegit, quibus etiam post eum principes, ut et sibi et reipublicae necessariis, acquieverunt; praecipueque sunt usi. Berenicen sta-

Cap. 7. *In concionibus patris nundinari*] Haec lectio, quae est omnium prope librorum, manifeste corrupta est. Placet Viris doctis *cognitionibus*, e quo potuit fieri *concionibus*. Bene. *Nundinari* autem eleganter dicitur, imitatione Ciceronis, de iis, qui in talibus rebus pecunias vel capiunt, vel dant, adeoque ius vel emunt, vel vendunt. Verr. I, 64. *Qui ab isto ius ad utilitatem suam nundinarentur*. Mox *alium Neronem*, pro *alterum*, potest defendi locis, ubi *alius* sic fere dicitur: sed tamen malim *alterum*, quod in hac forma semper est. An ergo etiam dici poterit de amico, *ille est alius ego*? EAM. Id quidem inusitatum est, quia agitur de *duobus*: sed *alium Neronem* et ipse ferendum puto, quod *plures* illo significatu esse possunt *Nerones*, atque

non raro apud bonos scriptores confunduntur pronomina, *alius* et *alter*. Ceterum verissimae sunt Virorum doctorum correctiones, *cognitionibus* et *patris*, a nobis in ordinem receptae.

Pro bono cessit] Idem est, quod Ciceroni pro Roscio Amerino c. 5. *bono fuit*, et Livio 7, 12. *etiam bono fuisse Romanis adventum illorum constabat*. Poterat dicere, *pro bono cessisse*. Idem Livius etiam addit praepositionem *pro*, in alia tamen formula, 24, 48. *ut pro bonis et fidelibus sociis facerent*, i. e. ita, ut boni et fideles socii. Sic igitur possis interpretari, ea fama ipsi ita, ut bona et secunda, cessit. *Bono cedere* etiam alii dixere, ut Lexica docent. EAM.

Quibus etiam — acquieverunt] Liplius putat, Cicero- nem dicturum fuisse, *in qui-*

tim ab Urbe dimisit invitus invitam. Quosdam e gratissimis delicatorem; quamquam tam artifices saltationis, ut mox scenam tenuerint, non modo sœvere prolixius, sed spectare omnino in publico coetu supersedit. Nulli civium quidquam ademit: abstinuit alieno, ut si quis umquam: ac ne concessas quidem ac solitas collationes recepit. Et tamen nemine ante se munificentia minor. Amphitheatro dedicato, thermisque iuxta celeriter exstructis, munus edidit apparatissimum largissimumque. Dedit et navale proelium in veteri naumachia: ibidem et gladiatores: atque uno die quinque milia omne genus ferarum.

8 Natura autem benevolentissimus, quum ex instituto Tiberii omnes dehinc Cæsares beneficia, a superioribus concessa principibus, aliter rata non haberent, quam si eadem iisdem et ipsi dedissent, primus præterita omnia uno

bus. Sed Cicero etiam sine præpositione dixit pro Milone c. 37. *qui morte eius acquiescunt*: nisi quis ibi τὸ ἐν absorptum putet a finali τὸς *qui*, et prima sequentis verbi. ERN.

Delicatorum] Exoletorum, et spadonum, ut ante vocavit. ERN.

In publico omnino coetu] Coetu delendum esse, recte monuere Torrentius, Lipsius et Burmannus. Favet M. Lyser., qui pro *coetu* habet *ceu*. ERN. Rectius alii servavit vocabulum, sine quo lo-

cus spectandi nimis vage significaretur.

Ut si quis umquam] Periphrasis superlativi: sed Dukero suspectum est *ut si*. Et sane nullum simile exemplum meminisse me repère. Ego ut deleverim. ERN. Hoc suadere non ausim, etsi huius ipsius abundantiae aliud exemplum asserre nequeo. Sunt tamen talis pleonasmii exempla in aliis loquendi formis.

Dedicato] H. l. est nihil, nisi absoluto. Nam, quae proprie *dedicatio* dicitur in talibus rebus, ut Claud. c. 21. et

confirmavit edicto; nec a se peti passus est. In ceteris vero desideriis hominum obstinatissime tenuit, ne quem sine se dimitteret. Quin et admonentibus domesticis, *quasi plura polliceretur, quam praestare posset: Non oportere*, ait, *quemquam a sermone principis tristem discedere*. Atque etiam recordatus quondam super coenam, quod nihil cuiquam toto die praesitisset, memorabilem illam, meritoque laudatam vocem edidit: *Amici, diem perdidisti*. Populum in primis universum tanta per omnes occasiones comitate tractavit, ut proposito gladiatorio munere, *non ad suum, sed ad spectantium arbitrium editurum se*, professus sit. Et plane ita fecit. Nam neque negavit quidquam petentibus; et ut, quae vellet, peterent, ultro adhortatus est. Quin et studium armaturae Threcum prae se ferens, saepe cum populo et voce et gestu, ut fautor, cavillatus est: verum maiestate salva, nec minus aequitate. Ne quid popularitatis praeter-

alibi, separatim exprimitur: *munus edidit apparatusissimum*. ERN.

Cap. 8. *Desideriis hominum*] *Tò animum*, quod est in vulgatis, et Casauboni *omnium*, recte eiecit Burmannus: abest enim a Memm., Lyser., Copes. et Voss. etc. codd. ERN. *Tenuit* hoc institutum, hanc consuetudinem.

Ut fautor, cavillatus est] Intellige, Threcas, gladiatores. *Cavillari* autem h. l. est irridere, diceriis incessere. Sed

cum hac sententia, quam contextus manifeste desiderat, non conveniunt verba, *ut fautor*. Etenim comitas non tam in eo est, quod et ipse favorem suum demonstravit; id et alii fecerant: sed, quod in eos cum populo cavillatus est, quibus favebat perspicue. Itaque Guetus eici volebat, Glareanus autem non addebat. Non alienus sum a Gueti opinione. Vide tamen, an legi possit, *utut fautor*. Etiam aliis locis pro *utut* scribere *ut* libra-

mitteret, nonnumquam in thermis suis, admiffa plebe, lavit. Quaedam sub eo fortuita ac triflia acciderunt: ut conflagratio Vesevi montis in Campania; et incendium Romae, per tri-
dum, totidemque noctes; item pestilentia, quanta non temere alias. In his tot adversis ac talibus, non modo principis sollicitudinem, sed et parentis affectum unicum praestitit; nunc consolando per edicta, nunc opitulando, quatenus suppeteret facultas. Curatores restituendae Campaniae e Consularium numero sorte duxit. Bona oppressorum in Vesevo, quorum heredes non exstabant, restitutioni afflictarum civitatum attribuit. Urbis incendio nihil, nisi sibi, publice perisse testatus, cuncta praetorio-

rii. Vide Burmannum ad Domit. c. 9. Sed fatendum est, supervacua et haec verba esse. Possis etiam legere in *fautores*, scil. Threcum: quod optimum sensum faceret. Etenim non magis in gladiatores ipsos, quam eorum fautores cavillabantur: unde seditiones spectatorum, Ner. c. 26. et alibi. ERN. *Cavillatus est* diversam factionem eiusque fautores. Ita optime Graevius: ceteri nodum in scilipo quaerunt.

Parentis affectum unicum] Iulius malebat *unici*: ut *parens unicus* dicatur, sicut *Imperator unicus* apud Livium de Camillo etc. Burmannus dubitat, utrum rectius dicatur *unicus parens*, an *unicus affectus*; quod miror. Etiam

Cicero dixit *unica liberalitas*, pro Quint. c. 12., et similia et apud ipsum, et alibi, reperias. Ergo non est, quod tentetur, aut dubia sit omnium codd. et edd. lectio. ERN.

Restituendae Campaniae] Sic dicitur, ut *condere insulam*. Vide ad Aug. c. 98. ERN.

Publice perisset testatus] Male Casaubonus *τὸ publice* ad *testatus* refert. Non voluit dicere, nemini, nisi sibi, aliquid perisse: id falso dixisset: sed publice, h. e. operibus publicis combustis, nil perisse reipublicae, sed sibi: quo declarabat, sibi in animo esse, suo ea sumtu restituere; quod fecisse, mox narrat Suetonius. ERN.

rum suorum ornamenta operibus ac templis destinavit: praeposuitque complures ex equestri ordine; quo quaeque maturius peragerentur. Medendae valetudini, leniendisque morbis, nullam divinam humanamque opem non adhibuit, inquitito omni sacrificiorum remediumque genere. Inter adversa temporum, et delatores mandatoresque erant, ex licentia veteri. Hos assidue in foro flagellis ac fustibus caesos, ac novissime traductos per Amphitheatri arenam, partim subiici, ac venire imperavit; partim in asperissimas insularum avehi. Utque etiam similia quandoque auctores perpetuo coereret, vetuit inter cetera, de eadem re pluribus legibus agi, quaerive de cuiusquam defunctorum statu, ultra certos annos.

Pontificatum maximum ideo se professus accipere, ut puras servaret manus, fidem prae-

Partim subiici in servos] In servos non habent quidam boni codices: unde deleri volunt, intelligique *praeconi*, vel *hastae*, quae voces omissae sint, quod propter viciniam *venire* facile intelligantur, idque et alios scriptores fecisse in talibus contextis: quod verum est. Vide Calig. c. 38. et Dukerum ad Florum 2, 6. Graevius autem, deletis his verbis, addi volebat *hastae*; quod non esse necessarium, e dictis patet. Mihi in mentem venit, legere *subiici in servis*, et *venire* etc. In *servis*, est, inter servos, exquisita Latinitate. ERN. At falso sensu.

Glossema eieci cum Ouden-dorp.

Pluribus legibus agi] Quod olim in causis publicis licuisse, patet ex oratione Ciceronis prima in Verrem, init., ubi minatur, si Verres absolvatur, se ex aliis legibus accusaturum: in privatis causis autem hodie quoque licet, si formula una excideris, alia uti: veluti, si possessionem legitimi temporis non probaris, petere simpliciter. ERN.

Cap. 9. Pontificatum maximum] Hoc intelligendum de temporibus post mortem patris. Etenim et ante Pontifex Maximus fuit, vivo patre, et

litit: nec auctor posthac cuiusquam necis, nec conscius; quamvis interdum ulciscendi causâ non deesset, sed *peritulum se potius, quam perditulum*, adiurans. Duos patricii generis convictos in affectatione imperii, nihil amplius quam ut desisterent monuit, dicens, *Principatum fato dari*: si quid praeterea desiderarent, promittens se tributurum: et confestim quidem ad alterius matrem, quae procul ab erat, cursores suos misit, qui anxiae filium saluum nuntiarent. Ceterum ipsos non solum familiari coenae adhibuit, sed insequenti die gladiatorum spectaculo circa se ex industria collocatis, oblata sibi ferramenta pugnantium

manus inquinavit. Vivo patre Pontificem Maximum appellatum, testantur inscriptiones marmorum a Boherio prolatae, quae fugiebant Pagium, quum in Crit. Bar. ad a. C. 161. n. 6. ageret de titulo Pontificis Maximi duobus communi. Sed tum nomine magis, quam re, erat Pontifex Maximus, quum omnis potestas esset penes patrem: veluti collega tribuniciae potestatis et collega imperii, adeoque princeps fuit, et tamen demum mortuo patre ad principatum venisse dicitur c. 6. extr. Haec pluribus demonstrat Boherius, in doctissima Diss. de pontificatu maximo Imperatorum Roman. ante paucos annos Gallice edita. Sed contra eum disputat Bimardus T. XVIII. Comment:

Acad. Inscr. et litter. hum. p. 581. ERN.

Cuiusquam] Valde placet *cuiquam*, quod e codice Periz. et ed. Rom. profert Burmannus. Sed tamen et vulgatum intelligi ac defendi potest. ERN. Verissimum est *cuiusquam*, qualem genitivum ab alio genitivo pendentem non respuunt scriptores, ubi constructio cogit. Ner. c. 53. pr. *Cuius necis* etsi non auctor, at conscius fuit. Dativo hic diversam sententiam inesse, recte vidit Oudendorp.

Convictos in affectatione imperii] Vide ad Claud. c. 14. ERN.

Ferramenta pugnantium] Sine haesitatione recepi *ferramenta*, pro vulgari *ornamenta*. Etenim habent illud codi-

inspicienda porrexit. Dicitur etiam, cognita utriusque genitura, *imminere ambobus periculum*, affirmasse, *verum quandoque*, et *ab alio*: sicut evenit. Fratrem, insidiari sibi non desinentem, sed paene ex professo sollicitantem exercitus, meditantem fugam, nec occidere, neque seponere, ac ne in minore quidem honore habere sustinuit: sed, ut a primo imperii die, consortem successoremque testari perseveravit; nonnumquam secreto precibus et lacrimis orans, *ut tandem mutuo erga se animo vellet esse*.

Inter haec morte praeventus est, maiore 10 hominum damno, quam suo. Spectaculis absolutis, in quorum sine populo coram ubertim fleverat, Sabinos petit aliquanto tristior, quod sacrificanti hostia aufugerat, quodque tempestate serena tonuerat. Deinde ad primam statim mansionem febrim nactus, quum inde lectica

ces optimi, Memm., Viterb., Cuiac., tres Palatini, Copel. etc., quorum auctoritati cur non cedamus, quum non modo nos, sed etiam cautus Burmannus, ubi in mentem venit, paucioribus interdum cesserit? praesertim, quum ratio Latinitatis *ornamenta* plane repudiet: id quod in Excursu demonstramus. Recepit etiam Oudendorpius. ERN.

Venturum quandoque et ab alio] Valde aridet lectio codicis ab Ursino laudati, *venturum quoque*, sed *ab alio*: placuit et Dukero: saltem *sed* legendum videtur. *Venturum*

quoque omnes fere veteres edd. Possis etiam legere, *venturumque quandoque*. Ne offendere sono, multis exemplis Livius cavet: v. g. 7, 14. *nostra quoque quidam aetate*. ERN. Sonus quidem neminem offendat, qui meminerit Caes. c. 27. *reliquo quoque* et similium casuum: sed ipsum *que* h. l. alienum est. Immo revertendum erat ad scripturam Casauboni, *verum quandoque et ab alio*, quam et boni libri firmant, et plane poscit Latinitas.

Cap. 10. *Febrim nactus*] Mira phrasis; cuius tamen et

transferretur, suspexisse dicitur dimotis plagulis caelum, multumque conquestus, *eripi sibi vitam immerenti: neque enim exstare ullum suum factum poenitendum, excepto dumtaxat uno*. Id quale fuerit, neque ipse tunc prodidit, neque cuiquam facile succurrat. Quidam opinantur, consuetudinem recordatum, quam cum fratris uxore habuerit. Sed nullam habuisse, persancte Domitia iurabat; haud negatura, si qua omnino fuisset: immo etiam gloriatura, quod illi promptissimum erat in omnibus probris.

- II Excessit in eadem, qua pater, villa, Idibus Septembris, post biennium ac menses duos, diesque viginti, quam successerat patri, altero et quadragesimo aetatis anno. Quod ut palam factum est, non secus atque in domestico luctu moerentibus publice cunctis, Senatus prius quam edicto convocaretur, ad Curiam concurrat; obleratisque adhuc foribus, deinde apertis, tantas mortuo gratias egit, laudesque concessit, quantas ne vivo quidem umquam atque praesenti.

alia exempla occurrunt, ut *mortem nancisci*, et similia: sicut et *adipisci* dicitur. ERN. *Febriam nancisci* Latinis, ut puto, maxime proprium fuit, etsi hodie rarum est. Nostrates similiter, *das Fieber kriegen*.

Dimotis plagulis] Scil. lecticae. Vide Drakenborch. ad Liv. 39, 6. ERN.

Cap. II. *Gratias egit, laudesque*] Quamquam egit maxime ad gratias refertur, tamen etiam *laudes agere* dici posse, docuit Gronovius ad Liv. 26, 48. ERN. At optimi, codd. habent *gratias egit laudesque concessit, quantas ne vivo etc.* Id non animadvertat Gronov. Conf. Octav. c. 98. princ.

S U E T O N I I
L I B E R O C T A V U S .

T. FLAVIUS DOMITIANUS.

Domitianus natus est IX. Kalendas Novembris, 1
patre Consule designato, inituroque mense insequenti honorem, regione Urbis sexta, ad Malum Punicum, domo, quam postea in templum gentis Flaviae convertit. Pubertatis ac primae adolescentiae tempus tanta inopia tantaque infamia gessisse fertur, ut nullum argenteum vas in usu haberet: satisque constat, Clodium Polionem, praetorium virum, in quem est poema

Cap. 1. *Adolescentiae tempora — gessisse*] Vera et elegans Latinitas postulat *egisse*, quod et Calaubonus malebat. Recte. Propter consensum librorum [scr. in vulgato, nemo ausus est meliorem lectionem recipere. Retineat ergo Suetonius, quod in tirone Latinitatis improbemus. ERN. Conf. ad Vesp. c. 24. Aptius etiam h. l. videtur *gerere*, nemini improbatum in nota epist. Sulpicii ad Cic. 4, 5., ubi est *aetatem gerere* sine ulla discre-

pantia scripturae. Alia vide ap. Cannegieterum ad Avian. 1, 4. Ceterum dedi *tempus* ex optimis Mss. et hoc quoque cum Oudendorp.

In usu haberet] Quod addit *in usu*, indicat, pignori opposita vasa argentea habuisse. Post Lipsius, Burmannus et Oudendorpius malebant *constet*. Sed id verbum non coniungitur cum proxime antecedente, sed cum *fertur*. Mox *eius* elegantius abesset. ERN. Vix apud poetam abesse posset pro-

Neronis, quod inscribitur *Luscio*, chirographum eius conservasse, et nonnumquam protulisse, noctem sibi pollicentis: nec defuerunt, qui affirmarent, corruptum Domitianum et a Nerva, succellore mox suo. Bello Vitelliano confugit in Capitolium cum patruo Sabino ac parte praesentium copiarum: sed irrumpentibus adversariis, et ardente templo, apud aedituum clam pernoctavit; ac mane Iliaci celatus habitu, interque sacrificulos vanae superstitionis, quum se trans Tiberim ad condiscipuli sui matrem comite uno contulisset, ita latuit, ut scrutantibus, qui vestigia subsecuti erant, deprehendi non potuerit. Post victoriam demum progressus, et Caesar consalutatus, honorem

nomen, sine quo subiectum deesset participio *pollicentis*. Rectius defenditur lectio *constat*, quia, ut opinor, ineptum est dicere, *Fertur aetatem gessisse tanta infamia, ut satis constet*. Nam prope *ἀσύστατα* haec sunt, et iabilia, ut inversa magis placeant: *Satis constat gessisse, ut ferant*. Immo ista iunctura si placuisset Suetonio, promptum erat scribere, *Clo diusque conservavit* etc. Denique verba *in usu* non ita erant premenda. In hoc enim genere qui *habet* aliquid, fere *habet in usu*: etsi ad *usum* talis supellex etiam commodata haberi, et, nisi nimia inopia erat, conduci solebat.

Iliaci celatus habitu] Qua-

lis ille habitus fuerit, docet Appianus Bell. Civ. 4. p. 616., ubi de Volusio, qui, proscriptus quum esset, Iliaci habitu effugit: Καὶ φίλον ὀργιαστὴν τῆς Ἰσιδος ἔχων, ἤτησε τὴν στολὴν, καὶ τὰς ὀθόνας ἐνέδυ τὰς ποδήρεις, καὶ τὴν τοῦ κυνὸς κεφαλὴν ἐπέθετο, καὶ διῆλθεν οὕτως ὀργιάζων αὐτῷ σχήματι ἐς Πομπήϊον. De nummo Domitiani, eius rei memoriam servante, egit ad h. l. Patinus. Vide etiam Pagium Crit. Bar. ad a. C. 95. n. 5. Hinc etiam explicanda *mysteria*, quae Domitiano obiiicit Plinius Paneg. c. 49. ERN.

Caesar consalutatus, honorem etc.] Videndus ad h. l. inprimis Pagius Crit. Bar. ad a. C. 59. n. 9. ERN.

praeturæ urbanae consulari potestate suscepit titulo tenus: nam iurisdictionem ad collegam proximum transtulit. Ceterum omnem vim dominationis tam licenter exercuit, ut iam tum, qualis futurus esset, ostenderet. Ne exsequar singula: contrectatis multorum uxoribus, Domitiam Longinam, Aelio Lamiae nuptam, etiam in matrimonium abduxit: atque uno die super viginti officia urbana aut peregrina distribuit;

Cum consulari potestate]

Primo restitui *cum*, quod recentiores delevere, quum a nonnullis libris scriptis abesset. Sed id abesse per Latinitatem non potest. Male Gracvius comparat illa, *tribuni militum consulari potestate*, *Imperator tribun. potestate*: quae sunt diversa. *Practor consulari potestate* rectum est, at non *praetura consulari potestate*. Ceterum id factum quum honoris causa, tum, quia pater et frater, Consules illius anni, absentes erant, Tac. Hist. 4, 59., adeoque ad ipsum munera consularia redibant, ut Senatum convocare, referre ad Senatum. Haec est, ut opinor, simplicissima ratio loci huius intelligendi. ERN. Particulam delevi, quae ab optimis codd. abest, et facile ex glossa addi potuit. Simul analogia et usus adversatur; nec video, cur minus Latine dicatur *tribunatus militum consulari potestate*, quam *tribu-*

nus mil. consulari potestate.

Suscepit titulo tenus] Explicat Tacitus Hist. 4, 59. *Eius nomen epistolis edictisque praeponebatur: vis penes Mucianum erat.* ERN.

Quam] Unice probo, quod iam Iac. Gronovio in mentem venit. *nam.* Burmannus malebat cum I. F. Gronovio, *quum — transtulisset.* Sed ea emendatio est contra Latinitatis rationem. Etenim, *suscepit*, inquit, *titulo tenus*: non, *gessit*. Si hoc verbo usus esset, necessarium foret, *quum — transtulisset*, aut, *nam — transtulerat*. Nunc, post *suscepit*, necessarium est perfectum, adeoque *nam*. Si quis tamen *quum* malit, legendum erit *transferret*, non *transtulisset*, quod longius a vulgata abit. ERN.

Ad collegam proximum] I. e. Praetorem peregrinum, qui Mucianus erat. ERN.

Officia urbana aut peregrina] Edd. et scr. multi ac-

mirari se, Vespasiano dictitante, quod successorem non et sibi mitteret.

- 2 Expeditionem quoque in Galliam Germaniasque, neque necessariam, et dissuadentibus paternis amicis, inchoavit, tantum ut fratri se et operibus, et dignatione adaequaret. Ob haec correptus, quo magis et aetatis et conditionis admoneretur, habitabat cum patre una, sellamque eius ac fratris, quoties prodirent, lectica sequebatur: ac triumphum utriusque Iuldaicum equo albo comitatus est. In sex consulatibus non nisi unum ordinarium gessit, eumque cedente et suffragante fratre. Simulavit et ipse mire modestiam: in primisque poeticae

que, quod sensu planius est. Aut sic accipiendum: nempe utriusque generis officia dedit.
ERN. —

Cap. 2. *Simulavit et ipse* etc.] In Ml. Lyser. non reperi verba, *et ipse*. Ac sane attento lectori facile apparebit, ea esse ab hoc loco alienissima. Porro alii codd. variant in verbo *mire*, pro quo nonnulli habent *inire*. Ego arbitror, corruptum locum esse. *Simulatio modestiae* fuit effectus castigationis a parente adhibitae, et quod omni modo eum deprimere studebat pater. Hoc voluit, ut opinor, Suetonius indicare: nam ante illam castigationem sane non simulabat modestiam is, qui omnem vim dominationis licentissime exercebat. Ergo legendum vi-

detur: simulavit inde modestiam, aut, τῷ *mire* servato, ut *ipse* factum sit ex *inde*, *simulavit inde mire modestiam*. Sed quomodo cum hoc cohaeret *in primisque poeticae studium*? quare hoc simulavit? Vereor, ne hic aliquid exciderit. ERN. Non est mendosus hic locus: quamquam *inde*, vel potius *exinde*, ferri posset, si proxime praecessisset mentio paternae castigationis. Nunc praecessit exemplum modestiae Titi fratris, cui debuit Domitianus consulatum a. U. 826. Igitur *ipse quoque simulavit modestiam*, i. e. animum ab ambitione et dominandi cupidine alienum. Iam apparet etiam, quomodo iungi potuerit poetica, quae non est inter artes principales.

studium, tam insuetum antea sibi, quam postea spretum et abiectum; recitavitque etiam publice. Nec tamen eo secius, quum Vologesus, Parthorum rex, auxilia adversus Alanos, ducemque alterum ex Vespasiani liberis depoposcisset, omni ope contendit, ut ipse potissimum mitteretur. Et quia discussa res est, alios Orientis reges, ut idem postularent, donis ac pollicitationibus sollicitare tentavit. Patre defuncto, diu cunctatus, an duplum donativum militi offerret, numquam iactare dubitavit, *relictum se participem imperii, sed fraudem testamento adhibitam*. Neque cessavit ex eo insidias struere fratri clam palamque: quoad correptum gravi valetudine, prius quam plane efflaret animam, pro mortuo deferi iussit: defunctumque nullo praeterquam consecrationis honore dignatus, saepe etiam carpsit obliquis orationibus et edictis.

Inter initia principatus, quotidie secretum **3** sibi horarum sumere solebat; nec quidquam amplius, quam muscas captare, ac filo praecuto configere: ut cuidam interroganti, *essetne quis intus cum Caesare*, non absurde

Donativum militi offerret]

populum. ERN.

E Mss. pluribus cum Ouden-
dorpio *edidi offerret* pro *donaret*. Sic Cicero *declarare munus*. ERN.

Cap. 3. *Horarum]* Habet etiam M. Lyser. Intelligendum est aliquot, ut recte monuit Burmannus, cuius ellipseos exempla et alibi occurrunt. Sic *spatium horarum* Ner. c. 37. ERN. Ibi vide, et hic Casanbonum; etsi notam numeri addere h. l. minus placet. Quare revocandum opinor *horarum*, vocem

Relictum se participem imperii] Olim legebatur *principem imperii*, quod verum puto. Vide Excursum. ERN.

Orationibus et edictis] *Orationibus* in Senatu, *edictis* ad

responsum sit a Vibio Crispo, *Ne musca quidem*. Deinde uxorem Domitiam, ex qua in secundo suo consulatu filium tulerat, alteroque anno consalutaverat ut Augustam, eandem, Paridis histrionis amore deperditam, repudiavit: intraque breve tempus impatiens discidii, quasi esslagitante populo, reduxit. Circa administrationem autem imperii aliquamdiu se varium praestitit, mixturaque aequabili vitiorum atque virtutum, donec virtutes quoque in vitia deflexit; quantum coniectare licet, super ingenii naturam, inopia rapax, metu saevus.

4 Spectacula assidue magnifica et sumptuosa edidit, non in Amphitheatro modo, verum et

eadem analogia signatam, qua est *temporarius, momentarius* etc.

Uxorem Domitiam] Delevi cum Burmanno τὸ suam. Sed similiter mox τὸ suo delendum puto. Vide Vesp. c. 24. ERX.

Ex qua in secundo suo consulatu] De hoc loco vide Excursum. ERX.

Eandem] Pronomen hoc defendunt Gronovius et Burmannus contra Torrentium, sed in omnibus, quae laudantur, exemplis est tantum pronomen *is*, non *idem*. Suetonius hoc pronomen fere ponit post τελεῖαν στιγμὴν: v. g. sic: *Domitiam* — — *consalutavit Augustam. Eandem Paridis* — — *repudiavit*. Vide Aug. c. 67. Sed tamen et sic ferri posse, arbitror: ERX. Atque

adeo oportere. Inest vis τὸ tamen. Nam paullo ante negligentius dixit *alteroque anno*, pro, *quamquam altero a.*

Mixtura aequabili] Τὸ quoque, quod vulgatae editiones interponunt, auctoribus codicibus, quos laudat Torrentius, delevi. Etenim manifestum est, id esse alienum ab h. l.: nam, his verbis Suetonius, more suo, explicat verba antecedentia, *varium se praestitit*. Tractum autem huc est a librariis e sequentibus. ERX. Id paucis locis probabile est, minime h. l. Quoque natum est, ut saepe, ex *que*: scribendum enim *mixturaque aequabili*, ut iam Lipsius coniecit. Miror, Oudendorpio placuisse coniecturam *prope aequabili*.

in Circò: ubi praeter sollemnes bigarum quadrigarumque cursus, proelium duplex etiam, equestre ac pedestre, commisit: at in Amphitheatro navale quoque. Nam venationes gladiatoresque, et noctibus ad lychnuchos: nec virorum modo pugnas, sed et seminarum. Praeterea quaestoriis muneribus, quae olim omissa revocarat, ita semper interfuit, ut populo potestatem faceret, bina paria e suo ludo possu-landi, eaque novissima aulico apparatu induceret. Ac per omne gladiatorum spectaculum ante pedes ei stabat puerulus coccinatus, parvo portentosoque capite, cum quo plurimum fabulabatur, nonnumquam serio. Auditus est cer-

Cap. 4. *Navale quoque*] Immissa scilicet aqua in Amphitheatrum, ut ante fecerat Titus, auctore Xiphilino, in Tito p. m. 757. ERN.

Ad lychnuchos] *Lychnos* etiam Mf. Lyser. placet. Secus est in Caes. c. 37., et ibi est *ad lumina*, cui respondet h. l. *ad lychnos*. Itaque recepi. ERN. Sine idonea causa, et contra optimos Mff.

Quaestoriis muneribus] Vide ad Claud. c. 24. ERN.

Portentoso parvoque capite] *Portentosum caput* est, quod longe a naturae consuetudine et usitata figura recedit. Sic *prodigiosa corpora* simili sensu dixit Quintilianus Instit. Orat. 2, 5. Graeci *τεφρόμορφοι*, atque homines aliquid omnino vitii naturalis habentes,

τεφρόμορφοι, Latini *prodigia*. Sed illa aberratio naturae a sua lege varia esse potest. Itaque Suetonius videtur voluisse explicare sequente verbo: quod, si rectum est, indicat, puero illi caput, supra modum, et reliqui corporis rationem, exiguum fuisse. Enimvero fateor, mihi suspectum esse hoc verbum. *Parvum caput puerulo*, nano, satis convenit. Et laudatur *caput breve*. Addidisset aliquid Suetonius, si, invisitata exiguitate caput fuisse, indicare voluisset. Tum, in pumilionibus capita fere sunt supra modum magna. Arbitror igitur legendum *pravum*, h. e., deformi ab aliquo vitio naturali, velut nimia magnitudine, inprimisque *acuto*, quale habebat Therites, unde *φοῦρι*.

te, dum ex eo quaerit, *ecquid sciret, cur sibi visum esset, ordinatione proxima Aegypto praeficere Maecium Rufum*. Edidit navales pugnas paene iustiarum classium, effosso et circumstructo iuxta Tiberim lacu; atque inter maximos imbres perspectavit. Fecit et ludos se-

dicuntur. (Vide Iunium de Pictura p. 227.) Hoc genere capitis deformes pumili tum apud nonnullos in deliciis fuisse, testis Clemens Alexandrinus Paedagog. lib. 3. c. 4. de mulieribus delicatioribus: *Συνανακλίνονται τοῖς Φοξοῖς παίζουσαι, σικίννοις τέρασι γαννύμεναι*. *Accumbunt pueris acuto capite deformibus, eum iisque ludunt, prodigiis ridiculis gaudentes*, qui locus planissime convenit huic nostro. *Pravum* autem dici, in quocunque est aliqua deformitas naturalis, nemo ignorat. *Pravus nasus* ex Horatio notus est. Ceterum aliter de huiusmodi portentosis nanis sentiebat Augustus. Vide in Aug. c. 78. *Pravus* et *parvus* in libris antiquis permutari, docet Drakenborchius ad Liv. 1, 31. 32.; 29, 37. Ceterum Mss. plures habent *parvo portentosoque capite*, quod praetuli cum Oudendorpio, quia plus est in *portentoso*, quam *parvo* vel *pravo*. ERN. *Pravum* non omnino *deforme* esse potest, neque etiam *acutum*. At *portentosum* referri potest

ad magnitudinem capitis minorem quam pro corporis modo, seu ad aliam rem quamcumque.

Dum ex eo quaerit] Non bene Latinum hoc est. Vera Latinitas postulat, *auditus est, quum ex eo quaereret*. Si Suetonius scripsit, ut editur, est exemplum iam vitiatæ Latinitatis. ERN. Cicero quidem non ita construit; sed id faciunt poetae Ciceronis fere aequales, ac postea multi scriptores, ut Tacitus, apud quem et ipsum editores Ciceronianos offendeat haec constructio. Conf. I. H. Vossii notam ad Virg. Georg. 4. fin.

Ordinatione proxima] Vide ad Vesp. c. 23. ERN.

Paene iustiarum classium] H. e. tantarum, atque eo paene numero, quo solent esse, quae in maritimum ac verum proelium deducuntur. ERN.

Circumstructo] Intell. spectaculis et sedilibus. ERN.

Perspectavit] Hoc praetuli cum Burmanno alteri *prospectavit*: addita verba, *inter maximos imbres*, id postulabant. Usque ad finem spectaculo interfuit, etsi maximi im-

culares, computata ratione temporum ab anno, non quo Claudius proxime, sed quo olim Augustus ediderat. In his, Circensium die, quo facilius centum missus peragerentur, singulos a septenis spatiis ad quina corripuit. Instituit et quinquennale certamen Capitolino Iovi triplex, mulicum, equestre, gymnicum, et aliquanto plurium, quam nunc est, coronarum.

bres ingruerent, paenulis identidem lumentis, quum ceteris non permitteret. Vide Xiphilin. p. m. 763. ERN.

Anno — quo olim Augustus ediderat] Augustus edidit a. U. DCCXXXVII., iique fuere, qui ex oraculo quondam instituti erant, pestilentiae depellendae causa, ut docet Zosimus. Claudius autem edidit a. U. DCCC., iique fuere seculares Urbis conditae, quales post Philippus Arabs edidit a. U. millesimo: non deorum, ex illius oraculi praescripto, placandorum causa editi. Domitianus Augusti rationem sequi se velle dicebat. Sed ex illa ratione debuisset eos celebrare a. U. DCCCXLVII. Constat autem, celebratos ab eo esse a. U. DCCCXLI., adeoque sex annis ante, quam deberet, si Augusti computationem sequi vellet. Vide Pagiū Crit. Bar. ad a. C. 88. Diligentius Augusti rationem secutus est post Septimius Severus, qui eos celebravit a. U. DCCCCLVI., computans ab

anno, quo Domitianus celebrare debuerat. Ceterum quare Domitianus a. XLI., non XLVII. ediderit, nescio. Per libidinem Domitiani id factum videtur Scaligero de Emend. tempp. p. 486. ERN.

Centum missus] Numerum hunc secutus videtur Domitianus, quod seculum vulgo centum annis definiretur. Alias viginti et quinque missus legitimus numerus fuit. ERN.

Capitolino Iovi] Cuius laudes materia perpetua certantium oratorum et poetarum, ut docuere contra Scaligerum Casaubonus et Burmannus. De agone hoc ipso, omninoque quinquennialibus agonibus, ab Imperatoribus Romanis institutis, vide Scaligeri immortalis opus de Emend. tempp. lib. 5. p. 476. seqq. ERN.

Coronarum] Sic pro coronatorum rescripti, ut de sententia Torrentii, aut Rob. Steph. Casaubonus, alique pauci, e Mss. Lyser., Vindob. sec. et Ulini. Recte comparavit Torrentius locum in Ner. c. 22.

Certabant enim et prosa oratione Graece Latineque: ac praeter citharoedos chorocitharistae quoque et psilocitharistae: in stadio vero cursu etiam virgines. Certamini praesedit crepidatus, purpureaque amictus toga Graecanica, capite gestans coronam auream cum effigie Iovis ac Iunonis Minervaeque; asfidentibus Diali sacerdote, et collegio Flavialium, pari habitu: nisi quod illorum coronis inerat et ipsius imago. Celebrabat et in Albano quot-

ampliare numerum palmarum. Recepit et Oudendorpius. ERN.

Certabant enim] Pro etiam dedi enim e Mss. pluribus, etiam Lyser., quod ita bene hoc nequitur cum plurium coronarum. ERN.

Cursu etiam virgines] Recepi post Calaubonum emendationem certissimam Lipsii, quam non debebant, qui post ediderunt Suetonium, repudiare. Etenim manifestum est, Suetonium primum genera certaminum enumerare, post, quomodo illis Domitianus praesederit. In vulgata lectione, *In stadio vero cursu etiam virginis* (vel *virginum*) *certamini praesedit* etc., primum nulla est legitima constructio: tum illud absurdi consequitur, ut Suetonius narrare tantum voluerit, quomodo huic parti certaminis praesederit; quod est ridiculum, et abhorrens a Suetonii diligentia et eleganti

ratione narrandi. Itaque quaecunque dicta sunt ad h. l. praeter Lipsiana, contortissima sunt et inepta. Ceterum lectionem hanc a nobis receptam habet liber Christii, unde ea novum firmamentum accipit. Recepit etiam Oudendorpius. ERN.

Toga Graecanica] Sic etiam M. Lyser., item Periz. et Copef. apud Burmannum, et optimus Memmianus. Ceteri *Germanica*. *Togam Graecanicam* interpretantur *pallium*, ut Salmasius, s. *chlamydem*, ut Calaubonus, et Ferrarius, de Re vesti. P. I. lib. 2. c. 11. p. 163. Sane, quia *crepidatus* fuit, conveniens est, etiam veste Graeca usum, praesertim quum genus ludorum esset Graecum, et ad imitationem agnorum quinquennialium in Graecia institutum. Itaque hanc lectionem in textu stare passus sum. Vide tamen Excursum ad h. l. ERN.

In Albano] Intellige, prae-

annis Quinquatria Minervae, cui collegium instituerat: ex quo sorte ducti magisterio fungerentur, ederentque eximias venationes et scenicos ludos, superque oratorum ac poetarum certamina. Congiarium populo nummorum trecentorum ter dedit: atque inter spectacula muneris largissimum epulum. Septimontiali sacro quidem die, Senatui Equitique panariis, plebei sportellis cum obsonio distributis, initium vescendi primus fecit: dieque proximo omne genus rerum missilia sparsit: et quia pars maior intra Popularia deciderat, quinquagenas tesseras in singulos cuneos equestris ac senatorii ordinis pronuntiavit.

dio, in villa Caesaris Albana, sub collibus Albæ sita, ut dicimus e Statii Eucharistico Epuli ad Domit. in Silvis 4, 3, 66., in quo carmine etiam magnificentia illius villae describitur. ERN.

Redderentque eximias] Viri docti volunt *ederentque*. Recte; id enim est verbum de ea re proprium. Quae Burmannus pro vulgata affert, *reddere* poni pro *dare*, ea nihili sunt. Etenim non quaeritur hoc, sed an *reddere ludos* dicatur. Sic placuit et Dukero et Oudendorpio. Mox *trecentorum* dedi pro *trecentorum*, Latinitate iubente, et quibusdam Mss. bonis apud Oudendorpium. ERN.

Septimontiali sacrorum etc.] Hunc locum corruptum esse omnes fatentur, sed in emen-

dando discrepant. Optima est haud dubie sententia eorum, qui legunt, *septimontiali sacro quidem*, quod et edidit Oudendorpius. Vox *die* abest a multis editis et scriptis. Ea potuit e sequentibus *dieque proximo* huc trahi: qua inserta, consecuta est mutatio verbi *sacro* in *sacrorum*. Ceterum mihi in mentem venit, etiam sic legi posse: *septimontiali sacro, primo quidem die, Senatui etc. dieque proximo etc.* Nam ludi posteriores, quibus missilia sparsit, quo nomine editi sint, qua de causa dies festus fuerit, non intelligitur, nisi septimontil alterum illum diem fuisse dicamus: nec illud *die proximo* commodum et aptum est, nisi alius dies praecedat; unde et Oudendorpius, etsi recepit il-

- 5 Plurima et amplissima opera incendio absumpta restituit; in quibus et Capitolium, quod rursus arserat: sed omnia sub titulo tantum suo, ac sine ulla pristini auctoris memoria. Novam autem excitavit aedem in Capitolio Cusodi Iovi, et forum, quod nunc Nervae vocatur: item Flaviae templum gentis, et stadium et odium et naumachiam: e cuius postea lapide maximus Circus, deusis utrimque lateribus, exstructus est.
- 6 Expeditiones partim sponte suscepit, partim necessario: sponte, in Catos; necessario, unam in Sarmatas, legione cum Legato simul caesa, in Dacos duas: primam, Oppio Sabino Consulari oppresso, secundam, Cornelio Fusco, praefecto cohortium Praetorianarum,

lam lectionem, quam dixi, tamen coniecit *septimontiali sacro, primoque die*, quod est durius. Atque ille primus dies est, ut opinor, *epularis dies* c. 13., quod ibi visum Torrentio. ERN.

Cap. 5. *Sub titulo tantum suo*] Nove dictum, pro *sub nomine tantum suo*, in titulo operum scilicet scripto: et sic aliis fere locis loquitur. ERN.

Excitavit — forum] Non satis aptum foro verbum *excitandi* videatur: sed referendum est non tam ad aream, quam ad aedificia circumdata, templa, basilicas etc.; unde saepe apud nostrum *exstructa fora* dicuntur. Vide Aug. c. 29. ERN. Scilicet *forum*

intelligi nullum potest, nisi cinctum aedificiis.

E cuius lapide Circus etc.] Hoc Caryophilus de Marmoribus p. 47. perperam ita accipit, ac si Domitianus, non Traianus, Circum maximum e lapide naumachiae exstruxerit. Lapidem autem Tiburtinum fuisse putat cum Nardino. ERN.

Deusis utrimque lateribus] Sic Tacitus Ann. 6, 45. *deusta parte Circi*. Sed Mss. *Lyser* et Vindob. sec. habent *deusis*; quae lectio non contemnenda. Vide Excursum. ERN.

Cap. 6. *Oppio Sabino*] Quidam libri *Appio Sabino*, quod et placet Casaubono, ut consentiens Entropio, Fastis. Sed non consentiunt super his no-

cui belli summam commiserat. De Catts Dacisque post varia proelia duplicem triumphum egit. De Sarmatis lauream modo Capitolino Iovi retulit. Bellum civile, motum a L. Antonio, superioris Germaniae Praefide, confecit absens, felicitate mira: quoniam ipsa dimicationis hora resolutus repente Rhenus transiturus ad Antonium copias barbarorum inhibuisset. De qua victoria praefagiis prius, quam nuntiis, comperit. Siquidem ipso, quo dimicatum est, die, statuum eius Romae insignis aquila circumplexa pennis, clangores laetissimos edidit: pauloque post, occisum Antonium, adeo vulgatum est, ut caput quoque eius apportatum vidisse se, plerique contenderent.

Multa etiam in communi rerum usu novavit. Sportulas publicas sustulit, revocata coenarum rectarum consuetudine. Duas Circensibus gregum factiones, aurati purpureique panni ad quatuor pristinas addidit. Interdixit lustrionibus scenam, intra domum quidem exercendi artem iure concessit. Castrari mares vetuit. Spadonum, qui residui apud mangones erant, pretia moderatus est. Ad summam quondam ubertatem vini, frumenti vero inopiam, existi-

minibus Viri docti, qui Fastos illustrarunt, ut Pagius et Noritius. EAX.

Cap. 7. *Circensibus*] Est ablativus absolutus, ut alibi: pro, quum ludi circenses agerentur. EAX.

Castrari mares vetuit] Laudatis ante nos scriptoribus, qui huius rei meminere, adden-

das Philostratus in Vita Apollonii lib. 6. c. 17. EAX.

Ad summam quondam] Sic e Memmiano cod. recepit Graevius. Sed et vulgatum *quondam* bene se habet. Difficile est arbitrari; nec refert. Sed quod Dukernus corrigit: *Ac summa quondam ubertate vini, frumenti vero in-*

mans nimio vinearum studio negligi arva, edixit: Ne quis in Italia novellaret; utque in provinciis vineta succiderentur, relicta, ubi plurimum, dimidia parte: nec exsequi rem perseveravit. Quaedam ex maximis officiis inter libertinos Equitesque Romanos communicavit. Geminari legionum castra prohibuit: nec plus quam mille nummos a quoquam ad signa deponi; quod L. Antonius apud duarum legionum hiberna, res novas moliens, fiduciam cepisse etiam ex depositorum summa videbatur. Addidit et quartum stipendium militi, aureos ternos.

opia, id non displicet. ERN. Conf. ad Octav. c. 42. Neque reliqua sollicitanda puto: sic enim et alias ponitur *ad* in definiendo tempore.

Inter libertinos — communicavit] Suetonius indicat, contra consuetudinem superiorum Imperatorum fecisse Domitianum in eo, quod maxima officia, quae ante senatorii ordinis viris tantum mandari consueverint, etiam equestribus et libertini ordinis hominibus mandarit. Equites autem et liberti Caesarum dudum aequati fuerant. Sic Claudij libertus Felix Indaeae procuracionem acceperat, quae alias Equitibus data. Quo minus dubitandum est, certissimam esse lectionem paucorum codicum, qui *Equites* habent, quam et Burmannus, praeter morem suum, recepit. *Milites* substi-

tuerunt, qui non concoquebant, libertinos et Equites iungi. ERN.

Geminari legionum castra prohibuit] I. e. duas legiones in iisdem castris esse, ut recte Lipsius et Casaubonus. Sed debebant addere, id intelligendum tantum de castris hibernis, ut subiecta causa legis docet, non etiam aestivis; in quibus omnes, quae sub eodem duce erant, legiones simul tenebant. ERN.

Ad signa deponi] Ut in urbibus ad templa deorum: nam ad signa fiebant sacra, erantque aedis religione. ERN.

Addidit et quartum stipendium etc.] Hodie nemo dubitat, post Schellii de Milit. r. c. 3. et Gronovii de Pecun. vet. 3, 2. demonstrationes, milites tum *novem aureos* quotannis, tribus pensionibus, ac-

Ius diligenter et industrie dixit, plerum- 8
que et in foro pro tribunali, extra ordinem.
Ambitiosas Centumvirorum sententias rescidit.
Recuperatores, ne se perfuloriis assertionibus
accommodarent, identidem admonuit. Num-
marios iudices cum suo quemque consilio no-

cepisse: singulas pensiones *stipendia* dicta: adeoque, tria stipendia fuisse ternorum aureorum: his tribus pensionibus, seu stipendiis, Domitianum addidisse quartum, h. e. alios tres aureos, ut stipendium annuum esset duodecim aureorum. Ceterum suspicor, *ternos aureos*, qui explicant quartum stipendium, a glossatore esse, vel e nota marginis; nam inepte additur: quum scirent Romae pueri, quantum esset stipendium quodque. ERN. Merito hanc suspicionem improbat Oudend. Ieiuna esset tota narratiuncula sine istis verbis.

Cap. 8. *Ius — dixit, plerumque — ordinem. Ambitiosas* etc.] Sic interpunxi cum Burmanno; quam interpunctionem et Dukerus probabat, et recepit Oudendorpius. Male ante erat, *Ius — dixit. Plerumque — extra ordinem, ambitiosas* etc. De re vide Perizonium de Praetorio p. 748. ERN.

Ambitiosas Centumvirorum sententias] In quibus manifestum esset, gratiam potius,

quam ius et aequitatem, spectatam esse a iudicibus. Sic apud Ciceronem ad Div. 6, 6. et 12. *ambitiosae preces et voluntates* sunt eorum, qui pro aliis se deprecatores interponunt, non, quod necessitudinis officium postulet, sed gratiae colligendae causa. ERN.

Recuperatores] Sunt iidem, qui Centumviri, e quibus dati iudices in certis causis, recuperatores dicuntur. Id manifestum est ex eo, quod causae, quas ad recuperatores actas discimus e Cicerone, aliisque, velut de statu hominum, quum quaeritur, quid meum, quid tuum sit etc., centumvirales dicuntur, apud eundem Ciceronem de Orat. 1, 58. ERN.

Perfuloriis assertionibus accommodarent] A Mf. Lyser. quoque abest *τὸ semper*, ut a Memm., Cuiac., Voss. Itaque delevi. Ortum est e pronomino *se* et prima syllaba praecedentis vocis. *Se* in eodem codice deest, sed id servandum. De toto loco vide Excursum. ERN.

Nummar. iudices etc.] Nu-

tavit. Auctor et Tribunis plebis fuit, Aedilem sordidum repetundarum accusandi, iudicesque in eum a Senatu petendi. Magistratibus quoque urbicis, provinciarumque Praefidibus coercendis, tantum curae adhibuit, ut neque modestiores umquam, neque iustiores existerint: e quibus plerosque post illum reos omnium criminum vidimus. Suscepta morum correctione, licentiam theatralem promiscue in Equite spectandi inlibuit. Scripta famosa, vulgoque edita, quibus primores viri ac feminae notabantur, abolevit, non sine auctorum ignominia. Quaestorium virum, quod gesticulandi saltandique studio teneretur, movit Senatu, Probrosis feminis lecticae usum ademit, iusque

mariti iudices sunt pecunia corrupti; de quo non est dubitandum. Vide Cic. pro Cluent. c. 27. In hoc ergo nulla difficultas. Sed quid sit illud, *cum suo quemque consilio*, dubitari potest, de quo vide Excursum. ERN.

Aedilem sordidum] Qui, pecunia accepta, contra officium aliqua in re egisset. Sic apud Ciceronem ad Att. 4, 6. *iudicum sordes* de iudicibus pecunia corruptis. Sic mox c. 9. *sordide facere* de iis, qui pecunias contra leges capiunt. ERN.

Repetundarum accusandi] Burmannus ait, hinc patere, etiam urbanos magistratus de repetundis accusari potuisse, nisi improprie locutus sit Sue-

tonius. Enimvero aliunde satis constat, de repetundis accusari potuisse, quicumque pecunias contra leges cepissent. Cicero quidem Oratione pro Cluentio docet, iudices repetundis accusatos, eisque lites eo nomine aestimatas fuisse; qui in causa Oppianici iudicassent. Ceterum haec tota res extraordinaria est. Nam alias, primo, magistratus rebus fieri non poterat, deinde, de crimine repetundarum ipse Senatus, ut in aliis causis publicis, tum indicabat. Sed possunt iudices, qui a Senatu peterentur, etiam intelligi de recuperatoribus, qui non de crimine ipso iudicarent, sed litem aestimarent. Vide Tac. Ann. 1, 74. et ibi Gronov. ERN.

capiendi legata hereditatesque. Equitem Romanum, ob reductam in matrimonium uxorem, cui dimissae adulterii crimen intenderat, erasit iudicum albo. Quosdam ex utroque ordine lege Scantinia condemnavit. Incesta Vestalium virginum, a patre quoque suo et fratre neglecta, varie ac severe coercuit: priora, capitali supplicio; posteriora, more veteri. Nam quum Ocellatis sororibus, item Varonillae, liberum mortis permisisset arbitrium, corruptoresque earum relegasset: mox Corneliam, maximam Virginem, absolutam olim, dehinc longo intervallo repetitam atque convictam, defodi imperavit; supratresque virgis in comitio

Lege Scantinia] Tirones videant in Clave Cic. Indicem Legg. in h. lege. ERN.

Priora — posteriora etc.] Male Burmannus *priora* ad patrem, *posteriora* ad fratrem refert: addens, si hoc non sit, non satis se capere verba Suetonii. Res sic intelligenda. *Priora* incesta sunt, quae commissa erant ante principatum suum, sive, ut accuratius dicam, ante, quam ostendisset, se illa incesta non neglecturum, sed more vetere coerciturum e legibus. *Posteriora*, quae post illud edictum facta essent. Id fecit, ne homines dicere possent, iniquum esse, si tam severe punirentur, quae se passae essent ad stuprum induci, quod, illam priscam severitatem omissam esse, viderent: aliter facturæ, si

ante neglecta non fuissent incesta. Planissime hunc locum illustrat locus insignis Ciceronis in Verr. 1, 41. 42., ubi reprehendit partem edicti Verrii, in qua scriptum fuerat: *qui fecit, secerit*, ostenditque omnes leges, etiam earum rerum, quae sua sponte scelerae sint, in *posterum* tempus sanctitas esse, nullam praeteritum tempus reprehendere, aut *ante facta* in iudicium vocare. Cui hoc non placet, sic capiat: quas ab initio punivit, capitali modo supplicio affecit, quas post, de more veteri. Huic explicationi melius convenit *re varie*, quod inconstantiam quandam et inaequalitatem indicat. ERN.

Repetitam] Iterum accusatam: si priorem interpretationem probes, non propter su-

ad necem caedi, excepto praetorio viro; cui, dubia etiam tum caussa, et incertis quaestionibus atque tormentis de semet professo, exilium indulgit. Ac ne qua religio deum impune contaminaretur, monumentum, quod libertus eius e lapidibus, templo Capitolini Iovis destinatis, filio exstruxerat, diruit per milites; ossaque et reliquias, quae inerant, mari merfit.

9 Inter initia usque adeo ab omni caede abhorrebat, ut absente adhuc patre, recordatus Virgilii versum,

Impia quam caesis gens est epulata iuencis:

edicere destinarit, *ne boves immolarentur.* Cupiditatis quoque atque avaritiae vix suspicionem ullam, aut privatus umquam, aut princeps aliquamdiu dedit; immo e diverso magna saepe non abstinenciae modo, sed etiam liberalitatis experimenta. Omnes circa se largissime profecutus, nihil prius aut acrius monuit, quam ne quid sordide facerent. Relictas sibi hereditates ab iis, quibus liberi erant, non recepit. Legatum etiam ex testamento Rufci Caepionis, qui caverat, *ut quot-*

terioris temporis incestum, de quo accusata iam fuerat, sed propter novum; sin posteriorem sequare, de eodem incestu. *Virginem maximam* intell. Vestalium. *Maxima Vestalium* est apud Plinium lib. 4. epist. 11. Ceterum pro *atque* Dukerus volebat *neque* e Plinio, qui *absentem inauditamque* damnatam scribit.

Placet. EBN.

Cap. 9. *Privatus*] Vide ad c. 2. EBN.

Immo. e diverso magna] Sine dubio *e diverso* est glossa: nam nil differt ab *immo*. *Magna* recepi e Memmiano, videoque etiam Burmanno magis vulgata. *magnae*, placere. Conf. ad Tit. c. 4. Secutus est Oudendorpius. EBN.

annis ingredientibus Curiam Senatoribus certam summam viritim praestaret heres suus, irritum fecit. Reos, qui ante quinquennium proximum apud aerarium pependissent, universos discrimine liberavit: nec repeti, nisi intra annum, eaque conditione permisit, ut accusatori, qui causam non teneret, exilium poena esset. Scribas quaestorios, negotiantes ex consuetudine, sed contra Clodiam legem, venia in praeteritum donavit. Subseciva; quae

Ingredientibus] Burmannus explicat: primum Kal. Ianuar. Curiani intrantibus. ERN.

Apud aerarium pependissent] H. e. qui ante quinquennium rei facti essent, sed causam nondum dixissent: quum interea nomina ipsorum in actis magistratuum, in aerarium de more delatis, inter reos adhuc scripta essent. Genus hoc benignitatis principalis. In Calig. c. 15. *Criminum, si qua residua ex priore tempore manebant, omnium gratiam fecit. Sed inprimis huc pertinet locus in Aug. c. 52. Diuturnorum reorum et ex quorum sordibus nihil aliud, quam voluptas, inimicis quaereretur, nomina abolevit: conditione proposita, ut, si quem quis repetere vellet, par periculum poenae subiret.* Nullo modo autem locus intelligendus de his, qui aerario debent, quod hi non dicuntur rei. Debito-

ribus aerarii beneficium tribui non potest, nisi debitum remittendo, ut fecit Augustus. Noster l. c. *Tabulas veterum aerarii debitorum, vel praecipuam calumniandi materiam, exussit.* Si autem remissa sunt debita et inducta: quomodo debitores repeti, velut rei, possunt? ERN.

Negotiantes ex consuetudine] De hoc loco vide Excursum. ERN.

Subseciva] Quae sint *subseciva*, non indiget explanatione, quando definitio ab ipso Suetonio subiicitur. Graevius duas definitiones *subsecivorum* e vetere Auctore de limitibus affert, quarum altera ab hoc loco alienissima est, ut iam monuit Rittersus. Vir antiqui Iuri consultiissimus nobisque amicissimus, ad Novell. Theodof. tit. 10. not. n. Inprimis huc pertinet locus, a Casaubono laudatus, ex Aggeno Urbico, in Frontinum, in

divisis per veteranos agris carptim superfuerant, veteribus possessoribus, ut usucapta, concessit. Fiscales calumnias, magna calumniantium poena, repressit: ferebaturque vox eius, *Princeps, qui delatores non castigat, irri-
lat.*

10 Sed neque in clementiae, neque in abstinentiae tenore permansit: et tamen aliquanto celerius ad saevitiam descivit, quam ad cupiditatem. Discipulum Paridis pantomimi impuberem adhuc, et quum maxime aegrum, quod arte formaque non absimilis magistro videbatur, occidit: item Hermogenem Tarsensem, propter quasdam in historia figuras; librariis etiam, qui eam descripserant, crucifixis. Patrem familias, quod *Threccem mirmil-
loni parem, munerario imparem* dixerat, detractum e spectaculis in arenam, canibus obiecit, cum hoc titulo: *Impie locutus par-
mularius.* Complures Senatores, in his ali-

quo edictum Domitiani commemoratur, quo subseciva per totam Italiam possidentibus donavit. Laetat etiam epistola Domitiani apud Gruterum Infer. p. 1031. n. 2., qua de subsecivis, inter Falerienses et Firmanos controversis, rescribit. ERN.

Superfuerunt] Haud dubie legendum *superfuerant.* Ceterum Burmanni coniectura, *utut usu capta*, repugnat rei, inprimis loco Aggeni, in quo est *possidentibus*, h. e. qui eam possidebant. Nec est de

nihilo, quod codex Harlem. veteribus plane non habet, quamquam nihil obest sententiae, si genuinum est. ERN.

Cap. 10. *Imparem*] Sensus est: non propterea mirmillonem praeferrî Threci gladiatori, quod viribus et arte superior, sed, quod ei faveret is, qui munus ederet, h. e. Caesar. Dicto igitur hoc iudicium Domitiani reprehenderat, unde *impie locutus* dicebatur, laesa scilicet Domitiani maiestate. ERN.

Parmularius] Proprie est

quot Consulares, interemit: ex quibus Civicam Cerealein in ipso Asiae proconsulatu; Salvidienum Orsitum, Acilium Glabrimonem in exilio, quasi molitores novarum rerum, ceteros levissima quemque de causa: Aelium Lamiam, ob suspiciosos quidem, verum et veteres et innoxios iocos; quod post abductam uxorem laudanti vocem suam, *εὐτακτῶ* dixerat: quodque Tito, hortanti se ad alterum matrimonium, responderat, *μὴ καὶ σὺ χαμῆσαι θέλεις;* Salvium Cocceianum, quod Othonis Imperatoris patru sui diem natalem celebraverat: Metium Pomposianum, quod habere imperatoriam genesin vulgo ferebatur, et quod depictum orbem terrae in membrana, concionesque regum ac ducum ex Tito Livio circumferret, quodque servis nomina Magonis et Hannibalis indidisset: Salustium Lucillum, Britanniae legatum, quod lanceas novae formae appellari *Luculleas* passus esset: Iunium Rusticum, quod Paeti Thraseae et Helvidii Prisci laudes edidisset, appellassetque eos *sanctissimos viros*: cuius crimi-

Threx, quod hoc genus gladiatorum parvis uteretur: hoc loco est *fautor Threcis*. ERM.

Exilio] Legendum in *exilio*, ut voluere Torrentius, Burmannus, post et Dukerius et Oudendorpius. Absorpsit ultima littera verbi praecedentis, ut saepe alibi. ERM. - *Εὐτακτῶ*] Non dubitavi hoc recipere, quod vel Latinis litteris scriptum in optimis codd. reperitur, vel vestigiis

scripturae corruptae *heu taceo* respondet, sensumque habet elegantissimum, quem primus vidit I. F. Gronovius. Est autem, a Venere abstineo: quod faciebant cantores et conservandae vocis studiosi. Sic acumen dicti facile apparet. *Quasi quod* delevit Graevius auctoritate cod. Memm. Recte. Est enim manifeste vitiosa tautologia. Absent etiam a Lyser. ERM.

nis occasione philosophos omnes Urbe Italiaque summovit. Occidit et Helvidium filium, quasi scenico exodio sub persona Paridis et Oenones divortium suum cum uxore taxasset: Flavium Sabinum, alterum e patrue libus, quod eum comitiorum consularium die destinatum, perperam praeco, non Consullem ad populum, sed Imperatorem pronuntiasset. Verum aliquanto post civilis belli victoriam saevior, plerosque partis adversae, dum etiam latentes conscios investigat, novo quaestionis genere distortit, immisso per obscœna igne, nonnullis et manus amputavit. Satisque constiat, duos solos e notioribus venia donatos, Tribunum laticlavium, et centurionem: qui se, quo facilius expertes culpa ostenderent, impudicos probaverant; et ob id, neque apud ducem, neque apud milites, ullius momenti esse potuisse.

II Erat autem non solum magnae, sed et calidae inopinataeque saevitiae. Actorem summorum, pridie quam cruci figeret, in cubiculum vocavit, asfidere in toro iuxta coegit, securum hilaremque dimisit, partibus etiam de coena dignatus est. Arretinum Clementem consula-

Paridis et Oenones] Vide Ovid. Heroid. 5. ERN.

Destinatum] Designatum. Vide ad Caes. c. 1. ERN.

Praeco — *pronuntiasset*] In campo, videlicet, Martio. Vide ad Vesp. c. 5. ERN.

Conscios] Deleri volebat Torrensius, sed servari potest. Sensus est: dum ceteros conscios, qui adhuc latebant, in-

vestigat. ERN.

E notioribus] Corruptum esse arbitror: quid reponendum, nondum occurrit. ERN. *Notioribus* oppositi sunt *obscuriores*, tritissimo usu.

Cap. II. *Auctorem summorum*] Actorem legendum esse, omnes fatentur, sed nemo recipere ausus est, nisi Oudendorpius. ERN.

rem, unum e familiaribus et emissariis suis, capitis condemnaturus, in eadem, vel etiam in maiore gratia habuit, quoad novissime simul gestanti, conspecto delatore eius: *Vis, inquit, hunc nequissimum servum cras audiamus?* Et quo contemptius abuteretur patientia hominum, nunquam tristiores sententiam, sine praefatione clementiae, pronuntiavit: ut non aliud iam certius atrocis exitus signum esset, quam principii lenitas. Quosdam maiestatis reos in Curiam induxerat: et quum praedixisset, *experturum se illa die, quam carus Senatui esset*, facile perfecerat, ut etiam more maiorum puniendi condemnarentur: deinde, atrocitate poenae conterritus, ad leniendam invidiam intercessit, his verbis: neque enim ab re fuerit ipsa cognoscere: *Permittite, Patres Conscripti, a pietate vestra impetrari, quod scio, me difficulter impetraturum, ut damnatis liberum mortis arbitrium indulgeatis. Nam et parcetis oculis vestris, et intelligent me omnes Senatui interfuisse.*

Exhaustus operum ac munerum impenfis, 12
stipendioque, quod adiecerat, tentavit quidem, ad relevandos castrenses sumptus, militum numerum deminuere: sed quum et obnoxium se barbaris per hoc animadverteret, neque eo secius in explicandis oneribus haereret, nihil pensi habuit, quin praedaretur omni modo.

Cap. 12. *Obnoxium se barbaris*] Non satis tutum a barbaris, sibi timendos fore barbaros. Exquisita Latinitate dictum. Vide Viros doctos ad Tib. c. 63. ERN.

In explicandis oneribus] H. e. comparandis pecuniis ad impensas publicas necessariis. *Explicare* et *expedire* propria in ea re verba vide ad Caesl. c. 4. et alibi. ERN.

Bona vivorum et mortuorum usquequaque, quolibet et accusatore et crimine, corripiebantur. Satis erat, obici quaecumque factum dictumve adversum maiestatem principis. Confiscabantur alienissimae hereditates, vel uno existente, qui diceret, audisse se ex defuncto, quum viveret, *heredem sibi Caesarem esse*. Praeter ceteros Iudaicus fiscus acerbissime actus est: ad quem deferebantur, qui vel impropositi Iudaicam [intra Urbem] viverent vitam, vel dissimulata origine imposita genti tributa non pependissent. Interfuisse me adolescentulum memini, quum a procuratore, frequentissimoque consilio inspiceretur nonagenarius senex, an circumsectus esset. Ab iuventa minime civilis animi, confidens etiam, et quum verbis, tum rebus immodicus. Caenidi patris concubinae ex Histria reversae, osculumque, ut asluerat, offerenti, manum praebuit. Generum fratris indigne ferens, albatos et ipsum ministros habere, proclamavit: Οὐκ ἀγαθὸν πολυκοισανίη.

[*Dictumve*] Sic libri veteres, teste Torrentio. Et sic res postulat, non *dictumque*, ut habent vulgati. Sic de eadem re Tib. c. 58. *dictum ullum factumve*. ERN.

[*Iudaicus fiscus*] Tributum, quod Iudaei pendere tenebantur fisco. De fisco Iudaico etiam copiose scripsit Zornius. Addantur Dukerus et Oudendorpius ad h. l. ERN.

[*Qui vel impropositi Iudaicam etc.*] Sunt proselyti: ideoque opponantur iis, qui ori-

gine Iudaica sunt. ERN.

[*Intra Urbem*] Abest MII. Memm., Lyser., Copel. aliisque, teste Burmanno et Oudendorpio. Credidi abesse posse. Neque enim arbitrabar, rem non et ad eos pertinere, qui extra Urbem sic viverent. Placuit et Gronovio et Dukero. Qudendorpius delevit. Illud unum mihi adhuc obstat, quod intelligi non potest, quomodo alicui in mentem venire potuerit, hoc addere. ERN. Ad explicandum scilicet.

Principatum vero adeptus, neque in Senatu iactare dubitavit, *et patri se et fratri imperium dedisse: illos sibi reddidisse:* neque in reducenda post divortium uxore edicere, *vocatam eam in pulvinar suum.* Acclamari etiam in Amphitheatro epuli die libenter audiit: *Domino et Dominae feliciter.* Sed et Capitolino certamine cunctos ingenti consensu precantes, ut Pallurium Suram restitueret, pullum olim Senatu, ac tunc de oratoribus coronatum: nullo responso dignatus, tacere tantummodo iussit voce praeconis. Pari arrogantia, quum procuratorum suorum nomine formalem dictaret epistolam, sic coepit: *Dominus et Deus noster hoc fieri iubet.* Unde institutum posthac, ut ne scripto quidem ac sermone cuiusquam appellaretur aliter. Statuas sibi in Capitolio non nisi aureas et argenteas poni permisit, ac ponderis certi. Ianos arcusque cum quadrigis et insignibus triumphorum per regiones Urbis tantos ac tot exstruxit, ut cuidam Graece inscriptum sit: ΑΡΚΕΙ. Consulatus septemdecim cepit, quot ante eum nemo. Ex qui-

Cap. 13. *Vocatam*] Vulgo *revocatam* ex Salmas. coniectura, sed quam nullus codex confirmat. Neque adeo necesse erat sic scribi, quod praecederet *reducenda*.

Epulari die] *Epuli die* habet etiam Ms. Lyser. cum multis aliis et edd. pr., idque cum Oudendorpio revocavi. ERN.

De oratoribus] Mihi placet, esse dictum pro, e nu-

mero oratorum certantium. ERN.

Formalem dictaret epistolam] Dicitur a certa et sollemni formula verborum. Formulam talis epistolae, sed ipsius Domitiani nomine scriptam, habemus apud Gruterum loco supra laudato ad c. 10. ERN.

Quod ante] Burmannus ex antiquis edd. recepit *quot*, post cum Oudendorpius. Non

bus septem medios continuavit: omnes autem paene titulo tenuis gessit: nec quemquam ultra Kalendas Maii: plures ad Idus usque Ianuarias. Post autem duos triumphos, Germanici cognomine assumpto, Septembrem menseni et Octobrem ex appellationibus suis, Germanicum Domitianumque transnominavit: quod altero suscepisset imperium, altero natus esset.

14 Per haec terribilis cunctis et invisus, tandem oppressus est amicorum libertorumque intimorum conspiratione, simul et uxoris. Annum diemque ultimum vitae iam pridem suspectum habebat; horam etiam, nec non et genus mortis. Adolescentulo Chaldaei cuncta praedixerant. Pater quoque super coenam quondam fungis abstinentem palam irriserat, ut ignarum sortis suae, quod non ferrum potius timeret. Quare pavidus semper atque anxius, minimis etiam suspicionibus praeter modum commovebatur: ut edicti, de excidendis vineis propositi, gratiam facere non alia magis re compulsus credatur, quam quod sparsi libelli cum his versibus erant:

Κῆν με Φάγῃς ἐπὶ ῥίζαν, ὅμως ἔτι καρποφορήσω,
"Ὅσπον ἐπισπεῖσαι Καίσαρι θυομένῳ.

adeo improbo, sed malui retinere vulgatam lectionem *quod*. Ellipsis talis τοῦ fecit usitata Suetonio. Caes. c. 26. *Munus populo epulumque pronuntiavit in filiae memoriam, quod ante eum nemo*. Non negotamen, faciliorem esse orationem, si quot scribatur. ΕΑΝ. Id fecimus sine ulla dubita-

tione. De numero agitur, non de re; et *cepit* intell. non *fecit*.

Cap. 14. *Gratiam facere*] *Faceret* est in aliquot Mss. perperam correctum a librario, qui verbum *credatur* non expectabat: quod genus mendae frequens est.

Κῆν] *Si me vel ad ra-*

Eadem formidine oblatum a Senatu novum et excogitatum honorem, quamquam omnium tantum appetentissimus, reculavit: quo decretum erat, *ut, quoties gereret consulatum, Equites Romani, quibus fors obtigisset, trabeati et cum hastis militaribus praecederent eum, inter lictores apparitoresque.* Tempore vero suspecti periculi appropinquante, sollicitior in dies, porticum, in quibus spatium consueverat, parietes phengite lapide distinxit, e cuius splendore per imagines, quidquid a tergo fieret, pro-

dicem comedas, tamen adhuc edam tantum fructus, quantum opus est ad libationem immolando Caesari. Libatio fiebat defundendo vino in caput immolandae victimae, hinc ἐπισπείσαι. Versus ex Eveno, vetere poeta, quibus vitis minatur capro se depascenti. Scommia est etiam in eo, quod capri libidinosi. Conf. c. 22. Reperi hoc epigramma etiam apud Schol. in Aristophanis Plut. v. 1130. praeter Anthol. et Suidam. ERN.

Excogitatum] I. e. exquisitum, ut in Calig. c. 22. *excogitatissimae hostiae.* Sed illud *excogitatum* proprie ita dicitur, ut *reperitum*, si in positivo dicatur. Atque id iam est in *novum*. Itaque tamen aliquid desiderari potest: quod movisse videtur eos, qui *inexcogitatum* reposuerunt, quod videntur intellexisse, *nondum excogitatum ab aliis.* Illud

adhuc, vel antea, quod Burmannus putabat additurum fuisse Suetonium, si *inexcogitatum* scripisset, non est necessarium. Nam etiam *invisitatum* et *inauditum* sic dicuntur, ut neque *adhuc*, neque *antea* addatur. Unde sit, ut τὸ *inexcogitatum* non adeo absurdum sit. Sed quia codd. et edd. veteres in altero consentiunt, servavi. Arbitror tamen, esse, compendio scripturae, pro *excogitatissimum*. ERN.

Tempore vero] Latinitas *vero* hic postulat, non *quoque* *Vero* recepit Graevius e margine Memmiani. Sed idem habent etiam alii libri scr., ut Lyser. Itaque tanto libentius Graevium secuti sumus. Idem fecit Oudendorpius. ERN.

Phengite] Praeter laudatos aliis videndus etiam Solanus ad Luciani Alexandr. c. 21. ERN.

videret. Nec nisi secreto, atque solus plerasque custodias, receptis quoque in manu catenis, audiebat. Utque domesticis persuaderet, ne bono quidem exemplo audendam esse patroni necem, Epaphroditum a libellis, capitali poena condemnavit; quod post destitutionem Nero in adipiscenda morte manu eius adiutus existimabatur.

15

Denique Flavium Clementem patruelem suum, contemptissimae inertiae, cuius filios etiam tum parvulos successores palam destinaverat, et

Receptis quoque] Omnes ante *quidem*: et sic codices aliis inspecti. Sed id alienissimum esse, omnes vident. Itaque iam Casaubonus reposuerat *receptisque*. Sed opem fert Mt. Lyser., in quo clare *quoque*: quam lectionem, ut verissimam, recepimus. Probat eam etiam Oudendorpius, sed non recipere ausus est. Paullo ante etiam, ante *nec nisi*, cum Burmanno, delavimus τὸ et. ERN.

Ne bono quidem exemplo] H. e. ne tum quidem, quum beneficium dedisse videatur domino servus, non malum exemplum, quod improbi servi imitentur. ERN.

Cap. 15. *Clementem]* Flavii Sabini patru filium, alteriusque Flavii Sabini (c. 10.) fratrem. ERN.

Contemptissimae inertiae] Burmannus putat, respici ad eius Christianismum, quem cum

Judaismo confuderit Suetonius: Iudaeis autem inertiam obliici propter sabbata. Quae non possunt probari. *Inertia* est hominum, qui neque possunt res magnas appetere ac gerere, nec volunt, a quibus adeo nihil timendum. Φαυλότητα Graeci dicunt et ἀδρακείαν; *inertem*, ἄπρακτον. Unde tanto saevior Domitianus, qui notae inertiae hominem, inprimis propinquum, de levissima suspitione occidit. *Contemptissima inertia* est eorum, a quibus nihil timetur. Sic Galba Vitellium in provinciam misit *contemptu magis quam gratia*. Vitell. c. 7. Ceterum Clementem Christianum fuisse constat: vulgoque putatur Christianae religionis causa interfectus. In monumento quidem eius, Romae nostra aetate reperto, martyr dicitur. Vid. ad Vespas. c. 1. Conf., Lami de Erudit. Apost. p. 104.,

abolito priore nomine, alterum *Vespasianum* appellari iusserat, alterum *Domitianum*, repente ex tenuissima suspitione tantum non in ipso eius consulatu interemit. Quo maxime facto maturavit sibi exitum. Continuis octo mensibus tot fulgura facta nuntiataque sunt, ut exclamaverit: *Feriat iam, quem volet.* Tactum de caelo Capitolium, templumque Flaviae gentis: item domus Palatina, et cubiculum ipsius: atque etiam e basi statuae triumphalis titulus excussus vi procellae in monumentum proximum decidit. Arbor, quae privato adhuc Vespasiano everfa surrexerat, tunc rursus repente corrui. Praenestina Fortuna, toto imperii spatio annum novum commendanti, laetam eandemque semper sortem dare as-

qui ex Hieronymo ep. 27. docet, etiam uxorem eius Christianae religionis causa in insulam Pandatariam relegatam, sororis autem filiam, Domitillam, in Pontiam, ex Eusebio et martyrologiis. ERN.

Sibi exitum] Ante retinui, quia omnes fere ante Casaub. editiones habent, et Mss. multi, etsi alterum a Casaubono et Graevio receptum, *exitium*, verum putabam. Nunc *exitum* recepi, quod ipsum in libris scr. multis esse vidi: et id sensus desiderat, ut dudum videbam. Nam *exitus* etiam bono sensu dicitur, et est finis vitae, seu modus vitae finiendae in universum. Sic mox Domitianus dicitur sciscitatus esse ma-

thematicum: *quis ipsum exitus maneret?* Apud Livium 7, 27. *duorum militum eventus*, in altero mortem, in altero victoriam indicat. Hic autem exitus violentus caedes exprimi debebat, de quo an simpliciter dicatur *exitus*, praesertim cum verbo accelerandi, dubito. ERN.

Fulgura facta nuntiataque sunt] Multi Viri docti correxere *iasta*. Sed et *fulmina fieri* dicuntur, multoque magis *fulgura*, etsi hic fulmina sunt. Tum *nuntiari* intelligendum de nuntiatione legitima ad collegium augurum etc. ERN.

Commendanti] Nempe victimis et votis, simulque de futuro consulenti. ERN.

sueta, extremo tristissimam reddidit, nec sine sanguinis mentione. Minervam, quam superstitiose colebat, somniavit excedere sacrario, negantem, ultra se tueri eum posse, quod exarmata esset a Iove. Nulla tamen re perinde commotus est, quam responso casuque Ascletrionis mathematici. Hunc delatum, nec inficiantem iactasse se, quae providisset ex arte, sciscitatus est, quis ipsum maneret exitus: et affirmantem, *Fore, ut brevi laceraretur a canibus*, interfici quidem sine mora, sed ad coarguendam temeritatem artis, sepeliri quoque accuratissime imperavit. Quod quum fieret, evenit, ut, repentina tempestate deiecto funere, semivivum cadaver discerperent canes, idque ei coenanti a mimo Latino, qui praetereus forte animadverterat, inter ceteras diei fabulas referretur.

Sepeliri] Hic de combustione cadaveris capiendum est, ut pluribus aliis locis. Sic Graeci τὸ θάπτειν dicunt. ERN.

Deiecto funere] Quid sit deiecto funere, nemo Interpretum dixit. Neque intelligere possumus de rogo, ut videntur Viri docti cepisse. (Berneggerus quidem in Indice facit formulam: *funus tempestate deiicitur*.) Nam ita cadavere dicendum fuisset, non funere. Funus est totus apparatus sepulturae. Dicitur quidem etiam de ipso cadavere, sed a poetis, ut Prop. 1, 7, 18., et mox disertæ mentio cadave-

ris. Atque etiam cadaver mansit in rogo, ut auctor est Dio Cassius. Legendum est haud dubie: *deserto funere*, aut *derelicto*. Tempestas gravis et repentina fugavit funeris curatores. Interea exstinguitur rogo imbribus, et canes cadaver semivivulum dilacerant: quod, nisi deseruissent ac destituisent funus, quibus mandatum erat, fieri non potuisset. Ascendit nobis Oudendorp., verum putans *deserto*. ERN.

Latino] Est nomen mimi, cuius etiam Iuvenalis et Martialis mentionem fecere. ERN.

Pridie quam periret, quum oblatos tube- 16
res servari iussisset in crastinum, adiecit, *Si
modo uti licuerit: et conversus ad proximos
affirmavit, Fore, ut sequenti die Luna se
in Aquario cruentaret, factumque aliquod
exsisteret, de quo loquerentur homines per
terrarum orbem.* Ad mediam noctem ita est
exterritus, ut de sirato profiliret. Dehinc ma-
ne haruspicem ex Germania missum, qui con-
sultus de fulgure mutationem rerum praedixe-
rat, audiit condemnavitque. Ac dum exulce-
ratam in fronte verrucam vehementius scalpit,
profluente sanguine, *Utinam, inquit, hacten-*
us. Tunc horas requirenti, pro quinta, quam
metuebat, sexta ex industria nuntiata est. His
velut transacto iam periculo laetum, festinan-
temque ad corporis curam, Parthenius cubicu-
lo praepositus convertit, nuntians, esse, qui
magnum nescio quid afferret, nec differen-
dum. Itaque summotis omnibus in cubiculum
se recepit, atque ibi occisus est.

De insidiarum caedisque genere haec fere 17
divulgata sunt. Cunctantibus conspiratis, quan-
do et quomodo, id est, lavantemne, an coe-

Cap. 16. *Sexta — nuntiata
est]* Scilicet ab eo, ut opi-
nor, qui missus erat in forum
ad solarium, ut videret, quo-
ta hora diei esset. Ex quo ap-
paret, horologium in Palatio
nondum fuisse, quod alioqui
ipse inspexisset Domitianus. So-
lebant autem mittere in forum
ad solarium, qui vellent ho-
ram accurate scire. Vide Bur-

mannum ad Petronii Coenam
Trimalc. et Prolus. nostram de
solaris, in qua etiam Burman-
ni notam ad Petronium de
solario Trimalcionis adversus
auctorem Chrestomathiae Pe-
tronio-Burmann. defendimus.
ERN.

Cap. 17. *Id est]* Burman-
nus pro spurio tollendum pu-
tat, quod non adeo displicet.

nantem aggredierentur; Stephanus Domitillae procurator, et tunc interceptarum pecuniarum reus, consilium operamque obtulit. Ac posteriore brachio, velut aegro, lanis fasciisque per aliquot dies ad avertendam suspicionem obvoluto, ad ipsam horam, dolonem interiecit: professusque conspiracy indicium, et ob hoc admissus, legenti traditum a se libellum, et attonito, suffodit inguina. Saucium ac repugnantem adorti Clodianus cornicularius, et Maximus Parthenii libertus, et Saturius decurio cubiculariorum, et quidam e gladiatorio ludo, vulneribus septem contrucidarunt.

Sed quoniam codd. quidam et edd. habent *idem* vel *tidem*, arbitror, a Suetonio datum fuisse *item*. Primum deliberatum est de die (quando) et modo caedis patranda: deinde, quae maxime opportuna diei pars esset. Probavit Oudendorpius. ERN.

Dolonem interiecit] Vulgo *dolum*. Casaubonus autem, Graevius alique probant conjecturam Ferrii: *dolonem interiecit*, quae est certissima, ut docemus in Ex cursu. Itaque recepimus in contextum. Eam post vidimus in margine libri veteris apud Christium. Imitatus nostrum exemplum est Oudendorpius. ERN.

Cornicularius] Militum genus, de quo Salmasius ad Solum egit et alii. Nam *cornicularii* togatae militiae, de

quibus est in Codice Theod. et Iustin., non sunt, ut opinor, huius aetatis, nec huc pertinent: unde male fecere Viri docti, qui hic promiscue scriptores de utroque genere laudarunt. Ceterum quum non viderem, quomodo huc veniret *cornicularius*, miles, in legione vel cohorte stipendia faciens, nisi difficile esset intelligere, quomodo librarii vocem notam in rariorem mutassent, proclivis eram in eam sententiam, ut *cubicularius* legendum putarem. Is potuit a Parthenio, capite coniurationis, adsumi, ut alter, *decurio cubiculariorum*, quia sub dispositione Parthenii, cubiculo praefecti, erant cubicularii. *Cornicularius* si verum est, intellig. militem corniculo donatum. ERN.

Puer, qui arae Larum cubiculi ex consuetudine assistens, interfuit caedi, hoc amplius narrabat, iussu se a Domitiano ad primum statim vulnus pugionem pulvino subditum porrigere, ac ministros vocare; neque ad caput quidquam, excepto capulo, et praeterea clausa omnia reperisse: atque illum interim, correpto deductoque ad terram Stephano, colluctatum diu, dum modo ferrum extorquere, modo, quamquam laniatis digitis, oculos effodere conatur. Occisus est quarto decimo Kalendas Octobris, anno aetatis quinto et quadragesimo, imperii quinto decimo. Cadaver eius, populari sandapila per vespillones exportatum, Phyllis nutrix in suburbano suo Latina via funeravit: sed reliquias templo Flaviae gentis clam intulit, cineribusque Iuliae, Titi filiae, quam et ipsa educarat, commiscuit.

Statura fuit procera, vultu modesto, ruborisque pleno, grandibus oculis, verum acie hebetiore: praeterea pulcher ac decens, maxi- 18

[Qui curae Larum etc.] Burmanni coniectura, cui cura Larum cubiculi etc., probari non potest, quia necessarius est relativi nominativus qui: alioqui nihil est, unde pendeat *interfuit*. Ceterum mihi quoque durum et vitiosum videtur *curae Larum assistere*. Legendum est haud dubie: *qui arae Larum ex consuetudine assistens*. Sic in Galb. c. 13. *Fortunae arae adstat senex atratus, thus tenens et merum*. Simile illud Paulli 1 Cor. 9, 15.

τῷ θυσιαστηρίῳ προσεδρεύοντες, vel παρεδρεύοντες. Plane probat hanc correctionem Oudendorpius. ERN. Hanc unam omnium certissimam emendationem in textu ponere non dubitavimus.

Colluctatum diu, dum — conatur] Haec lectio est a Salmasio e Mf. Memm. Alii omnes, *colluctatum diu — conatum*. Illud melius, sed corrigendum *conaretur*. ERN. Verum et usitatum in talibus locis est verbum praesentis tem-

me in iuventa, et quidem toto corpore, exceptis pedibus, quorum digitos restrictiores habebat; postea calvitio quoque deformis, et obesitate ventris, et crurum gracilitate: quae tamen ei valetudine longa remacruerant. Commendari se verecundia oris adeo sentiebat, ut apud Senatum sic quondam iactaverit: *Usque adhuc certe animum meum, probastis, et vultum.* Calvitio ita offendebar, ut in contumeliam suam traheret, si cui alii ioco vel iurgio obiectaretur: quamvis libello, quem de cura capillorum ad amicum edidit, haec etiam, simul illum seque consolans, inseruerit:

Οὐχ ὀράας, οἷος καὶ γὰρ καλός τε μέγας τε;

Eadem me tamen manent capillorum fata, et forti animo fero comam in adolescentia senescentem. Scias nec gratius quidquam decore, nec brevius.

19 Laboris impatiens, pedibus per Urbem non temere ambulavit: in expeditione et agmine, equo rarius, lectica assidue vectus est. Armo-

poris, quod scite coniecit Salmastius. Nam in Memm. quoque erat conatum.

Cap. 18. *Remacruerant*] Pro simplici *macruerant* positum. Iterum haeret hic Burmannus, qui cum Dukero malebat *emacruerant*. Vide ad Aug. c. 78. ERN.

Decore] Pulcritudine: de cuius fragilitate plena omnia. Sed mihi hoc olim accidit, ut,

antequam libros plures inspicerem, mendum typographicum putarem, et corrigerem *decere*. Nec dubito nunc, ita legendum esse. Non de formae universae suavitate et brevitate dicere attinebat, sed parte ea, quae inest in capillis, qui apud Petronium *formae decus* dicuntur. Sensus est: nihil magis decet capillis, sed nulla pulcritudinis

rum nullo, sagittarum vel praecipuo studio tenebatur. Centenas varii generis feras saepe in Albano secessu conficientem spectavere plerique: atque etiam ex industria ita quarundam capita figentem, ut duobus ictibus quasi cornua efficeret. Nonnunquam in pueri procul stantis, praebentisque pro scopulo dispanfam dextrae manus palman, sagittas tanta arte direxit, ut omnes per intervalla digitorum innocue evaderent.

Liberalia studia imperii initio neglexit, 20 quamquam bibliothecas incendio absumptas impensissime reparare curasset, exemplaribus undique petitis, missisque Alexandriam, qui describerent emendarentque. Numquam tamen aut historiae, carminibusve noscendis, operam ullam, aut stilo vel necessario dedit. Prae-

pars citius perit. ERN. Vix Latinum puto, decet res brevius.

Cap. 19. *Cornua effingeret*] Arbitror, alteram lectionem efficeret potius glossam esse τοῦ effingeret, quam hoc illius, ut volunt Viri docti, etiam Dukerus, qui tamen effingeret bene dici et apte huic loco, non negat. Illud enim quis non intelligit? Sic Ner. c. 21. *personae effictae ad similitudinem oris sui*, non effectae, ut ibi prope iidem, qui hic, codices habent. Quo loco quum effictae praetulerit Burmannus, effectae pro glossa repudiavit, miror hic efficeret

recepisse, effingeret pro glossa damnassee. Ceterum, quomodo unius eiusdemque ferae caput duobus ictibus, e diversis locis factis, traicere sic potuerit, non intelligo. An, primo ictu traiecto capite, adhuc stetit et vixit fera? ERN. Sane summa ars et celeritas cogitanda est, ut recte accepit Oudendorpius, qui etiam lectioni librorum fere omnium, efficeret, auctoritatem reddidit.

Cap. 20. *Describerent*] De bibliotheca Pergamena, quam Cleopatrae donarat Antonius, intelligit Burmannus. Recte. ERN.

ter commentarios et acta Tiberii Caesaris nihil lectitabat: epistolas, orationesque, et edicta alieno formabat ingenio, sermonis tamen nec inelegantis, dictorum interdum etiam notabilium. *Vellem, inquit, tam formosus esse, quam Metius sibi videtur:* et cuiusdam caput, varietate capilli subrutilum et incanum, *perfusam nivem mulso* dixit.

21 *Conditionem principum miserrimam* aiebat, *quibus de coniuratione comperta non crederetur, nisi occisis.* Quoties otium esset, alea se oblectabat, etiam profectis diebus matutinisque horis: ac lavabat de die, prandebatque ad satietatem; ut non temere super coenam, praeter Matianum malum, et modicam in ampulla potiunculam sumeret. Convivabatur frequenter ac large, sed paene raptim: certe non ultra solis occasum, nec ut postea commissaretur. Nam ad horam somni nihil aliud, quam solus secreto deambulabat.

22 Libidinis nimiae, assiduitatem concubitus, velut exercitationis genus, *clinopalen* vocabat. Eratque fama, quasi concubinas ipse devellet, nataretque inter vulgatissimas meretrices.

Cap. 21. *Matianum*] Ab C. Matio eo nomen habet, cuius est ad Ciceronem elegans epistola. Is instituit tondere arbores, ut hodie fit in hortis urbanis. ERN.

Cap. 22. *Devellet*] I. e. velleret. Codd. et edd. omnes *divelleret*; quod manifeste falsum esse viderunt Viri docti.

Quare, quum soleant etiam sine codd. auctoritate *deverti, deripere*, et similia, reponere, ubi sensus postulat, et lex dicendi, pro *diverti* et *diripere*: etiam hic nobis licere putavimus. His scriptis dudum, cognovi e Christio, *devellet* esse in margine ed. Gryph. ERN.

Fratris filiam adhuc virginem, oblatam in matrimonium sibi, quum devinctus Domitiae nuptiis pertinacissime recusasset, non multo post alii collocatam, corrumpit ultro, et quidem vivo etiam tum Tito: mox patre ac viro orbatam, ardentissime palamque dilexit, ut etiam causa mortis existerit, coactae conceptum a se abigere.

Occisum eum, populus indifferenter, miles gravissime tulit, statimque *Divum* appellare conatus est: paratus et ulcisci, nisi duces defuissent. Quod quidem paullo post fecit, expositatis ad poenam pertinacissime caedis auctoribus. Contra Senatus adeo lactatus est, ut repleta certatim Curia non temperaret, quin mortuum contumeliosissimo atque acerbissimo acclamationum genere laceraret: scalas etiam inferri, clypeosque et imagines eius coram detrahi, et ibidem solo affligi iuberet: novissime, eradendos ubique titulos, abolendamque omnem memoriam decerneret. Ante paucos quam occideretur menses, cornix in Capitolio elocuta est, *ἔσται πάντα καλῶς*. Nec defuit, qui osentum sic interpretaretur:

Nuper Tarpeio quae sedit culmine cornix,

Est bene, non potuit dicere: dixit, erit.

Ipsam etiam Domitianum ferunt somniasse, gibbam sibi, pone cervicem, auream enatam, pro

Conceptum] Substantive capit Burmannus, quomodo dixere Quintilianus in Declam. et Seneca Tragicus: sed melius puto adiective capi. ΕΡΚ.

Cap. 23. *Statimque Divum*

appellare etc.] In edd. additur *eum* ante *Divum*, ut in MII. plerisque. Sed plures etiam omittunt, ut Lyser., Vindob. etc., quos secutus sum, item Oudendorpius. Puto simi-

certoque habuisse, beatiorem post se laetio-
remque portendi reipublicae statum. Sicut sane
brevi evenit, abstinencia et moderatione in-
sequentium principum.

liter ab initio post *occisum* cave deleas. Conf. ad Caes.
delendum esse. ERN. ibi c. 7.

ERNESTII

EXCURSUS

AD

SUETONII CAESARES.

THE
CITY OF NEW YORK

OFFICE OF THE COMMISSIONER OF THE LAND OFFICE

EXCURSUS I.

A D

CAESAR. C. 20.

Primus instituit, ut acta Senatus et populi diurna conficerentur.

Hic locus a quibusdam in suspicionem vel corruptionis, vel erroris adductus est. Nos sanum esse, et, a Suetonio originem actorum vere tradi, defendemus. Ac primum quidem magnam vim in ea re debet habere Suetonii auctoritas, in cuius virtutibus confetur cumprimis et diligentia in monumentis rerum gestarum investigandis excutiendisque, et in rebus posteritatis memoriae tradendis fides: quas virtutes tanto quisque magis in eo agnoscit, quo magis ingenium ad eas intelligendas notandasque expolivit. Quum autem esset Magister epistolarum apud Hadrianum Imperatorem, habuit ille haud dubie facultatem summam publicarum litterarum inspiciendarum, in quibus et acta Senatus populi que numerabantur. Quare nullo modo credibile est, eum vera illorum initia aut ignorasse, aut vere tradere noluisse. Neque ulla, ut opinor, dubitatio de ea re cuiquam esset commota, nisi superiori seculo prolata essent fragmenta quaedam, ut putata sunt, actorum Senatus et populi, quorum alterum ad annum a condita Urbe Roma DLXXXVI., alterum ad annum DCXCII. pertinet, edita illa quum ab aliis, tum a Dodwello in Appendice Praelectionum Camdenianarum et multis notis illustrata, p. 665 — 691. Priorem quidem partem ad hunc Suetonii locum etiam Graevius exhibuit, haud

alio sane consilio, quam ut Suetonii locum suspectum redderet. Est sane potentissimum adversus vel fidem vel integritatem scriptorum argumentum, quod a publicis rerum monumentis ducitur. Itaque, si fragmenta actorum ad illos annos pertinentium habemus, non dubitari potest, quin aut a vero aberret Suetonius, quum eorum confectionem primum a Caesare Consule a. U. DCXCV. institutam dicit, aut locus Suetonii aliqua corruptionis macula sit inquinatus. Sed salva res est, neque, vel illis fragmentis, vel alio idoneo argumento, demonstrari potest, actorum aetatem Caesaris primum consulatum superare: sed contra multa in contrariam partem disputari possunt, quibus intelligatur Suetonii fides et confirmetur.

Nam primum, quod ad iactata illa actorum fragmenta attinet, quae maxime Suetonio repugnant, ea haud dubie ab impostore aliquo sunt conficta. Ac mihi quidem fraudis suspicio primum iniecta est e loco Livii, de Aemilio Paulo, 44, 22. *Ab hac concione Latinis, quae pridie Kalend. Apr. fuerunt, in monte sacrificio rite perpetrato, protinus inde et Consul et Praetor Cn. Octavius in Macedoniam profecti sunt. Traditum est memoriae, maiore, quam solita, frequentia prosequentium Consulem celebratum.* In fragmentis autem sic est: *Pridie Kal. April. Latinae celebratae, et sacrificatum in monte Albano — — Kal. April. — — Paullus Cos. et Cn. Octavius Praetor paludati egressi, ingente atque inusitata frequentia prosequente.* Comparare hoc fragmentum institueram cum Livii loco, ad eundem annum pertinente, ut inde argumentum pro Livii fide ducerem, si Livius cum hoc monumento consentiret. Sed, dum Livii fidem stabilire cupio, ecce fragmenti fides incipit labare. Illud quidem unusquisque facile intelliget conferendo, aut Livium hinc sua petiisse, aut haec a Livio sumpta: adeo non modo res, sed verba prope eadem reperiuntur.

Sed mihi posterius longe propius verum videbatur: quod dictio fragmenti aetati Livianae, quam belli Macedonici II., similior est. Scitum quidem Postumianum de Bacchanalibus duodeviginti tantum annis ante annum U. DLXXXVI. factum est. Ab eius autem dictione tantum abhorret dictio fragmenti, ut nullo modo, tam brevi tempore poli, scriptum esse possit. Sed quum semel res in suspicionem adducta esset, plura paulatim ut sit, animadverti, quae rem suspectiorem facerent, imprimis contorta illa Dodwelli ratio interpretandi utrumque fragmentum, et cum reliqua historia et antiquitate componendi: donec, e Dukeri ad Liv. 44, 18. admonitu, Wesselingii, τοῦ πένυ, in Probabilibus, disputationem c. 59. legi: in qua ille pluribus argumentis, aliis tamen, quam quo primum motus fueram, fidem utriusque fragmenti convellit. Ea disputatio impulit labantem iam animum, praesertim quum eam etiam Dukero et Drakenborchio admodum probari viderem: neque quemquam fore arbitror, quin, ea lecta, in eandem sententiam concedat, eaque fragmenta fraudis condemnent.

Ego quidem arbitror, ne rationem quidem ullam probabilem excogitari posse, quare acta illis temporibus confecta sint. Habebant enim tum alium rerum publice gestarum memoriam conservandi modum, uti auctor est Cicero, de Orat. 2, 12. Nam Pontifex Maximus res omnes singulorum annorum domi forisque gestas mandabat litteris, earumque cognoscendarum populo potestatem dabat: iique Annales maximi sunt appellati. Quod quum ita sit, quorsum tandem etiam acta Senatus et populi confecta? Nam, quod Dodwellus, primum a scribis publicis acta illa conscripta, et ex his deinde Annales maximos a Pontifice confectos, putat, p. 652. 654., id totum sine idonea veteris scriptoris auctoritate sumitur, quia, acta iam tum fuisse, fragmentis spem creditur. Pontificem rerum publice gestarum adversaria habuisse, quibus Annales digereret, facile largiar: sed ex actis,

publica auctoritate scriptis, Annales repetitos esse, id vero probari nullo modo potest. Hanc autem rationem conficiendorum Annalium usque ad P. Mucium Pontificem Maximum esse usurpatam, idem ille Cicero tradit, hoc est, ad medium prope seculum septimum. Fuit enim P. Mucius ille Pontifex Maximus aliquot annis demum post consulatum, qui in a. U. DCXXI. incidit, ut demonstrat Fr. Balduinus in *Iurisprudencia Mucia*, p. 63. ed. Hal. Quare vero omissus ille mos tum fuerit, haud equidem satis scio: neque tamen rem nimis a vero abhorrentem dixerit, qui putet, tumultus intestinos, qui tum Romae fuerunt, tum forte etiam civilis belli, quod inter Marium et Sullam gestum est, turbas huic instituto prisco finem attulisse. Illud prope certum arbitror, Caesarem revocare in consuetudinem voluisse rationem aliquam memoriae publicae retinendae, eamque ob causam actorum Senatus et populi confectionem publicationemque instituisse, ut ea Annalium maximorum locum obtinerent.

Quodsi iam tum, quum illud Annalium per Pontificem conficiendorum institutum adhuc manebat, acta Senatus et populi publice perscripta sunt: qui sit, ut nemo omnium veterum historicorum ceterorumque scriptorum Romanorum uspiam eorum mentionem in rebus illorum temporum iniiciat: ut nuspiam Polybius, nuspiam Livius, aut Dionysius, aut Plutarchus, aliive commemorent, quum ceterorum, imprimis publicorum, monumentorum auctoritate utantur? Quid? quod mihi Cicero videtur, illo in loco, ubi usitatum olim memoriae rerum gestarum publice retinendae modum refert, non immemor futurus fuisse actorum, si eorum aetas ista tempora attingeret. Quare, quum solos Annales maximos commemoret, magno argumento est, acta Senatus et populi diurna antiquioribus temporibus conscripta et publicata non fuisse.

Sed hic exoritur quaedam difficultas ex eo, quod etiam nulla actorum illorum mentio in veteribus libris, medio inter Caesaris consulatum primum et Augusti imperium tempore, reperitur. Nam post illam, quae fit in eo Suetonii loco, in quo vindicando disputatio nostra versatur, prima, si temporis ordinem sequare, quod ego quidem sciam, occurrit apud eundem, in commemoratione institutorum Augusti, Aug. c. 35.: in quibus etiam hoc fuit, *ne acta Senatus publicarentur*. Confecta tum esse acta, satis indicant Suetonii verba. Neque enim revocatam actorum conficiendorum consuetudinem, sed publicandi tantum morem omissum, tradit. Atqui ego non dubitem affirmare, actorum conficiationem aliquamdiu ante bellum quidem civile intermissam fuisse. Movent me Ciceronis et Coelii epistolae duae, paullo ante bellum civile, aliquot annis post primum Caesaris consulatum scriptae. Nam in altera, 8, 1., Coelius scribit, se Ciceroni in Ciliciam misisse Commentarios rerum urbanarum, suo iussu suaque impensa a privato homine confectos: in altera autem, 2, 8., Cicero scriptorem illorum commentariorum reprehendit, quod res privatas minutasque, quas scire sua nihil interesset, consignarit. Quodsi tum mos actorum S. P. Q. conficiendorum publicandorumque manebat: quid est, quod non aut Coelius haec potius descripta Ciceroni misit, aut Cicero ea sibi mitti voluit? quid, quod Cicero, quum, ne ea quidem se a Coelio scire velle, scribit, quae quotidie in republica fiant, causam addit hanc, quod ea alii scribant, non, quod in actis publicis reperiat? Itaque etiam illa *acta urbana*, quae se scribit habere, ad Att. 6, 2., non publica putanda, sed privatim, a servo aut liberto conscripta, quod ipse Dodwel-lus fatetur, App. p. 652. Mea quidem me coniectura eo ducit, ut putem, Caesaris illi instituto factum esse id, quod aliorum popularium et optimatibus invisorum hominum, non modo institutis, sed etiam legibus, saepe

evenit, ut, magistratu ab ipsis deposito, negligerentur odio auctorum. Satis autem constat, ea cum invidia optimatum consulatum gestum esse a Caesare, ut, statim a consulatu deposito, relatum sit, de actis consularis eius abolendis. Vide Caes. c. 23. Iam nihil quidem de ea re decretum est per altercationes Senatorum: ceterum, quae in potestate Consulum erant, ex quo genere actorum confectio fuit, ea omitti poterant, vel sine Senatus decreto. Neque mirandum est, si tum eius institutum ab infensis Consulibus, nihilque ab eo timenibus, neglectum est, quum etiam Dictatoris leges, per absentiam eius, a populo ei obnoxio contentae sint, ut ipse Caesar queritur apud Ciceronem, ad Att. 13, 7. Postea vero, quam secundum Consul factus, Dictatorque adeo creatus fuit, pristinum illud institutum suum in usum consuetudinemque videtur revocasse, ab eoque tempore actorum consiciendorum mos mansisse. Ob stare videatur locus Ciceronis ad Div. 12, 23., ubi acta rerum urbanarum commemorantur: sed et haec similia Coelianis.

His lectis ac ponderatis, facile, arbitror, intellecturos omnes, non esse, quare aut Suetonii in origine actorum Senatus populi que diurnorum fidem, aut vulgatae lectionis integritatem in dubium vocemus, recteque teneri, quod a Suetonio accepimus, ut origo eorum actorum in primo Caesaris consulatu ponatur.

EXCURSUS II.

A D

CAESAR. C. 43.

Ius laboriosissime ac severissime dixit.

Non satis intelligunt vulgo homines, ne Iuris quidem Consultos se iaciantes, quid sit in veteribus libris *Iurisdictio*. Et iis quidem temporibus, quum libertas rei-

publicae Romanae maneret, quae fuerit iurisdictionis ratio, perspicue et invictis documentis demonstravimus in Clave Ciceroniana: quam disputatiunculam valde, quum alii, tum, qui plurimorum instar est, Gesnerus probavit in Thesauro Latinae Linguae, nuper edi coepto. Sed iurisdictionis ratio paullum mutata est sub Imperatoribus, signo semel a Caesare dato. Itaque tenendum est, sub Caesaribus *iurisdictionem* apud veteres *dupliciter* dici: *primum*, vetere illa, quam demonstravimus, potestate: velut, quum de magistratibus ordinariis, vel urbanis, vel provincialibus, dicitur: estque iuris, quod vocant, ordinarii: quum aut ipsi decernunt ex edicto, aut iudices dant: *deinde* nova quadam, cum infinita Caesarum potestate invecta: eaque est iuris extraordinarii; de quo egimus ad Claudium c. 15. De hac intelligendi scriptores, quum Caesares, aut tribunitiae potestatis consortes, ius dixisse, tradunt, velut Aug. c. 33. Claud. c. 14. Ner. c. 15. Domit. c. 8. Nempe arcanum hoc imperii fuit, ex omnibus generibus potestatis summa quaeque et rem ipsam ad se trahere, levia et nomina relinquere ordinariis magistratibus. Iam quum non dubium sit, quin magna reipublicae, atque adeo potestatis, pars insit in rebus forensibus et exercendis legibus, vel iure dicundo, vel quaestionibus habendis: utramque rem suae potestatis ac ditionis Caesares fecere, ex instituto Iulii Caesaris et Augusti. Itaque in actu rerum (de quo diximus ad Claud. c. 15.) ponitur etiam *iurdictio*: de qua e Suetonio dicemus.

Ac primum, quia Caesar Praetoribus iurisdictionem antiquam reliquit, Augustus et successores eandem magistratibus ordinariis relinquere, sequitur, ad Caesaris iurisdictionem ab initio et proprie tantum ea pertinuisse, *in quibus a magistratibus ordinariis ad eum provocatum esset*: quod etiam postea obtinuit. Vide Aug. c. 33. Itaque in civilitatis documentis commemorat Suetonius de Caligula, c. 16., quod *magistratibus liberam iuris-*

dictionem, et sine sui appellatione, concessit: item, de Tiberio, sub initium principatus, c. 31. cetera quoque, nonnisi per magistratus, et iure ordinario, agebantur. Quo tempore adeo Tiberius et Caligula ius non dixerunt. Denique in Augusto, c. 33., quod *appellationes urbanorum litigatorum Praetori urbano, provincialium, Consularibus, provinciae cuique praepositis, delegavit.* Atque haec est proprie dicta iurisdictionis Caesarum, eaque ad causas privatas pertinebat. Sic sumitur *iurisdictionis* verbum in Nerone, c. 15., ubi a cognitione distinguitur. Sic porro in Domitiano, c. 8. Nam exempla subiecta sunt causarum privatarum: de cognitionibus post agitur, extremo capite.

Sed factum est etiam causarum, et privatarum et publicarum, discrimen, ut aliae iuris ordinarii essent, agerenturque apud magistratus ordinarios, apud quos de more antiquo agerentur: aliae iuris extraordinarii, de quibus Caesares cognoscerent. Hinc *cognitionum* crebra mentio, ita ut a iurisdictione Caesarum distinguatur. Sic Claudius, c. 14., *ius*, dicitur, *et Consul, et extra honorem, laboriosissime dixisse:* mox, *in cognoscendo varius fuisse*, c. 15. Similiter distinguuntur, Ner. c. 15. In Domitiano porro, c. 8., etsi non verbis, at re et loco. In Augusto contra, c. 33., manifeste iurisdictionis nomine cognitiones comprehenduntur, ut exempla subiecta docent. Nam post verba, *dixit autem ius non diligentia modo summa, sed et lenitate*, id confirmat Suetonius exemplis reorum de parricidio et falsi crimine: quae non sunt iurisdictionis proprie sic dictae, sed quaestionis. Iam in loco Caesaris, non dubito, quin similiter eo verbo cognitio comprehendatur. Etsi enim exemplum subiectum sit iurisdictionis proprie sic dictae; tamen Caesarem etiam de quibusdam causis cognovisse, vel Ligariana causa docere potest.

EXCURSUS III.

A D

CAESAR. C. 45.

Usum lato clavo — — super eum cingeretur.

Magna est difficultas in eo, quod Caesar *super latum clavum cingi* dicitur solitus. Nam Rubenius aliquae capiunt de cingulo, quo ille tunicam constrinxerit, quod alii non fecerint. Graevius autem de praecinctione togae intelligit, et sic duabus tantum rebus notabilem et diversum ab vulgari consuetudine cultum facit, nempe tunica manuleata et fimbriata, et cinctura togae laxiori. Ceterum non diffitetur, *super tunicam cingi* esse inusitatum loquendi genus; neque apparere, quare hac cinctura super tunicam notabilis fuerit, quum omnes latidavii super latum clavum cingerentur. Burmannus autem nihil nobis hic suae animadversionis dedit. Est haud dubie probanda Graeviana ratio in eo, quod dupliciter tantum Caesaris cultum ut notabilem describi dicit, nempe modo tunicae et modo eius cingendae, et quod illud *cingeretur* de praecinctura togae capit: idque manifestum est ex eo, quod verba, *et quidem*, cogunt referri, *laxiore cinctura*, ad *cingeretur*, idque positum est pro adverbio *laxius*, quod simpliciter ponere potuisset Suetonius. Denique Sullae dictum necessario postulat hoc, ut de praecinctione togae capiamus: alioqui ab re ipsa abhorreret. Restat igitur hoc unum, ut quaeramus, quomodo illud *super eum* explicari possit commode, ut aliquod genus cingendi intelligatur, quod discrepet a vulgari cingendi consuetudine. Forte sic cingebatur, ut tota, sive, ut Oudendorpio placet, prope tota, tunica tegeretur, nec latus clavus in pectore cerneretur. Nam alioqui sic cinctos fuisse certum est, ut clavi cerni possent. Quorsum enim lauti homines valde latos secissent, ut est apud Ciceronem? si cerni non possent, sed toga

toti tegerentur. Si ergo sic cingi solitus est, ut ea pars lati clavi atque adeo tunicae, quae vulgo adspectui pateret, cinctu tegeretur, recte sane dici potest, super latum clavum cinctum fuisse. Sed hoc doctioribus in hoc genere iudicandum relinquimus.

EXCURSUS IV.

A D

CAESAR. C. 46.

Tessellata et sectilia pavimenta.

Breitingerus, Vir doctissimus, e Vitruvii 7, 1. ostendit, ea non, nisi crustularum figura, distincta fuisse: *tessellata* fuisse structa quadratis: *sectilia* autem variarum figurarum crustulis. Ab utroque autem musivum opus distinguit, idque nunquam in pavimentis, sed in cameris, usurpatum dicit. De tessellatis et sectilibus adiuvatur nominibus ipsis. Nam tesserae lusoriae sunt quadratae, earumque angulos facit Vitruvius omnes aequales. Sectilibus autem Vitruvius attribuit trigona, rhombos, hexagona. Sed multa tamen contra dici possunt. V. g. tesserae sunt in opere vermiculato, ut patet e versu Ennii apud Cic. Or. 3, 43. Sed in vermiculato opere sunt effigies et animalium, Plin. 35, 1. Eaeque tesserae post sub Claudio etiam coepere pingi, Plin. l. c. modo sile marmoroso, 33, 12., modo sinopide, 35, 6., etiam purpura, ibid. 7. Vermiculatum opus autem olim pavimentum fuit, unde etiam apud Murat. Inscr. T. I. p. 314, 2. *vermiculum straverunt*: sed in parietes post migravit Plin. l. c., idque haud dubie est opus musivum. Aequalitas autem angulorum, quam in tessellis requirit Vitruvius, non statim arguit figuram quadratam: nam etiam trigonorum et hexagonorum aequales anguli esse possunt. Itaque, ut nunc quidem est, maneo in Graeviana sententia. Ceterum idem Breitingerus recte monet

p. 62., ista pavimenta circumlata esse a Caesare, ut inde et praetoria sternerentur, et fierent lithostrota ad tribunalia, quale memoratur apud D. Ioannem 19, 3. Appian. B. C. 3. p. 173.

EXCURSUS V.

A D

AUG. C. 31.

Pompeii quoque statuam contra theatri eius regiam etc.

Regiam theatri Pompeiani quam dicat Suetonius, non convenit inter Interpretes. Recte reiecit Casaubonus Torrentii sententiam, qui interpretabatur ipsum theatrum, regale opus. Nam sic positus illius statuae satis definitus non esset. Casaubonus dicit, praeter alia magnifica opera, theatro circumdata, etiam additam domum magnificam, quae *regiae* nomine affecta sit. Quod ego ne intelligo quidem. Qualis enim illa domus, cui usui, quis habitaret? Nihil tale in descriptionibus theatrorum occurrit. Ergo interpretati sumus, post alios veteres Interpretes, *basilicam*. Cuius interpretationis iam rationem reddemus. Maximus ornatus theatrorum extrinsecus accessit a porticibus altis et spatiosis, et columnis marmoreis suspensis. Eae, quia olim regum palatiis orandis additae, *basilicae* dictae. Zosimus quidem, lib. 5. c. 2., Rufinum, tradens, plebis demulcendae causa aedificasse magnificentissimam *basilicam*, appellat βασιλικήν στοάν. Numi autem, qui basilicarum formam exhibent, nihil nisi porticum speciem expriment. Talis ergo porticus sustinebat, ut opinor, extrinsecus aedes impositas gradibus theatri Pompeiani, et propter inusitatam altitudinem magnificentiamque *basilica*, sive, *regia theatri* dicebatur. Etiam apud Plinium Epp. 10, 48. sunt *basilicae circa theatrum*. Ad certam quidem partem theatri fuisse, illud indicat, quod Suetonius locum statuae,

Pompeio posita, ita designat, ut e regione basilicae fuisse dicat. Qui locum Plutarchi in Pompeio p. 648. laudarunt, ut *domum* inde exsculperent, aut non inspexerunt locum, aut non intellexerunt. Nam, quae ibi commemoratur domus, est ea, quam sibi post exstructum theatrum aedificavit. Nam addit Plutarchus, fuisse quidem lautiores ea, quam ante habitasset, sed tamen mediocrem, nec invidendae magnificentiae, idque dicto eius probat, qui post Pompeium habuit. Contra mirifice nostram sententiam adjuvat locus, qui laudatur ex Asconio ad Cic. Or. pro Scauro: *In huius domus atrio fuerunt quatuor columnae marmoreae, quae nunc esse in regia theatri Marcelli dicuntur.* Hic vides etiam alia theatra, v. c. Marcelli, regiam habuisse; deinde in ea fuisse columnas marmoreas, quae manifeste porticum indicant. Etiam Statius Silv. 1, 1, 22. basilicam Paulli regiam vocat: *belligeri sublimis regia Paulli.*

EXCURSUS VI.

A D

AUG. C. 47.

Provincias validiores — — ipse suscepit etc.

Strabonis lib. 17. extr. verba de hac re Latine ex nostra interpretatione sic habent: nam in vulgatis pessime aliquot locis versa sunt: *Ab initio fecit duas consulares provincias: Africam quidem, quoad est sub Romanorum potestate, excepta nempe ea, quae ante Iubae, nunc Ptolemaeo filio, paret: et Asiam, intra Halyn amnem, et Taurum montem, exceptis Galatis et gentibus Amyntae parentibus, Bithynia insuper et Propontide.* Decem porro praetorias fecit. *In Europa quidem et circumiectis insulis, primum Hispaniam ulteriorem ad flumen Baetim et Anam: deinde Galliam Narbonensem: tertiam Sardiniam cum Corsica:*

quartam Siciliam: quintam et sextam Illyricum, quod est finitimum Epiro, et Macedoniam: septimam Achaïam ad Theſſaliam uſque, et Aetolos, et Acarnanas, et quasdam Epiroticas gentes, Macedoniae finitimas: octavam Cretam cum Cyrenaica: nonam Cyprum: decimam Bithyniam, cum Propontide, et quibusdam Ponti regionibus. Reliquas provincias habet Caefar, in quarum nonnullas mittit praefides e Conſularibus, in nonnullas e Praetoriis, in nonnullas denique etiam ex ordine equeſtri. Dio autem lib. 53. p. 503: Senatui populoque Africa, Numidia, Aſia; et cum Epiro Graecia, Dalmatia, Macedonia, Sicilia, Creta, Cyrenaica, Bithynia cum Ponto finitima, Sardinia et Baetica, datae ſunt. Caefaris autem factae Hiſpaniae, quod reliquum erat, ut Tarraconenſis et Luſitania, tum omnis Gallia, Narbonenſis, et Lugdunenſis, et Aquitanica, et Celtica, cum iſis populis, qui eorum coloni eſſent. Nam Celtae quidam, quos Germanos vocamus, omnem Celticam Rhenanam obtinentes, fecerunt, ut Germania diceretur: ſuperior, quae eſt ad Rheni fontes, inferior, quae uſque ad Oceanum Britannicum extenditur. Hae igitur provinciae, et Coeleſyria, et Phoenice, et Cilicia, et Cyprus, et Aegyptus, Caefaris fuerunt. Poſtea vero Cyprum et Galliam Narbonenſem populo reddidit, pro iisquæ Dalmatiam ſumſit. Qui haec duo loca inter ſe conferent, non omnino inter ſe conſentire reperient: cuius rei cauſſa eſt mutatio provinciarum ſubinde facta. Sed haec accuratius exſequi non eſt iam inſtituti noſtri.

EXCURSUS VII.

AD

AUG. C. 58.

Patris patriae cognomen etc.

Rem, quae hic traditur, factam esse Non. Febr., in eo, auctore Ovidio in Fastis, omnes consentiunt. Confirmat etiam nobilis inscriptio apud Gruterum p. 136. n. 2., in qua tamen mensis non exprimitur. Nam sigla *N.* non significat *Non.*, sed *Nefastum* diem, ut docet Perizonius Anim. Hist. p. 313. Sed de anno ambigunt. Vulgo referunt ad a. U. DCCLVIII. Quare? quia eo anno Messala Consul fuit. Quae ratio imbecilla est. Nam etiam a. U. DCCLI. nomen Messalae in Fastis occurrit. Sequenda est igitur inscriptio laudata, quae factum esse docet Augustus XIII. Consule; qui consulatus incidit in a. U. DCCLII. Vide plura apud Perizonium l. c. Non autem video, quare necesse sit, statuere, Messalam, Consulem, Senatus nomine Patris patriae nomen Augusto detulisse, quum taceat Suetonius. Quia ipse Augustus Consul erat, res potuit a Senatu mandari superioris anni Consuli, qui orator esset. Sed alia est inscriptio apud Gruterum p. 226. n. 6. laudata a Casaubono ad h. l., in qua Augustus Cos. XI. Pater patriae dicitur. Casaubonus putat, eam inscriptionem emendandam, aut falsam iudicandam esse. Sed, scilicet, de hac inscriptione idem dicendum, quod de numis, qui Pater patriae nomen habent ante a. DCCLII., nempe, privatorum adulationem, vel pietatem esse, non autem decretum publicum Senatus. Saepe hoc in Imperatoribus, etiam Germanicis, factum est, ut vel honoris vel consuetudinis causa iis a privatis aut imperitis tituli tribuerentur, qui iis proprie non conveniebant, quosque ipsi non usurpabant. Exemplum praebent numi Vespasiani maioris, in quibus, statim initio imperii, reperitur co-

gnomen Patris patriae, quod tamen, auctore Suetonio c. 4., sero recepit. Inprimis provinciales solebant Imperatoribus titulos tribuere, quos superiores Imperatores usurparant, quum ipsi non adscivissent. Ex quo genere sunt, ut Pagio placet, Inscriptiones provincialium, quae Constantino M. pontificatum m. tribuunt, quem ille non assumsit. Vide Pagii Crit. Bar. ad a. III. ERN. Plures errores sunt in posteriore parte huius animadversionis, recteque de ista inscriptione ap. Grut. iudicat Casaubonus.

EXCURSUS VIII.

AD

AUG. C. 74.

Acroamata.

De *Acroamatis* dicere quaedam statuimus, quia nobis videntur Viri docti nondum satis iustis finibus descripsisse vim huius verbi. Ac primo *negamus* id, quod plerisque video placere, nuper etiam Gesnero, in Thesauro Linguae Lat., *acroama Latinis dici de re*. Omnia exempla usurpati huius verbi, quae in illo ditissimo Thesauro reperiuntur, manifeste sunt de personis. Manutius ad Ciceronem pro Sextio c. 54., ut doceat, de re dici *acroama*, affert locum Ciceronis pro Arch. c. 9., qui locus plane contrarium docet. Nam Themistocles interrogatus, quod *acroama* libentissime audiret, respondet: *a quo* sua virtus optime praedicaretur. An hoc de re capiendum? Non: sed de homine. Profert deinde locum ex Aristotelis Ethicis, ubi ἀνθρώπου et ὄραμα iunguntur, de rebus iucundis auditu et visu. Sed primum non quaeritur, quomodo in philosophia ἀνθρώπου dicatur, sed quomodo in usu populari et quotidiano, apud historicos, oratores et poetas; deinde, de Latina consuetudine maxime. Nam apud Graecos ἀνθρώπου etiam

de rebus dici, non ignoro. Xenophon etiam in Hierone ἡδιστον ἀκρόαμα vocat laudem, quam in Memor. Socr. 2, 1. ἡδιστον ἄκουσμα vocat. Sed Latini similiter *acroama* non usurpant. Ego quidem, etsi diligenter attendi, nullum adhuc locum invenire potui, ubi de re dictum sit. Manebit itaque id, quod posuimus, dum exempla idonea proferantur. Isidori autem auctoritas apud me nihil valet contra perpetuum usum bonorum scriptorum. Sunt igitur *acroamata*, quicumque sive in theatro, sive in convivio, voluptatis causa, audiuntur, musici omnes, et scurrae, moriones, qui cantu nervorum, tibiarum et vocum, facete ridicule dictis, recitatione etiam aliqua, delectant aures. Haec manifesta sunt exemplis a Viris doctis ad h. l. et in Lexicis prolatis. Hoc nostro loco *acroamata* Gesnerus interpretatur de musicis: non male, quando satis evidens est in hanc rem locus Macrobiani Saturn. 2, 4. Sed ex eodem loco patet, etiam alia genera *acroamatum* interposita fuisse, velut scurras, similesque homines, quos hic quoque intelligendos puto. Atque de hoc posteriori genere capio etiam *festivum acroama*, quod e convivio corollarium aufert apud Ciceronem Verr. 4, 22. Probat haec Oudendorpius, qui et laudat Intt. ad Eginhardum Vit. Caroli M. c. 24. ERN. Haec multo doctius erant deducenda: aliquid etiam falsum inest. Nam apud Ciceronem quidem p. Arch. c. 9. verbum valet Graeco usu, quo Xenophon et alii *semper* de re dicunt ἀκρόαμα et ἄκουσμα. Scriptum enim sic est: *Quod acroama aut cuius vocem libentissime audiret.* — *Eius, a quo* etc. Adde, quod ex Themistoclis, i. e. Graeci hominis, verbis haec Latina facta sunt.

EXCURSUS IX.

A D

TIBER. C. 16.

Delegatus pacandae Germaniae status etc.

In huius loci Latinitate primus haesit Casaubonus, quod putaret, dicendum, *delegatus pacandus Germaniae status*, aut, *delegatus pacando Germaniae statui*. Burmannus secutus huius auctoritatem, negavit haec Latina esse: non *statum delegari*, sed *munus, negotium status componendi*, vel *pacandae Germaniae*. Itaque coniicit: *data rursus tribunitia potestate in quinquennium, delegatus Germaniae pacandae statim*: quod si cui displiceat, iubet posteriorem Casauboni emendationem sequi. Videamus, quid rei sit. Burmanni emendatio duabus de causis probari non potest. Nam primo Suetonius vult commemorare honores habitos Tiberio. In his primo loco ponenda erat tribunitia potestas iterum data: subiecit potestatem extra Urbem: denique missos ad eum legatos, tanquam ad collegam imperii. Non igitur locum habent illi ablativi *data potestate*; deinde illud *statim* frigidissimum est. Atque etiam elegantia quaedam perit, si probemus illud Casauboni *delegatus*, scil. Tiberius, *pacando Germaniae statui*, sublata similitudine membrorum, quam Latini elegantiores et Suetonius curiose sequuntur. Neque necesse est, eam relinquere, Latinitatis causa. Nam, quidquid Burmannus dicat, *res ipsa* non minus potest *delegari*, quam *munus, et negotium rei curandae*: in qua forma *delegare* est *permittere, attribuere*. Id his exemplis intelligitur. In XII Tabb. *pecunia delegari* dicitur de solutione pecuniae. Cicero pro Dom. c. 7. *Delegavi amico locupletiori*, scil. Pompeio: quidnam? *frumentii copiam et annonae vilitatem*, quae petebatur a Cicerone: nam hoc ante dixerat; h. e. munus frumentariae

rei et vilitatis efficiendae. Liv. 10, 19. *Omnis rei bene aut secus gestae decus aut dedecus ad L. Volturnum delegatum*, h. e. translatum, Volturnio permissum, attributum. Porro, quoties *bellum* dicitur alicui *delegari* apud Livium et alios, pro cura belli? Quodsi *homo occidendus delegari* potest, Calig. c. 57., h. e. negotium hominis occidendi: cur non et *status pacandus*? Itaque adeo non haesit in huius loci Latinitate magnus Gronovius, ut ad eum potius conformare tentarit locum Livii 29, 20., ubi vide. Sed difficultas est quaedam, quod non negandum in eo, quod dicitur *status Germaniae pacandae*: nam *status componi*, *pacari* dicitur, non *status pacandae Germaniae*. Itaque probem primam illam Casauboni coniecturam, *pacandus Germaniae status*: nisi forte *ὀπισθοθέειν* fugiens Suetonius sic dixit, de more poetarum, quibus nil frequentius tali modo loquendi, ut sit sensus: *permissus est ei status Germaniae, ut eam pacaret*. Ovid. Fast. 4, 759. *Et tegat ornatas longa corona fores*. Coronae ornant fores nondum ornatas. Ergo longa corona tegit fores, ut sint ornatae, ornandi causa. Etiam in Caesare Suet. c. 20. dixit: *locatio novorum vectigalium*, pro, locatio nova vectigalium. In Claudio quoque c. 29. *datorum officiorum codicillos*, possis capere pro: *datos officiorum codicillos*.

EXCURSUS X.

A D

TIBER. C. 26.

Tertium — — usque in Idus Maias.

Hic locus dupliciter reprehenditur a Viris doctis. Primum ex Inscripti. Grut. 26, 9., ubi sacrificium dicitur factum XII. Kalendas Mai., Germanico Caes. II., Lucio Seio Tuberone Coll. a. U. DCCLXXI. Nam Germani-

cus habuit in consulatu II. collegam Tiberium Cos. III. Ergo, aiunt, Tiberius tertium consulatum non potuit ad Idus Maias gessisse, si ei Tubero iam ante Kalendas Maias suffectus fuit. Unde Cupernus legi volebat, *usque in Idus Martias*: vide Almelov. Praefat. ad Fastos, et Burmann. ad h. l., qui se vehementer torquet in hac difficultate tollenda, eamque doctioribus tollendam relinquit; sibi enim non satis liquere. Sed tota illa difficultas commentitia est, et ita inanis, ut mirari satis nequeam, quomodo ea in mentem venire tam doctis Viris, aut quomodo eam non facile tollere potuerint. Nempe hic manifeste sermo est de tertio consulatu in principatu gesto, qui est quintus numero, gestus a. U. DCCLXXXIV. cum Seiano, de quo agitur c. 65. Ille autem tertius, quem cum Germanico Cos. II. gessit, est primus in principatu susceptus, paucis, ut ait Suetonius, diebus gestus, et quidem a Kalendis Ianuar. adeoque illo ipso mense depositus. Altera difficultas movetur ex Inscriptione Nolana apud Gruterum p. 1037. n. 1. a Norisio in Ep. Consul. p. 404. (T. XI. Thes. Ant. Graev.) ubi Tiberio Conf. V. suffectus dicitur Faustus Cornelius Sulla VII. Idus Maias. Pagius ad h. a. putat, Suetonium Idus absolute ponere, ut sit a scriptoribus mediæ aevi. Id recte repudiat Graevius, qui numerum apud Suetonium excidisse putat. Si a Suetonio est vulgata lectio, maior esse debet eius, quam lapidis, auctoritas: neque debet cum Norisio erroris argui: quippe ille inspexit fastos publicos, quorum unica fides. Adiuvatur etiam hoc, quod suffecti Cos. fere Kalendis, Nonis et Idibus, rarissime diebus intermediis, nisi forte mortuo aliquo Consule, inierunt magistratum. ERN. Etiam hoc mutatum est sub Principibus; nihilque verisimilius, quam notam VII post IV excidisse.

EXCURSUS XI.

AD

TIBER. C. 34.

Tresque mullos etc.

Burmamnus videtur hunc locum ita cepisse, quasi singuli mulli XXX millibus emti sint: quod esset sane incredibile. Tres mulli ab aliquo ganeone hac summa emti sunt, ut in singulos dena millia convenirent. Atque haec summa non est incredibilis. Nam si pretium a quinque millibus potuit augeri ad octo millia: cur non etiam ab octo millibus ad decem? Quod ad dubitationem e Tacito motam attinet, ibi etiam *familiae* mentio sit, quae hic nulla est. Ergo Tacitus potuit etiam annonam omittere, quam Suetonius memorat. Scriptores in talibus rebus non sunt nimis diligentes: nec opus est, omnes species in talibus rebus commemorare. Sufficit, genera tradi: delectus partium enarrandarum arbitrarius est: ideoque in harum una et item altera tradenda optimi scriptores in omni genere historiae variant: neque is proprie disensus dicendus est. Quamquam ibi Tiberius non queritur, sed Senatores: neque tum quidquam, de luxu moderando, decretum: ut adeo non de eadem re ac tempore apud Suetonium et Tacitum agatur. Atque etiam Suetonius diserte *annonae* et *macelli* mentionem facit. Nam quod Burmannus putat, a verbo *annonamque* novam periodum incipi videri, eamque ob causam legi posse *annonam quoque*: primo non necesse est, *τὸ quoque* substituere *τῇ que*; nam etiam hoc initio periodi stare potest, et saepe quum ab aliis, tum a Suetonio ponitur, ut ad Neronem c. 38. docebimus: deinde etiam novum verbum requireretur, a quo sustineretur *temperandam*. Nunc manifestum est, e Suetonii mente, Tiberium, conquestum de pretiis Corinthiorum et mullosum, censuisse, modum supellectili adhibendum, et annonam macelli *temperan-*

dam quotannis, h. e. ad formulam certam et moderatam redigendam. ERN. Conf. item, quae Ernestius monuit ad Tac. Ann. 3, 52.

EXCURSUS XII.

AD

TIBER. C. 35.

Kalendis Iuliis.

Omnis res pecuniaria alligata erat Kalendis mensium: unde etiam usurae, locaria et similia pecuniarum genera ad menses computabantur, quum apud nos ratio annua obtineat. Itaque pecuniae sub usuris locatae Kalendis. Horat. Epod. 2. extr. Opera aedificanda locata, et conducta Kalendis, et exacta iisdem, non secus ac pecuniae; aut, si quid dilationis daretur, Nonis, Idibus: vide Cic. Verr. 1, 56. Vectigalia locata a Cenforibus Kalendis, et quidem Martiis, ut patet e Macrob. Saturn. 1, 12. Esti autem tantum mensis Martii mentio l. c., tamen analogia moris Romani et cenforii, Kalendis factum, suadet credere: nisi, quod l. 15. Digest. de publican. Idnum Martiarum mentio sit, Idibus potius id factum, quia etiam Consules, qui eodem mense quondam dicuntur magistratum auspicati esse, Idibus Martiis auspicati sunt, Liv. 25, 20. 26, 1. 27, 7. Fundos porro et praedia rustica Kalendis locata et conducta, Brummerus docet Disf. de Locatione et Conductione. Iam, quod ad locationes aedium separatim attinet, quum non credibile sit, in singulos menses esse conductas, propter periculum subito emigrandi, quod menstrua ratio afferret, ei rei dictae sunt Kalendae Iuliae, vel solae, vel cum Ianuariis; quae sunt duo utriusque semestris initia. Sed Kalendarum Ianuariarum nulla in hac re mentio, nec eae, propter plures causas, imprimis illius temporis frigus, aptae huic rei. Kalendae autem Iuliae videntur delectae esse, si

quidem consilio res constituta est, quod tum seriae publicae propter messem. Ceterum potuit accidere, subitis et inopinatis causis, ut modo citius, modo tardius aedes locarentur: semper tamen dies Kalendarum servatus.

EXCURSUS XIII.

AD

TIBER. C. 37.

Abolevit et vim moremque asylorum.

Quod dicunt, Suetonium errare, qui abolita asyla omnia tradat, quum Tacitus Ann. 3, 60. modum tantum praescriptum doceat, haud dubie ex actis publicis: in eo aliter sentio. Quomodo enim potuit Suetonius, tam diligens scriptor, errare in re ea, quam non minus, quam Tacitus, posset ex actis cognoscere, qui etiam Tacitum in manibus haberet. Atque si alteruter erravit, quae est causa, quare Suetonius potius errasse, Tacitus potius, quam Suetonius, acta consuluisse dicatur? Sed Viri doctissimi non satis attenderunt ad Latinorum consuetudinem loquendi. Nempe, etiamsi non omnia asyla omnino abolita: ita tamen ius illud coercitum, ita ad res paucas restrictum, iis denique conditionibus adstrictum, ut nemo fere auderet ius illud usurpare, idque adeo pro abolito haberetur. Nomen asyli igitur relictum erat templis, *vi adempta*: nec aliud Suetonius abolitum dicit, quam *vim asylorum*. Exemplum simillimum est in tribunatu plebis vetere. Eum sublatum fuisse dicunt scriptores veteres a Sulla, restitutum demum a Pompeio, lege, quam tribunitiam Cicero vocat. Atqui Sulla tribunatum ipsum non sustulit, sed, merum nomen ut esset, fecit, *vi adempta*, ut loquitur Livius in alia re simili 1, 17., sive, *imago sine re*, ut Velleius de hac re dicit, 2, 30. Nam eum modum potestatis tribunitiae fecit, ita

in paucis rebus intercedendi potestatem Tribunis reliquit, ut vix auderent Tribuni plebis intercedere in ulla re, ne contra legem Corneliam intercessisse, etiam per calumniam, arguerentur, ut accidit Opinio apud Ciceronem, Verr. 1. extr. Itaque sublata vis et mos tribunitiae potestatis vere dici poterat, etsi Tribuni plebis essent nomine. Similiter ergo, quum asylorum nonnullorum nomen superesset, usurpareturque, tamen recte a Suetonio dici potuit Tiberius, *vim* pristinam asylorum, et *morem* iuris asylorum in quacunque re usurpandi abolevisse. Idem statuit Oudendorpius. ERN. Nempe nihil pugnat Suetonius cum Tacito, si apud illum legamus *vim*, quod multi et probati codd. habent: secus est, si retineas *iur*, quod ab Ernestio in utraque editione relictum erat, etsi in huius Excursus titulo veram lectionem secutus est.

EXCURSUS XIV.

AD

TIBER. C. 41.

Decurias Equitum supplevit.

Decurias iudicum intelligi monuimus in nota ad h. 1. Eam sententiam latius explicabimus, et simul ad dubitationes contra eam motas respondebimus. Primum igitur satis constiat, *Caesareae potestatis partem esse, iudicum decurias recognoscere et supplere*. Itaque ea res *actus rerum* Suetonio vocatur, et saepe ab Imperatoribus facta commemoratur. Aug. c. 29. *quo loco iam senior saepe etiam Senatum habuit; decuriasque iudicum recognovit*. Conf. c. 32. Claud. c. 15. *quum decurias rerum actu expungeret* etc. Conf. Tiber. c. 51. etc. Hinc statim concidit dubitatio Phil. a Turre (Monum. vet. Ant. p. 51.) repetita a Burmanno, quod iudices lecti sint a Praetore. Nam id liberae tantum rei publicae temporibus factum est: posteaque ius illud ad

Imperatores translatum. (Obiter etiam Iac. Gronovius refellendus, qui lectionem iudicum olim cenforium munus fuisse putat ad Tac. Ann. 3, 30.) Iam nec illud negari potest, *Caesares* etiam *Equites recognovisse*, potestate ac loco Cenforum: diserte Suetonio tradente de Augusto c. 38. Calig. c. 16. Vespas. c. 9. etc. Ac de Equitibus quidem proprie *centuriae* dicuntur antiquiori Latinitate; sed tamen etiam *turmae* Aug. l. c., et *decuriae* apud Tacitum Ann. 3, 30. Nam ibi de Equitum recensu, non iudicum, sermonem esse, inde patet, quod is tribuitur privato: nullum autem locum proferri posse arbitror, ubi decuriae iudicum a privato recognitae dicantur. Unde fit, ut verba ipsa, *decuriae Equitum*, in se nullum argumentum in utramque partem suppéditent. Nam si quis vellet dicere, *decurias iudicum* dicendas fuisse, si de iis sermo esset, non Equitum, ei primum responderi posset, aut hoc, quia iudices iidem Equites fere essent, decurias Equitum de iudicibus dici potuisse: aut *Equitum* verbum a glossatore adiectum. Sed neutro opus. Etenim etiam apud Tac. Ann. 14, 20. extr. *Equitum decuriae* manifeste sunt de iudicibus: *An — — decurias Equitum, egregium iudicandi munus, expleturos* etc. Ergo, quum verba ipsa non sufficiant ad rem definiendam, aliud reperiendum est, unde dirimi causa possit. Primum ergo argumentum pro nostra sententia ducitur e verbo *supplevit*, quod de Senatu et iudicibus dici solet, non de Equitibus, quorum certus numerus tum non fuit, ut mortuis aliis novi allegendi fuerint. In Equitum recognitione hoc maxime spectatur, utrum servandus quisque in ordine sit, an novendus. Itaque nec *allegi Equites* dicuntur, sed Senatores et iudices. Tiber. c. 51. Alterum argumentum hinc duci potest, quod Suetonius hic eas tantum partes imperii exercendi commemorare voluit, quae maxime necessariae essent, curarique, nisi ab ipso Imperatore, non possent. Atqui tale est iudicum supplendorum ne-

getium: Equitum recognitio privatis mandari potuit, ut vidimus. Tum quae ratio esset, si de censorio illo munere dicere voluisset, quare non potius de Senatu ab ipso non lecto et suppletō, aut saltem de eo quoque diceret. Ita arbitror satis liquere, de iudicum decuriis hic sermonem esse, non Equitum. Oudendorpius tamen vulgari opinioni adhaeret, intelligitque Equites in usum rei militaris. Sed quis hoc docebit, Imperatores supplevisse Equites, qui e sociis essent? Quod porro dicit, non solus Equites iudicasse, id est verum: sed tamen usus loquendi tulit, ut Equitibus simpliciter tribuerentur iudicia. Sic idem Tacitus Ann. 2, 35. *ut absente principe Senatores et Equites possent sua munia sustinere*. Adde Plin. Hist. Nat. 35, 2. ERN. In eandem sententiam concessit Ruhnkenius. Sed nititur vulgaris ratio argumentis minime contemnendis: primum, quod Suetonius aliis omnibus locis, ubi de iudicibus loquitur, *iudicum decurias* dicit, nusquam *Equitum*; deinde, quod illo toto capite agit de re militari, cuius curam minus impune quam iudiciariae abicere talis princeps potuit: denique *suppleri* cur non dicatur pars exercitus, quum et *legiones* dicantur *suppleri*?

EXCURSUS XV.

A D

TIBER. C. 46.

Comites peregrinationum expeditionumque.

Comites magistratuum provincialium quondam, liberae reipublicae temporibus, dupliciter dictos reperio apud Ciceronem. Nam, interdum eo nomine intelligi video eos, qui cohortem praetoriam constituent, praefectos, medicos, scribas, accensos, haruspices, praecones, ut omnes sciunt. Sed ab hoc genere comites hi Tiberiani originem ducere non potuerunt. Neque hinc orta illa,

quae interdum *cohors Caesaris* dicitur, v. c. apud Tac. Ann. 6, 10. Nam illud genus datum publice et ductum necessario habuitque publice constitutum salarium, neque in amicorum, sed ministrorum numero fuit. Sed comitum nomine etiam, et quidem magis proprie, dicuntur amici, propinqui, philosophi, grammatici, qui cum magistratu in provinciam profiscuntur, ut cum eo habitent, coenent, (unde c. 61. *convictores Graeculi*, quibus Tiberius maxime acquiescebat) otiumque eius suaviter fallant. Qui mos est valde antiquus. Nam qui Romae, domi suae, habebant alebantque doctos homines, imprimis philosophos et grammaticos rhetoresque, hi eos secum in provincias et expeditiones ducebant, ut alios doctos homines, amicos sibi et familiares. Sic Africanus secum comitem duxit Polybium et Panaetium. In Caesaris comitibus fuit Matius, nullo munere militari, sed tantum consuetudinis cum eo habendae causa. Sic *Germanici comites et amici* sunt apud Tac. Ann. 3, 13. In his fuere Vitellius, Veranius etc. ibid. c. 10. Conf. Sueton. Ner. c. 5. Atque etiam privati, nobiles et locupletes viri tales homines alebant, et peregrinantes secum in comitatu ducebant, non modo liberae reipublicae temporibus, sed etiam sub Caesaribus, ut e lepidio illo Luciani Dialogo patet, de mercede conductis. Ab hoc igitur genere nati et ex hoc genere sunt comites Tiberii, de quibus hic loquitur, non e priori illo, ut vulgo putant. (Vide Burmann. de Vectigal. P. R. p. 115.) Sic c. 56. *Grammaticus* dicitur e *contubernio remotus*. Conf. c. 70. Augustus saltem, ut ex hoc loco facile colligitur, his comitibus suis salaria menstrua dedit, aliisque commodis auxit. Nam Iulius Caesar tantum fortuitis et arbitrariis commodis auxisse videtur. Tiberius, parcior, hoc omisit, et tantum cibaria, puta, frumenti certum modum, (Cic. Verr. 3, 46.) dedit. Quod autem Tiberius tres comitum ordines fecit, id singulare est, nec perpetuum fuit. Nam satis, opinor, contextus docet,

eum hanc distributionem fecisse tum demum, quum pecunia ipsis esset distribuenda, ne omnibus idem daretur: ea distributione autem facta, illud classium discrimen non mansisse. Tantum abest, ut cum Seldeno ad Marin. Oxon. p. 114. ab hoc instituto ductam credamus illam a Constantino institutam comitum in tres ordines distributionem, de qua Eusebius in Vit. Constant. 2, 31. Sic iudicat etiam Gothofredus l. 1. Cod. Theod. de Comitibus et tribb. schol. p. 100., quem vide. Sed occurrunt etiam *amici et cohortes amicorum*, ut dixi, *quae non sunt peregrinationum et expeditionum, sed urbanae et aulicae*, de quibus Lipsius agit ad Tac. Ann. 6, 9., ubi tamen, ut alii, haec duo genera confundit, etsi ex illis ipsis amicis urbanis comites lecti. Quod in his quoque ordines et gradus commemorantur, id non hanc vim debet habere, ut credamus, classes proprie sic dictas fuisse: sed est modus loquendi, quo etiam de privatis utimur et uti possumus. Quis enim omnes amicos suos eodem numero habet? et quis non alii plus credit alio? Itaque etiam Curtius ad Graecos, nominatim amicos Alexandri, illas aulae Romanae formulas traduxit, et *cohortem primam amicorum*, et alia similia dixit: unde etiam de hominis illius aetate coniecturam capere licet. Atque etiam paullatim sub Caesaribus mutatam rationem amicorum et comitum arbitror. Nam sub Vespasianis v. c. et sequentibus Imperatoribus amici et comites lecti sunt de Senatu, ut e Tito c. 40. patet, et ordine equestri: et fuisse consilium quoddam principis privatum, quod in consiliis capiendis, in causis cognoscendis adhiberet, ut patet e Spartiani Adriano c. 18., ad quem videndus Salmasius, ut et ad Pollionis Macrinum extr., quo tamen melius distinxit duo illa genera comitum Casaubonus ad Spartiani eundem locum. Tales autem comites Tiberii fuisse non arbitror: sed tales, quales supra dixi, etsi ipse initium huius rei postea videtur fecisse c. 55.: nec doceri posse arbitror, eos temporibus illis e sum-

mis ordinibus lectos, et consilium privatum Tiberii fuisse. His animadversis, studiosi accuratius poterunt in illo loco de amicis, comitibus et cohorte principum versari: qui nondum, quod sciam, satis distincte tractatus et expositus est.

EXCURSUS XVI.

AD

TIBER. C. 72.

Castrensibus ludis.

Torrentius *castrenses ludos* sic descripsit: qui a militibus, illic in statione positus, more castrensi, edebantur: scilicet, non ut dixisse aliquid videretur, sed ne taceret omnino. Secuti Interpretes maluerunt plane tacere, forte, ut intellexisse viderentur, quod non poterant explicare. Ex sequentibus intelligas, *venationem* fuisse. Nam *arena* et *aper* commemorantur. Hoc genus aptissimum castris. In Amphitheatro porro isti ludi editi sint necesse est, quia Tiberius edito loco sedet, atque inde spectat primum, deinde iacula mittit. Amphitheatrum quidem Atellanum commemoratur infra, c. 76. Potuit ergo etiam Circeiis esse. Ac video quidem, Nardinum commemorare Amphitheatrum castrense: sed quod Romae fuerit, nempe in castris praetorianis, Rom. Ant. 4, 2. p. 157., in quo milites se putat caedendis bestiis exercuisse: sed de sola coniectura. Addit hos ludos aliquando Circeiis habitos, quum Tiberius ibi esset. Hoc, Italice dictum, non intelligens Borrichius, in Facie Urbis Ant. c. 7., Tiberium, ait, aliquando hos ludos transtulisse Circeios: unde exscripsit more suo, imperitus compilator, Pitiscus. Et Amphitheatrum quidem Romae fuisse in castris praetorianis, credo et scio: mentio eius etiam apud Herodianum. Claudius etiam ludos gladiatorios in castris praetorianis edidit quotannis, in

memoriam accepti ibi imperii, ut Suetonius tradit in Claudio c. 21.: sed primo, illud Tiberii iam aetate fuisse, dubitari potest; deinde, si fuit, Amphitheatrum quidem castrense dici potuit, sed non *ludi* statim *castrenses*. Sed in hoc quoque faciles sumus, ut ludos omnes ibi editos ita dictos credamus: quid Circeii ludi castrenses? Nulla ibi castra. Statio militum parva ibi esse potuit, sed quae nec castra ampla, nec Amphitheatrum haberet. Unde ergo ibi ludi castrenses? Facile quidem patet, istos ludos tum casu actos esse, non Roma eo translatos, quod iniussu Tiberii fieri non potuisset. Hos ludos autem iniussu eius celebratos esse, manifestum est. Nam si per ipsum stetisset, nunquam tum ludi acti fuissent. Sed quum adventus eius incurreret in ludorum dies, consulto iis interfuit, ne morbi suspicio esset. Fateor, mihi de his ludis non liquere. *Militares ludos* a Severo natali Getae datos, propositis praemiis, commemorat Capitolinus in Maximinis c. 2. Sed iis milites inter se more Romano armis certarunt, ut sequentia docent. ERN. Recte, opinor, Oudendorpius et Ruhnkenius iudicant, ludos hos tantum delectationis et otii fallendi causa actos esse a militibus stationariis, in foro Circeiorum arena sparso, adeoque temere hic fingi Amphitheatrum.

EXCURSUS XVII.

AD

CALIG. C. 8.

Apud hibernas legiones etc.

Contra Suetonium, pro Plinio et Tacito, acriter disputat Lipsius Excurf. 50. ad Tac. Ann. 1, 41. eiusque rationes resellere conatur: parum, ut opinor, feliciter. Quaedam e. c. videamus. Negat, vulgo non notos fuisse natales Caligulae, atque ansum esse quemquam, in ver-

sibus tam impudenter mentiri. Respondeo: si vir gravis auctor esset, non faceret; sed hi versus sunt ἀδέσποτοι. Quid autem poetae non audent adulationis causa? quam impudenter in privatis mentiuntur? quando plus ergo in principibus. Tacitus et Plinius, inquit, copiam et curam inspiciundorum actorum non habuerunt? Copiam quidem habuerunt: Suetonius maximam, ut qui publicas Caesarum litteras tractavit. Curam quidem, in hoc capite, non habuisse illi videntur, cessuri alioqui publicarum litterarum auctoritati, si reperissent, in Germanici et Fonteii consulatu Antii natum Caium Caesarem. Sed Tacitus quidem non scribit, quid ipse de natalibus Caligulae sentiat, sed quid vulgus hominum dixerit, quod potuit propter multitudinem liberorum Germanici errare. Mittamus cetera, quae pleraque sunt fingentis potius, quam docentis, ut: quid si eo anno ne quidem natus Caligula, sed paullo ante? aut paullo post? quid si absente patre in castris natus est, relicta in Germania Agrippina, partui vicina? quid si, quae in actis de Caii natalibus scripta erant, ad alium pertinebant? Si talibus quaestiunculis velimus convellere auctoritatem et fidem diligentissimi scriptoris, qui ostendit, se de re ista summa cura quacuisse, nihil iam erit, quod non dubium reddi possit. Ecce vero, exoritur hic etiam Pagius Crit. Baron. ad a. C. XI. n. 3., qui Plinium quidem et Tacitum cum Lipsio, sed etiam Suetonium (quanquam non video qua in re, quando, quae dicit, omnia in Lipsium potius et Plinium, quam Suetonium conveniunt) hallucinatum scribit. Quomodo ergo? *Caius alio, inquit, in loco genitus, alio in loco natus. Incidit eius natale in diem ultimum Augusti mensis, Germanico et Fonteio Coss., ideoque mense circiter Octobri anni antecedentis, quo Germanicus adhuc in Germania erat, procreatus est: sicque accurate Tacitus ait, hunc in castris genitum et in contubernio legionum eductum. Ex quibus tamen verbis perperam infert Lipsius, existi-*

*masse Tacitum, in Germania Caium natum esse. Versiculi vero laudati neque ei, neque Plinio favent. In castris enim natus idem est, quod in castris genitus, quomodo eos divulgatos existimo, quibusque verbis eos Lipsius ipsemet exhibet. Nova sane ista ratio, et mira. Ergo iam, non ubi nati illustres viri et principes, sed ubi concepti sint, commemorabitur ab Historicis et Poetis? et vulgus conceptionis tempus computabit, ut in laudibus hominum commemoretur? Nihil vidi magis. Nihil dicam amplius. Nam vanitas rationis huius per se patet. Atque etiam *genitos* apud Suetonium esse *natos*, aliis locis doceri potest. Tiber. c. 5. *Servilii Isaurici, Antonii*que consulatu *genitum* scribunt. Ceterum quod actorum auctoritatem agnoscit, et Antii natum Caligulam statuit, recte atque ordine facit. Videtur autem Agrippina ibi potissimum parere voluisse, propter suavitatem et salubritatem loci notissimam. Manifestum sane est hoc, in actis duorum Caiorum natales proditos existisse: alterius maioris Tiburi, alterius minoris Antii. Plures his duobus Caii, Germanici filii, non fuerunt. Constat porro, Caligulam esse minorem Caium. Ergo sine omni errandi periculo videbat et credebat Suetonius, hunc esse Caligulam, qui Antii natus sit. Conferri etiam possunt, quae super hac re pro Plinio et Lipsio dixit Rezzonicus Disquiss. Plin. T. I. p. 154.*

EXCURSUS XVIII.

A D

CALIG. C. 14.

Artabanus, Parthorum rex, etc.

Insignis est h. l. negligentia Virorum doctorum in comparandis inter se scriptoribus. Primo Torrentius laudat Dionem lib. 53. extr., ubi de Artabano quidem, sed de longe alia re, sub Tiberio gesta, sermo: quae nihil huc

pertinet. Ad Vitell. c. 2. porro, hanc rem copiose narrasse dicunt Iosephum lib. 18. Sed ibi sermo est de re simili quidem, et a Vitellio itidem, sed sub Tiberio, gesta. Ad Iosephi autem locum Spanhemii nota Ufferium et Basnagium laudat, arguentes Iosephum erroris in eo, quod dicat Augusti et Caii simulacris sacrificatum ab Artabano, idque sub Tiberio factum, quum Suetonius et Dio sub Caio factum tradant, fide digniores haud dubie auctores. Sed Dio hanc rem quidem attingit lib. 49. p. 661., addita etiam temporis nota, sed ut tamen manifestum sit, sermonem esse de re, sub Tiberio gesta, quam ipse lib. 58. p. 637. seq. ad Tiberii tempora retulerit. Unde mihi aliquando etiam suspicio orta est, locum illum in nomine Caii corruptum esse. Ceterum *εἰκόνες* apud Dionem non sunt *statuae*, ut Interpres habet, sed illi ipsi, quos dixi, clypei e signis militaribus suspensi. Quod ad dissensum Iosephi et Suetonii attinet; neuter videtur rem, uti gesta esset, aut ignorasse, aut, uti nosset, tradere noluisse. Itaque optimum fuerit, existimare, de rebus diversis loqui utrumque. Olim summis artibus precibusque Tiberii, a Vitellio invitatus, Artabanus ad ripam Euphratis et colloquium venit, in medio fluminis ponte, ubi etiam convivio excepti sunt ab Herode. Hoc tradit Iosephus l. c. c. 4. nil amplius. Nunc autem, quum idem adhuc Vitellius Syriae praeesset, ultro venit, amicitiam petiit, ipsum flumen transiit, venitque in castra Romana, et signa adoravit. ERN. Non profecto talis auctor est Iosephus, ut eius defendendi causa rem per se parum probabilem fingere oporteat.

EXCURSUS XIX.

A D

CALIG. C. 17.

Primum consulatum ex Kal. Iulii etc.

Prima hic Burmanni dubitatio est, quare, quum mense Martio iam mortuus esset Tiberius, Kalendis Iulii demum inierit consulatum: quam dissolvere ille non potuit. Ego solvendam puto sic, ut dicamus, Kalendas Iulias sollemnes inprimis fuisse Consulibus suffectis, sub Augusto inprimis, ut non facile, nisi mortuo aliquo Consule, succederetur ordinariis, nisi Kalendis Iuliis: id quod Fasti consulares planissime demonstrant. Causa autem eius rei fuit haec, quod eae sunt initium alterius semestris, anno vulgo in duas partes diviso, propter quam causam etiam locationes et conductiones aedium hac die factas, vidimus Excurſu ad Tiber. c. 35. Dio quidem lib. 59. p. 644. diserte tradit, Caium noluisse, popularitate quadam, prius consulatum inire, quam semestri Consulum ordinariorum exisset, additque, in tot menses iis consulatum datum fuisse: quod de more factum, dubitari nequit. Altera dubitatio nascitur e Claud. c. 14., ubi Claudius dicitur, *novo circa principem exemplo, in locum demortui suffectus esse*. Sed haec facillime tollitur. Nam primo, qui Kalendis Iuliis sufficiuntur, non demortuo sufficiuntur, sed de more, a longo tempore recepto, ut Kalendis Iulii alii Consules procedant, instituto illo ab Augusto propterea, ut honores cum plurimis communicarentur; quod illum de consilio Maecenatis instituisse, e Dione discimus. Tum hic sufficitur Caius, non, currente imperio, sed initiis eius, quae ornari credebantur et illustrari suscipiendo consulatu. Non ergo sefellit Suetonium memoria in illo Claudii loco.

EXCURSUS XX.

A D

CALIG. C. 17.

Ex omnibus duos novissimos coniunxit.

Difficilis locus, quicquid statuas, sive, cum Petavio et Pagio, legendum *tres*, et alterum consulatum ponendum in a. U. DCCXCII., ut privati fuerint Consules a. U. DCCXCI.: sive vulgatum serves, et alterum consulatum tribuas a. U. DCCXCI. Nam has partes si sequare, etiam duo primi coniuncti sunt, quicquid Torrentius dicat, hoc est, duobus continuis annis gessi. Sin sequare Pagium, Latinitas et sensus non videtur pati: *ex omnibus* (h. e. quatuor) *consulatibus, tres (tantum: nam id iubet intelligere τὸ ἀπὸ πάντων) novissimos coniunxit.* Dixisset etiam fortasse *posteriores*, non *novissimos*. Atque hoc videtur ipse post se sensisse Pagius. Nam quum in Disfert. Hypatica sic locum proposuerit: *ex omnibus tres novissimos coniunxit:* in Crit. Baron. ad a. U. DCCXCII. dicit: Norisium in Epistola consulari probasse suam emendationem: *ex omnibus tres ordinarios coniunxit.* Sed ita manet difficultas in verbo *omnibus*: deinde frustra additur *tres*, qui numerus per se intelligitur, si ordinarius primus in a. U. DCCXCII. illigatur: denique, pro *duos novissimos* legere *tres ordinarios*, est vim facere. Itaque proclivis sum in hanc sententiam, ut legendum putem: *ex ordinariis duos novissimos coniunxit.* Ita Panvinii ordo Consulatum manet, Latinitas recte se habet, et fecit Suetonius id, quod Burmannus eum facere debuisse dicit, ut consulatus Caii distinxerit in unum suffectum, et tres ordinarios. *Ordinarius consulatus* est Galb. c. 6. Domit. c. 2. Quodsi cum Pighio, Pagio, aliisque Fastorum concinnatoribus et correctoribus secundum consulatum, propter Dionis et antiquorum Fastorum auctoritatem, illiges a. U.

DCCXCII., idque rectum esse constet, malim Suetonium lapsum credere, cum Petavio Doctr. Temp. lib. 10. c. 8.; quod fieri potuit, quam aliquem sensum admittere, quem Latinitas non patiatur.

EXCURSUS XXI.

A D

CALIG. C. 20.

Asticos ludos.

In iudicio huius loci inprimis tenendum esse hoc arbitror: *Ludos, peregre a Caligula editos, fuisse peregrinos, in istis locis, ubi editi sint, usitatos.* Indicio sunt ludi Lugduni editi. Ergo ludi Syraculis editi fuere ludi Graeci, inter Siculos, inprimis Syraculis, sollemnes et usitati. Quo constituto repudiantur primo *hastici* et *Attici*, quae est multorum codd. et edd. lectio, praesertim quum ne explicari quidem, quales fuerint, possit; deinde *Actiaci*, qui placebant Torrentio, praesertim quum repugnet etiam hic locus alii, c. 23. Noti autem contra sunt inter Graecos ludi *astici* et *iselaistici* vel *selaistici*: quarum lectionum altera est codd. nonnullorum: altera facile corrumpi potuit in *astici* vel *hastici*, propter terminationem vocis antecedentis, prima syllaba excidente. Si *asticos* probemus, cum magno Scaligero et sequaci Casaubono, erunt ludi Graeci, moris Atheniensis, ex eo genere, quod in Urbe agebatur, quod dictum est ἀστυκόν, sive, ut Stephanus mavult, ἀστρινόν (unde concidit argumentum Graevii contra Scaligerum, quod scriptum sit *asticos*, non *astycos*) ut distinguerentur ab iis, qui extra Urbem celebrarentur. Sic Baccho celebrabant ludos in Urbe et extra Urbem: illi ἀστυκοί, hi ἐπὶ Ἀγυαίῳ dicti, vide Casaubonum ad Athen. p. 388. Verum in hac lectione mihi restat hoc dubium, quod ita aut nullum certum genus

ludi indicatur a Suetonio, quod tamen et voluisse, et debuisse facere videtur: sunt enim, late sumto verbo, omnia genera ἀστυκὰ, quae in Urbe aguntur: aut sola Dionysia illa urbana sic dicta intelligenda sunt. Ea an hic locum habeant, quod videtur velle Scaliger et eius sequaces, omninoque est probandum, adscita illa lectione, possumus videre, indagando, quò anni tempore Caius, Syracusis commoratus, ludos illos ediderit. Docet autem Suetonius ipse c. 24., Caium a morte Drusillae, sororis, impatientia doloris, Urbe profugum; Syracusas petiisse, neque diu ibi moratum esse. Ea mors evenit a. U. DCCXCI., parte anni ultima, ut e narratione actorum eius anni apud Dionem colligas. Atqui Dionysia maiora, quae *astica* dicta sunt, veris initio celebrata fuisse constat. Contra ludi *iselaastici* potuere incidere in quamcunque anni tempestatem: et, quum casu tum celebrandi essent, adveniienti Imperatori honoris causa deferri, ut iis praeesset. Id fieri solitum, ut principibus hoc deferretur, docent exempla apud Petavium ad Iulian. Ep. 35., e quibus locis etiam de tempore ludorum cognosces. Syracusani fuere coloni Corinthiorum: quare Isthmios ludos fuisse arbitror. *Iselaesticorum* nomen saepe corruptum in antiquis monumentis monet Bouhier in Epist. ad Hagenbuchium p. 11. Itaque cum Graevio et Burmanno pròbo *iselaesticos*, qui tum celeberrini et Imperatoribus Romanis grati fuere; unde a Traiano in Bithynia, ab Antonio Puteolis instituti. Vide Scaliger de Emend. Temp. lib. 5. p. 477. *Iselaestici* autem dicti, quia victores, hieronicae, εἰς ἐλαύνουσιν, h. e. per partem murorum dirutam, velut in triumpho, in urbem vehuntur: cuius generis fuerunt antiquissimi Olympici, post Pythii, Nemei, Isthmii, alique ad eorum similitudinem instituti. Ceterum illos, sive iselaesticos, sive asticos, ludos a Caio Syracusis institutos esse, ut Scaligero l. c. placet, id e loco Suetonii non apparet. Adde Bouhierium Ep. ad Hagenbuchium p. 9.

EXCURSUS XXII.

A D

CLAUD. C. 10.

Prorepsit ad solarium proximum etc.

Viri docti fuerunt, qui e vestigiis codicum scriptorum, qui *solarium* praeferunt, legerent *scalarium*, valde probante Burmanno, Viro longe doctissimo, eamque sententiam non parum iuvari a Dione Cassio et Iosepho, putarent: quorum alter Antiqq. 19, 3. Claudium latuisse tradit, *κατά τι προσβατὸν ὀλίγαις βαθμίσι χωρίον*, in loco, ad quem paucis gradibus adscenderetur: alter autem lib. 60. init. *ἐν γωνίᾳ που σκοτεινῇ*, in angulo quodam obscuro. Sed non unum tamen obstat, quo me fateor impediri, quo minus eam sententiam probare possim. Nam primo Claudius timore recesserat in diaetam, non, opinor, in prima parte atque aditu Palatii, sed remotiorem, id quod ipsum verbum, *recesserat*, indicat. Audita caede, quum augeretur timor, magis ille latere cupiens, confert se in locum, ubi minus quaeratur aut animadvertatur. Hoc intelligere de scalaribus non possum. Quomodo enim quis in scalis, aut prope scalarum gradus, per quos itur, se putet latere posse? Porro, addidit se intra vela foribus praetenta. Hoc quomodo, si *scalarium* legamus, commode interpretabimur? Neque enim vela foribus, qua scalaribus obversae sunt, sed in cubiculum versus, praetenduntur, ut intelligi potest ex iis, quae de velis ianuarum congeffit Lipsius ad Tac. Ann. 13, 4. Scalare autem ipsum quas fores habeat, nisi forte in aditu, intra quarum vela nemo se occultet? Iam illud quis non videt, *prorependi* verbum aptius esse, si ad solarium Claudius processit, quam si ad scalaria in interiora domus regressus est? Denique ipsa verbi reponendi forma suspecta esse potest. Veteres enim inscriptiones in singulari numero semper

scalare habent. Solum Glossarium Labbaei *scalarium* praefert, atque id ipsum forte errore auctoris, qui pluralem *scalaria* a singulari *scalarium* duci putabat: uti quidam pro singulari *scalarium* laudant Vitruvium 5, 6, apud quem tamen ille numerus non reperitur. Et huius tamen Glossarii auctoritatem ita amplectitur Lexicon Fabri, ut hanc unam formam, relicta rectiori, ponat. Nam infimae aetatis scriptores, qui *scalarium* habent, (vide Caugium in Glossar. in h. v.) nihil moramur. Neque argumento, quod e Iosepho et Dione arcessitur, non satis, ut opinor, facere possumus. Nam quod Dio enim in obscuro angulo stetisse dicit, nihil impedit, quominus in aditu solarii, alicui cubiculo adinnecti, se abderit. Lampridius quidem c. 14. Elagabalum etiam, prodit, *subito militum strepitu exterritum, in angulum se condidisse, obiectuque veli cubicularis, quod in introitu cubiculi erat, se texisse.* In quem, quaeso, angulum? nempe eiusdem cubiculi, in quo erat, ut contextus orationis docet. Neque illi pauci Iosephi gradus alieni sunt a solarii aditu, ad quod per eos adscendi potuit.

EXCURSUS XXIII.

AD

CLAUD. C. 20.

Fucinum lacum aggressus est etc.

Viri docti, Torrentius, Casaubonus, Graevius, Burmannus, induci Dionis Cassii loco, negant, lacus Fucini opus a Claudio perfectum esse. In quo mea sententia ab ipsorum ratione discedit. Dico igitur primum: *Suetonium absolutum opus credidisse et prodidisse.* Nam, primo, emissionem lacus Fucini refert inter Claudii opera perfecta, una cum Ostiensi portu, et aqua Claudia etc. Deinde, diserte dicit, post undecim annos

absolutum: tertio, sollemnitatem emissionis addit, c. 21. Quae sunt omnia eiusmodi, ut indicent, Suetonium de perfectione operis non dubitasse, de eaque ex certis et diligenter perscriptis monumentis prodidisse. Nam quod Burmannus e verbo *aggressus* argumentum ducit, fallitur. Suetonius voluit indicare, quo consilio ad opus illud accesserit, et dicit: *Fucinum aggressus est* etc. An vero non aggredimur etiam ea, quae post perficimus? Livius 6, 2. extr. *Sed urbem etiam aggressus, impetu primo cepit. Adversus hanc* autem tam perspicuam Suetonii affirmationem, dico secundo, *nihil valere Dionem*, qui e posteriorum temporum statu lacus Fucini videtur collegisse, opus absolutum non fuisse. *Neque*, tertio, *obest, quod Nerva lacum Fucinum emisisse dicitur* in inscriptione apud Gudium p. 88, 3.: non, quo fidem inscriptionis in dubium vocari velim, sed quod Nervae opus instauratio potius operis fuit, quam absolutio. Nempe tale opus diligentia quadam indigebat, ut conservaretur, quam ei non praestiterunt successores Claudii, imprimisque Nero. Auctor rei Plinius Hist. Nat. 36, 15. qui *hoc opus destitutum esse*, ait, *successoris odio*. Quodsi aliter statuamus, et Claudio absolutionem operis negemus, quia a Nerva dicitur emissus lacus in inscriptione: sequetur, ut etiam Nerva non absolverit, quia Spartianus tradit, eundem ab Hadriano emissum fuisse. Sed et hoc non aliter accipiendum, quam, post Nervam, destitutum opus negligentia Traiani, et ab Hadriano instauratum fuisse. An vero credibile est, si Hadrianus illud opus absolvisset, Suetonium, qui in Hadriani aula fuit, absoluti operis gloriam tributurum tam clare Claudio? Maneat ergo, Claudium primum absolvisse hoc opus, instaurasse primum Nervam, mox Hadrianum. Similiter aquas Curtias et Caerulas perductas a Claudio, sed intermissas, h. e. neglectas a successoribus, nec satis diligenter conservatas, et hinc dilapas, instauravit Vespasianus, ut docet inscriptio apud

Gruterum p. 133, 1. ERN. Conf. Fabretti singularis libellus de emissar. lac. Fuc.

EXCURSUS XXIV.

AD

NER. C. 17.

In hoc capite aliquoties reprehendi a ICTis indicavimus Suetonium, quali lapsum memoria, ut Neroni attribueret, quae superiorum Imperatorum essent. De ea re nonnulla universe dicemus, ut etiam ad alia historico-rum loca intelligenda et vindicanda prodesse possint.

Primum igitur mihi ridiculum videtur, dici, Suetonium in his peccasse memoriae lapsu. Etenim si quis scriptor alius generis, orator, philosophus, aut poeta, qui obiter rem talem, tamquam exempli causa, attingeret, ἀμαρτήματος μνημονικοῦ argueretur, ferri posset haec reprehensio. Nam his non necessaria est maxima diligentia, iique exempla fere e memoria depromunt. Itaque videmus et concedimus, eos interdum memoria lapsos in nominibus locorum hominumque, in numeris etc. Sed longe aliter est in historico diligente, et eo loco, ubi est sedes propria argumenti alicuius: ibi ineptum esse, aio, memoriae lapsus iactare; veluti in hoc Suetonii loco, ubi Suetonius instituit commemorare, quid novi in iure constituerit Nero. Non hic e memoria scribere poterat, aut scribebat Suetonius, sed tabulas publicas, quarum copiam summam habebat, consulebat, et hinc in Commentarios suos praecipua, a Nerone constituta, referebat. Si aliter egit, male functus est historici officio, quod nullo modo credi potest. Iam illa reprehensio multo sit absurdior, si cogitemus, unde ea ducta sit. Nempe tota commovetur e Digestis, hoc est, non e legibus et litteris publicis, sed e libris veterum Iure Consultorum. Quae autem ista iniquitas et

inficitia est, Iure Consultorum Commentarios de iure opponere historicis in rebus historicis. An hi sunt homines isti, qui in rebus historicis plus fidei habeant, quam ipsi historici, et ii quidem diligentissimi? Ergo Sleidanos, Thuanos, Pufendorfos, aliosque, quamvis insignes historicos, memoria lapsos dicemus, si qua in re historica ab iis dissentiant Iuris Consulti, Finkelthufii, Schneidewini, Treutleri. Immo vero Iure Consulti ex historicis emendandi et redarguendi sunt, non hi ex illis. Ergo vel sic totum istud reprehensionum genus concidit. Verum, quoniam prisci illi Iure Consulti plerumque studiosiores litterarum et doctiores erant, quam nostri, aequum est, ipsis quoque consuli, quoad fieri potest. Dico itaque, talia loca, atque nominatim haec, de quibus sermo, conciliari posse cum locis Iure Consultorum interpretatione commoda. Ea facilis erit, si teneamus, *Iure Consultos veteres atque etiam alios scriptores nomina legum et SCtorum usurpare non modo de iis, quorum proprie ea sunt nomina, sed etiam de his, quibus addita sunt, vel explicandi, vel emendandi, vel confirmandi causa, et quae ipsis postea adiecta sunt, iisdem de causis.* Hanc observationem exemplis quibusdam illustrabimus. Tacitus Ann. 13, 42. commemorat *poenam legis Cinciae*. Atqui non modo non constat, certam lege Cincia, proprie sic dicta, poenam fuisse constitutam, sed adeo Ulpianus Fragm. 1, 2. auctor est, legem Cinciam imperfectam fuisse, hoc est, nullam poenam constituisse; hoc enim Icti legem imperfectam dicunt. Ergo *lex Cincia* apud Tacitum ponitur pro Senatus consulto, quod ad legem Cinciam faciendam et emendam factum erat, in quo poena constituta. Plinius porro Paneg. c. 42. *locupletabant et fiscum et aerarium non tam Voconiae et Iuliae leges* etc. Quis credat, e lege Voconia proprie sic dicta fiscum locupletari potuisse; quae libera republica scripta est, quum nullus adhuc fiscus esset. Intelliguntur ergo eo

nomine SCta a principibus ad legem Voconiam facta. Iam quis adeo hospes est in Digestis, quin sciat, saepe *legi Corneliae* tribui, quae postea principes ei per SCta, aut alia quacunque ratione, addiderunt, ut l. 15. §. 4. l. 25. l. 33. ad L. Cornel. de Fallo. Atque hoc dudum vidit Gothofredus in Quatuor font. Iuris, c. 17., in notis ad Leg. Pap. Popp. Conf. Nordkerk. de Leg. Petron. p. 18. Ex quibus sit, ut possit Claudius quoque quaedam de singulis his rebus constituisse, quae aucta sint et emendata a Nerone ita, ut Suetonius tradit.

EXCURSUS XXV.

A D

VESPAS. C. 2.

Aedilitatis mox ac praeturae candidatus etc.

Hunc locum corruptum esse, nemo ambigit. Itaque hoc liberius in eo poterimus versari. Ac primum eum de nostra sententia constituemus: deinde breviter illustrabimus. et aliorum sententias resellimus. Sic igitur totum locum legendum putamus: *Quaestor Cretam et Cyrenas, provinciam, sorte cepit: aedilitatis mox, ac praeturae candidatus. Et illam non sine repulsa, sextoque loco, vix adeptus est: at prima statim petitione, et inprimis, Praetor, insensus Senatui etc.* Primum igitur τὸ mox suo loco restituimus transpositione. Intervallum plurium annorum, quod Lex annalis ponit inter quaesturam et aedilitatem, item unius tantum inter hanc et praeturam fecit, ut mox ad praeturam transferretur. Sed illi plures anni tum demum quaesturam et aedilitatem intercedunt, ubi quis Quaestor anno suo factus est. Potest autem Vespasianus non suo anno, sed multis annis post demum Quaestor factus esse, quod e familia obscura esset. Porro τὸ etiam vitiosum esse,

dudum docti Viri observarunt, alio *aedilitatem*, alio *illam*, quod melius, reponente. Nostra emendatio proxime accedit et ad vestigia vulgatae lectionis, et ad consuetudinem Suetonii, rem, summam propositam, per partes explicare: in quo addere solet etiam *quidem*, sed non semper. Supra Vitell. c. 5. *in provincia* — — *at in urbano officio*. Conf. c. 9. Denique *at* pro *ac* legendum dudum plurimi viderunt, propter oppositionis rationem. Hoc autem certiores reperient lectores nostram emendationem, his consideratis. Primum verba, *non sine repulsa*, *sextoque loco vix*, unice pertinere patet ad aedilitatem, quum propter structurae rationem, tum, quia Praetor dicitur in primis factus esse: qui autem sexto loco sit Praetor, non sane sit in primis: ut nihil dicam de verbis, *prima statim petitione*, quae et ipsa de praetura capienda mox ostendemus. Dubitationem movet Burmannus inde, quod, si sexto loco Aedilis fuerit, frumenti curam habuerit: quod repugnare loco alteri, c. 5., ubi curam viarum habuisse tradatur. Enimvero, unde demonstrabimus, eos, qui quinto et sexto loco Aediles creati fuerint, semper Cereales fuisse? An, quia frumenti causa quintus et sextus accessere, necessario ultimus locis electi hanc curam habuere? Non hoc consequens est. Locus, quo quis creatur, tantum indicat, quam quis gratus sit apud eos, qui creant: non quam partem muneris habiturus sit. Nam nec, qui primus Praetor creatus est, statim sit Praetor primus, sive urbanus: nec, qui ultimus creatus est, illam curam habet, propter quam ultimus locus olim accessit. Ubi plures eodem nomine magistratus creantur, qui non communiter idem curent, ut Consules, fortuntur illi partes muneris publici, ut Praetores. Ergo Vespasiano forte illa viarum cura evenit, etsi ultimo loco creatus erat. Iam verba, *prima statim petitione*, ad nullam aliam rem, nisi ad praeturam referri possunt; non ad aedilitatem, ut Burmannus vult. Nam *prima*

petitio Latinis non aliter dicitur, quam hoc sensu, ut primum quis aliquem magistratum petat, ambiat: dici-que de omnibus potest, qui primo conatu magistratum quemcunque capiunt et sine repulsa creantur. Ergo *prima petitio* h. l. non est aedilitatis, quam non prima petitione consecutus est, sed post repulsam, verum praeturae. Dicit ergo, non modo sine repulsa, sed etiam ita factum esse Praetorem, ut prius, quam plerique ceterorum, creatus sit. Est ergo manifesta oppositio aedilitatis et praeturae, et quidem duabus rebus: Aedilis post repulsam, ultimo loco; Praetor sine repulsa, priori loco creatus est. Ergo necessarium est, legi *illam* et *at*. Iam debuerat Suetonius dicere: *at prima statim petitione, et in primis praeturam*; sive, si malebat constructionem mutare: *Praetor factus*, vel, *creatus est*: orsus deinde esset novam sententiam: *Isensus Senatui* etc.: sed maluit hanc partem cum sequenti sententia coniungere, studio illius per participia et absolutos nominativos constructionis, et ne bis praeturae mentio facienda esset. Etenim ludos Victoriae depoposcit, quum Praetor esset. Ergo sententia haec est: at Praetor statim factus, quum insensus esset Senatui, voluit ei aegre facere, Caïi gratiam captando, et depoposcit ludos Victoriae etc. Cumulatorum talium nominativorum, talisque adeo constructionis, a qua melius abstinuisset, passim apud Suetonium exempla diligens lector animadvertet. Dukerus locum hunc, quem corruptum agnoscit, sic constitui vult: *Aedilitatis, ac mox praeturae candidatus, illam non sine repulsa, sextoque loco, vix adeptus est: hanc prima statim petitione et in primis. Praetor* etc. Oudendorpius: *illam non sine repulsa, sextoque vix adeptus est loco: hanc prima statim petitione et in primis. Praetor* etc. ERN. Non reperit ergo Vir summus, quod maxime necessarium erat, nec vidit, HANC undecumque erui et referri oportere ad ILLAM. Neque placet constructio, *aedilitatis — candidatus* etc.

EXCURSUS XXVI.

A D

VESPAS. C. 22.

Perductae.

Mirum sane est, Viris tantis, quales Casaubonus et Burmannus fuere, potuisse in mentem venire, ut putarent legendum esse *perducta*. Ut non dicam, ultra modum sordidum esse, Imperatorem pro concubitu accipere mercedem, idque Suetonium, ut omnium sordidissimum c. 16. commemoraturum fuisse: ratio grammatica repugnat. Nam deberet esse ab initio, *expugnato* (non *expugnatus*) — — *quum perducta* — *donavisset*. Sed Burmannus occurrit sic, ut dicat: si vulgata vera sit, in sequentibus esse debere *inferri*, non *referri*, item *Vespasianus adamatus*, non *adamato*. Ad primum quod attinet, concedimus, *inferri* scribendum, sicque rescripsimus, post Graevium. Ita enim clare codex Memm., ita Mss. Torrentii: sic etiam M. Lyser. *Summam referre rationibus* non est Latinum: ne addito quidem *in*, ut vult Burmannus, satis Latinum putem. *In rationes referri* dicitur pecunia. Cicero Verr. 1, 41. *Tutores, quemadmodum eam pecuniam in rationes referrent, non videbant*. Deinde, unde intelligitur, *referri* esse pro *acceptum referri*? Etenim, siue in acceptis, siue in expensis aliquid scribatur, utrumque *referri* dicitur *in rationes*. At dativus, *Vespasiano*, hanc interpretationem postulat. Quare? An dicitur tantum, *referre acceptum alicui*: non etiam, *referre expensum alicui*? Apud Ciceronem pro Flacco c. 19. *referunt operi publico*, non est expensum operi publico, siue operis publici causa? *Expensum ferre alicui* quoties est apud Ciceronem, pro Roscio Comoedo, et alibi! Ex quibus sit, ut *perductae* verum sit. *Vespasiano adamato expensum*, est acute dictum. Feminae,

haud dubie nobilis, nomen et causam datae pecuniae in tabulis scribi, parum decorum erat. Volebat ergo scribi, pecuniam eam propterea expensam esse, quia Vespasianus adamatus sit: eius causa illam pecuniam consumptam esse: plane ut in illo *operi publico referri*. Ceterum sentit nobiscum Dukerus, probatque Oudendorpius.

EXCURSUS XXVII.

AD

TITI. C. 9.

Ferramenta pugnantium.

Manifestum primo esse arbitror, solos gladios hic intelligendos esse. Etenim Aurelius Victor diserte gladios nominat, et res est eiusmodi, ut gladii soli intelligi possint. Volebat porro docere Titus, se nihil ab iis timere: quod, nulla alia parte ornatus gladiatorii porrigenda, efficere poterat. Neque vero quicquam, mos erat, inspiciendum praebere, praetor gladios: nam ceterorum nulla vis in pugnando. Tuu reliquus ornatus gladiatorum ab Imperatore ipso, quum editor muneris esset, suppeditabatur; unde *apparatus aulicus* dicitur, (Domit. c. 4.) nec opus erat, eum inspicere. His positis, quaeramus, an gladii soli possint *ornamenta pugnantium* dici. Id ego vero prorsus nego. In omnibus exemplis, quae proferuntur, plurimum aliquis confidat exemplo Burmanni, qui e Taciti Hist. 5; 22. laudat *ornatum militarem*: nam *ornatum Neronem* e Nerone c. 21. iam repudiavit Graevius. Sed, si locum inspexeris, videas, ornatu illo militari gladios non comprehendi. Etenim militibus, sine ornatu militari procurrentibus, arma mucronesque strictos tribuit. Ergo ornatus militaris est in fago, galea, lorica, scuto, ocreis, non in gladiis et telis. Sic Samnitici milites ornati fuere, sed

non, qua tela et gladios, verum scuta, galeas, vestes. Locus apud Livium imprimis huic pertinens est 9, 40. *Campani, ab superbia et odio Samnitium, gladiatores eo ornatu armarunt.* Miror, hoc loco neminem hic usum. Nam hic diserte *ornatus gladiatorum.* Sed qualis ille ornatus, docet Livius eiusdem capituli initio: *Scuta auro vel argento caelata, spongia pectori tegumentum, ocrea in sinistro cruce, galeae cristatae, tunicae versicolores, et candidae.* Hic ornatus totus: nihil amplius: non etiam gladii et tela. Itaque Imperator Romanus, confirmaturus milites suos, non isto ornatu militibus opus esse, dixit, sed *ferro et animis.* Itaque multo magis miror, Dukertum, ad illum potissimum Livii locum sibi demonstrandum fuisse, non modo *ornatum* de armatura dici, sed etiam male in loco Suetonii *ferramenta* a nonnullis, pro ornamentis, rescribi. Ergo sunt quidem gladiatoribus sua ornamenta, et eaque arma, sed in iis aut gladii non numerantur, aut, si vel maxime, aliquo forte loco, *ornandi* verbo etiam gladii et tela contineantur, tamen maxime ad ceteram armaturam potius, quam ad gladium et tela respicitur. Tamquam, si quis apud eundem Livium 7, 14., ubi agafones, mulis impositi, dicuntur partim *captivis, partim aegrorum armis ornati*, velit gladios quoque intelligere, non repugnem: sed, quia ibi res magis refertur ad speciem externam, manifestum est, maxime cetera, galeas, scuta etc. intelligi. Accedit etiam hoc, quod, ubi apud veteres de armorum ornatu ac pulchritudine sermo est, reperimus, gladios, et ea, quae sunt ad vim faciendam, non commemorari. Caligula, auctore nostro c. 55., *mirmillonum armaturas recidit*, i. e. inminuit, minori impensa faciendas curavit. Id non tam de gladio, aut telo, quo vis fieret, intelligendum, sed de cetero ornatu, planissimum est. Vide ad Caes. c. 67. Omnino nullum adhuc locum video esse prolatum, ubi gladii et tela separatim, orna-

tus aut ornamentorum nomine, dicantur. Atqui talis locus desideratur, ad probandum, *ornamenta* hic locum habere. Quare, quia hic de gladiis solis sermo, *ornamenta* locum non habent, sed *ferramenta*. Ex his poterit ad omnia exempla, quae proferuntur, vel ad hunc locum, vel ab Lipsio ad Tac. Hist. 3, 63., vel ab Heinsio ad Virg. Aen. 12, 544., vel Dukero ad Liv. l. c., Drakenborch. ad eundem Livium 24, 48. responderi.

EXCURSUS XXVIII.

A D

DOMIT. C. 2.

Relictum se participem imperii.

Non pugno, *principem imperii* a Suetonio fuisse: ceterum illam lectionem non tam absurdam, ut visa est, puto. Etenim, primo, consortem et participem imperii initio agnovit Titus: vide in Tit. c. 9. Similiter apud Philostratum in Vita Apollonii lib. 6. c. 32. diserte consors imperii vocatur. Domitianus dicitur Titum sustulisse, οὐ τὸ ξὺν ἀδελφῷ ἄρχειν δεινὸν ἡγούμενος, ἀλλὰ τὸ ξὺν. πρᾶν καὶ χρηστῷ. Atque id consortium ei debebatur, quia Caesar erat, quod tum erat nomen imperii. Sic Lactantius de Mort. Persec. c. 7. Diocletianum, dicit, *tres participes regni sui fecisse*, etiamsi unus tantum Augustus, duo Caesares fuere. Manifestum porro est, Domitianum non consortionem imperii quaesisse, aut societate imperii contentum fuisse, sed solum imperare voluisse, atque primas tenere, atque hac de causa sollicitasse exercitus. Neque dubitavit ipse, vivo adhuc Tito, se consortem imperii esse. Nam quum Flavius Sabinus, patruelis et Titi gener, albatos ministros haberet, sicut Titus, et ipse, οὐκ ἀγαθόν, dixit, πολυκοιρανίη. Ergo particeps imperii fuit, et se

esse consortem imperii credidit. Quid? quod, vivo adhuc patre, quodammodo particeps imperii fuit. Itaque intra c. 9. initia eius ponuntur in principio imperii paterni. Quam ergo diceret testamento fraudem adhibitam, per quod particeps imperii esse debuisset? Neque denique volebat, Titum non participem esse imperii, sed non principem. Scilicet, ut, patre vivo, Titus imperii particeps fuisset, sed ita, ut pater maior ipso, et princeps imperii esset: ita volebat hominibus persuadere, patrem testamento cavisse, ut ipse princeps imperii esset, Titus tantum consors. Nam, quod c. 9. *privatus* dicitur, ante Titi mortem fuisse; illis temporibus etiam participes imperii sic vocabantur: quia *principi* opponitur *privatus*; *princeps* autem proprie unus erat. Burmannus dubitabat, an eleganter et ex usu antiquae Latinitatis dici posset *princeps imperii*. Ego vero non dubito. Ut, apud Ciceronem, Senatores alii *participes consilii publici*, alii *principes consilii publici* dicuntur: sic, quum duo imperant, sed inaequali iure, ut saepe factum est ante Antoninos, alter est *princeps imperii*, alter *particeps*, sive *consors imperii*. Itaque fateor, mihi antiquam illam lectionem magis placere, restituisseque loco, unde depulsa est, nisi codices boni obstarent, propter quorum auctoritatem in contextu alteram toleravi. ERN. Manifestum mendum esse *principem imperii*, et rei et Latinitatis ratio vincit. Longe diversum genus loquendi est *princeps consilii*, quo mireris Ernestium abuti potuisse ad illud defendendum.

EXCURSUS XXIX.

AD

DOMIT. C. 3.

Domitiam, ex qua in secundo consulatu etc.

Valde torfit hic locus Viros doctos, quorum sententias figillatim recensere, longum foret. Explicanda autem nostra qualicunque sententia, praeicipuas attingemus. Ac primo, *secundum consulatum* aliter capere consuetudo perpetua Suetonii non finit, quam de eo, quem patre vivo a. U. DCCCXXVI. a. C. LXXIII. gessit. Itaque non audiendi Rupertus et Pagius, qui de altero ordinario capiunt, ut recte monuit iam Graevius. Nam, quod ait Pagius, historicos interdum suffectos consulatus in Imperatoribus negligere: primum id non est huius aetatis, ut ipse Pagius in Disert. Hypatica P. I. c. 7. n. 3. init. docet, sed seculi III. Deinde, non profecto est diligentium historicorum, qualis Suetonius est. Exemplum Dionis et Chronici Alexandini, quo utitur, ut Domitiani suffectos consulatus non numeratos ostendat, profecto nihil efficit. Nam primo Chronici Alexandini nulla est auctoritas: Dionis autem ipsius librum de Domitiano non habemus, sed Epitomen tantum Xiphilini, parum accurati et diligentis Epitomatoris. Tum, si vel maxime ei aliquid tribuerem, tamen nihil hic causae Pagii proderet: quod tum demum futurum esset, si omnes consulatus suffectos omisisset. Nunc Xiphilinus quatuor tantum omittit, duos numerat: Chronicon Alexandrinum tres omittit, tres numerat. Quid inde efficitur? Non profecto, diligentes historicos consulatus suffectos Domitiani non numerasse: sed, parum diligentes illos scriptores aliquot consulatus suffectos male omisisse. Eadem responderi argumento Pagii, e numo Domitiani petito, debent, in quo consulatus VI. pro VII. ponitur, neglecto uno suffecto, non omnibus: merito-

que audiendus Petavius, qui illas epigraphas mendosas putat, praesertim quum in ceteris omnibus numis Domitiani et inscriptionibus consulatus suffecti numerentur, ut docet Norisius Epistola consulari p. 52. Maneat ergo, intelligendum esse consulatum eum, quem dixi. Neque mirum est, eo anno Domitianum ex uxore Domitia prolem sustulisse: quum eam tribus annis ante, quum Praetor consulari potestate esset, duxisset, auctore nostro supra c. 1. de eoque adeo dubitandi causa idonea nulla est. Nam, quod Graevius e Martiale 3, 6. docet, post Titi mortem, quum solus imperaret, ei filium natum esse, qui mox mortuus et consecratus est: id etsi verum est, tamen non impedit, quo minus et ante, vivo patre, sustulerit prolem. Si consuetudinem eam, qua in Caesare, Augusto, aliisque usus est Suetonius, in Domitiano conservasset, et de eius matrimonio et prole separatim, et proprio aliquo loco, dixisset, aut Dionis Cassii librum de Domitiano haberemus, clarior res foret. Nunc verbis his standum, quae sunt clarissima.

Maior difficultas est in sequentibus verbis, *alteroque anno consulaverat, ut Augustiam*. Quem dicemus illum *alterum annum* esse? Scaliger capiebat ita, ut Latinitas et verba sinunt, ut sit alter annus a consulatu illo secundo. Si verba non corrupta sunt, alium sensum ea per Latinitatem habere non possunt. Verum hic exoritur magna dubitatio: quomodo, illo tempore, Domitia *Augustia* appellari potuerit, quum ipse Domitianus nondum Augustus esset. Eam Scaliger ad Eusebium p. 202. sic tollebat, ut diceret, morem fuisse, ut non solum Augustorum uxores Augustae dicerentur, sed etiam filiae, sorores, nurus et socrus. Iam, quamquam nullum exemplum ex primo seculo afferri potest nurus Augustae, cuius maritus Augustus non esset, tamen id, non adeo absurdum est, existimare, primum factum in Domitia. Causa potuit haec esse, quod

peperisset, cui aliquando imperium deberetur, quando Titus caelebs esset, nec videretur uxorem ducturus, essetque adeo aulae domusque Augustae subsidium unum. Molestia porro est coniunctio *ut*, quae in hac forma loquendi usitata non est. Verum eam natam dicere possumus e finali syllaba praecedentis verbi, eiiciendamque esse, ut visum Torrentio, Gronovio et Oudendorpio. Adiuvare porro hanc nostram explicationem huius loci videtur hoc, quod repudiatio Domitiae facta dicitur *inter initia imperii*: quae verba non satis attendisse videntur Viri docti. Nam si secundum consulatum de ordinario secundo capimus, et alterum annum de altero anno post consulatum secundum ordinarium, divortium ad minimum cadit in tertium annum imperii Domitiani: quod mihi non videtur satis convenire verbis istis, *inter initia imperii*. Atque ego non ignoro, ista verba modo latius, modo angustius patere apud scriptores: sed tamen apud Suetonium fere de primo anno dicuntur. Sic in Claud. c. 7. *Sub Caio, fratris filio, secundam existimationem circa initia imperii omnibus lenociniis colligente*: ubi primus annus intelligendus. Conf. infra c. 9. init.

Quodsi cui haec ratio, a nobis explicata, non placeat, quoad posteriorem scilicet partem, de Augustae appellatione; nam priorem illam certam putamus: is poterit etiam sic legere: *Domitiam, ex qua in secundo consulatu filium tulerat, alteroque anno suo consalutaverat Augustam — repudiavit*. Nempe illud suo, quod parum elegans est eo, quem obtinet, loco, potuit ex hoc loco, quem ei in hac lectione assignamus, migrasse in superiorem. *Altero anno suo*, intellige altero anno imperii Domitiani. Dicimus *primo, secundo* etc. *anno Tiberii, Caii* etc., pro imperii Tiberiani etc., cur non etiam dicatur Imperator aliquid fecisse *altero anno suo*? Atque ita Suetonius in concordiam redigetur cum Chronico Eusebiano, quod in alte-

ro imperii Domitiani anno ponit hoc: *Domitiani uxor Augusta appellata*. Haec ratio si probetur, initia imperii paullo latius, de primis imperii annis, capienda sunt. Accuratius hoc definire liceret, si Dionis liber integer reslaret, ut, quo anno Paris interfectus esset, scire possemus. Atque non negabo, mihi hanc rationem melius placere illa superiori, propterea quod Domitianus eam dicitur consalutavisse Augustam, quod ille facere, nisi princeps, non potuit. ERN. Etiam in hac disputatione veris et bonis admixta sunt falsa, quae tamen singulatim refellere nihil attinet in loco, qui vix ad certam et liquidam rationem redigi posse videatur. Est enim mendosus, et in optimo cod. margini adscriptum, *Deest aliquid*. Sed hoc *aliquid* satis probabiliter supplet Oudendorpius, ex MSS. vestigiis sic scribendo: *Deinde uxorem Domitiam, ex qua in secundo suo consulatu filiam tulerat, alteroque anno filium, ac consalutaverat Augustam, eandem* etc. In secundo consulatu, sive primo ordinario a. Chr. 826. genuit filiam, cuius memoria interiit. Conf. Drakenb. ad Silium 5, 629. Sed *altero anno*; non ab illo consulatu; sed altero anno *principatus* (de quo a capitis initio coepit agere Auctor,) *filium* accepit, nempe a. 835., eodemque anno uxorem consalutaverat Augustam, et Censor est factus. At insans ille brevi mortuus et consecratus est, *Divusque Augusti filius* dictus: quod clare patet ex Martiale, per Graevium citato, et nummis consecrationis eius multis. Inspice praeter alios Scheuchzer. in Miscell. Lips. Vol. IX. p. 221. Domitiam vero non ante Titi mortem, neque primo Domitiani principatus anno, sive a. 834., sed altero declaratam esse Augustam, docet l. c. Eusebius. Sic omnia erunt dilucida. At si quis contendat, vocem *principatus* s. *imperii* non subintelligendam, sed addendam fuisse, addat ille, per me licet. Verrum et c. g. *inter initia*. Nam *altero anno suo* pro sui imperii anno, scriptum a Sue-

tonio, non credo. Haec ille: in notula nostra corrigendum est *quamque* pro *quamquam*.

EXCURSUS XXX.

AD

DOMIT. C. 4.

Toga Graecanica.

Scrupulus restat in hac lectione unus, quem mihi eximi velim. Nempe debebant Viri docti, si satis asserere hanc lectionem vellent, docere, quemquam Latinorum scriptorum veterum *togam* dixisse de veste Graeca, *pallio* aut *chlamyde*: quod illi, sive, quia in mentem non venit, sive, quia non potuere, non fecere. Mihi quidem, attendenti et quaerenti, non licuit observare aut reperire vel unum exemplum. Immo *togae* verbum semper Latinae vestis nomen fuit, quo ea a Graecis distingueretur: ut pallium numquam de toga dictum, eadem de causa, reperimus. Quare nondum liquidum puto de hac lectione. Bimardus in Dissertationibus apud Muratorium Thes. Inscriptt. Tom. I. p. 16. probat *Germanicam togam*, intelligitque vestem talarem, qua olim Germanos, inprimisque Francos, usos consuet: quae sane, comparatione cum togis lautiorum et molliorum, ad talos demissis, toga potuit appellari. Quod vestis Germanica non respondet crepidis, non mirandum in Domitiano, qui in multis aliis pro libidine egit, nihil curans consuetudinem et morem. Potuit autem toga Germanica uti favore cognominis, quod a Germanis victis assumerat, in quo quomodo sibi placuerit, ex eo intelligi potest, quod mensem unum Domitianum, alterum Germanicum, appellari voluit, infra c. 13., item ostentatione victoriae atque triumpho e Germanis, tum adhuc recentissimi. Etenim agon Capitolinus primum celebratus est a. C. LXXXVI., qui est a. U.

DCCCXXXVIII., ut docet Pagius ad illum annum. Sed triumphum de Germanis in eundem annum incidisse, ibidem docetur. Ondendorpius togam Graecanicam interpretatur *cyclada*, togam muliebrem rotundam et talarem, mixtam e Graeco et Romano genere, quae et a Servio ad Virg. Aen. 1, 282. *togis* accensetur.

EXCURSUS XXXI.

ID

DOMIT. C. 5.

Deustis utrinque lateribus.

Pro lectione M. Lyser. *decisis* haec dici possunt. Dionis Epitomator p. 772. ait, Circum a Traiano ampliatum *διαφθάρειντα πη*. Zonaras, qui Dionem compilavit, *φθάρειντα*. Id Interpretes verterunt *collapsum* non satis accurate. Ac non negem, *φθάρειντα* dici etiam ea, quae incendio corrupta sunt. Sed nemo veterum scriptorum huius incendii mentionem facit. Nam quod Domitianus; in Roma vetere, huc refert incendium Neronianum, quo etiam Circus arsit, auctore Tacito, Ann. 15, 38., a quo tempore usque ad Traianum negat instauratum Circum fuisse: id mihi propterea non satis probatur, quia non credibile, tam diu Circi usu carere potuisse. Atque etiam sub Tiberio arsit Circus, ut vidimus: neque traditur, a quo instauratus fuerit. An vero Imperator Nero, tam studiosus Circensium, sivisse in ruinis iacere Circum? Neque Latinitas ei opinioni satis convenit. Nam ablativi illi sic positi sunt, ut ad tempora Traiani referantur necessario: omninoque ille locus, inter *Circus maximus* et *exstructus* aptior est *τῷ decisis lateribus*, quam *τῷ deustis lateribus*. Dixisset etiam, opinor, potius *instauratus* vel *restitutus* est, quam *exstructus*. Praeterea non abhorret, *διαφθάρειντα* nihil aliud esse, quam, *qui vitium jecerat, aliqua parte*

s. *aliquo loco* (πῃ) indigebatque instauratione. Traianus eam occasionem arripuit ampliandi Circi, ut maiorem multitudinem caperet, (Plinius Paneg. c. 51.) idque fecit *decisis*, h. e. deiectis ac destructis, lateribus utrinque, ut ab utraque parte Circi spatium latius promoveret. Haud dubie praeferenda est haec lectio vulgatae. ERN. Immo certa videntur pleraque omnia, quae vulgo dicta hic arguendi causa repetuntur. Ne Latinum quidem est *decidere latus* s. *partem aedificii*, ut et Oudendorp. visum est.

EXCURSUS XXXII.

AD

DOMIT. C. 8.

Perfusoriae asserptiones (nam ita legendum) quid sint, dubitatur. Cuiacius ad L. 13. Pandect. de Excusat. p. m. 256. ait esse, ter quaterve, dicis causa, repetitas, in liberalibus causis: de quibus idem Ictus maximus scripsit ad Pauli Sentent. lib. 5. tit. 1. Ianus a Costia, Cuiacii discipulus, ad Instit. 1, 13. de actionibus, explicat de asserptione ficti asserteris, quum dominus per collusionem cum assertore patitur liberum iudicari servum: eaque sententia placebat Burmanno. Valde contra dubitabat Noordkerkins, de Lege Petron. p. 54. recte a Costia explicari asserptiones perfusorias. Ipse nihil aliud esse putat, *perfusoriis asserptionibus se accommodare*, quam, sacramentum in libertatem recipiendo, ac vindicias decernendo permittere, ut asserptiones instituuntur. Sed his verbis arbitror explicari tantum posse, quid sit, *asserptionibus se accommodare*, non quid *perfusoriis*. Tam, *dare vindicias*, h. e. permittere, ut vindiciae instituuntur, non est iudicium, sed Praetoris: quod ipse mox demonstrat, quum Praetoris fuisse dicit, examinare causam litigandi, eaque probata, disponere

asertiones. *Accommodare se causssae*, quum de indice dicitur, in utramque partem dici potest ex usu Latinae linguae. In bonam partem quum dicitur, est nihil aliud, quam quod Cicero dicit, diligentiam in cognoscenda caussa adhibere. Sed h. l. dicitur in deteriore partem, et est, favere causssae contra ius et aequitatem, et connivere ad fraudes: quod intelligitur ex eo, quod Imperator recuperatores admonet severe, ne id faciant: neque aliud esse potest. Nam si Praetor dat recuperatores, hi necessario iudicant. Ergo non potuit eos Caesar admonere, ne tales causssas cognoscerent; sed ne in iis contra ius de industria pronuntiarent. *Perfusoriam* vero *actionem* vel *asertionem* puto esse eam, quae fit per calumniam, qua innocens praeter ius vexatur. Sic manifeste dicit Cicero pro Roscio Amer. c. 29. *perfundere aliquem iudicio*, quod ibi nihil aliud est, quam alicui calumnia litis molestiam creare, et in periculum capitis adducere: neque ullo modo audienda alterutra interpretatio Graevii, cuius fluctuatio manifesta est. Nam Cicero dicit, iniquum esse, Erucium re vera accusare eos, a quibus mercedem acceperit, et tamen iudicio perfundere, h. e. in iudicium et capitis periculum sine caussa adducere hominem, quem innocentem esse videat et credat. Hinc ergo ductam esse puto *perfusoriam asertionem*, qua dominus iustus adducitur, per calumniam litis, ut Cicero vocat, pro Milone c. 27. (*per calumniam litium fundos alienos petebat*) in periculum servi amittendi. Ergo Domitianus admonuit recuperatores, ne per gratiam, aut alia quacunque de caussa, secundum calumniatores in caussa liberali pronuntiarent. Suetonius in hac inprimis caussa severitatem Domitiani commemorare voluit, quod recuperatores tali iniquitate non modo legitimos dominos servis suis privarent, sed etiam civitatem inquinarent, servis improbis ingenuitatem adiudicando: quamquam ceterum non ignoro, asertionem perfusoriam etiam esse, quum lis per calumniam intenditur ingenuo.

EXCURSUS XXXIII.

AD

IDEM CAPUT.

Numarios iudices etc.

Casaubonus et Guietus interpretantur asseffores, five consiliarios. Non improbeum. Sed vellem planius dixissent, quales essent ii iudices, qui asseffores et consiliarios haberent. Quodsi hanc sententiam probamus, intelligenda res erit de iudiciis iis, quae singulis iudicibus exercebantur; item, de arbitriis, quae et ipsa iudicia dicuntur. Sic Aquilius datus index solus in caussa Quintiana. Ei tribuitur *consilium* c. 2. 10. 15. Id ille ipse adsciverat, constabatque tribus Ictis, M. Marcello, P. Quintilio, et L. Lucullo. Sed mirum videatur, Domitianum severitatem illam suam tantum exercuisse in hoc genere iudicum, qui singuli dati se corrumpi passi essent, non omnino in omnibus: quod tamen factum videtur. Nam superiora duo pertinent ad genera caussarum, hoc universe ad iudices. Atqui in iis iudiciis, ubi plures iudicant, dici non potest, iudices habere consilium, quod quidem sciam. Igitur arbitror verba, *iudices numarios cum suo quemque consilio*, etiam sic capi posse, ut *consilium* sit totum iudicium, omnis numerus iudicum, qui in caussa aliqua sedissent. *Consilium* de iudicio dicitur quocunque. Cicero in Caecil. c. 4. *scit, qui est in consilio, C. Marcellus*; is autem erat in iudicibus. Conf. Verr. 2, 29. etc. Res autem sic habet: quum cognitum esset, in iudicio aliquo pecuniam esse versatam, totum illud consilium, five iudicium, notavit Domitianus, ut corruptum et iniustum. Sic quondam, in caussa Oppianici, quum constaret, pecuniam in iudicio versatam esse, etiam index quaestio- nis, quamvis innocens, et plerique iudices, etiam innocentes, vel damnati vel a Censoribus notati sunt,

totumque illud consilium infame fuit. Videturque Domitianus ea severitate tanto maiorem terrorem iniicere, atque efficere voluisse, ut observarent se invicem iudices, ne quis accipere pecuniam auderet. *Notavit autem referendum ad Domitiani censuram.*

EXCURSUS XXXIV.

AD

DOMIT. C. 9.

Negotiantes ex consuetudine etc.

Difficilis explicatu locus duabus in rebus: primum, *qui scribae quaestorii* intelligantur? urbani, an provinciales, an omnes; deinde, *quae ista lex Clodia sit?* Quod ad primum attinet, non videtur intelligendum de urbanis cum Torrentio: quia nulla causa, quare iis negotiatione interdiceretur: quum illis temporibus Quaestor urbanus pecunias publicas non tractaret; quod non veniebat in mentem Torrentio, quum in h. l. commentaretur: neque ulla causa reperitur, quare Quaestoris tantum scribae ab negotiatione arceantur, non et ceterorum magistratuum, quibus ea interdictum fuisse, nemo nec tradidit, nec credit. Capió igitur de provincialibus, remque sic concipio. Cautum erat clare olim legibus, idque post principalibus constitutionibus repetitum, ne Praefides provinciarum, et qui circa eos essent, soenus exercebant, negotiarenturve: vide Modestinum in Pandect. leg. 33. de rebus credit.: sed, ut excepti essent comites, sive officiales ii, qui perpetui essent, et in provincia, etiam mutato Praefide, manerent, ut Paullus docet l. 54. eod. tit. et Sentent. lib. 2. tit. 1. §. 5. Nam iniquum videbatur, eos, qui perpetuo in provincia aliqua manerent, ab omni negotiatione excludi, ut recte monet Schultingius. Ex quo ipso per analogiam quandam colligere licet, scribis urbanis ma-

gistratum idem licuisse. Iam quia iisdem principalibus constitutionibus non et diserte de Quaestorum provinciarum scribis cautum erat, coeperunt negotiationem exercere, neglecta lege antiqua, velut oblitterata temporis diuturnitate. Itaque visum est Domitiano, de ea re nova constitutione cavere.

Quod ad *legem Clodiam* attinet, arbitror, intelligi legem, liberae reipublicae temporibus latam: a quo lata sit, ignoro. Putant partem eius legis fuisse, quae Senatores prohibuit, naves aedificare aut emere. Sed incertissima coniectura est, et solo nomine communi nititur. Res ipsa est eiusmodi, ut lege aliqua de provinciis caveri potuerit, vel cauta esse videatur: nisi lex de scribarum officio fuit, quae cum multis aliis ignoratur.

EXCURSUS XXXV.

AD

DOMIT. C. 17.

Dolonem interiecit.

Emendationem elegantem ac certissimam Ferrarii, *dolonem interiecit*, improbat, praeter alios Burmannus, hac allata ratione, quod dicendum fuisset *iniecit*, non *interiecit*: quod an Latinum sit, dubitat. Enimvero haec verba non debent significare petitionem Domitiani, dolone factam, quod esset *iniicere*: nam de hac mox, *suffodit inguina*: sed modum abscondendi dolonis, ne deprehenderetur. Ego vero non dubito, coniecturam hanc esse certam. Nam de dolo ante dictum, *consilium operamque obtulit*; et mox, *sinisteriore brachio* etc. In his est dolus. Sed pars doli est etiam in hoc, quod instrumentum caedis ipsa hora, rei dicta, infernit fasciis, et ita occultavit, ne deprehenderetur: id factum, *interiecto inter lanas et fascias dolone*. Quum ita parasset se, instruxissetque, professus est indicium, et ad-

missus etc. Sic apud Horatium in Epodis, *Libelli inter pulvillos iacent*. Philostratus porro diserte tradit, ita absconditum a Stephano dolonem, in Vita Apollon. §, 25., nec credibile, hoc praeternissum a Suetonio; quum sit memoratu dignissimum. *Dolum interiicere*, Latine quidem dici posse arbitror, sed non pro *adhibere*, quomodo esset h. l. capiendum: nec ad rem perficiendam, sed impediendam potius; quod ab hoc loco est alienum. Tacitus quidem Ann. 1, 24. dicit *minas interiicere*, sed ibi duae partes sunt. Ad locum Philostrati miror nihil dixisse Olearium, quod ad hanc rem pertineat. Ignoraverit oportet hunc locum Suetonii, et notam Casauboni. Casaubonus in suo exemplo legit ὑφ' ὀρέας, pro quo legendum putat ὑφ' ἀρμόσας. Olearius autem habet in textu ὑφ' εἶρας πῆχει, vertitque: *subnectens cubito*: quod intelligi non potest: nec ullam alterius lectionis mentionem in notis facit, aut indicat, unde hanc lectionem habeat. Nihili autem vox est ὑφ' εἶρας. Nam ex analogia deberet esse ὑπ' εἶρας: sed eius compositionis exemplum nullum exstat in Lexicis. Inferendi autem et interiiciendi vim habent alia e verbo εἶρω composita, ut ἐνείρω, διείρω et παρείρω, apud Longinum Sect. 3. ex Aeschilo, quod verbum nondum est in Lexicis vulgatis. Itaque legam aut ὑπ' εἶρας, aut παρείρας.

VARIETAS LECTIONIS

IN ED. GRYPH. A. 1539 MANU DOCTI VIRI NOTATA.

Ad Caesarem.

- C. 40. e Calendis Ian. *nobis* — *novis*.
- 41. quas ipse *dedisset* — *edidisset*.
- 55. *pro* Q. Metello — *ut pro* Q. Met.
- 59. *Salutationi* — *Salutioni*.
- 78. *inexpiabilem* s. invidiam — *exitabilem*.
- 79. *varia* fama percrebuit — *valida*.
- 86. alii e diverso *opinantur* — *opinatum*.
- 86. semel *confessum* satius esse — *semel satius esse*.
- 88. ludis, quos *primo consecratos* ei — *primos consecrato*.

Ad Augustum.

- C. 3. et re et *aestimatione* — *existimatione*.
- 4. priusquam *confiteri* se cand. — *profiteri*.
- 10. Brutum Cassiumque *etiam* nec opinantes — *et vi*.
- — ac ne publicum quidem et translat. — add. *ius*.
- 16. ac *XX* fervorum millibus — *X*.
- 19. *Planti* Rusi — *Plantii*.
- 27. Ceteros *autem sex*, aut novem — *ceteros aut novem*.
- 29. Herenlis et M. Iarum — del. *et*.
- 30. Aedificiorum *prolapsionibus* — *prolationibus*.
- 31. in cuius *ordinationem* — *ordinatione*.
- — marmoreo Iano *supposuit* — *superposuit*.
- 45. ad scenicas operas *et* Equitibus — del. *et*.
- 45. totos dies *aderat* — *aberat*. Vide not. Nostri
igitur lectio etiam codicis auctoritate nititur.
- — *alienis* quoque muneribus a. l. — *in alienis*.
- — praeterquam *ludos et scenam* — *ludis et scena*.
- 53. pronuntiatum esset *a* mimo — *in* mimo.
- — officia cum multis *mutuo* exercuit — *mutua*.
- — quam *grandior* iam natu — *grandi*.
- 55. *et* magna cura redarguit — *nec*.
- 58. per Valerium *Messalam id* mandantibus cunctis —
Messalam. Is. Hoc haud dubie sequendum.
- 63. *tantumque* p. e. — *tantum quod*.
- 68. *Videsne*, ut c. o. d. temperat — *viden*, ut.
- 72. aslidueque *in Urbe* hiemaret — *mucidae*. Non

est ergo omnino spernenda I. Gronovii correctio *mucide* vel *muceide*, nescio unde hausta: vix enim sine libris talis correctio in mentem veniat: quam nemini sano placituram putabat Burmannus; etsi nullum aliud exemplum huius verbi exstat. Sane *in Urbe* nullum hic commodum sensum habet.

- C. 77. aut recens *acidumve* pomum — *avidumve*. Probat Christius, qui passively dictum putabat, *pro recens*, quod avide expetatur, sicque capiebat *avida arma* apud Statium Theb. 10, 658. Mihi librarius videtur aberrasse, et in codice habuisse *avidum*. *Poma uvida* de acidis, vinosis illustrat Casaub. ad h. l.
- 79. Marathus libertus *etiam in memoriam eius* etc. — *et a memoria eius*. Ita emendavit Lips. Elect. 1, 12. Itaque hoc, iam etiam codicis auctoritate adiuncti, in posterum sequentur recte, ut opinor, Suetonii editores. Sane non solet Suet. addere, in talibus, librorum, unde sumsit, titulos, quippe tum per se noti erant libri lectoribus.
- 86. n. praepositiones *verbis* addere — *urbibus*. Sic etiam Memm. et Exc. Cuiac., idque secuti sunt Graev. et I. Gron.: recte igitur et nos recepimus.
- — Aflat. oratorum *inanibus sententiis verborum* volubilitas — *inanis verborum vol.*
- 100. *sub* veteribus a Dr. — *del. sub.*

Ad Tiberium.

- C. 1. *Appio Claudio* gentis pr. — *Atta Clauso*. Sic dudum Torrent. et Casaub. legi voluerunt. Mihi obstat adhuc locus Livii 10, 8.
- 24. impudentissimo *animo* — *mimo*. Quo minus poterimus iam reprehendi, qui *mimo* recepimus in contextum. Vidit Gronovius ingenio, quod dudum in codice repererat Vir doctus.
- 25. stipendio *praetoriani* — *praetorianis*.
- — *Germanicianus*, Quidam etiam etc. — *Germaniciani quidem*.
- 34. mercedibus sc. *rescissis* — *recisis*.
- 59. ab impatientibus *Romae dominii* — *remedium*.
- 65. atque etiam *contumeliis* obnoxius vixerit — *del. contumeliis*: quod confirmat Salmastii, Gron. et Graevii sententiam. Sed vide not.

- C. 65. *signaque* ne nuntii — *signa*.
 — 78. et *subtiles* tumores — *subiti*.

Ad Galbam.

- C. 20. prae *calvitio* — *calvitie*.

Ad Vitellium.

- C. 15. nihil iam *metuens* — *metuentes*.
 — 17. *quisnam* esset — del. *nam*.

Ad Vespasianum.

- C. 1. incertum *sponde* — del. *sponde*.
 — 5. et *in* Circum — *inde in C*.
 — 6. quum ceteros, *alii* alium alia — del. *alii*.
 — 19. *Cibiotaten* — *Cybiosacten*.
 — 22. quum *productae* — *perductae*.
 — — vellet *referri* — *inferri*.

Ad Titum.

- C. 6. praeparatae *coniurationis* — *concionis*.
 — 7. praecipueque *sumtam sibi Beronice* — *sunt usi*.
 Ber.
 — — e *gravissimis* — *gratissimis*.
 — 8. desiderii *animum* hominum — del. *animum*.

Ad Domitianum.

- C. 4. *Psalloctharistae* — *posidocitharistae*, si recte assecutus sum manum Viri docti; nam primae syllabae pars resecta erat a bibliopecto.
 — — etiam *virginis certamini* — etiam *virgines. Certamini*.
 — 7. *militesque* Romani — *Equitesque*.
 — 12. sed quum *obnoxium* — *et obnoxium*.
 — — oneribus *omnibus* haereret — del. *omnibus*.
 — — qui *velut professi* — *vel improfessi*.
 — 13. Graece inscriptum *arcui* sit — ἀρχεῖ.
 — 15. sibi *exitum* — *exitium*.
 — 17. *dolum* interiecit — *dolonem*.
 — 22. *divellerat* — *develleret*.
 — — *devictus* Domitiae — *devinctus*.
-

MONUMENTUM ANCYRANUM

EX RECOGNITIONE

EDM. CHISHULLI, ANGLI.

RERUM. GESTARUM. DIVI. AUGUSTI. QUIBUS. ORBEM. TERRARUM. IMPERIO. POPULI. ROM.
SUBIECIT. ET. IMPENSARUM. QUAS. IN. REMPUBLICAM. POPULUMQUE. ROMANUM. FECIT.
INCISARUM. IN. DUABUS. AHENEIS. PILIS. QUAE. SUNT. ROMAE. POSITAE. EXEMPLAR.
SUBIECTUM.

Tabula prima intrantibus a laeva.

ANNOS. UNDEVIGINTI. NATUS. EXERCITUM. PRIVATO. CONSIGLIO. ET. PRIVATA. IMPENSA
COMPARAVI. PER. QUEM. REMPUBLICAM. *obstinatione*. FACTIONIS. OPPRESSAM
IN. LIBERTATEM. VINDICAVI. *Sena*TUS. DECRETIS. HONORIFICIS. *ornatus*. IN. eum
ORDINEM. SUM. *adlectus a* CONSULIBUS. *inter consules ut sententiam dice*
REM. LOCUMQUE. *et* IMPERIUM. MIHI. DEDIT. RESPUBLICA. Uti. PRAETORI. SIMUL. CUM 5
CONSULIBUS. *Irto et Panfa*. Huic AUTEM. EODEM. ANNO. ME. *suffectum*
CONSULEM. *cum* EDIDISSET. ET. TRIUMVIRUM. REIPUBLICAE. CONSTITUENDae
QUI. PARENTEM. *coniurati occidissent* IN. EXILIUM. EXPULI. IUDICIS. LEGI-
TIMIS. ULTUS. POSTEA. BELLUM. INFERENTIS. REIPUBLICAE.

. 10
ARMA. TERRA. MARIQUE. *signa*QUE. TOTO. ORBE. TERRARUM. *circumtuli*
VICTORQUE. OMNIBUS. *supplicibus*. CIVIBUS. PEPERCI. *et in exilio sponte sua de-*
GENTES. QUIBUS. TUTO. *liceret*. SERVARI. QUAM. EXCIDERE. *Malui*
MILLIA. CIVIUM. ROMANORUM. ADACTA. SACRAMENTO. ME. FUERUNT. CIRCITER. *quingen-*
TA. EX. QUIBUS. DEDUXI. *in colonias*. AUT. REMISI. IN. MUNICIPIA. SUA. *stipendiis solu-*
TIS. MILLIA. ALIQUANTO. *plus quam*. TRECENTA. ET. IIS. OMNIBUS. AGROS. *Adsignavi*
AUT. PECUNIAM. PROPRIAM. *ex*. ME. DEDI. Longas NAVES. CEPI. SESCEN-
TAS. SIQUAE. MINORIS. *quam* TRIFEMES. FUERUNT. 7

EIS. OVANS. TRIUMPHAVI. *iris* *egi* CAERULIS. TRIUMPHOS. ET. APPELLATUS. *sum* VICIENS. *et*

- 20 *se*MEI . IMPERATOR . *cumque* plurIS . TRIUMPHOS . MIHI . *Senatus decrevisse* iis tamen
agendis *super*SEDI . *et tantummodo* laurus . DEPOSUI . IN . CAPITOLIO . *Delmatis et Illur-*
iis quoque . BELLO . NUNC . *perdomi*TIS . OB . RES . *Aut ductu meo aut per lega-*
TOS . AUSPICIS . MEIS . TERRA . MARIQUE . PROSPERE . GESTAS . *Quacitamque bello re-*
QUIEM . DECREVIT . SENATUS . SUPPLICANDUM . ESSE . DIS . IMMORTALIBUS
- 25 QUO . *ex* SENATUS . CONSULTO . SUPPLICATUM . EST . IN . DEORUM
. VO UM . REC AUT . R
. AM . TER . DECIENS
. AE . POTES
. NE . IA
- 50 Cetera huic Tabulae inscripta cuncta penitus evanuerunt.

Tabula secunda a laeva.

- PATRITORUM . NUMERUM . AUXI . CONSUL . QUINTUM . IUSSU . POPULI . ET . SENATUS . SENA
TUM . TER . LEGI . ET . IN . CONSULATU . SEXTO . CENSUM . POPULI . CONLEGA . M . AGRIPPA . EGI
LUSTRUM . POST . ANNUM . ALTERUM . ET . QUADRAGENSIMUM . FECI . QUO . LUSTRO . CIVI
UM . ROMANORUM . CENSA . SUNT . CAPITA . QUADRAGIENS . CENTUM . MILLIA . ET
5 SEXAGINTA . TRIA . MILLIA . *Alterum* . CONSULARI . CUM . IMPERIO . LUSTRUM
censumque SOLUS . FECI . CENSORINO *et* ASINIO . COS . QUO . LUSTRO . CENSA . SUNT
CIVIUM . ROMANORUM . *capita* QUADRAGIENS . CENTUM . MILLIA . ET . DUCEN
TA . TRIGINTA . TRIA . *Millia . Tertium* . CONSULARI . CUM . IMPERIO . LUSTRUM
CONLEGA . TIB . *Caesare fecit* SEX . POMPEIO . ET . SEX . APPULEIO . COS .
10 QUO . LUSTRO . *ETiam censa sunt* ROMANORUM . CAPITUM . QUADRAGIENS .
CENTUM . MILLIA *triginta* . ET . SEPTEM . MILLIA
- LEGIBUS . NOVI *latis* EXEMPLA . MAIORUM . EXOLESCENTIA . *revocavi . et fugientia*
IAM . EX . *Nostro* *con*SPECTU AVITARUM . RERUM . EXEMPLA . IMITANDA . *prope*sui
. ATUS . ET . SACERDOTES
15 V . TIS EFEC
. QUATTUOR . AMPLISSIMA . COLLEGIA
. MPEIAM . ET . MUNICIPI . . . M : UNI
. APUD . OMNIA . PULVINARIA . PRO . VALETUDINE

V. 13. 14. Fortasse AVITARUM . RERUM . EXEMPLA . IMITANDA . *ad exercituum*
*et provinciarum rectores et magistr*ATUS . ET . SACERDOTES . *mis*

USUM . EST . IN . SALIARE . CARMEN . ET . SACROSAN	
VO EREA TRIBUNITIA . POTESTAS . MIHI	20
MUS ITER . M . IN	
populo SACERDOTIUM . DEFERENTE . MIHI . QUOD . PATER . MEUS . <i>procuravit</i>	
fussepi id SACERDOTIUM . ALIQUOD . POST . ANNOS . EO . MORTUO <i>qui post patrem</i>	
meum illud <i>procuraverat</i> . CUNCTA . EX . ITALIA	
valetUDINE . QUANTA . ROMAE . NUNquam	25
P . SulpICIO . C . VALGIO . CONSULIBUS	
aeDIS . HONORIS . ET . VIRTUTIS . AD . memORIAM	
seNATUS . CONsACRAVIT . IN . QUA . PON	
aNNIVERSARIUM . SACRIFICIUM . FACERE	
R T IN . URBEM . EX	30
AVIT	
PARS	
ET . PRIN A . MIHI	
ONOS RAE	
res in HispaNIA . GALLIAeque PROVINCIIS . PROSpere	35
NEP . QU ARAM	
pro REDITU . MEO . CONsacrari ut AD . EAM	
MAGISTRATUS . ET . SAC	
IUM C P	
CUSSUM . ESS	40
peR . TOTUM . Imperium . POPULI . ROMANI . <i>parta est terra</i>	
marique pAX . CUMque a condita urbe . Ianum Quirinum BIS . OMNINO . CLAUSUM	
fuisse . PRODATUR . EUM . Senatus PER . ME . PRINCIPEM . ter cLAUDENDUM . ESSE . <i>iussit</i>	7
Inter filIOS MEOS . QUOS . SINISTRA fors MIHI . ERIPUIT . EORUM . CAIUM . ET . LUCIUM . CAESAR	
ES	45

Tabula tertia a laeva.

HONORIS . MEI . CAUSA . SENATUS . POPULUSQUE . ROMANUS . ANNUM . QUINTUM . ET . DECI
MUM . AGENTIS . CONSULES . DESIGNAVIT . UT . EUM . MAGISTRATUM . INIRENT . POST . QUIN

V. 42. 43. Fort. CUM . post Romana conditam Ianum Quirinum BIS . OMNINO . CLAUSUM . ante me
fuisse . PRODATUR . memoriae . TER . ME . PRINCIPE . cLAUDENDUM . ESSE . decrevit Senatus .

- QUENNIIUM . ET . EX . EO . DIE . QUO . DEDUCTI . SUNT . IN . FORUM . UT . INTERESSENT . CONSULIS
 PUBLICIS . DECREVIT . SENATUS . EQUIUES . AUTEM . ROMANI . UNIVERSI . PRINCIPEM
 5 IUVENTUTIS . UTRUMQUe eorum . PARMIS . ET . HASTIS . ARGENTEIS . DONATUM . AP
 PELLAVERUNT7
 PLEBEI . ROMANAE . VIRITIM . SS . TRECEENOS . NUMERAVI . EX . TESTAMENTO . PATRIS
 MEI . ET . NOMINE . MEO . QUADRINGENOS . EX . BELLORUM . MANIBUS . CONSUL
 QUINTUM . DEDI . ITERUM . AUTEM . IN . CONSULATU . DECIMO . EX . PATRIMONIO
 10 MEO . IIS . QUADRINGENOS . CONGIARI . VIRITIM . PERNUMERAVI . ET . CONSUL
 UNDECIMUM . DUODECIM . FRUMENTATIONES . FRUMENTO . PRIVATIM . COEMPTO
 EMENSUS . SUM . ET . TRIBUNITIA . POTESTATE . DUODECIMLUM . QUADRINGENOS
 NUMMOS . TERTIUM . VIRITIM . DEDI . QUAE . MEA . CONGIARIA . PERVENERUNT
 ad festerdum . MILLIA . NUNQUAM . MINUS . QUINQUAGINTA . ET . DUCENTA7
 15 TRIBUNITIAE . POTESTATIS . DUODEVICINSIMUM . CONSUL . XII . TRECENTIS . ET . VIGINTI
 MILLIBUS . PLEBEI . URBANAE . SEXAGENOS . DENARIOS . VIRITIM . DEDI
 ET . CUOIVIS . MILITUM . MEORUM . CONSUL . QUINTUM . EX . MANIBUS . VIRITIM
 MILLIA . NUMMUM . SINGULA . DEDI . ACCEPERUNT . ID . TRIUMPHALE . CONGIARIUM
 IN . COLONIIS . HOMINUM . CIRCITER . CENTUM . ET . VIGINTI . MILLIA7 CONSUL . TER
 20 TIUM . DECIMUM . SEXAGENOS . DENARIOS . PLEBEI . QUAE . TUM . FRUMENTUM . PUBLICUM
 ACCEPERUNT . DEIDI . EA . MILLIA . HOMINUM . PAULO . PLURA . QUAM . DUCENTA . FUERUNT
 PECUNIAM . pro AGRIS . QUOS . IN . CONSULATU . MEO . QUARTO . ET . POSTEA . CONSULIBUS
 M. Craffo et CN . LENTULO . AUGURE . ADSIGNAVI . MILITIBUS . SOLVI . MUNICIPIIS7 EA
 SESTERTIUM . CIRCITER . SEXSIENS . MILLIENS . FUIT . QUAM . ex COLLATIONIBUS . pro
 25 PRAEDIS NUMERAVI . ET . CIRCITER . BIS . MILLIENS . ET . SESENTIENS . QUOD . PRO . AGRIS
 PROVINCIALIBUS . SOLVI7 ID . PRIMUS . ET . SOLUS . OMNIUM . QUI . DEDUXERUNT
 COLONIAS . MILITUM . IN . ITALIA . AUT . IN . PROVINCHIS . AD . MEMORIAM . AETATIS
 MEAE . FECI . ET . POSTEA . TI . NERONI . ET . CN . PISONI . CONSULIBUS . ITEMQUE . C . ANTISTHO
 ET . D . LAELIO . COS . ET . C . CALVISIO . ET . L . PASIENIO . CONSULIBUS . ET . Lentulo et MESSALINO
 30 CONSULIBUS . ET . L . CANINIO . ET . Q . FABRICIO . CONSULIBUS . veteranis quOS . EME
 RITEIS . STIPENDIS . IN . SUA . MUNICIPIA reduxi PRAEMIA aere numerATO
 PERSOLVI . QUAM . IN . REM . SESTERTIUM MILL
 IMPENDI7
 QUATER . PECUNIA . MEA . IUVI . AERARIUM . ITA . UT . SESTERTIUM . MILLIENS . ET
 35 QUINQUIENS . AD . EOS . QUI . PRAEERANT . AERARIO . DETULERIM . ET . M . Aemilio
 ET . L . ARUNTIO . COS . IN . AERARIUM . MILITARE . QUOD . EX . CONSIILIO
 Constitutum . EST . EX . quo PRAEMIA . DARENTUR . MILITIBUS . QUI . Vliginti
 stipendia EMERUISSENT . IIS . MILLIENS . ET . SEPTINGENTIENS Tib. Caesaris

nomine et meo . DETULI
 . . . quO . CN . ET . P . LENTULUS . confULES . FUERUNT . CUM . D . CERENT . . . 40
 CENTUM . MILLIBUS . HOMINUM IBUS O . FRU

Tabula prima a dextra.

CURIAM . ET . CONTINENS . EI . CHALCIDICUM . TEMPLUMQUE . APOLLINIS . IN
 PALATIO . CUM . PORTICIBUS . AEDEM . DIVI . IULI . LUPERCAL . PORTICUM . AD . CIR
 CUM . FLAMINIUM . QUAM . SUM . APPELLARI . PASSUS . EX . NOMINE . EIUS . QUI . PRI
 OREM . EODEM . IN . SOLO . FECERAT . OCTAVIAM . PULVINAR . AD . CIRCUM . MAXIMUM
 AEDIS . IN . CAPITOLIO . IOVIS . FERETRI . ET . IOVIS . TONANTIS . AEDEM . QUIRINI 5
 AEDIS . MINERVAE . ET . IUNONIS . REGINAE . ET . IOVIS . LIBERTATIS . IN . AVENTINO
 AEDEM . LARUM . IN . SUMMA . SACRA . VIA . AEDEM . DEUM . PENATIUM . IN . VELLIA
 AEDEM . IUVENTATIS . AEDEM . MATRIS . MAGNAE . IN . PALATIO . FECI7
 CAPITOLIUM . ET . POMPEIUM . THEATRUM . UTRUMQUE . OPUS . IMPENSA . GRANDI . REFECI
 SINE . ULLA . INSCRIPTIONE . NOMINIS . MEI7 RIVOS . AQUARUM . COMPLURIBUS . LOCIS 10
 VETUSTATE . LABENTES . REFECI . ET . AQUAM . QUAE . MARCIA . APPELLATUR . DUPLICAVI
 FONTE . NOVO . IN . RIVUM . EIUS . IMMISSO7 FORUM . IULIUM . ET . BASILICAM
 QUAE . FUIT . INTER . AEDEM . CASTORIS . ET . AEDEM . SATURNI . COEPTA . PROFLIGATA
 QUE . OPERA . A . PATRE . MEO . PERFECI . ET . EANDEM . BASILICAM . CONSUMPTAM . IN
 CENDIO . AMPLIATO . EIUS . SOLO . SUB . TITULO . NOMINIS . FILIORUM . meorum INCO 15
 HAVI . ET . SI . VIVUS . NON . PERFECISSEM . PERFICI . AB . HEREDIBUS . meis iussu
 DUO . ET . OCTOGINTA . TEMPLA . DEUM . IN . URBE . CONSUL
 REFECI . Nullo . PRAETERMISSO . QUOD . eo TEMPore
 MU . M IRUMINEA . A BI
 PRAETER IUME . LINU . LUM 20
 PRIVATO . SOLO . *dedicato* MARTIS . ULTORIS . TEMPLUM . FORUMQUE . AUGUSTUM . ET
 THEATRUM . AD . AEDEM . APOLLINIS . IN . SOLO . MAGNA . EX . PARTE . Ad . id
 EMPTO . FECI . QUOD . SUB . NOMINE . M . MARCELLI . GENERI . NITESCIT7 DONA ex
 MANIBUS . IN . CAPITOLIO . ET . IN . AEDE . DIVI . IULI . ET . IN . AEDE . APOLLINIS . ET . IN . AE
 DE . VESTAE . ET . IN . TEMPLO . MARTIS . ULTORIS . CONSAGRAVI . QUAE . MIHI . CONSTI 25
 TERUNT . HS . CIRCITER . MILLIENS7 AURI . CORONARI . PONDO . TRIGINTA . ET . QUIN
 QUE . MILLIA . MUNICIPIIS . ET . COLONIS . ITALIAE . CONFERENTIBUS . AD . TRIUMPHOS
 MEOS . QUINTUM . CONSUL . REMISI . ET . POSTEA . QUOTIENS CUMQUE . IMPERATOR . AP

- PELLATUS . SUM . AURUM . CORONARIUM . NON . ACCEPI . DECERNENTIBUS . MUNICIPIIS
 50 ET . CONFERE^NTIBUS quae tunc ADQUE . ANTEA . DECREVERANT⁷
 munus . GLADIATORIUM . DEDI . MEO . NOMINE . ET . QUINQUE . FILIORUM . MEO
 RUM . AUT . NEPOTUM . NOMINE . QUIBUS . MUNERIBUS . PUGNAVERUNT . *Hominum*
circa DECEM . MILLIA BIS *dedit* FERARUM . UNDIQUE . ACCIN^{CT}ARUM
 *spectacula* . PROPRIO meo NOMINE . ET . TERTIUM . NEPOTUM
 35 . . Ludos FECI . MEO . NOMINE . QUATER . ALIORUM . AUTEM . *Magistratum*
absentium . TER . ET . VIGIENS *in collegio* . XV . VIRO^RUM . MAGISTER *ad-*
lecto in collegium . M . AGRIPPA . . . PER . QUINDECIM viros . C . FURNIO . C . SILANO . COS .
quintos feci . LUDOS . *saeculares nulli vivorum visos ante id* . TEMPUS . DEINDE
 *Venationes bestia-*
 40 RUM . AFRICANARUM . MEO . NOMINE . ET . FILIORUM . MEORUM . ET . NEPOTUM . IN . CIR
 CO . AUT . IN . FORO . AUT . IN . AMPHITHEATRIS . POPULO . DEDI . SEXIENS . ET . VIGIENS . QUIBUS
 CONFECTA . SUNT . BESTIARUM . CIRCA . TRIA . MILLIA . ET . QUINGENTAE⁷
 NAVALIS . PROELI . SPECTACULUM . POPULO . DEDI . TRANS . TIBERIM . IN . QUO . LOCO
 NUNC . NENUS . EST . CAESARUM . CAVATO *solo in longitudinem mille*
 45 ET . OCTINGENTOS . PEDES . IN . LATITUDINE . Mille *erant et* DUCENTI . IN . QUO . TRI
 GINTA . ROSTRATAE . NAVES . TRIREMES . *et quadriremes* . PLURIS . AUTEM
 MINORES . INTER . SE . CONFLIXERUNT . *Atticis et Persicis* CLASSIBUS . PUGNAVE
 RUNT . PRAETER . REMIGES . MILLIA *hominum* *triginta* . CIRCA⁷
 IN . TEMPLIS . OMNIUM . CIVITATUM . *Primarius Europae* ET . ASIAE . VICTOR . ORNA
 50 MENTA . REPOSUI . QUAE . SPOLIATIS . TEMPLIS *in cum* QUO . BELLUM . GESSERAM
 PRIVATIM . POSSEDERAT . *Meae* STATUAE . PEDESTRES . ET . EQUESTRES . ET . IN
 QUADRIGEIS . ARGENTEAЕ . STETERUNT . IN . URBE . XXC . CIRCA . QUAS . IPSE
 SUSTULI . EXQUE . EA . PECUNIA . DONA . AUREA . IN . AEDE . APOLLINIS . MEO . NOMI
 NE . ET . ILLORUM . QUI . MIHI . STATUARUM . HONOREM . HABUERUNT . POSUI .

Tabula secunda a dextra.

- MARE . PACAVI . A . PRAEDONI^BUS⁷ EO . BELLO . SERVORUM . QUI . FUGISSENT . A . DO
 MINIS . SUIS . ET . ARMA . CONTRA . REMPUBLICAM . TULERUNT . *triginta* . FERE . MILLIA . CAPTA
 DOMINIS . AD . SUPPLICIUM . SUMENDUM . TRADIDI⁷ IURAVIT . IN . MEA . VERBA . TOTA
 ITALIA . SPONTE . SUA . ET . *Me pro* . VICTIS *duCibus* DUCEM . DEPOSCIT⁷ IURA
 5 VERUNT . IN . EADEM . *Verba Galliae* . HISPANIAE . AFRICA . SICILIA . SAR

DINIA . QUI VE SenaTORES . PLURES
 QUAM . DCC . IN CONSULIBUS . FACTI . SUNT . AD . EUM . DIEM
 QUO . SCRIPTA . SUNT CIRCITER . CLXX7
 OMNIUM . PROVINCIARUM QUIBUS . FINITIMAE . FUERUNT
 GENTES . QUAE . *Nondum subiectae erant Pop. Romano* . FINES . ACUI . GALLIAS . ET . HISPANIAS . PROVINCIASQUE *quas alluit* . OCEANUS . A . GADIBUS . AD . OSTIUM . ALBIS . FLUMINIS *ab usque regiONE* . EA . QUAE . PROXIMA . EST . HADRIANO . MARI . *armis perlustravi* . NULLI . GENTI . BELLO . PER . INIURIAM INLATO7 *Classis Romana* AB . OSTIO . RHENI . AD . SOLIS . ORIENTIS . REGIONEM . USQUE . AD . orbis extrema . NAVIGAVIT . QUO . NEQUE . TERRA . NEQUE 15
 MARI . QUISQUAM . ROMANORUM . ANTE . ID . TEMPUS . ADIT7 CIMBRIQUE . ET . CHARILDES
 ET . SEMNONES . ET . EIUDEM . TRACTUS . ALII . GERMANORUM . POPULI . PER . LEGATOS . AMICITIAM . MEAM . ET . POPULI . ROMANI . PETIERUNT7 MEO . IUSSU . ET . AUSPICIO . DICTI . SUNT
duo exercitus eodem fere tempore in aethiopiam et in arabiam quae ea tempestate
 ESAE . SUNT . IN . SICILI SAT . TI . . IN . . ET . H US 20
 DU . . NI . . B
 NES ABAE
 PIUM MAM . AD ArmenIAM . maiOREM . INTER
 FECTO . REGE . EIUS . ARTAXIA . M . POSSE MA 25
 NOSTRORUM . EXEMPLO . REGI . M . ID in potestatem . TIGRANIS . REGIS . PER . TI . NERONem diademate eius capiti imposito transtuli ArmenIAM . GENTEM . POSTEA . Inquietam . GENTEM . ET . REBELLANTEM . Domitam PER . CAIUM . FILIUM . MEUM . REGI . ARIOBARZANI gubernandam et frenandam . TRADIDI . ET . POST . Eius MORTem . FILIO . EIUS . ARTAVASDI . QUODAM iure Ario-barza- 30
 NE . QUI . ERAT . EX . REGIO . GENERE . ARMENIORUM . ORIUNDUS . IN . ID . REGnum deducto7 PROVINCIAS . OMNIS . QUAE . TRANS . HADRIANUM . MARE . VERGUNT . et Ponticas AsianASQUE . IAM . EX . PARTE . MAGNA . REGIBUS . EAS . POSSIDENTIBUS . concessi7 Siciliam et

V. 11 — 15. Fort. A . GADIBUS . AD . OSTIUM . ALBIS . FLUMINIS . et ad Istrum flumen a regiONE . EA . QUAE . PROXIMA . EST . HADRIANO . MARI . ad obsequium redegit

V. 32. 33. Fort. PROVINCIAS . OMNIS . QUAE . TRANS . HADRIANUM . MARE . VERGUNT . et Ponticas AsianASQUE . IAM . EX . MAGNA . PARTE . REGIBUS . EAS . POSSIDENTIBUS . et Siciliam et

- SARDINIAM . OCCUPATAS . BELLO . SERVILI . RECIPERAVI7
 35 COLONIAS . IN . AFRICA . SICILIA . *Macedonia* . UTRAQUE . HISPANIA . *in Gallia Comata et*
 GALLIA . NARBONENSI . *Præter præsidia* . MILITUM . DEDUXI7 ITALIA . AUTEM *coloni-*
 AS . QUAE . VIVO . ME . CELEBERRIMAE . ET . FREQUENTISSIMAE . FUERUNT . ~~illis~~
 DEDUCTAS . HABET7
 SIGNA . MILITARIA . COMPLURA . *per nostros ducēs* . AMISSA . DEVICTIS *legionibus* . recepi
 40 EX . HISPANIA . ET . *Gentibus Delmateis*7 PARTHIOS . TRIUM . EXERCITUUM . ROMANO
 RUM . SPOLIA . ET . SIGNA *restituere* MIHI . SUPPLICESQUE . AMICITIAM . POPULI . ROMANI
 PETERE . COEGI . EA . AUTEM . SIGNA . IN . PENETRALI . QUOD . EST . IN . TEMPLO . MARTIS . UL
 TORIS . REPOSUI7
 PANNONIORUM . GENTES . QUAS . ANTE . ME . PRINCIPEM . POPULI . ROMANI . EXERCITUS . NUN
 45 QUAM . ADIT . DEVICTAS . PER . TI . CAESAREM . QUI . TUM . PRAEERAT *exercitibus*
 IMPERIO . POPULI . ROMANI . SUBIECI . PROTULIQUE . FINES . *imperi ad Istri* FLUMINIS
ripam QUOD . A . V US . EXERCITUS EIS SPRO A
 TUSQUE POS UCIUS
 GENTES . I
 50 AD . ME . EX . INDIA
 APUD . QU Q M . NOSTRAM
 PER . LEGATOS . BASTARNARUM N ET . SARMATARUM
 TANAIMQUE . ULTRA . REC RUMO REX . ET . HIBER
 AD . ME . SUPPLICES . CONFUGERUNT REGES . PARTHURUM . TIRIDATES

Tabula tertia a dextra.

- REGIS . PHRATIS *(sic)* MEDORUM ARTA
 RES . BRITANN DAMNO . BELLA ET . TIM ORUM
 MAELO . MAR . OMANORUM . SUEBO . F Rex PARTHURUM
 PHRATES *(sic)* . ORODIS . FILIUS . FILIOS . SUOS . NEPOTESQUE *misti* IN . ITALIAM . NON
 5 BELLO . SUPERATUS . SED . AMICITIAM . NOSTRAM . PER . haec SUORUM . PIGNORA
 PETENS . PLURIMAEQUE . ALIAE . GENTES . EXPERTAE *sunt Romanam fidem* . ME . PRIN

V. 39. 40. Fort. SIGNA . MILITARIA . COMPLURA . *per nostros ducēs* . AMISSA . DEVICTIS . *iis provinciis recepi*
 EX . HISPANIA . ET . *Gentibus Delmateis*

CIPE . QUIBUS . ANTEA . CUM . POPULO . ROMANO . *nullum omnino fuit LEGATIONUM*
 ET . AMICITIAE . COMMERCIUM7
 A . ME . GENTES . PARTHORUM . ET . MEDORUM *petierunt per* PRINCIPES . EARUM . GENTI
 UM . REGESQUE . PER . EOS . ACCEPERUNT . *Parthi honorem regis PhraTIS* . FILIUM 10
 REGIS . ORODIS . NEPOTEM . MEDI . *Artabanum* . . . REGIS . ARTAVASDIS . FI
 LIUM . REGIS . ARIOBARZANIS . NEPOTEM
 IN . CONSULATU . SEXTO . ET . SEPTIMO . *postquam bella civilia* . EXTINXERAM
 PER . CONSENSUM . UNIVERSORUM . *Romanorum civilium* . REMPUBLICAM
 EX . MEA . POTESTATE . IN . SENATUs *et populi Romani* ARBITRIUM . TRANSTULI 15
 QUO . PRO . MERITO . MEO . SENATUs *me appellavit* AUGUSTUM . ET . LAUREIS
 POSTES . AEDIUM . MEARUM . *Vinxit* IVI . CASU . . . R
 IANUAM . MEAM . ET . QUA . . . ST R . IN . ULIA . POSI
 . . US . QUEM SC . . . R M . ET VIRTUTIS . CLE
 EST . P . . . US . CLUPEI 20
 POST . . . D
 ILO . AMPLIO
 CONI EO
 reRTIUM . DECIMUM . CONSULATUS *Senatus et eque*STER . ORDO
 POPULUSque ROMANUS . UNIVERSUS *memoriae* . IDQUE 25
 IN . VESTIBULO aEDIUM . MEARUM *inscribendum* et IN . FORO . AUG
 . . *sub* QUADRIGAS QUAE . MIHI *ex* S . C . POSITae sunt . *Scripsi* . HAEC . cum
 annUM . AGEreM . SEPTUAGENSIMUM *sextum* .

 SUMMA . PECUNIAE . QUAM . DEDI
 . . SIS . MILITIBUS . NECESSARIUM 50
 OPERA . FECIT . NOVA . AEDem . MATris *Magnae*
 DIVI . IULI . QUIRINI . MINERVAe
 LARUM . DEUM . PENATIUM . IUVentatis
 AD . CIRCUM . CURIAM . CUM . *Chalcidico*
 IULIAM . theATRUM . M . MARCELLI *Basilicam Cai et Lucii* 55

CAESARUM
 REFECIT . CAPITOLUM usQUE . A theatrum . POM
 PEI . AQUAM . Marciam . LA
 IMPENSIS . R GLADIATORUM
 40 terRAE . MOTU . INCENDIOQUE . CENSUM
 USQUE . QUORUM . CENSUS . EXPLEVIT.

IS. CASAUBONI

IN

ANCYRANUM MARMOR ANIMADVERSIONES.

Vivo Augusto aras et templa fuisse in provinciis posita, testantur et historici, et alia prae aevi monumenta. Primus ipse hoc in honorem patris sui vel imperaverat, vel petentibus concesserat, ut est apud Dionem lib. 51. Quod postquam semel institutum est, pleraeque provinciae exemplum secutae, pro magno beneficio postularunt sibi ius dari arae ponendae, aut templi, in aliqua suarum urbium, ubi communi nomine populi totius provinciae, honoris eius causa, et sacra facerent et ludos ederent. Talis in Gallia Lugdunensis ara, ad quam sexaginta populos convenire solitos refert Strabo: talis in altera Galliae parte ara Narbonensis, et in aliis provinciis aliae, tum Augusto, tum Iulio Caesari positae: tanto quidem studio et adulatione, ut earum urbium incolae, quae huiusmodi templa apud se haberent, non alio magis nomine superbirent, quam quod essent istorum *νεοκóρων* numinum aedificii: quemadmodum olim in Senatu Romano Lactorium esse locutum refert Sueton. Ang. c. 5. Sic interpretor veteres illos nummos, in quibus exstat vox *NEOKÓPON*, cuiusmodi sunt quum alii, tum isti, *KAIΣΑΡΕΙΑ ΣΕΒΑΣΤΑ ΝΕΚΟΡ. ΙΟΥΛΙΟΣ ΘΕΟΣ* et *ΜΑΜΕΡΤΙΝΩΝ ΝΕΚΟΡΩΝ*. Antiquarii, quorum diligentiae et indefectae pla-

rimum debemus, falso existimant, in huiusmodi nummis vocem νεωκόρος idem significare ac νεόκτιστος: quae Graeci sermonis imperitia pluribus arguenda non est. Saut etiam nummi, in quibus adiecta particula δις, ut ΚΝΩΣΙΕΩΝ, ΔΙΣ ΝΕΩΚΟΡΩΝ, et ΜΕΣΣΑΝΙΩΝ ΔΙΣ ΝΕΩΚΟΡΩΝ. Ea vocula putem (si ullus in re perobscura coniecturae locus) geminum templum notari, alterum D. Iulio, alterum D. Augusto sacrum. Porro inter alias urbes, quae mature templum Augusto exstruxerunt, urbs Ancyra fuit. Nam ibi divinos honores Augusto vi-vo fuisse exhibitos, testis ipse in edicto, quod refert Iosephus Orig. 16, 10. Verba edicti sunt: Τό τε ψή-Φισμα τὸ δοθέν μοι ὑπ' αὐτῶν ὑπὲρ τῆς ἐμῆς εὐσεβείας, ἧς ἔχω πρὸς πάντας ἀνθρώπους, καὶ ὑπὲρ Καίου Μαρ-κίου Κηνσωρίνου, καὶ τοῦτο τὸ διάταγμα κελεύω ἀνατε-θῆναι ἐν ἐπισημοτάτῳ τόπῳ γενηθέντι μοι (malim ἀνα-τεθέντι μοι) ὑπὸ τοῦ κοινοῦ τῆς Ἀσίας ἐν Ἀγκύρῃ· εἰ δέ τις παραβῇ τι τῶν προειρημένων, δώσει δίκην οὐ με-τρίαν. Ἐστηλογραφήθη ἐν τῷ Καίσαρος ναῶ. Vulgo legitur in Iosephi codd. ἐν Ἀργύρῃ: nullo sensu. Qua-re etiam Rufinus, Iosephi vetus interpres, ea verba omisit. Sed docuit nos in magno opere De emendat. temporum Ios. Scaliger, unicum litterarum decus, le-gendum esse Ἀγκύρῃ. Qua coniectura meo iudicio ni-hil certius. Etsi subit mirari, cur commune Asiae ei potius civitati illum honorem habuerit, quam Epheso, quae erat per illa tempora πρόσχημα et velut metropo-lis Asiae. At Ancyra non Asiae, sed Galatiae tantum metropolis erat. Sed causa fortasse fuit, quod Augu-stus peculiari cura et amore hanc urbem prosequeretur. Reperio enim etiam conditorem Ancyrae Augustum fu-isse: cuius rei auctorem habeo Io. Tzetzem, qui id narrat Chiliade prima, capite de Mida. Olim non to-tius Galatiae, sed partis tantum Tectosagum metropo-lis ea urbs fuit: verum postquam tota Galatia per Au-

gustum in unam provinciam est redacta, totius Galatiae caput esse coepit; quod non ex Strabone discas, quem mirari satis non possum tam levem harum rerum fecisse mentionem, sed ex ista veteri inscriptione, quam Romae exstare testimonio doctorum Virorum discimus:

A. ΦΑΒΙΟΝ
 ΚΕΙΛΩΝΑ
 ΤΟΝ ΛΑΜΠΡΟΤΑΤΟΝ
 ΕΠΑΡΧΟΝ ΡΩΜΗΣ
 ΥΠΑΤΟΝ. ΤΟ. Β.
 Η. ΜΗΤΡΟΠΟΛΙΣ
 ΤΗΣ. ΓΑΛΑΤΙΑΣ
 ΑΝΚΥΡΑ
 ΤΟΝ ΕΑΥΤΗΣ
 ΠΡΟΣΤΑΤΗΝ.

Hinc est, quod legimus apud Snidam, *Ancyranos* dictos esse, qui olim appellabantur Ἐλληνογαλάται. Auctor Itinerarii antiquissimi a Petro Pitheo editi, hanc urbem nunquam Ancyram simpliciter, sed semper cum adiectione Ancyram Galatiām aut Galatiae nominat. Similiter et Graeci Ἀγκυραν τῆς Γαλατίας, ut apud Epiphanium lib. 3. in Marcello Ancyrano: vel una voce Ἀγκυρογαλατίαν, ut apud Athanasium in epistola quadam patrum Sardicensium. Mortuo Augusto quin multa ambitiose decreta in eius honorem fuerint et Ancyrae et in aliis plerisque oppidis provinciarum, nemo dubitabit, qui eorum temporum adulationes noverit. Tunc temporis videntur Ancyrani et petiisse et impetrasse a Senatu facultatem transferendi in templum Augusti, quod in ipsorum urbe erat, hunc rerum gestarum eius indicem, quem manu Graecorum linguae Latinae prorsus imperitorum fuisse vel Romae descriptum, vel postea sculptum, res clamat ipsa: adeo multa sunt perperam et contra omnem Latinitatem expressa. Mul-

ta in hoc nobilissimo vetustatis monumento nuper erudite animadversa sunt ab eruditissimo clarissimoque Viro, Iusto Lipsio: conabimur et nos aliquam illi lucem ex historia adferre. Cas. Scaligeri correctionem apud Iosephum in dubium vocat Clisbullah. Antt. Afiat p. 166., legendum putans vel cum Sam. Petitio ἐν ἀργυρῇ, *in argentea tabula*, vel sua de coniectura, ἐν Ἠσπ-
 γάμῳ.

[Tit. *Impensarum quas in rempubl. populumque Romanum fecit*] Non parum gloriari solitus fuit hoc nomine Augustus, ut refert Dio non uno loco: et in testamento quoque suo fecerat idem harum impensarum mentionem. Breviter indicant illa apud Suetonium in compendio earum tabularum: *Quod paene omne cum duobus paternis patrimoniis ceterisque hereditatibus in rempubl. absumpisset.*

[Tab. I. V. 1. *Annos undeviginti natus*] Velleius Paterculus lib. 2. C. *Caesar XIX. annum ingressus, mira ausus, ac summa consecutus, privato consilio, maiorem Senatu pro republ. animum habuit.* Ubi vides adulationem hominis: ambitiose enim usus est voce *ingressus*. Melius Augustus, *natus*: nam anno, qui praeceffit caedem Iulii, nono Kal. Octobr. ingressus annum XIX. erat, ac iam totum ferme consecerat, quando contra Antonium pro optimatibus bellum primum suscepit. Atque haec Octavii aetas in equestri statua fuerat notata, quam ei Senatus in rostris posuerat, teste eodem Velleio. Florus, qui Octavianum, quando furori Antonii corpit resistere, ait fuisse *intra decem et octo annos teenum*, ad calculum Octavii annos parum exegerat.

1. *Exercitum privato consilio et privata impensa comparavi*] Florus de Octavio: *revocatis ad arma veteranis, privatus, quis crederet? Consulem aggreditur.* Idem elogium ab historicis etiam Pompeio non

multo natu grandiori tribuitur. Velleius: *Cn. Pompeius XXIII annos natus, abhinc annos CXIII, privatis ut opibus, ita consiliis magna ausus, magnificeque conata exsecutus, ad vindicandam restituendamque dignitatem patriae, firmum ex agro Piceno, qui totus paternis eius clientelis refertus erat, contraxit exercitum.*

4. *Ordinem suum*] Nihil putem mutandum in his verbis, sed sententiam aperte mutilam ita explendam. *Senatus decretis honorificis ordinem suum mihi communicavit, vel in ordinem suum me adscivit.* Decreta quae ait, nota sunt ex Cicerone et historicis. Dio inter alia istud fuisse ait, τὸ βουλευεῖν Καίσαρ ἐν τοῖς τεταρτισμέσι: quo dicendae sententiae ius inter quaestorios Octavio tributum.

II, 1. *Patriciorum numerum auxi Consul quintum*] Postrema verba non carent difficultate, siue illa cum praecedentibus coniungas, siue cum sequentibus; saepius enim Augustus et patriciorum numerum auxit, et Senatum legit. Vide Dionem in secundo eius consulatione lib. 49. et lib. 52. sub finem, in actis anni DCCXXV, qui Coss. habuit Caesarem V. et Sex. Apuleium. De eo anno loquitur hic Augustus: nam eodem et Senatum ordinavit, et patricias gentes supplevit.

1. *Iussu populi et Senatus*] Dio lib. 49. ψηφισμένης τῆς βουλῆς, et lib. 52. τῆς βουλῆς οἱ δῆθεν ἐπιτρέψατης. De populo altum silentium: Tacitus contra Ann. 2, 25. lege Saenia hoc negotium Augusto fuisse mandatum scribit. Vere igitur Augustus iussu se, ait, a populo et Senatu.

2. *In consulatu sexto censum populi collega M. Agrippa egi*] Huc refer notam Eusebii in Chronico ad numerum MDCCCCLXXIX. *Censu Romae agitato inventa sunt civium Romanorum XLI centena, et LXIV millia.* Anno prioris Consulatum censuram

sive regimen morum susceperat Augustus: sed census eo anno non est actus, quum maximam eius partem Roma affuerit.

3. *Lustrum post annum alterum et quadragesimum feci*] Tot anni sunt a novissimis Cenforibus Cn. Lentulo et L. Gellio, qui lustrum condiderunt anno DCLXXXIV ad hoc lustrum Augusti anno DCCXXVI factum.

3. *Feci, legi*] *Facere lustrum et condere lustrum* Latina sunt. *Lustrum legere* quid sit, nescio. Ita tamen mox iterum sculptum: meo iudicio latet mendum.

5. *Quum nuper lustrum solus feci*] Si ita scripsit, *nuper* posuit pro postea.

6. *Asinio Cos.*] Anno vigesimo post lustrum superioris U. C. DCCXLVI.

8. *In consulatu si*] Haec verba nihil hic significant: prorsusque erratum lapidicidae esse videntur.

8. *Cum nuperrime*] Anno uno et vigesimo post proximum lustrum U. C. DCCLXVII. Ex hoc loco apparet, paucis diebus ante suum ex Urbe novissimum discessum, scriptum hoc ab Augusto breviarium. Suetonius lib. 2. c. 97.

9. *Conlega Tiberio*] Suetonius lib. 3. c. 21.

11. *Mil iginta et septem mil.*] *Scr. milia triginta et septem millia.* Postrema vox vacat: non enim solet addi a Latine loquentibus. Tamen ferri potest, et fortasse ita paullo ante expleri debent lacunae post vocem *tria*, duobus locis. Ad hunc porro censum pertinent Eusebii verba in Chronico ad numerum MMXXVIII. *Augustus cum Tiberio filio suo censum Romae agitans invenit hominum nonagesies ter centena millia*, cuius loci immanissimum numerum ex hoc lapide corrigendum esse, recte observat Ios. Scaliger.

12. *Legi Pno exempla maiorum*] *Legi* ad superiora referri non potest. Scribo, *lectus Pontifex max.*, Suetonius lib. 2., de Augusto, Pontifice maximo: *Nonnulla etiam ex antiquis ceremoniis abolita restituit, ut Salutis Augurium, Diale Flaminium, Sacrum Lupercale, Ludos seculares et compitalitios.* De eodem studio Augusti imitandi exempla maiorum. Vide c. 89. Horatius de eodem:

*Et veteres revocavit artes,
Per quas Latinum nomen et Italiae
Crevere vires, famaue et imperi
Porrecta maiestas ad ortum
Solis ab Hesperio cubili.*

13. *Ex nos*] Scribo *ex nostra rep.*

13. *Multarum rerum exempla imitanda*] Sententia tale quid postulat, *multarum rerum imitanda proposui*, aut sic potius, *multa restitui, aliaque exempla imitanda proposui.* Videtur enim duplicem laudem sibi tribuere, quod fugientia maiorum instituta revocaverit, quodque multa ipse egregia instituerit, quae futura sint exempla posteris ad imitandum proposita.

III, 1. *Annum quintum et decimum*] Hoc fortasse verum de Lucio: nam Caium XIV natum annos creatum fuisse Consulem, ex historia Dionis et veteri lapide, qui hoc diserte continet, notum est. Quod igitur in altero verum erat, utrique *συλληπτικῶς* Augustus tribuit.

2. *Agentis*] Scribe *agentes filios.*

2. *Consules designavit*] Suetonius c. 64. Sed vide historiam Dionis in anno DCCXLVIII lib. 55.

3. *Interessent consiliis publicis*] Vide supra ad cap. 38.

4. *Principem hastis argenteis donatum appellaverunt*] Mirum, ita Augustum loqui, quasi

alter tantum filiorum eo honore fuerit affectus: nam certum est, ambos principes inventus esse appellatos. Etiam de hastis argenteis dissentit Dio, qui aureas vult fuisse lib. 55.

7. *Libri Romani viritim*] Pro *liberis Romanis viritim*. Sed illud *liberis* emblemata est adscititium: nunquam enim Augustus ita locutus: verum, *civibus Romanis*, aut *tribubus Romanis*.

7. . . . *cenos numeravi ex testamento patris mei*] Lego: *Trecenos nummos* (vel *sestertios*) *num.* Suetonius in Iulio Caesare c. 85. *Populo hortos circa Tiberim publice et viritim trecentos sestertios legavit.* Sed notamus ad haec verba Suetonii Dionem, qui ipsam Octavium laudat, in numero dissentire, et pro *trecenis* ponere *centenos vicens*. Quare ita potius hoc quoque loco rescribendum fortasse fuerit.

8. *Consul quintum*] Post triumphum Actiacum. Vide Dionem lib. 51.

9. *In consulatu decimo*] Reversus ex bello Cantabrico. Dio lib. 53.

10. *Bis quadringenos congiarii viritim*] Dio, τῷ δήμῳ καὶ ἑκατὸν δραχμὰς δώσειν ὑπέσχετο, id est, *populo viritim quadringenos nummos daturum se promissit.* Quare *bis* hoc loco, si ita scripsit Augustus, valet, *iterum*, πάλιν.

10. *Iterum aere merui et Consul und.*] Assentior Viris eruditis, qui corrigendum putant, *Iterum aere meo viritim Consul undecimum.*

11. *Duodecim frumentationes*] Videtur dicere, toto illo anno se privatis sumptibus aluisse turbam frumentantium: nam in anno duodecim frumentationes, id est, frumenti largitiones fiebant. Vide c. 40. De his gratuitis frumentationibus intelligit Suetonius c. 41.

12. *Emensus sum*] Suetonius dicto capite, *viritem admenfus est*.

12. *Tribunitia potestate duodecimum*] Is fuit annus U. C. DCCCL, quo rediit Augustus Romam ex itinere Gallico, triennio ante suscepto. Eodem anno ludi votivi pro reditu Augusti a Tiberio Nerone Cos. sunt editi, et Augustus in locum Lepidi demortui Pont. Max. creatus, ludos pontificales, ut videtur, edidit. Hae fuerunt causae liberalitatis hoc tempore collatae. Vide Dionem lib. 54.

13. *Quali mea congiaria frumenti num*] Conclamatus per me locus: ad cuius lucem neque nos olim, neque alii post nos afferre quicquam potuimus, quod videatur vel mediocriter probandum. Omnino apparet, Ancyranos usos esse in monumento hoc in saxum incidendo opera lapidicidae et negligentissimi et linguae Latinae ignarissimi: quod in urbe Asiae ita accidisse, ubi nulla admodum Latinae linguae notitia erat, mirari nemo debet; quum etiam Romae et in Italia ab id genus hominibus similia per saepe peccarentur. Haec sunt, quae Cicero appellat *errata fabrilia* ad Atticum lib. 6. epist. 1.

14. *Frumenti num*] Lego cum Lipsio *frumenti medimnum*: sed haec verba importune nunc intrusa sunt: nam oratio ita fuerat continuanda: *Qualia mea congiaria nunquam minus quinquaginta et duo*.

15. *Duodecimum Consul*] Hoc anno Caium filium Augustus die tirocinii in forum sollemni cum pompa deduxit, quae fortasse occasio fuit huius liberalitatis. Nam ita solitum fieri, sequentium principum historiae docent. Sueton. c. 26.

15. *Trecentis et viginti millibus plebis urbanae*] Haec fuit frumentantium turba ante Iulii Caesaris recensam et ordinationem, qui ad centum quinquaginta mil-

lia eam redegit, ut narrat Suet. lib. 1. c. 41. Augustus, ut mox sequitur, et Dio testatur, τὸ σιτοδοτούμενον πληθὺς εἰς εἴκοσι μυριάδας κατέκλεισε. Vèrum ad congiarium accipiendum quam ad frumentationem maior, uti videtur, numerus admittebatur. Fortasse tamen etiam frumentum accipientium ante Augusti constitutionem hic numerus fuit, estque hoc illud πληθὺς ἀόριστον, quod vocat Dio lib. 55.

16. *Sexagenos sexagenos denarios viritum dedit*] Tolle alterum *sexagenos*, vel fac *sexagenos senos*, aut *septenos*. Sic Claudius congiarium dedit τοῖς σιτοδοτούμένοις denarios septuagenos quinos. Dio lib. 58.

17. *Et quivis militum meorum Consul quinctum*] Intelligit donativum, quod dedit post illos tres triumphos, quos egit anno U. C. DCCXXV. Vox *quivis* sine dubio corrupta ex numero militum, qui congiarium acceperunt: qui quum expressus non sit ab historicis, iure tantam arbitrario constitui huius loci lectio potest. Lego autem: *Et quinquag. mill. militum meorum*.

19. *In colonias hominum circiter centum et viginti millia*] Deest verbum. Scribo *millia misi*. Vide supra c. 46. Non solum autem numerum deductarum coloniarum annotabant: sed etiam civium, qui id beneficium acceperant. Sic in Iulio Suetonius: *Octoginta civium millibus in colonias distributis*.

19. *Consul tertium decimum*] Eo anno Lucium filium in forum deduxit, ut biennio ante Caium, sicut modo diximus.

22. *In consulatu meo quarto*] Videtur referendum ad historiàm, quam refert Suetonius c. 17., quum Augustus Brundisium venire coactus est, et desideria militum tumultuantium ordinare.

23. *Marco et Cneo Lentulo*] Male sculptum pro *M. Crasso et Cn.* Non enim ita scripserat Augustus, ut est

expressum. Horum consulatus incidit in annum DCCXL. Vide Dionem lib. 54. In cuius verbis obscuram harum impensarum Augusti mentionem reperiō: 'Ο Αὐγουστος, inquit, πολλὰ μὲν ἀναλώσας ὡς ἐκάστοις, πολλὰ δὲ καὶ παρ' ἐτέρων λαβὼν ἀνεχομένη.]

24. *Circiter sexagesim.*] *Scrib. circiter sexagens* IM, hoc est, sexagies et semel centum millibus. *Sexagens* pro sexagies, ea consuetudine scribendi, qua *totiens, quotiens*. Quia tamen hic numerus videtur infra modum pecuniae expensae in emptionem agrorum, fortasse scribendum *sexcenties*, aut *septingenties I*.

24. *Itineris emit*] Nihil hic video, quod ad verborum restitutionem: sententiam quidem satis certo assequi mihi videor. Commemorat enim agros a se militibus suis emptos, partim de municipiis, partim de ipso pop. Rom., qui, ut videtur, agros publicos nondum divisos aliquos habuit. Hos Augustus veteranis et legionariis suis divisit, et pretium illorum Praetoribus, qui aerarium administrabant, numeravit. Hoc, ni fallor, Augustus voluit: sed videntur omissa quaedam verba. *Emit* saltem legendum, non *emit*.

25. *Romanis erae*] Aliorum descriptio habet *prae*, quod firmat emendationem Lipsii *Praetoribus*. Sed an ita locutus Augustus *Romanis Praetoribus*? non videtur. Potius *Romae* scripsisse eum putem.

26. *Qui deduxerunt colonias militum*] Ut Sulla, Iulius Caesar, et Triumviri. Coloniarum militarium meminit Velleius lib. priore.

34. *Quater avi aerarium*] Lego, *Quater levavi aerarium*, aut *sustentavi*. Vult dicere, quod Dio in actis anni DCCXXVI initio lib. 55. Ἐπειδὴ χρημάτων τῷ δημοσίῳ ἐδέησεν, ἐδανείσατό τινα, καὶ ἔδωκεν αὐτῷ. *Levare aerarium*, pro inopiam aerarii levare, breviter et eleganter dictum.

34. *Sestertium millia quingenta*] Scripserant fortasse *millies et quingenties*.

1, 1. *Curiam et continens et Chalcidieum*] Dio in quinto Augusti consulatu, lib. 51. Ἐπεὶ δὲ ταῦτα διετέλεσε, τότε Ἀθήναιον, καὶ τὸ Χαλκιδικὸν ὠνομασμένον καθιέρωσε. Hoc aedificium postea Domitianus refecit, ut est auctor Eusebius in Chronico, ad numerum MMCV., ubi de Chalcidico plura beatae memoriae Vir, Ioh. Scaliger, ὁ πάνσοφος.

2. *Cum porticibus*] Ex isto loco scribimus apud Suetonium, c. 29., quod fugit nos monere, *Addit porticus, cum bibliotheca Latina Graecaque*. Sic cod. Memmianus, Viterb. et Grolotii, non, ut vulgo, *Addita porticus*.

2. *Porticum ad Circum Flaminium, quem sum app. p.*] Leve mendum falsi notam Augusto inurit. Lege *quam*, et de porticu Cn. Octavii accipe, quam refecisse ait, et fuisse appellari veteri nomine. Ea fuit regione Urbis nona ad Circum Flaminium, ut hic Augustus narrat, et confirmat P. Victoris descriptio. Scribo deinde *Octaviam*, non *Octaviani*. Pulvinar Octaviani nusquam legi: nec puto sic accipiendum.

5. *Aedes in Capitolio Iovis Feretrii et Iovis Tonantis*] Hanc fecit primus: Suetonius, Dio. Illam vetustate dilapsam refecit. Livius lib. 4.

5. *Aedem Quirinis*] Barbare, pro *Quirini*. Dio in actis anni DCCXXXIX: Τὸν τοῦ Κυρίνου ναὸν καθιέρωσεν ἐκ καινῆς οἰκοδομήσας.

7. *Aedem deum Penatium in Velia*] Hanc quoque refecit, non fecit. Dionysius Halicarn. lib. 1. loquens de Penatibus: Νεὴς ἐν Ῥώμῃ δείκνυται τῆς ἀγορᾶς οὐ πρόσω, κατὰ τὴν ἐπὶ Καρίνας φέρουσιν ἐπίτομον ὁδὸν ἰδρυμένος, ὑπεροχῇ σκοτεινός, οὐ μέγας. Λέγεται δὲ κατὰ τὴν ἐπιχώριον γλῶτταν Οὐέλιναι τὸ χωρίον. Ita scribi debet hic locus: nam olim fallus sum, quum ex

vulgata lectione corrupta ὑπελαίλας, emendabam ὕπο-
παλαίλας. Nihil quidem inepti continet ea coniectura,
ut illa fatua quorundam et vesana hariolatio, quam re-
sultabamus: vera tamen non est. Varro de Vita populi
Rom. lib. 1. *Tullium Hostilium in Velis, ubi nunc
est aedes deum Penatum.* Meminit etiam Festus, in
voce *Mutium*.

9. *Sertorium et P.]* Lego *diribitorium*. Quod
mirandum aedificium ab Agrippa inchoatum, perfecit
post illius obitum Augustus, et publicavit, sine ulla no-
minis sui inscriptione. Lege Dionem in anno DCCLVII
lib. 55. Hoc nisi est, putem intelligi aliquam ex adstru-
endis aedibus Pompeiano theatro, de quibus fecimus men-
tionem ad c. 51. Ea aedificia saepe incensa, saepe re-
siliuta. Velleius de Tiberio: *Quam magnifico animi
temperamento, Cn. quoque Pompeii munera absumpta
igni restituit!*

11. *Duplicavi, fonte novo in rivum eius immisso]*
Iulius Frontinus de Aquaeductibus Urbis Romae: *Augu-
stus in supplementum Martiae quoties siccitates age-
rent, auxilio aliam aquam eiusdem bonitatis opere
subterraneo perduxit usque ad Martiae rivum, quae
ab inventore appellatur Augusta.*

23. *Quod suo nomine]* Quo refertur istud quod?
Manifestissime deest in fine superioris versus aliquid. Le-
go totam sententiam hoc modo: *Theatrum quoque sub
nomine M. Marcelli generi ex manubiis.* Suetonius:
*Quaedam opera sub nomine alieno fecit, ut thea-
trum Marcelli. Repete ex proximo, feci.* Nam ut
alii describunt nobis hoc marmor, minimum intervallum
relictum est vacuum ante vocem *manibus*. Quod eo li-
bentius amplector, quia necessario post hanc dictionem
apponenda alia est: aperte enim sequentia manca sunt
et claudicant.

24. *In Capitolio*] *Scrib. dona in Capitolio.*

25. *Quae mihi confliterunt circiter millenis auri coronari pondo, triginta quinque millium*] *Donaria Augusti partim ex auro conflata erant, partim margaritis geminisque maximae indicaturae ornata. Utrumque hic ab eo fuerat expressum: et auri, inquam, pondus, quod in ἀναθήματα impendisset, et pecunia, qua conflarent, tum manupretium, tum ornamenta alia. Auri ait fuisse circiter mille pondo: reliquam impensam triginta quinque millium: haec vero summa depravatissime et ineptissime notata est. Taceo, quod Latinitas eam lectionem non patitur. Omnino scripserat Augustus, XXXV HS., quod est, tricies quinquies HS., faber sculptor, vel is potius, qui Romae descripsit, et in numerorum interpretatione peccavit insulse, et in nota HS., quam putavit millenarii numeri esse indicem. Stabilimus hanc nostram et emendationem et interpretationem auctoritate Suetoniani loci, qui illi plane geminus est, c. 30. *Aedes sacras opulentissimis donis adornavit: utpote qui in cellum Capitolini Jovis sedecim millia pondo auri, gemmasque ac margaritas quingenties HS. una donatione contulerit.**

26. *Quotiescunque Imperatorem auri coronarium non accepi*] *Lego, quotiescunque Imperator sum appellatus, aurum coronarium non accepi. Moris veteris fuit, ut quotiescunque duces exercituum re feliciter gesta Imperatores salutarentur a suis, provinciae et sociae civitates ac reges dono darent illis coronas aureas, vel auri tot pondo: quod appellatum est aurum coronarium. Sub Imp. retenta est haec consuetudo: nam illi toties salutabantur Imperatores, quoties ipsorum auspiciis hostis insigni clade afficiebatur: vide quae notamus ad lib. 1. c. 76. et salutato aurum coronarium ex ritu offerebatur, non solum a provincialibus, sed etiam ab Italiae coloniis et municipiis:*

a quibus se non accepisse gloriatur Augustus. Dio in quinto consulatu Augusti lib. 51. Παρὰ τῶν πόλεων τῶν ἐν τῇ Ἰταλίᾳ τὸ χρυσίον τὸ τοῖς στεφάνοις προσήκον οὐκ ἐδέξατο. Simile est, quod narrat Spartianus de Hadriano, *Aurum coronarium Italiae remisit, in provinciis minuit.* Idem esse factum aliquando et a Iuliano, testis Ammianus Marcellinus.

58. *Tempus defunctarum Africanarum*] Non solum corrupta sunt ista, sed etiam mutila et perturbata. Sententia tamen non obscura: narrat enim magnificentiam suam in venationibus exhibendis. Qua de re libro singulari plura, ubi hunc locum tractamus. Fortasse autem scripserat Octavius: *Spectacula amplius mille ducentarum Africanarum*, ut in unam summam contrahatur numerus Africanarum, ad populi voluptatem exhibitarum. Quem quidem numerum, vereor, ne iusto minorem longe faciam, quum certum sit, unis aliquando ludis sexcentas Africanas Augustum exhibuisse: ut in commissione ludorum, quibus Marcelli theatrum dedicabat. Dio lib. 54. Καὶ τῇ πανηγύρει τῇ διὰ τοῦτο γενομένη καὶ θηρία λιθυνὰ ἑξακόσια ἀπεσφάγη.

49. *In templis*] Pridem quo ista pertinerent, indicavimus ad lib. 13. Strabonis. Notat diligentissimus ille scriptor de quibusdam signis furto Antonii sublati, ab Augusto restituti. Plinius quoque lib. 34. c. 8. *Fecit Myro et Apollinem, quem a Triumphiro Antonio sublatum restituit Ephesiis deus Augustus, admonitus in quiete.* Exemplum huius aequitatis a P. Scipione, quem Siculis ablata signa et Romam illata, restituisse Plutarchus scribit in Apophthegmatis. Εὐρών, αἶν, τῇ πόλιν ἀνδριάντων Ἑλληνικῶν καὶ ἀναθημάτων ἀπὸ Σικελίας μεστήν οὔσαν, ἐκήρυξε τοὺς ἀπὸ τῶν πόλεων παρόντας ἐπιγινώσκειν καὶ κομίζεσθαι.

51. *Statuae*] Adi. c. 52.; de iis enim statuis intelligit Augustus, de quibus ibi Tranquillus.

II, 1. *Mare pacavi a praedonibus*] Vide ad illa c. 98. *per illum se vivere: per illum navigare.*

54. *Regis Parthorum*] Pertinet ad missos obfides, et reddita signa a Parthis, quae M. Crasso et M. Antonio ademerant. Nota historia: supra c. 21.

III, 9. *A me gentes P . . thorum et Medorum*] *Parthorum et Med.* Loquebatur de Parthis et Medis, qui regem ab ipso petierunt. Strabo, Tacitus, Suetonius, Dio, alii.

Ne huic editioni aliquid deesset eorum, quae in *Casauboni* Suetonio reperirentur, etiam has in vetus Marmor animadversiones summi Viri repetere placuit. Verum scriptaë sunt eae ad tam vitiosum apographum lapidis, ut interdum difficile sit indagare verba in nostro exemplari, quae istis scripturae portentis respondeant. Nostrium enim exemplar diligenter expressum est ex eo, quod a *Tournesorto*, clarissimo peregrinatore Orientis, a. 1701 acceptum, edidit et illustravit *Edmundus Chishull* inter *Antiquitates Asiaticas, Christianam aeram antecedentes*, Lond. 1728. fol., quum plures post *Casaubonum*, imprimis *Jac. Gronovius*, in eo emendando supplendoque doctrinam et coniectandi artem varia fortuna experti essent. Dedimus autem operam, ut ex prolixo commentario *Chishulli* quam brevissime exciperemus omnia, quae ad rem pertinerent et studiosis utilia essent cognita. Illius enim diligentiae nihil admodum adici licet.

Tit. *Rerum gestarum — subiectum*] Titulus manum fatetur descriptoris nescio cuius, sed haud dubie antiquam, ut et ultimi 15 versus. *Res gestae Augusti* in Marmore inde ab a. U. 710 a. Chr. 44 deducuntur usque ad extremam vitam, ut numerus annorum com-

pleatur fere 57. Ceterum ex PILIS in hac inscriptione Lipsius ad Tac. Ann. 1, 11. non infeliciter coniecit apud Suet. Aug. c. 101. *in aeneis pilis, pro tabulis.*

I, 1. *Annos XIX natus*] Siquidem natus est Aug. a. U. 691. Ita eo anno, quo exercitum comparabat, a. 710, complevit mense Octobri annum aetatis 19. egebatque 20. Conf. Tac. Ann. 15, 6. Liv. epit. 119.

3. *Senatus decretis*] Praecipue eo, quod in Ciceronis sententiam factum est, de quo hic ipse Or. Phil. 5., ubi vide extrema. Conf. Dio Cass. 46, 29.

4. *Adlectus a Consulibus*] Vide auctt. laudatos ad Velleium 2, 61. in edit. Krausii.

6. *Me suffectum Consulem*] Suffectum scil. Panfae loco, a. 711. a. d. 14 Kal. Sept. (mense tum quidem Sextili.) Mox in. Novemb. cum Lepido et Antonio in primum quinquennium Triumvir factus, testis lapide Colot. ap. Grut. 289, 1.

8. *In exilium*] Vellei. 2, 69. ibique not. p. 358.

9. *Bellum inferentis*] Interfectores Caesaris. Vide Suet. Aug. c. 10. pr. et Intpp. ad Coelii epist. in Cic. ad Famil. 3, 8.

17. *Longas — sescentas*] Ex omnibus proeliis navalibus: ex uno Actiaco 300, ipso auctore ap. Plut. Anton. p. 947. E.

19. *Bis ovans*] Suet. c. 22.

19. *Viciens et semel*] Tac. Ann. 1, 9.

21. *Delmatis et Illuriis*] In fastis Pighii hic primus triumphus inscriptus est de *Iapydibus*. Vide Appian. Illyr. c. 16. ff.

25. *In deorum*] Suppl. *templis* una cum nota numeri, quam tamen nemo divinare potest.

II, 1. *Patritiorum* etc.] Sic distingue: *Patritiorum numerum auxi Consul V. iussu populi et Senatus. Senatum ter legi. Et in consulatu VI. censum populi, collega M. Agrippa, egi.* De novis patritiis

allectis a. 725 v. Tac. Ann. 11, 25. De lecto Senatu aa. 725. 735. 741. v. etiam Suet. c. 55. et de acto censu eundem c. 27. f. cum Dione 53, 1. et Euseb. Cliron. n. MDCCCCLXXXIX.

3. *Post annum XLI*] Inde ab a. 684., ubi novissimi Censores erant Cn. Lentulus et L. Gellius. Conf. Lips. Elect. 1, 27.

4. *Centum millia et — millia*] Rarior est haec cura repetendi numeri maioris, ob quam a Chishullo laudatur Moses Num. 2, 9. cum aliis locis Hebraicis.

6. *Censorino et Asinio Cos.*] Sic et alibi in lapidibus scriptum pro *Coss.* De re conf. Massoni Ianum refer. p. 281. Ad eundem a. 746 pertinet SC., quo mensis Sextilis accepit nomen Augusti, ex Macrobian. Sat. 1, 12. huc positum a Chishullo.

12. *Legibus novis*] Suet. c. 52. et 89. Tac. 3, 28. et 4, 16.

16. *Quattuor amplissima collegia*] Pontificum, Augurum, VIIvirovum, XVvirovum S. P. Conf. Dio 53, 1.

18. *Apud omnia pulvinaria*] Loquitur de supplicatione a. 731. Augusto XI. Consule.

23. *Aliquod post annos*] *Aliquod* pro *aliquot*, uti posithac *adque* pro *atque*; contra alibi *set*, *haut* etc. Hi *aliquot anni* sunt fere ab a. 718 — 741. Illo anno Lepidum, quem h. l. significat, sacerdotio et potestate exuit.

37. *Pro reditu meo*] Bis in tali occasione honores decreti sunt Augusto a. 729 et 740.

43. *Ter claudendum*] Vide ad Suet. c. 22.

44. *Quos sinistra fors mihi eripuit*] Conf. Suet. Tib. c. 23. Ad illos ornandos pertinent decreta Pisanorum, quae adhuc exstant, vulgo dicta *Cenotaphia Pisana*. Ceterum continuanda sunt legendo verba: *Caesares honoris mei causa* etc.

III, 7. *Plebei Romanae viritim*] Conf. Suet. Iul. c. 83. fin.

8. *Manibiis*] Ex Verrii etymo, *manibus*. Sed et aliis in vocibus *I* olim ponebatur pro *U*, ut *contubernalis*. Alia veteris seu rudioris scripturae exempla in hoc Marmore haec sunt: *confascrare*, pro *consecrare*; *incohare* pro *inchoare*; *fescenta* pro *sexcenta* etc.

10. *Iis* — *pernumeravi*] Int. *plebi Romanae*. Ut paullo post, *plebi quae acceperunt*.

12. *Tribunitia potestate duodecimum*] . A. 742. Conf. Ioseph. Antiqq. 16, 4.

12. *Quadringenos nummos*] Suet. c. 41. Obiter notabis, hic saepe scribi *nummum*, non *numum*, ut hodie solent plerique doctorum.

18. *Triumphale congiarium*] *Congiarium* h. l. de eo, quod tribuitur militibus.

24. *Sexsiens milliens*] Ex vestigio lacunae legendum potius videtur *sexfagesiens milliens*; etsi enormis summa est.

25. *Pro praediis*] Sic bene Chishull. v. Dio, 51, 4. Gronovius dederat *praediatoribus*; male Lipf. *Praetoribus*.

27. *Colonias militum*] Conf. ad Suet. c. 46.

28. *Ti. Neroni et Cn. Pisoni*] Ablativi, pro *Nerone*, *Pisone*. Sic in lapidibus *Labeoni* etc.

36. *Ex consilio*] Sive *Senatus*, s. *Maecenatis*, s. *Liviae*. Incertum, quid ex his supplendum sit.

38. *Tib. Caesaris nomine et meo*] Conf. Dio 55, 24. seq.

I, 1. *Continens ei chalcidicum*] H. e. chalcidicum curiae Iuliae coniunctum, *συνηχὲς αὐτῇ*. Chalcidicum h. l. Chish. aedificium putabat esse Minervae sacrum ob verba Dionis 51, 22., ubi v. Reimar. De ceteris Sueton. c. 29.

7. *Aedem Larum*] Intell. publicorum. Aedes haec ex collationibus facta ab Aug. Tribun. pot. XIX. a. 750. teste marmore ap. Grut. 106, 4.

10. *Rivos aquarum*] Eodem anno: v. Grut. 177, 1.

18. *Refeci*] H. e. reparavi, ne conciderent. Quamquam boni scriptores *reficere* etiam de aedibus collapsis ponunt aut incendio deletis, ut Suet. c. 30. De re Ovid. Fast. 2, 59.

29. *Aurum coronarium*] Conf. Dio 51, 21. *Coronarium* pro *gratuito*, vox honesta inde orta, quod olim apud Graecos publice privatimque coronae magni pretii dabantur honoris ergo: ita iam *aurum* non videbatur esse pro *mercede*.

35. *Quater — ter et vigiens*] Vide ad Sueton. c. 43.

38. *Quintos ludos saeculares*] A. 737, de quibus sunt scripta multorum, etiam recentia Gattereri et Beckii. Sed paullo probabilius in notis supplet Clish. *Ludos saeculares intermissos ante id tempus, deinde post CX annum, ut edicto monui, repetendos.*

43. *Navalis proeli spectaculum*] A. 752. v. Suet. c. 45. Nemus Caesarum (Caii et Lucii) idem est, quod Suet. Tib. c. 72. vocat *hortos naumachiae*.

49. *Ornamenta reposui*] Confirmat hoc Strabo 13. p. 595 (890) et 14. p. 637 (944).

50. *Is cum quo bellum gesseram*] Antonius. Nam nullo loco modestus vir nominat duces a se debellatos.

53. *Exque ea pecunia*] Suet. c. 52.

II, 1. *Mare pacavi a praedonibus*] Conf. Vellei. 2, 73. Int. de bello Siculo, contra Sex. Pompeium gesto, quod tamquam piratici nomine infamatur, infra *servilis*. Ceterum semel notandum est, eo signo, quod *praedonibus* adscriptum est, terminari et quasi coerceri interdum periodos, sed admodum inconstanter.

3. *Iuravit in mea verba tota Italia*] Conf. Suet. c. 17. de Bononiensibus.

9. *Omnium provinciarum*] Conf. Eutrop. 7, 5.

14. *Classis Romana*] Memorabilis cursus navigationis, de quo praeter Velleium 2, 106. videndus Plin. 2, 67.

17. *Amicitiam meam petierunt*! Vide Strab. 7. p. 295 (449). *Chariides* sunt iidem, qui *Harudes* scribuntur Caes. B. G. 1, 7.

19. *In Aethiopiam et in Arabiam*] Illuc per Petronium, huc per Aelium Gallum, amicum Strabonis, quem vide 16. p. 780 (1126) et 17. p. 820 (1175).

24.¹ *Interfecto rege eius Artaxia*] Haec concinnata sunt ex loco Tac. Ann. 2, 3. *Armenia inter Parthorum* etc. Conf. Suet. Tib. c. 9. Vellei. 2, 122.

33. *Ex parte magna*] Huc pertinent verba ap. Suet. c. 48. *praeter pauca*. De regnis ab Augusto reditis singulatim egit Noris. ad Cenot. Pis. p. 224 seqq. 1

38. *Deductas*] De numero v. Ern. ad Sueton. c. 46.

39. *Devictis legionibus*] Scil. quarum signa amissa erant, ut ex Velleio 2, 90. patet. Res clara est; at verba, ut saepe alibi, valde incerta.

40. *Trium exercituum*] Vid. Suet. c. 21. et Vell. 2, 91. impr. 82.

42. *In templo Martis Ultoris*] A. 734. Aliud templum Martis, supra IV, 21 memoratum, dedicavit Augustus a. 752. Hoc posterius fuit in foro Augusto, illud in Capitolio. v. Ovid. Fast. 5, 551 sqq.

44. *Pannoniorum gentes — subieci*] Vide Velleium 2, 96. Pertinet huc nobilis achates Musei Vindob., qui laetitiam Urbis ob devictas a Tiberio gentes Pannonicas repraesentat.

46. *Ad Isiri fluminis ripam*¹ Conf. Tac. Ann. 1, 11. et Agric. c. 13. Strab. 6. et 17. extr.

47. *Exercitus* etc.] Desperatae huic lacunae nuper operam criticam adhibuit V. C. Sainte - Croix, inscriptione Graeca per Pocockium edita usus, in libro Gallico: Magaz. encyclop. IV, 4. p. 91.

50. *Ex India*] A. 729 et 734. Conf. Suet. c. 21. Dio 54, 9., ubi v. Reim.; ad quem locum etiam pertinere videntur legationes Bastarnarum, Sarmatarum, Colchorum, Hiberorum.

54. *Tiridates*] Notus ex Horatio et Iustin. 42, 5., ex quo Chish. lacunam sic explet: *Tiridates obsidem ferens regis Phratis filium.*

III, 1. *Arta*] Fortasse, *Artabannus*. Cetera exciderunt regum externorum nomina, in his regis alicuius Britannorum.

4. *Filios suos nepotesque*] Plane consentit Strab. 6. p. 288 (441). Idem filios Phraatis quatuor nominat, sed corrupte, 16. p. 748 (1085) qui sunt *Saraspadanus, Rhodaspes, Phraates, Vonones.*

9. *Parthorum et Medorum*] De Medis tacent ceteri; de Parthis v. Tac. Ann. 2, 1.

15. *In consulatu VI. et VII.*] Conf. Dio 53, 2. sqq. et de provinciarum partitione Strabo XVII. f. fin.


16. *Me appellavit Augustum*] Suet. c. 7. et Censorin. c. 21. qui annum ponit 727.

24. *Tertium decimum*] Conf. Tac. Ann. 1, 9. Locus sic sere refarciendus: [*Susceptum a me*] *tertium decimum consulatus* [*magistratum*]. *Senatus et equester ordo populusque Rom. universus* [*prodiderunt*] *memoriae; idque in vestibulo aedium mearum inscribendum* [*iusserunt*] *et in foro Augusto* [*sub*] *quadrigas, quae mihi ex S. C. posita sunt.*

28. *Septuagesimum sextum*] A. 767. Conf. Sex. Pompeio et Sex. Appuleio, quos ipse memoravit supra II, 9. eodemque anno obiit Aug.

29. *Suuma pecuniae etc.*] Reliquiae hae sunt supplementorum, quibus aliquis monumentum augere voluit, repetitis etiam iis, quae IV princ. legebantur. Ad ult. versum de pecunia Equitibus data *Senatoribusque, quorum census explevit*, conf. Suet. c. 41.

STEMMA IULII CAESARIS.



STEMMA OCTAVII ET AUGUSTI.

C. Octavius

ex

Ancharia

—

Octaviam
maior.

Octaviam
minor.
nupl.

Atia

Octavianum Aug. duxit

Clodium Scriboniam Liviam

unde
Iulia

n.

C. Marcello

unde

Pompeio M.

M. Antonio Ill. viro

unde

M. Marcello. M. Agrippae. Tiberio

unde

M. Marcellus Marcella

Arg. gener.

defunctus.

n.

1. M. Agrippae

2. M. Iulio Antonio

3. Sext. Apuleio

Marcella

nino

n.

M. Valerio

Mellatae

unde

Valeria Mellata

Iulia Claudii

Imp. uxor.

Antonia mai.

n.

I. Domitio

Aenobarbo

—

Cn. Domitius

ex

Agrippina

Germ. f.

—

Neronem cuius ux

Antonia

min.

n.

Druso

Liviae f.

v. *Stemina*

Liviae.

C. Caesar. L. Caesar. Iulia. Agrippina min. Agrippa

n.

L. Aemilio

Paullo

unde

v. *Stemina*

Liviae.

Aemilia Lepida

n.

Iunio Siliano

M. Silanus

L. Silanus

L. Silanus

Iulia Calpurnia

Iulia Calpurnia

Iulia Calpurnia

Iulia Calpurnia

Iulia Calpurnia

Iulia Calpurnia

Propercia Sabina

—

Claudia Aug.

Octavia Claudii

—

Staiilia

Mellatina

M. Silanus

L. Silanus

L. Silanus

L. Silanus


Iulia Calpurnia

Iulia Calpurnia


Iulia Calpurnia

Iulia Calpurnia

STEMMA LIVIAE.



C. Rubellius Plautus
conjectura e Tac. Ann. 16, 10.



LL

S9449Wo

22450

Suetonius Tranquillus, Caius
Opera... cum Ernestii animadversionibus
... emendat. Casauboni... ed. by Wolf.
vol. 2.

DATE.

NAME OF BORROWER.

University of Toronto Library

DO NOT
REMOVE
THE
CARD
FROM
THIS
POCKET

Acme Library Card Pocket
LOWE-MARTIN CO. LIMITED

UTL AT DOWNSVIEW



D RANGE BAY SHLF POS ITEM C
39 15 29 04 06 018 7